

জাতীয় শিক্ষাক্রম ও পাঠ্যপুস্তক বোর্ড কর্তৃক ২০১৩ শিক্ষাবর্ষ থেকে  
সপ্তম শ্রেণির পাঠ্যপুস্তকরূপে নির্ধারিত

---

# বৌদ্ধধর্ম ও নৈতিক শিক্ষা

## সপ্তম শ্রেণি

### রচনা

ড. সুমন কাণ্ডি বড়ুয়া  
গীতাজ্জলি বড়ুয়া  
ড. বিমান চন্দ্র বড়ুয়া  
উত্তরা চৌধুরী

### সম্পাদনা

অধ্যাপক ড. দিলীপ কুমার বড়ুয়া

---

জাতীয় শিক্ষাক্রম ও পাঠ্যপুস্তক বোর্ড, বাংলাদেশ।

## জাতীয় শিক্ষাক্রম ও পাঠ্যপুস্তক বোর্ড

৬৯-৭০ মতিঝিল বাণিজ্যিক এলাকা, ঢাকা-১০০০  
কর্তৃক প্রকাশিত।

[প্রকাশক কর্তৃক সর্বস্বত্ব সংরক্ষিত]

প্রথম প্রকাশ : সেপ্টেম্বর, ২০১২  
পরিমার্জিত সংস্করণ : সেপ্টেম্বর, ২০১৪  
পুনর্মুদ্রণ : , ২০১৬

পাঠ্যপুস্তক প্রণয়নে সমন্বয়ক

মোঃ জিয়াউল হক  
আলেয়া আক্তার

প্রচ্ছদ

সুদর্শন বাহার  
সুজাউল আবেদীন

চিত্রাঙ্কন

তিতাস চাকমা

ডিজাইন

জাতীয় শিক্ষাক্রম ও পাঠ্যপুস্তক বোর্ড

কম্পিউটার কম্পোজ

কালার গ্রাফিক

সরকার কর্তৃক বিনামূল্যে বিতরণের জন্য

মুদ্রণে :

## প্রসঙ্গ-কথা

শিক্ষা জাতীয় উন্নয়নের পূর্বশর্ত। আর দ্রুত পরিবর্তনশীল বিশ্বের চ্যালেঞ্জ মোকাবিলা করে বাংলাদেশকে উন্নয়ন ও সমৃদ্ধির দিকে নিয়ে যাওয়ার জন্য প্রয়োজন সুশিক্ষিত জনশক্তি। ভাষা আন্দোলন ও মুক্তিযুদ্ধের চেতনায় দেশ গড়ার জন্য শিক্ষার্থীর অন্তর্নিহিত মেধা ও সম্ভাবনার পরিপূর্ণ বিকাশে সাহায্য করা মাধ্যমিক শিক্ষার অন্যতম লক্ষ্য। এ ছাড়া প্রাথমিক স্তরে অর্জিত শিক্ষার মৌলিক জ্ঞান ও দক্ষতা সম্প্রসারিত ও সুসংহত করার মাধ্যমে উচ্চতর শিক্ষার যোগ্য করে তোলাও এ স্তরের শিক্ষার উদ্দেশ্য। জ্ঞানার্জনের এই প্রক্রিয়ার তিতর দিয়ে শিক্ষার্থীকে দেশের অর্থনৈতিক, সামাজিক, সাংস্কৃতিক ও পরিবেশগত পটভূমির প্রেক্ষিতে দক্ষ ও যোগ্য নাগরিক করে তোলাও মাধ্যমিক শিক্ষার অন্যতম বিবেচ্য বিষয়।

জাতীয় শিক্ষানীতি-২০১০ এর লক্ষ্য ও উদ্দেশ্যকে সামনে রেখে পরিমার্জিত হয়েছে মাধ্যমিক স্তরের শিক্ষাক্রম। পরিমার্জিত এই শিক্ষাক্রমে জাতীয় আদর্শ, লক্ষ্য, উদ্দেশ্য ও সমকালীন চাহিদার প্রতিফলন ঘটানো হয়েছে, সেই সাথে শিক্ষার্থীদের বয়স, মেধা ও গ্রহণ ক্ষমতা অনুযায়ী শিখনফল নির্ধারণ করা হয়েছে। এ ছাড়া শিক্ষার্থীর নৈতিক ও মানবিক মূল্যবোধ থেকে শুরু করে ইতিহাস ও ঐতিহ্য চেতনা, মহান মুক্তিযুদ্ধের চেতনা, শিল্প-সাহিত্য-সংস্কৃতিবোধ, দেশপ্রেমবোধ, প্রকৃতি-চেতনা এবং ধর্ম-বর্ণ-গোত্র ও নারী-পুরুষনির্বিষেয়ে সবার প্রতি সমমর্যাদাবোধ জগ্নাত করার চেষ্টা করা হয়েছে। একটি বিজ্ঞানমনস্ক জাতি গঠনের জন্য জীবনের প্রতিটি ক্ষেত্রে বিজ্ঞানের স্বতঃস্ফূর্ত প্রয়োগ ও ডিজিটাল বাংলাদেশের রূপকল্প-২০২১ এর লক্ষ্য বাস্তবায়নে শিক্ষার্থীদের সক্ষম করে তোলার চেষ্টা করা হয়েছে।

নতুন এই শিক্ষাক্রমের আলোকে প্রণীত হয়েছে মাধ্যমিক স্তরের প্রায় সকল পাঠ্যপুস্তক। উক্ত পাঠ্যপুস্তক প্রণয়নে শিক্ষার্থীদের সামর্থ্য, প্রবণতা ও পূর্ব অভিজ্ঞতাকে গুরুত্বের সঙ্গে বিবেচনা করা হয়েছে। পাঠ্যপুস্তকগুলোর বিষয় নির্বাচন ও উপস্থাপনের ক্ষেত্রে শিক্ষার্থীর সৃজনশীল প্রতিভার বিকাশ সাধনের দিকে বিশেষভাবে গুরুত্ব দেওয়া হয়েছে। প্রতিটি অধ্যায়ের শুরুতে শিখনফল মুক্ত করে শিক্ষার্থীর অর্জিতব্য জ্ঞানের ইঙ্গিত প্রদান করা হয়েছে এবং বিভিন্ন কাজ, সৃজনশীল প্রশ্ন ও অন্যান্য প্রশ্ন সংযোজন করে মূল্যায়নকে সৃজনশীল করা হয়েছে।

বৌদ্ধধর্ম ও নৈতিক শিক্ষা পাঠ্যপুস্তকটি শ্রেণি উপবোগী বিষয় ও তথ্যে সমৃদ্ধ করা হয়েছে। শিক্ষার্থীদের পঠন-পাঠনে আগ্রহ সৃষ্টির লক্ষ্যে বিষয়বস্তুভিত্তিক চিত্র সন্নিবেশ করা হয়েছে। শিক্ষার্থীরা এই পাঠ্যপুস্তক পাঠ করে ধর্ম ও নৈতিকতার আদর্শে গভীরভাবে অনুপ্রাণিত হবে। মানুষে মানুষে ভেদাভেদ ভুলে গিয়ে সদাচরণ, সর্বজীবে দয়া, সংযম ও শীল অনুসরণে আগ্রহী হবে। গৌতম বুদ্ধের উপদেশ হৃদয়ঙ্গম করে শিক্ষার্থী তার সাংস ও আলোকিত জীবন গঠনে উদ্বুদ্ধ হবে। বানানের ক্ষেত্রে অনুসৃত হয়েছে বাংলা একাডেমি কর্তৃক প্রণীত বানাননীতি।

একবিংশ শতকের অজীকার ও প্রত্যয়কে সামনে রেখে পরিমার্জিত শিক্ষাক্রমের আলোকে পাঠ্যপুস্তকটি রচিত হয়েছে। শিক্ষাক্রম উন্নয়ন একটি ধারাবাহিক প্রক্রিয়া এবং এর ভিত্তিতে পাঠ্যপুস্তক রচিত হয়। সম্প্রতি যৌক্তিক মূল্যায়ন ও ট্রাই আউট কার্যক্রমের মাধ্যমে সংশোধন ও পরিমার্জন করে বইটিকে ত্রুটিমুক্ত করা হয়েছে – যার প্রতিফলন বইটির বর্তমান সংস্করণে পাওয়া যাবে।

পাঠ্যপুস্তকটি রচনা, সম্পাদনা, চিত্রাঙ্কন, নমুনা প্রশ্নাদি প্রণয়ন, পরিমার্জন ও প্রকাশনার কাজে যারা আন্তরিকভাবে মেধা ও শ্রম দিয়েছেন তাঁদের ধন্যবাদ জ্ঞাপন করছি। পাঠ্যপুস্তকটি শিক্ষার্থীদের আনন্দিত পাঠ ও প্রত্যাশিত দক্ষতা অর্জন নিশ্চিত করবে বলে আশা করি।

প্রফেসর নারায়ণ চন্দ্র সাহা

চেয়ারম্যান

জাতীয় শিক্ষাক্রম ও পাঠ্যপুস্তক বোর্ড, বাংলাদেশ

## সূচিপত্র

অধ্যায়	অধ্যায়ের শিরোনাম	পৃষ্ঠা
প্রথম	গৌতম বুদ্ধের নৈতিক শিক্ষা	১-১১
দ্বিতীয়	বন্দনা	১২-১৮
তৃতীয়	শীল	১৯-৩০
চতুর্থ	দান	৩১-৩৮
পঞ্চম	সূত্র ও নীতিগাথা	৩৯-৫২
ষষ্ঠ	আর্য অষ্টাঙ্গিক মার্গ	৫৩-৫৯
সপ্তম	ধর্মীয় আচার-অনুষ্ঠান ও উৎসব	৬০-৭৪
অষ্টম	চরিতমালা	৭৫-৮৩
নবম	জাতক	৮৪-৯৭
দশম	বৌদ্ধ ঐতিহ্য ও দর্শনীয় স্থান	৯৮-১০৮
একাদশ	বৌদ্ধধর্মে রাজন্যবর্ণের অবদান: সম্রাট অশোক	১০৯-১১৬



## প্রথম অধ্যায়

# গৌতম বুদ্ধের নৈতিক শিক্ষা

আজ থেকে আড়াই হাজার বছরেরও আগে মহামানব গৌতম বুদ্ধ জন্মগ্রহণ করেন। রাজা শুশোধন এবং রানি মহামায়া ছিলেন তাঁর পিতা-মাতা। মানুষের দুঃখমুক্তির উপায় অন্বেষণের জন্য তিনি রাজপ্রাসাদ, পিতা-মাতা, স্ত্রী-পুত্র, ভোগ-বিলাস ত্যাগ করে সন্ন্যাস জীবন অবলম্বন করেন। সুদীর্ঘ ছয় বছর কঠোর সাধনায় তিনি লাভ করেন বোধিজ্ঞান, খ্যাত হন ‘বুদ্ধ’ নামে। তিনি আবিষ্কার করেন চারি আৰ্যসত্য, দুঃখ নিরোধের উপায় আৰ্য অষ্টাঙ্গিক মার্গ এবং জন্ম-মৃত্যুর কারণ প্রতীত্যসমুৎপাদ তত্ত্ব। সর্ব প্রাণীর কল্যাণের জন্য তিনি প্রচার করেন তাঁর ধর্ম-দর্শন। তাঁর প্রতিটি ধর্মবাণী মানুষকে নৈতিক জীবনযাপনে উদ্বুদ্ধ করে। সংযমী, আদর্শবান এবং মানবিক গুণাবলি সম্পন্ন মানুষ গড়ে তোলাই বুদ্ধের নৈতিক শিক্ষার মূল লক্ষ্য। এ অধ্যায়ে আমরা গৌতম বুদ্ধের নৈতিক শিক্ষা সম্পর্কে অধ্যয়ন করব।

### এ অধ্যায় শেষে আমরা-

- \* বুদ্ধ নির্দেশিত নৈতিকতা ব্যাখ্যা করতে পারব।
- \* দৈনন্দিন জীবনে বুদ্ধের নৈতিক শিক্ষার প্রভাব ব্যাখ্যা করতে পারব।
- \* নৈতিক আচরণের সফল ব্যাখ্যা করতে পারব।

## পাঠ : ১

### নৈতিকতা ও শীল পাশন

‘নীতি’ থেকে ‘নৈতিকতা’ শব্দের উৎপত্তি। ‘নৈতিকতা’ হলো নিয়মনীতি মেনে চলে সুখ্ণ্ডল ও সং জীবনযাপন করা। বৌদ্ধধর্মে নৈতিকতার ওপর অধিক জোর দেওয়া হয়েছে। গৌতম বুদ্ধ তাঁর অনুসারীদের সংযত, আদর্শ এবং নৈতিক জীবনযাপনের নির্দেশ দিয়েছেন। এজন্য তিনি অনেকগুলো নিয়মনীতি বা বিধি-বিধান প্রবর্তন করেছেন। বৌদ্ধ পরিভাষায় এসব নৈতিক বিধি-বিধানকে শীল বলা হয়।

‘শীল’ শব্দের অর্থ হলো স্বভাব বা চরিত্র। আবার নিয়ম, শৃঙ্খলা প্রভৃতিও শীল অর্থে ব্যবহৃত হয়। শীল মানবিক গুণাবলি সম্পন্ন চরিত্র গঠনে সহায়তা করে। প্রাণী হত্যা, চুরি, ব্যভিচার, মিথ্যা ভাষণ এবং নেশাদ্রব্য গ্রহণ প্রভৃতি হতে বিরত রাখে। কায়, মন এবং বাক্য সংযত করে। মনের কলুষতা দূর করে। নৈতিক জীবনযাপনে উদ্বুদ্ধ করে। মানবিক গুণাবলির বিকাশ সাধন করে। তাই বৌদ্ধরা শীল পালনের মাধ্যমে নিজের আচরণ সংযত করে নৈতিক ও মানবিক গুণাবলি চর্চা করে। যাঁরা শীল পালন করেন তাঁরা শীলবান নামে অভিহিত হন। শীলবান ব্যক্তি সর্বত্র পূজিত হন। প্রভূত যশ-খ্যাতির অধিকারী হন। বুদ্ধ বলেছেন, ‘ফুলের সৌরভ কেবল বাতাসের অনুকূলে প্রবাহিত হয়। কিন্তু শীলবান ব্যক্তির যশ-খ্যাতি বাতাসের অনুকূল এবং প্রতিকূল উভয় দিকে প্রবাহিত হয়।’ শীলবান ব্যক্তি দয়াশীল, ক্ষমাপরায়ণ, দানপরায়ণ, সেবাপরায়ণ এবং পরোপকারী হন। তাঁদের চিত্ত উদার হয়। তাঁরা সর্বদা কুশলকর্ম সম্পাদন করেন। তাঁরা কখনো মানুষের ক্ষতি সাধন করেন না। তাঁরা মানুষকে নৈতিক জীবনযাপনের উপদেশ দেন এবং উৎসাহিত করেন। শীলবান ব্যক্তি ইহকাল এবং পরকাল উভয়কালেই সুখ লাভ করেন।

পরিশেষে বলা যায়, নৈতিকতা এবং শীল পরম্পর সম্পর্কযুক্ত। শীল পালন ব্যতীত নৈতিকতার বিকাশ সম্ভব নয়।

### অনুশীলনমূলক কাজ

শীল ও নৈতিকতা বলতে কী বোঝ?

শীলবান ব্যক্তির জীবন কেমন হয় বর্ণনা কর।

শীলবান ব্যক্তির যশ-খ্যাতি এবং ফুলের সৌরভের মধ্যে পার্থক্য কী দেখ।

পাঠ : ২

### গৌতম বুদ্ধ ও নৈতিকতা


গৌতম বুদ্ধের জীবন নৈতিক ও মানবিক গুণাবলিতে ভরপুর। তিনি জন্ম-জন্মান্তরে দশ পারমীর চর্চা করে নৈতিক চরিত্রের উৎকর্ষতা সাধনপূর্বক বুদ্ধত্ব লাভ করেছেন। তিনি শুধু নিজেই নৈতিক জীবনযাপন করেননি, তাঁর শিষ্য-প্রশিষ্য এবং অনুসারীদেরও নৈতিক জীবনযাপনের শিক্ষা দিয়েছেন। নৈতিকতা ছিল তাঁর ধর্মবাণীর মূল ভিত্তি। নিচে গৌতম বুদ্ধের জীবনে নৈতিকতা প্রদর্শনের দুটি ঘটনা এবং নৈতিক উপদেশ সম্পর্কে জানব।

### কাহিনী : ১

গৌতম বুদ্ধ জন্ম-জন্মান্তরে নৈতিক জীবনযাপন করেছেন। কোনো বাধা-বিঘ্নই তাঁকে নৈতিকতার আদর্শ হতে ছুঁত করতে পারেনি। বুদ্ধত্ব লাভের পূর্বে তিনি বোধিসত্ত্ব অবস্থায়ও নৈতিক জীবনযাপন করে মানবিক কর্ম সম্পাদন করতেন। এখন এরূপ একটি কাহিনী পাঠ করব।

অতীতে বোধিসত্ত্ব মগধ রাজ্যের মচল গ্রামের এক মহাকূলে জন্মগ্রহণ করেছিলেন। তাঁর নাম ছিল মঘ কুমার। বড় হলে লোকে তাঁকে ‘মঘ মানবক’ নামে ডাকত। মচল গ্রামে সে সময় ত্রিশ ঘর লোক বাস করত। মঘ মানবক গ্রামবাসীর কল্যাণে সর্বদা নিয়োজিত থাকতেন। সেই গ্রামের যুবকগণ হত্যা, চুরি, মিথ্যাচার, ব্যভিচার, নেশাদ্রব্য সেবন প্রভৃতি অপকর্মে লিপ্ত ছিল। মঘ মানবক তাদের কুশলকর্ম করার জন্য সংগঠিত করেন। এদের নিয়ে তিনি গ্রামের রাস্তাঘাট নির্মাণ, মেরামত ও পরিষ্কার-পরিচ্ছন্ন করতেন। সেতু নির্মাণ করতেন। রাস্তার খাদে আটকে যাওয়া গাড়ির চাকা ওঠাতে সাহায্য করতেন। পুঙ্করিণী খনন, বৃক্ষরোপণ, জমিচাষের জন্য জলাধার ও ধর্মশালা নির্মাণ প্রভৃতি

জনহিতকর কাজ করতেন। দানাদি পুণ্যকর্ম সম্পাদন করতেন। যুবকগণ বোধিসত্ত্বের উপদেশমতো সকল প্রকার অকৃশলকর্ম পরিত্যাগ করে পঙ্কশীল পালন করতে শুরু করেন। কলে গ্রামে হত্যা, চুরি, ব্যভিচার, মিথ্যাচার, নেশা সেবন ইত্যাদি অপরাধ বন্ধ হয়ে যায়। তখন গ্রামের গ্রামপ্রধান ভাবলেন, 'আগে যুবকেরা নেশা খেয়ে মারামারি, কাটাকাটি করত। এতে নেশাদ্রব্যের ব্যবসা এবং জরিমানা দ্বারা আমার অনেক আয় রোজগার হতো। এখন বোধিসত্ত্বের নৈতিক শিক্ষার কারণে আমার আয়-রোজগার বন্ধ হয়ে গেল।' এরূপ ভেবে তিনি ক্ষুব্ধ হয়ে প্রতিশোধ নেওয়ার সংকল্প করলেন।



যুবকগণ সাঁকো মেয়ামত করছে

একদিন গ্রামপ্রধান রাজার কাছে গেলেন। তিনি বোধিসত্ত্ব ও যুবকদের বিরুদ্ধে রাজার নিকট নাগিশ করলেন, 'মহারাজ! গ্রামে একদল ডাকাতি জুটেছে; তারা লুটপাট ও নানা উপদ্রব করে বেড়াচ্ছে।' রাজা গ্রামপ্রধানের কথা শুনে তাদের ধরে আনার নির্দেশ দিলেন। রাজার আদেশে গ্রহরীপণ বোধিসত্ত্ব ও যুবকদের বন্দী করে আনল। রাজা তাদের কোনো কথা না শুনাই হাতিরা পায়ের তলায় পিষ্ট করে মারার নির্দেশ দিলেন। গ্রহরীরা বন্দীদের রাজপ্রাসাদের সামনে রাস্তায় হাত-পা বেঁধে ফেলে রেখে হাতি আনতে গেল। তখন বোধিসত্ত্ব তাঁর সঙ্গীদের বলতে লাগলেন, 'ভাইগণ! শীলগুণ স্মরণ করে মৈত্রী ভাবনা কর। গ্রামপ্রধান, রাজা ও হস্তী কারও প্রতি ক্ষুব্ধ হর্যো না, সকলেই আমাদের প্রিয়জন।' এদিকে তাঁদের পিষ্ট করার জন্য হাতি আনা হলো। কিন্তু মাহুত বারবার চেষ্টা করেও হাতিকে বন্দীদের কাছে নিয়ে যেতে পারল না। হাতি বন্দীদের দেখামাত্র বিকট শব্দ করতে করতে পালিয়ে গেল। তাদের হত্যা করার জন্য আরও হাতি আনা হলো। সেই হাতিগুলোও একইভাবে পালিয়ে গেল। রাজা ভাবলেন, নিশ্চয়ই বন্দীদের কাছে এমন কোনো ঔষধ আছে যার জন্য হাতিগুলো কাছে যেতে পারছে না। কিন্তু অনুসন্ধান করে তাদের নিকট কোনো

ঔষধ পাওয়া গেল না। তখন রাজার মনে হলো তারা মন্ত্র প্রয়োগ করছে। অতঃপর রাজা তাদের জিজ্ঞাসা করলেন, তোমরা কি কোনো মন্ত্র প্রয়োগ করছ? বোধিসত্ত্ব বললেন, হ্যাঁ মহারাজ! আমরা মন্ত্র প্রয়োগ করছি বটে। রাজা মন্ত্র জানতে চাইলে বোধিসত্ত্ব বললেন, 'আমরা অন্য কোনো মন্ত্র জানি না। তবে আমরা প্রার্থী হত্যা করি না। চুরি করি না। রূপখেঁ চলি না। মিথ্যা বলি না। সুরাপান করি না। জনহিতকর কাজ করি। সকলের প্রতি মৈত্রী প্রদর্শন করি। যথাসাধ্য দান করি। পুঙ্করিণি খনন করি। ধর্মশালা নির্মাণ করি। এবুপ নানা জনহিতকর কাজ করি। অপরের ক্ষতি হয় এবুপ কাজ করি না। অপরকে কষ্ট দিই না। এই আমাদের মন্ত্র। এই আমাদের শক্তি। মৈত্রী ভাবনা আমাদের মূল মন্ত্র।'

এ কথা শুনে রাজা খুবই প্রসন্ন হলেন। তিনি বোধিসত্ত্ব ও যুবকদের নৈতিক ও জনহিতকর কাজের প্রশংসা করে পুরস্কৃত করলেন।

### কাহিনী : ২

বুদ্ধের লাভের পর পৌত্তম্য বুদ্ধ পঁয়তাল্লিশ বছর সকল প্রাণীর দুঃখমুক্তির জন্য ধর্ম প্রচার করেন। এসময় তিনি ধর্ম প্রচারের পাশাপাশি সকল প্রাণীর সেবা ও কল্যাণে নিজেকে নিয়োজিত রাখতেন। তাঁর শিষ্য-প্রশিষ্য এবং অনুসারীদের নৈতিক ও মানবিক কর্ম সম্পাদনের উপদেশ দিতেন। এখানে আমরা বুদ্ধের জীবনে নৈতিকতা প্রদর্শনের একটি কাহিনী পাঠ করব।



### বুদ্ধ চর্মরোগী ভিক্ষুর সেবা করছেন

একটি ছোট বিহারে কয়েকজন ভিক্ষু থাকতেন। সেই বিহারে ভিক্ষু নামে একজন ভিক্ষু ছিলেন, যার সাথে কারও সদ্ভাব ছিল না। সবাই তাঁকে এড়িয়ে চলতেন। একবার তিনি জীষণ চর্মরোগে আক্রান্ত হন। তাঁর গারের ক্ষত থেকে দুর্গন্ধ ছড়াতে লাগল। এরকম যন্ত্রণাকাতর অবস্থায়ও তাঁর সেবায় কেউ এগিয়ে এলো না। হঠাৎ বুদ্ধ এ বিহারে

আগমন করলে সেবা-শুশ্রূষাবিহীন মারাত্মক রোগাক্রান্ত এ ভিক্ষুকে দেখেন। বুশ্ণ নিজেই সঙ্গে সঙ্গে তাঁর সেবায় লেগে যান।

তিনি সেবক আনন্দকে নিয়ে নিজ হাতে রোগীর ক্ষতস্থান পরিষ্কার করেন। তাঁকে দ্বন্দ্ব করান। তারপর গা মুছিয়ে পরিষ্কার বিছানায় শুইয়ে দেন। বুশ্ণ বিহারের ভিক্ষুদের ডেকে রোগাক্রান্ত ভিক্ষুকে সেবা না করার কারণ জিজ্ঞাসা করেন। বুশ্ণ তাঁদের কাছ থেকে সমস্ত ব্যাপার শুনেন খুব অসঙ্কুচিত হন। তিনি তাঁদের আচরণকে অনৈতিক ও অমানবিক বলে তিরস্কার করেন এবং হিংসা-বিদ্বেষ পরিত্যাগ করার উপদেশ দেন। অতঃপর তিনি তাঁদের বললেন, 'দরিদ্রের সহায় হওয়া, অরক্ষিতকে রক্ষা করা, রোগীর সেবা করা, মোহচ্ছন্নকে মোহমুক্ত করা সকলের নৈতিক কর্তব্য।' তিনি আরও বললেন, 'এ জগতে মাতা-পিতা, শ্রমণ-ব্রাহ্মণ, আর্তপীড়িত এবং গুরুজনের সেবায় সুখ লাভ করা যায়।'

উপদেশ দানের পর বুশ্ণ ভিক্ষুদের জন্য নিয়ম প্রবর্তন করলেন: অসুখের সময় শিষ্য গুরুর, গুরুর শিষ্যের, সতীর্থ সতীর্থের সেবা করবে।

### গৌতম বুশ্ণের নৈতিক উপদেশ

বুশ্ণ ধর্ম-দেশনার সময় অনেক নৈতিক উপদেশ দান করেছেন। এগুলো ত্রিপিটকের গ্রন্থসমূহে সংকলিত আছে। নিচে বুশ্ণের কিছু নৈতিক উপদেশ তুলে ধরা হলো :

১. মৈত্রী ঘারা ক্রোধকে জয় করবে। অসাধুকে সাধুতা ঘারা জয় করবে। কৃপণকে দান ঘারা জয় করবে। আর মিথ্যাবাদীকে সত্য ঘারা জয় করবে।
২. মা যেমন তার একমাত্র পুত্রকে নিজের জীবন দিয়ে রক্ষা করে থাকে, সেবুপ সকল প্রাণীর প্রতি অপ্রমেয় মৈত্রীভাব পোষণ করবে।
৩. রাগের সমান অগ্নি নেই। ঘেঘের সমান ধ্বংসকারী নেই। মোহের সমান জাল নেই। ভৃক্ষার সমান নদী নেই। তাই রাগ-ঘেঘ-মোহ ও ভৃক্ষা পরিত্যাগ করতে হবে।
৪. দন্ড এবং মৃত্যুকে সকলেই ভয় করে। জীবন সকলেরই প্রিয়। তাই সকলকে নিজের সাথে তুলনা করে আঘাত কিংবা হত্যা করবে না।
৫. পাপী মিত্র ও অধম ব্যক্তির সংসর্গ না করা উচিত। কল্যাণমিত্র এবং সাধু ব্যক্তির সংসর্গ করবে।
৬. আরোগ্য পরম লাভ, সঙ্কুচি পরম ধন, বিশ্বাস পরম জ্ঞাতি, নির্বাপ পরম সুখ।
৭. বহুসত্য বিষয়ে জ্ঞান লাভ করা, বহুশিল্প শিক্ষা করা, বিনয়ে সুশিক্ষিত হওয়া, মিথ্যা ও বৃথা বাক্য ত্যাগ করে সুভাষিত বাক্য বলাই উত্তম মঙ্গল।
৮. মাতা-পিতার সেবা করা, স্ত্রী-পুত্রের উপকার সাধন করা এবং নিম্পাপ ব্যবসা বাণিজ্য ঘারা জীবিকা নির্বাহ করা উত্তম মঙ্গল।

৯. মুর্খের সেবা না করা, পণ্ডিত ব্যক্তির সেবা করা এবং পূজনীয় ব্যক্তির পূজা করা উত্তম মঞ্জল।
১০. দুর্দমনীয়, চঞ্চল, যথেষ্ট বিচরণশীল চিত্তকে দমন করাই মঞ্জলজনক। সংযত চিত্তই সুখের কারণ।
১১. সঠিকপথে পরিচালিত চিত্ত যতটুকু উপকার করতে পারে মাতা-পিতা বা আত্মীয় স্বজনও তা করতে পারে না।
১২. জ্ঞানী ব্যক্তির ছয়, অজ্ঞানী ব্যক্তির পরাজয় ঘটে। ধর্মানুরাগী জয়ী হন কিন্তু ধর্ম হিংসাকারীর পরাজয় ঘটে।
১৩. ক্রোধ সংবরণ কর। অহংকার পরিত্যাগ কর। সকল বন্ধন অতিক্রম কর। নাম-রূপে অনাসক্ত ব্যক্তি দুঃখে পতিত হন না।
১৪. নিজেকে নিজের জ্ঞান কর্তা। অন্য কেউ নয়। নিজেকে সুসংযত করতে পারলে মানুষ নিজের মধ্যেই দুর্লভ আশ্রয় লাভ করতে পারে।
১৫. চন্দন, টগর, পদ্ম অথবা চামেলি ফুলের সুগন্ধও চরিত্রবান ব্যক্তির সৌরভকে অতিক্রম করতে পারে না।
১৬. অল্প বুদ্ধিসম্পন্ন মুর্খেরা দুঃখদায়ক পাশ কাজের দ্বারা নিজেকে নিজের শত্রুতে পরিণত করে।

### অনুশীলনমূলক কাজ

ওপরে বর্ণিত নৈতিক উপদেশ ছাড়া আরও পাঁচটি নৈতিক উপদেশ লেখ।  
তোমর এলাকায় একটি জনহিতকর কাজ কীভাবে করা যায় পরিকল্পনা কর।  
হিংসা নয়, আত্মপীড়িতের সেবাই মঞ্জল - ব্যাখ্যা কর।

### পাঠ : ৩

#### দৈনন্দিন জীবনে নৈতিকতা অনুশীলন

মানুষ প্রতিদিন নানা কাজ করে জীবিকা নির্বাহ করে। জগতে ভালো কাজ যেমন আছে, তেমনই মন্দ কাজও আছে। ভালো কাজ মঞ্জলজনক এবং প্রশংসনীয়। ভালো কাজ শান্তি প্রতিষ্ঠা করে, অপরের মঞ্জল সাধন করে। অপরদিকে মন্দ কাজ ক্ষতিকর এবং নিন্দনীয়। মন্দ কাজ অশান্তি সৃষ্টি করে, অপরকে কষ্ট দেয়। তাই ভালো কাজগুলো নৈতিক এবং মন্দ কাজগুলো অনৈতিক কাজ হিসেবে অভিহিত। সত্যভাষণ, পরোপকার, সেবা, দান, মৈত্রীভাব পোষণ, সংবাগ্য প্রভৃতি নৈতিক কাজ। যাঁরা নৈতিক কাজ করেন তাঁদের নীতিবান বলা হয়। অপরদিকে হত্যা, অদস্ত বন্ধু



গ্রহণ, ব্যতিচার, মাদকদ্রব্য সেবন, মিথ্যা ও কর্কশ বাক্য ভাষণ, প্রতারণা, ক্ষতিকর ও নিষিদ্ধ দ্রব্য বাণিজ্য প্রভৃতি অনৈতিক কাজ। যারা অনৈতিক কাজ করে তাদের নীতিহীন বলা হয়।

দেশের আইনে এবং ধর্মীয় বিধি-বিধানের মদ কাজ পরিত্যাগ এবং ভালো কাজ সম্পাদন করার নির্দেশনা আছে। দেশের আইনে মদ কাজের জন্য শাস্তির বিধান রাখা হয়েছে। যেমন : চুরি একটি মদ কাজ ও সামাজিক অপরাধ। দেশের আইনে চুরি করলে কারদণ্ড ও অর্থ দণ্ড ভোগ করতে হয়। ধর্মগ্রন্থ মতে, মদ কাজ করলে মানুষকে নরক যন্ত্রণা ভোগ করতে হয়। মদ কাজ ও মদ ব্যক্তিকে সবাই ঘৃণা করে। মদ ব্যক্তি সর্বত্র নিন্দিত হয়। কিন্তু মানুষ লোভ-বেশ-মোহ বশত এবং নিজের লাভ ও সুবিধার জন্য মদ কাজ করে। মদ ব্যক্তি সমাজে নানারকম বিশৃঙ্খলা ও অশান্তি সৃষ্টি করে। মদ ব্যক্তি বিবেকহীন। বিবেকহীন ও নীতিহীন মানুষ পশুর সমান। নৈতিকতা হচ্ছে ভালো ও মদ কাজের মধ্যে পার্থক্য নিরূপণের মানদণ্ড। নৈতিকতার অভাবের কারণেই মানুষ মদ কাজ করে। মদ কাজ পরিত্যাগ্য। তথাগত বুদ্ধ নৈতিকতা অনুশীলনে সর্বাধিক গুরুত্ব দিয়েছেন। তাই তিনি সকল প্রকার পাপকর্ম হতে বিরত থেকে কুশলকর্ম সম্পাদন এবং নিজ চিত্ত বিশুদ্ধ করার উপদেশ দিয়েছেন।

নীতিবান মানুষ মদ কাজ পরিত্যাগ করে ভালো কাজের মাধ্যমে জীবিকা নির্বাহ করে। সমাজে শান্তি প্রতিষ্ঠা করতে হলে দৈনন্দিন জীবনে নৈতিকতা অনুশীলন করা একান্ত প্রয়োজন। দৈনন্দিন বিভিন্ন কর্মকাণ্ডের মাধ্যমে আমরা নৈতিকতা চর্চা করতে পারি। যেমন : মাতা-পিতা, শিক্ষক এবং গুরুজনের প্রতি শ্রদ্ধা প্রদর্শন, তাঁদের আদেশ-উপদেশ মেনে চলা, অর্পিত দায়িত্ব সঠিকভাবে পালন করা, সত্যভাষণ করা, নিজের কাজ নিজে করা, পরদ্রব্য না বলে বা না দিলে গ্রহণ না করা, পর দ্রব্যের প্রতি লোভ না করা, মাদকদ্রব্য সেবন না করা, সহপাঠীদের সঙ্গে সদাচরণ করা, বিপদগ্রস্তকে সাহায্য করা, অভাবগ্রস্তকে দান করা, আত্মসিদ্ধির সেবা করা, পরোপকার করা, প্রতিবেশীর সঙ্গে সদাচরণ করা ও সম্ভাব্য বজায় রাখা, অপরকে কষ্ট না দেওয়া, অপরের ক্ষতি হয় এমন কাজ নিজে না করা এবং অপরকে না করলে উৎসাহ প্রদান করা প্রভৃতির মাধ্যমে দৈনন্দিন জীবনে নৈতিকতা অনুশীলন করা যায়। শ্রেণিকক্ষেও নৈতিকতা অনুশীলন করা যায়। যেমন : শিক্ষকের উপদেশমতো মনোযোগ সহকারে লেখা পড়া করা; সহপাঠীর বই, খাতা, কলম, পেন্সিল প্রভৃতি না বলে না নেওয়া; সহপাঠীকে আঘাত ও কষ্ট না দেওয়া; মিথ্যা দোষারোপ না করা, গরিব বন্ধুকে শিক্ষা উপকরণ ও অর্থ দিয়ে সাহায্য করা; নিজে খারাপ কাজ না করা এবং অপরকে খারাপ কাজ থেকে বিরত থাকতে উৎসাহিত করা ইত্যাদি। ধর্মীয় অনুশাসন পালনের মাধ্যমে এসব নৈতিক গুণাবলি অর্জন করা যায়। পঞ্চশীল, অষ্টশীল, আর্ষ অর্ধাঙ্গিক মার্গ প্রভৃতি অনুশীলনের মাধ্যমে নীতিবোধ জন্মত হয়। বুদ্ধের সময় বৃজি বা বজ্জি বংশীয় লোকেরা অত্যন্ত নীতিপরায়ণ ছিলেন। বুদ্ধ বজ্জিদের কতকগুলো নৈতিক উপদেশ প্রদান করেছিলেন। সেই উপদেশগুলোকে সন্ত অপরিহার্যীয় ধর্ম বলা হয়। উপদেশগুলো প্রদানকালে বুদ্ধ বলেছিলেন, 'যতদিন বজ্জিগণ এ সকল নৈতিক উপদেশ অনুসরণ করে জীবনযাপন ও রাজ্য পরিচালনা করবে ততদিন তাঁদের পরাজয় হবে না। উত্তরোত্তর তাঁদের সুখ, শান্তি ও সমৃদ্ধি বৃদ্ধি পাবে।' কথিত আছে যে, 'যতদিন পর্যন্ত বজ্জিগণ বুদ্ধের সেই উপদেশ পালন করেছিলেন ততদিন পর্যন্ত তাঁদের কেউ পরাজিত করতে পারেনি।' এ থেকে বোঝা যায় দৈনন্দিন জীবনে নৈতিকতা অনুশীলনের প্রয়োজনীয়তা অপরিসীম।

### অনুশীলনমূলক কাজ

শ্রেণিকক্ষে তুমি কীভাবে নৈতিকতা অনুশীলন করতে পার লেখ।

## পাঠ : ৪

## নৈতিকতা অনুশীলনের সুফল

নৈতিকতা অনুশীলনের মাধ্যমে অনেক সুফল অর্জন করা যায়। নৈতিকতা অনুশীলনে মানবিক গুণাবলি বিকশিত হয়। নীতিবান ব্যক্তি ন্যায়পরায়ণ, দায়িত্বশীল, পরোপকারী, সেবাপরায়ণ, সহনশীল, নির্লোভ, সংযমী, ক্ষমাপরায়ণ, মৈত্রীপরায়ণ, সত্যবাদী এবং আত্মবিশ্বাসী হন। এসব নৈতিক গুণের অভাবেই সমাজে অন্যায় অশান্তি বিরাজ করে। সকল পেশার লোক নীতিবান হলে সমাজ থেকে অন্যায় ও অশান্তি দূর হবে। সমাজে সুখ, শান্তি ও ন্যায় প্রতিষ্ঠা হবে। নীতিবান ব্যক্তি ব্যভিচার, অধিকারহীন অর্থ বিত্ত, নেশাদ্রব্য, সঙ্গী, মূর্খ সঙ্গী ইত্যাদি বর্জন করেন। তিনি সর্বদা কুশলকর্ম সম্পাদন করেন। পরের মঙ্গল সাধনে তিনি নিজেকে উৎসর্গ করেন। তাঁর দ্বারা পরিবার, সমাজ ও দেশ উপকৃত হয়। তাই সকলে নীতিবান ব্যক্তিকে ভালোবাসে, শ্রদ্ধা ও বিশ্বাস করে। সকলে তাঁর প্রশংসা করে। তিনি সর্বত্র পূজিত হন। তাঁর যশ-খ্যাতি চারিদিকে ছড়িয়ে পড়ে।

নীতিবানকে বৌদ্ধ পরিভাষায় শীলবান বলা হয়। বুদ্ধ শীলবান ব্যক্তির অনেক প্রশংসা করেছেন। নৈতিকতা বা শীলপালনের সুফল অনেক। যেমন :

১. শীল পালনের ফলে শীলবান ব্যক্তি প্রভূত ধন সম্পদ অর্জন করেন;
২. তাঁর সুকীর্তি সর্বত্র ছড়িয়ে পড়ে;
৩. তিনি নিঃসঙ্কোচে ও নির্ভয়ে সর্বত্র উপস্থিত হতে পারেন;
৪. মৃত্যুকালে তাঁর চিত্ত ভ্রম না হয়ে সজ্ঞানে মৃত্যু হয় এবং
৫. তিনি মৃত্যুর পর স্বর্গ ও নির্বাণ লাভ করেন।

তাই নৈতিকতার সুফল বিবেচনা করে সকলের তা অনুশীলন করা উচিত।

## অনুশীলনমূলক কাজ

নৈতিকতা অনুশীলনকারী ব্যক্তির মানবিক গুণাবলি বর্ণনা কর।

## অনুশীলনী

## শূন্যস্থান পূরণ

১. শীল মানবিক গুণাবলি সম্পন্ন .....গঠনে সহায়তা করে।
২. শীলবান ব্যক্তি সর্বত্র পূজিত হন। প্রভূত .....অধিকারী হন।
৩. গৌতম বুদ্ধ জন্ম-জন্মান্তরে ..... জীবন যাপন করেছেন।
৪. মূর্খের সেবা না করা, ..... ব্যক্তির সেবা করা এবং .....ব্যক্তির পূজা করা উত্তম মঙ্গল।
৫. নৈতিকতা অনুশীলনে ..... গুণাবলি বিকশিত হয়।



## ২. মিলকরণ

বাম	ডান
১. শীল শব্দের অর্থ	মূলমন্ত্র
২. শীলবান ব্যক্তি সর্বত্র	জন্ম করবে
৩. মৈত্রী ভাবনা আমাদের	উত্তম মজ্জাল
৪. পূজনীয় ব্যক্তির পূজা করা	চরিত্রে
৫. মৈত্রী দ্বারা ক্রোধকে	পূঞ্জিত হন

## সংক্ষিপ্ত প্রশ্ন

১. শীল শব্দের অর্থ কী লেখ।
২. শীলবান ব্যক্তি কীরূপ হন?
৩. কয়েকটি নৈতিক কাজের উদাহরণ দাও।

## বর্ণনামূলক প্রশ্ন

১. নৈতিকতা এবং শীল পরস্পর সম্পর্কযুক্ত আলোচনা কর।
২. বুদ্ধের চর্মরোগী সেবার কাহিনী বিস্তৃত কর।
৩. নৈতিকতা বিষয়ে গৌতম বুদ্ধের দশটি উপদেশ লেখ।
৪. নৈতিকতা অনুশীলনের সুফল সম্পর্কে তুমি যা জান লেখ।

## বহুনির্বাচনি প্রশ্ন

## ১. গৌতম বুদ্ধ কত বছর ধর্ম প্রচার করেন?

- ক. ২৫                      খ. ৩৫  
গ. ৪৫                      ঘ. ৫৫

## ২. নৈতিক কাজের উদাহরণ কোনটি ?

- ক. সত্য ভাষণ ও মৈত্রীভাব পোষণ                      খ. অদত্ত বস্তু গ্রহণ করা  
গ. কর্কশ বাক্য ভাষণ    ঘ. যুর্ষের সেবা করা

৩. বুদ্ধের মতে, “শীলবান ব্যক্তির যশ-খ্যাতি বাতাসের অনুকূল ও প্রতিকূল উভয় দিকে প্রবাহিত হয়”- এ উক্তিটিতে প্রকাশ পেয়েছে -

- i. ধর্মের গুণ
- ii. শীল পালনের সুফল
- iii. কুশলকর্মের সুফল

নিচের কোনটি সঠিক ?

- ক. i                      খ. ii  
গ. i ও ii              ঘ. i, ii ও iii

নিচের অনুচ্ছেদটি পড় এবং ৪ ও ৫ নম্বর প্রশ্নের উত্তর দাও

সৌরভ মারমা উপযুক্ত বয়সে শ্রামণ্য ধর্মে দীক্ষা গ্রহণ করে বুঝলেন, ধর্মচর্চা শুধু নিজের সুখের সন্ধান এনে দেয় না বরং এটি সর্বজীবের প্রতি দয়াশীল হতে সাহায্য করে।

৪. সৌরভ মারমার ধর্মীয় শিক্ষাটি সৌতমবুদ্ধের কোন গুণের প্রতিফলন ?

- ক. জীবপ্রেম              খ. সংকীর্ণতা  
গ. নৈতিকতা              ঘ. কল্যাণ

৫. উক্ত গুণের দ্বারা সৌরভ কীভাবে সর্বজীবের সুখ কামনা করবে ?

- i. মৈত্রীর মাধ্যমে
- ii. চরিত্রের উৎকর্ষের মাধ্যমে
- iii. অলৌকিক ক্ষমতা প্রদর্শনের মাধ্যমে

নিচের কোনটি সঠিক ?

- ক. i                      খ. ii  
গ. i ও ii              ঘ. ii ও iii

## সৃজনশীল প্রশ্ন

- ১। বোধিনিকেতন বিহারটি এক প্রত্যন্ত অঞ্চলে অবস্থিত। বিহারে যাওয়ার পথটি চলাচলের অযোগ্য ছিল। সেখানে কিছু সংখ্যক সন্ন্যাসী থাকায় পূণ্যার্থীরা লুটপাটের শিকার হতো। তাদের আধিপত্য এতো প্রবল ছিল যে রাস্তাটি সংস্কার করা কারও পক্ষে সম্ভব ছিল না। এক পর্যায়ে উক্ত বিহারের সভাপতি সুশীল চাকমা সাহস ও দৃঢ় মনোবল দ্বারা গ্রামের যুবকদের নিয়ে রাস্তাটি মেরামত করলেন।

ক. গৌতমবুদ্ধের পিতার নাম কী ?

খ. শীল ও নৈতিকতার মধ্যে সম্পর্ক ব্যাখ্যা কর।

গ. সুশীল চাকমার ঘটনাটি বুদ্ধের বোধিসত্ত্ব জীবনের কোন ঘটনার সাথে সম্পৃক্ততা রয়েছে ?  
বর্ণনা কর।

ঘ. গ্রামবাসীর উন্নয়নে সুশীল চাকমার গৃহীত পদক্ষেপটি বৌদ্ধধর্মের নৈতিকতার দৃষ্টিতে ব্যাখ্যা কর।

- ২। সুমন বড়ুয়া ছোটবেলা থেকে ধর্মকর্ম ও জ্ঞানচর্চায় নিয়োজিত থাকতেন। তিনি প্রায়ই বিহারের তিন্দু শ্রমণ, পিতা-মাতা ও পরিবার-পরিজনদের সেবা করতেন। কিন্তু তিনি একসময়ে দুরারোগ্য ব্যাধিতে আক্রান্ত হন। সজ্ঞামক রোগের কারণে পরিবার-পরিজন তাঁকে কেলে অন্যত্র চলে যায়। এমতাবস্থায় তাঁর দূর সম্পর্কের আত্মীয় পবন বড়ুয়া পর্যাণ্ড সেবায়ত্নের মাধ্যমে তাঁকে সুস্থ করে তোলেন।

ক. মহামানব গৌতমবুদ্ধ কখন জনস্বহণ করেন ?


খ. গৌতম কীভাবে বুদ্ধ নামে খ্যাত হলেন ? ব্যাখ্যা কর।

গ. পবন বড়ুয়ার সেবা ধর্মে কোন মহামানবের উপদেশ প্রতিফলিত হয়েছে ? বর্ণনা কর।

ঘ. পবন বড়ুয়ার কর্মটি মানব সেবার একটি উৎকৃষ্ট উদাহরণ-পাঠ্যপুস্তকের আলোকে ব্যাখ্যা কর।

## দ্বিতীয় অধ্যায় বন্দনা

বৌদ্ধধর্মে বন্দনার গুরুত্ব অপরিমিত। বন্দনার প্রকৃত উদ্দেশ্য শ্রদ্ধা নিবেদন করা, গুণীর গুণরাশির স্তুতি বা প্রশংসা করা। ত্রিরত্ন বন্দনায় বুদ্ধরত্ন, ধর্মরত্ন এবং সংঘরত্ন – এই তিনটি রত্নের স্তুতি করা হয়। ত্রিরত্নের গুণরাশি স্মরণ করে শ্রদ্ধা নিবেদন করা হয়। ত্রিরত্ন বন্দনার বিভিন্ন গাথা আছে। কখনো ছোট গাথায় আবার কখনো বড় গাথায় ত্রিরত্ন বন্দনা করা হয়। এ অধ্যায়ে ছোট গাথায় যে ত্রিরত্ন বন্দনা করা হয় তা পাঠ করব।



বন্দনারত বালক-বালিকা

এ অধ্যায় শেষে আমরা -

- \* ত্রিরত্ন সম্পর্কে ব্যাখ্যা করতে পারব।
- \* ত্রিরত্ন বন্দনা পালি ভাষায় আবৃত্তি করতে পারব।
- \* ত্রিরত্ন বন্দনার বাংলা বলতে পারব।

## পাঠ : ১

## ত্রিরত্ন বন্দনা ও তাৎপর্য

বৌদ্ধদের প্রাত্যহিক ধর্মীয় কর্মের মধ্যে ত্রিরত্ন বন্দনা অন্যতম। বৌদ্ধদের প্রতিটি ধর্মীয় আচার-অনুষ্ঠানে ত্রিরত্ন বন্দনা করা হয়। আমরা এখন ত্রিরত্ন কী সে সম্পর্কে ধারণা লাভ করব। বৌদ্ধধর্মে বুদ্ধ, ধর্ম এবং সংঘকে অমূল্যরত্ন হিসেবে বিবেচনা করা হয়। নিচে ত্রিরত্নের সর্বাঙ্গীর্ণ পরিচিতি তুলে ধরা হলো।

**বুদ্ধরত্ন** : ত্রিরত্নের মধ্যে প্রথম রত্ন হচ্ছে বুদ্ধরত্ন। ‘বুদ্ধ’ শব্দের অর্থ মহাজ্ঞানী। বুদ্ধ জ্ঞানীদের মধ্যে শ্রেষ্ঠ। তাই বুদ্ধকে মহাজ্ঞানী বলা হয়। তিনি জন্ম-জন্মান্তরে দশ পারমী পূর্ণ করেছিলেন। শেষ জীবনে ছয় বছর কঠোর সাধনা করে বুদ্ধ হয়েছেন। শ্রেষ্ঠ বুদ্ধরত্নকে আমরা পবিত্র মনে শ্রদ্ধা ও ভক্তি নিবেদন করি। তাঁর মহাগুণের প্রশংসা করি। তাঁর মহাজ্ঞানের প্রশংসা করি। যে বন্দনার মাধ্যমে মহামানব বুদ্ধের মহাজ্ঞানের অনন্ত গুণাশির স্মরণ ও স্মৃতি করা হয় এবং তার প্রতি শ্রদ্ধা নিবেদন করা হয় তাকে বুদ্ধ বন্দনা বলে।

**ধর্মরত্ন** : ত্রিরত্নের মধ্যে দ্বিতীয় রত্ন হচ্ছে ‘ধর্ম’। ‘ধর্ম’ শব্দের অর্থ ধারণ করা বোঝায়। এখানে ‘ধর্ম’ বলতে সদাচার, নৈতিকতা এবং সততাকে বোঝায়। অর্থাৎ যা ধারণ করলে জীবন সুন্দর হয় তাই ধর্ম। বুদ্ধ প্রচারিত বাণী বা মতবাদকে বৌদ্ধধর্ম বলা হয়। যে বন্দনার মাধ্যমে বুদ্ধ প্রচারিত ধর্মের প্রতি শ্রদ্ধা নিবেদন ও স্মৃতি করা হয় তাকে ধর্ম বন্দনা বলে।

**সংঘরত্ন** : ত্রিরত্নের মধ্যে ‘সংঘ’ হচ্ছে তৃতীয় রত্ন। ‘সংঘ’ শব্দের সাধারণ অর্থ বহুজনের সমষ্টি বা সমাবেশ। এখানে ‘সংঘ’ বলতে বুদ্ধ প্রতিষ্ঠিত মহান ভিক্ষুসংঘকে বোঝানো হয়েছে। ভিক্ষুসংঘ বুদ্ধের নিয়ম-শৃঙ্খলা, আদেশ মেনে লোভ-দ্বेष-মোহবিহীন, সং, নৈতিক ও পবিত্র জীবনধারণ করে। তাঁরা বুদ্ধ শাসনে নিজেদের উৎসর্গ করেন। বৌদ্ধধর্মে ভিক্ষুরা শ্রদ্ধা ও দানের উত্তম পাত্র। যে বন্দনার মাধ্যমে বুদ্ধ প্রতিষ্ঠিত ভিক্ষু সংঘের স্মৃতি ও শ্রদ্ধা নিবেদন করা হয় তাকে সংঘ বন্দনা বলে।

## অনুশীলনমূলক কাজ

ত্রিরত্ন কী ?

ত্রিরত্ন বন্দনা কেন করা হয়?

## পাঠ : ২

## ত্রিরত্ন বন্দনার নিয়মাবলি

ত্রিরত্ন বন্দনা করার পূর্বে অবশ্যই আমাদের বেশকিছু নিয়ম পালন করতে হয়। নিয়মগুলো হলো : বন্দনা বিহারে এবং গৃহে বুদ্ধমূর্তির সামনে করা হয়। সকাল-সন্ধ্যা দুই বেলা বন্দনা করা হয়। বন্দনার পূর্বে হাত-মুখ ভালো করে ধুয়ে নিতে হয়। বন্দনায় পরিষ্কার-পরিচ্ছন্নতা অপরিহার্য। পবিত্র মনে বুদ্ধমূর্তির সামনে হাঁটু ভেঙে বসে প্রথমে ত্রিশরশসহ

পঞ্চশীল গ্রহণ করতে হয়। তারপর ত্রিরত্ন বন্দনা করতে হয়। তারপর অন্যান্য বন্দনা করা হয়। বন্দনা শেষ হলে ভিক্ষু এবং অন্য বয়োজ্যেষ্ঠদের প্রণাম করতে হয়।

**অনুশীলনমূলক কাজ**  
ত্রিরত্ন বন্দনার পূর্বে কী কী করণীয় আলোচনা কর।

পাঠ : ৩

ত্রিরত্ন বন্দনা (পালি)

বুদ্ধং বন্দামি  
 ধম্মং বন্দামি  
 সংঘং বন্দামি  
 অহং বন্দামি সৰ্বদা।  
 দুত্তিয়স্মি বুদ্ধং বন্দামি  
 দুত্তিয়স্মি ধম্মং বন্দামি  
 দুত্তিয়স্মি সংঘং বন্দামি  
 অহং বন্দামি সৰ্বদা।  
 তত্তিয়স্মি বুদ্ধং বন্দামি  
 তত্তিয়স্মি ধম্মং বন্দামি  
 তত্তিয়স্মি সংঘং বন্দামি  
 অহং বন্দামি সৰ্বদা।

ত্রিরত্ন বন্দনা (বাংলা অনুবাদ) :

আমি বুদ্ধকে বন্দনা করছি  
 আমি ধর্মকে বন্দনা করছি  
 আমি সংঘকে বন্দনা করছি  
 আমি সর্বদা বন্দনা করছি।  
 দ্বিতীয়বার আমি বুদ্ধকে বন্দনা করছি

দ্বিতীয়বার আমি ধর্মকে বন্দনা করছি  
 দ্বিতীয়বার আমি সংঘকে বন্দনা করছি  
 সর্বদা আমি বন্দনা করছি।  
 তৃতীয়বার আমি বুধকে বন্দনা করছি  
 তৃতীয়বার আমি ধর্মকে বন্দনা করছি  
 তৃতীয়বার আমি সংঘকে বন্দনা করছি  
 আমি সর্বদা বন্দনা করছি।

### বুধ বন্দনা

যো সন্নিসিন্ধো বরবোধিমুলে  
 মারং সসেনং মহতিং বিজেত্ভা,  
 সম্বোধিমাগক্ষি অনন্ত এরাশো  
 লোকুত্তমো তং পশমামি বুধং।

বাংলা অনুবাদ : যিনি অনন্ত জ্ঞানী শ্রেষ্ঠ সম্যক সমুদ্র বোধিমুলে বসে সৈন্যসহ মারকে পরাজিত করে সম্বোধি লাভ করেছেন আমি সেই বুধকে প্রণাম জানাচ্ছি।

### ধম্ম বন্দনা

অট্টঞ্জিকো অরিয়পথো জনানং  
 মোক্খল্পবেসায়ুজ্জকো'ব মগ্গসো,  
 ধম্মো অযং সত্তিকরো পণীতো  
 নীয্যা গকো তং পশমামি ধম্মং।

বাংলা অনুবাদ : যে ধর্ম আর্ষ অষ্টাঙ্গিক মার্গ (পথ) বিশিষ্ট, সকল লোকের মুক্তির জগতে প্রবেশের সোজা পথ, শান্তিকর, প্রণীত বা শ্রেষ্ঠ এবং যেই ধর্ম নির্বাণে নিয়ে যায়, সে ধর্মকে প্রণাম জানাচ্ছি।

### সংঘ বন্দনা

সংঘো বিসুস্মো বর দক্খিণেঘ্যো  
 সত্তিন্দিযো সবন্ধমল্লগহীনো,  
 গুণেহি নেকেহি সমিক্খিপত্তো  
 অনাসবো তং পশমামি সংঘং।

বাংলা অনুবাদ : যে সংঘ বিশুদ্ধ, উত্তম দানের পাত্র, শান্তপ্রিয়, সকল প্রকার পাপমল বিনাশকারী, অনেক গুণে গুণান্বিত সেই আনাসব সংঘকে আমি প্রণাম জানাচ্ছি।

### অনুশীলনমূলক কাজ

ত্রিরত্ন বন্দনাটি আবৃত্তি কর।

শব্দার্থ : ত্রিরত্ন - তিনটি রত্ন (বুদ্ধরত্ন, ধর্মরত্ন এবং সংঘরত্ন), ধর্ম - ধর্ম, সংঘ - সমষ্টি, বিশেষ করে বৌদ্ধ ভিক্ষুদের বোঝায়, অহং - আমি, সর্বদা - সব সময়, যো - যিনি, মারং - মার, লোকুণ্ডমো - শ্রেষ্ঠ, বিজেক্তা - জয় করে, সযোধিমাগচ্ছি - সযোধি লাভ করেছেন, অট্টঞ্জিকো - আটটি মার্গ, উজ্জ - সহজ ও সরল, বিসুজো - বিশুদ্ধ, মগ্গ - মার্গ, সন্তিস্থিযো - শান্তপ্রিয়, সন্তিকরো - শান্তিকর, গুণেহি - গুণের অধিকারী, নেকেহি - অনেক, আনাসবো - আনাসব বা আনাসক্ত।

## অনুশীলনী

### শূন্যস্থান পূরণ

১. বৌদ্ধদের প্রাত্যহিক ধর্মীয় কর্মের মধ্যে ..... বন্দনা অন্যতম।
২. বন্দনার পূর্বে ..... ভালো করে খুয়ে নিতে হয়।
৩. সংঘো ..... বর দুর্ক্খিনিষ্যো।
৪. যা ধারণ করলে ..... সুন্দর হয় তাই ধর্ম।
৫. তাঁরা বুদ্ধ ..... নিজেদের উৎসর্গ করেন।

### সংক্ষিপ্ত প্রশ্ন

১. বন্দনা বলতে কী বোঝ?
২. বুদ্ধরত্ন কী সংক্ষেপে বুঝিয়ে লেখ?
৩. সংঘরত্ন কী সংক্ষেপে বুঝিয়ে লেখ?

### বর্ণনামূলক প্রশ্ন

১. ত্রিরত্ন বন্দনার তাৎপর্য ব্যাখ্যা কর।
২. ছমি কীভাবে ত্রিরত্ন বন্দনা করবে-বল।
৩. বুদ্ধ ও সংঘ বন্দনার বাংলা অনুবাদ লেখ।



## বহুনির্বাচনি প্রশ্ন

১. কোন বন্দনার মাধ্যমে খ্রিস্টের প্রতি শ্রদ্ধা নিবেদন করা যায় ?

- |                 |                   |
|-----------------|-------------------|
| ক. বুদ্ধ বন্দনা | খ. ধর্ম বন্দনা    |
| গ. সংঘ বন্দনা   | ঘ. খ্রিস্ট বন্দনা |

২. বুদ্ধকে মহাজ্ঞানী বলার অন্যতম কারণ কোনটি ?

- |                                    |                           |
|------------------------------------|---------------------------|
| ক. দশ পারমী পূর্ণ করায়            | খ. মারকে পরাজিত করায়     |
| গ. জ্ঞানীদের মধ্যে শ্রেষ্ঠ হওয়ায় | ঘ. পবিত্র জীবন যাপন করায় |

নিচের অনুচ্ছেদ পড় এবং ৩ ও ৪ নম্বর প্রশ্নের উত্তর দাও -

বিভাস চাকমা সপ্তম শ্রেণির ছাত্র। বিদ্যালয় থেকে ফেরার পথে প্রতিদিন দুপুরে বিহারের সামনে দাঁড়িয়ে সে বন্দনা করত। বন্দনা করার সময় সে হাতমুখ ধোঁত কিংবা স্নান করা-এসব নিয়মনীতি অনুসরণ করত না। বিভাসের এ বন্দনা লক্ষ্য করে একদিন বিহারের ভিক্ষু তাকে বন্দনার নিয়মনীতি অনুসরণ করে বন্দনা করার পরামর্শ পেন।

৩. বিভাস চাকমার পাণ্ডিত্য কর্মে কোন বন্দনার ইঙ্গিত করা হয়েছে ?

- |              |                     |
|--------------|---------------------|
| ক. বুদ্ধরত্ন | খ. ধর্মরত্ন         |
| গ. খ্রিস্ট   | ঘ. পিতৃ-মাতৃ বন্দনা |

৪. উক্ত বন্দনার ফলে -

- i. পবিত্র জীবনযাপন করা যায়
- ii. দুঃখ থেকে মুক্তি পাওয়া যায়
- iii. নির্বাণ সুখ লাভ করা যায়

নিচের কোনটি সঠিক ?

- |             |                |
|-------------|----------------|
| ক. i        | খ. i ও ii      |
| গ. ii ও iii | ঘ. i, ii ও iii |

## সৃজনশীল প্রশ্ন

১। শ্রাবণী বড়ুয়া তাঁর মাতার কাছ থেকে প্রার্থনার নিয়ম-কানুন শিখে তা অনুসরণ করেন। তিনি গৃহে ও বিহারে গিয়ে প্রার্থনা করেন এবং মহাজ্ঞানীর গুণরাশি স্মরণ ও শ্রদ্ধা করেন। তা ছাড়া তিনি শ্রদ্ধাদানের উত্তম পাত্রে সঠিকভাবে পূজা ও অর্চনা করেন।

ক. 'বন্দনা' শব্দের অর্থ কী ?

খ. কীভাবে বন্দনা করতে হয় ?

গ. শ্রাবণী বড়ুয়া কোন রত্নের গুণটি অনুসরণ করেন ? ব্যাখ্যা কর।

ঘ. শ্রাবণীর অনুসরণীয় নীতির দ্বারা ইহ ও পরজীবনে কী ফল লাভ করতে পারবে বলে মনে কর তা পাঠ্যপুস্তকের আলোকে ব্যাখ্যা কর।

২। পিন্সু বড়ুয়া বিহারপ্রদেশের নিকট পঞ্চশীল গ্রহণ করেন, শীল গ্রহণ শেষে বাড়িতে সন্ধ্যার সময়—

যো সন্নিসিদ্ভো বরবোধিমুলে

মারং সসেনং মহতিং বিজেত্ভা,

সমোখিমাগঙ্কি অনন্ত এগ্গণো

লোকুত্তমো তং পণমামি বুদ্ধং।

ইত্যাদি নিজের ভাষায় রঙ করলেন। পরবর্তীতে অন্য রত্নগুলোর তারতম্য মর্ম উপলব্ধি করে প্রতিদিন শ্রদ্ধাভরে প্রার্থনা করতেন।

ক. ত্রিরত্ন কী ?

খ. বন্দনার উদ্দেশ্য ব্যাখ্যা কর

গ. উদ্দীপকে পিন্সু বড়ুয়ার সাক্ষ্যকালীন প্রার্থনায় যে গুণটি প্রকাশ পায় তা বর্ণনা কর।

ঘ. পিন্সু বড়ুয়ার ধর্মচর্চা ব্যক্তি জীবনে কী প্রভাব ফেলেবে তা পাঠ্যপুস্তকের আলোকে ব্যাখ্যা কর।

## তৃতীয় অধ্যায়

# শীল

‘শীল’ নৈতিক জীবন গঠনের দিক নির্দেশনা। শীল পালন বৌদ্ধদের অপরিহার্য নিত্যকর্ম। গৃহে কিংবা বিহারে যে কোনো আচার-অনুষ্ঠানের প্রারম্ভে শীল গ্রহণ করা হয়। কারণ, শীল সকল কুশলকর্মের উৎস। বৌদ্ধরা বিভিন্ন রকম শীল পালন করেন। যেমন : গৃহীরা পঞ্চশীল ও অষ্টশীল, শ্রমণরা দশশীল এবং ভিক্ষুগণ ২২৭টি শীল পালন করেন। এ অধ্যায়ে আমরা অষ্টশীল সম্পর্কে পড়ব।

এ অধ্যায় শেষে আমরা -

- \* অষ্টশীল বর্ণনা করতে পারব।
- \* অষ্টশীল পালনের প্রয়োজনীয়তা ও নিয়মাবলি ব্যাখ্যা করতে পারব।
- \* অষ্টশীল গ্রহণকারীর করণীয় বর্ণনা করতে পারব।
- \* বাংলা অর্থসহ অষ্টশীল বলতে পারব।
- \* অষ্টশীল অনুশীলনের মাধ্যমে অনৈতিক কাজ থেকে বিরত থাকার উপায়সমূহ চিহ্নিত করতে পারব।
- \* অষ্টশীল প্রাধনার প্রক্রিয়া প্রদর্শন করতে পারব।

পাঠ : ১

### অষ্টশীল পরিচিতি

পূর্বে আমরা পঞ্চশীল সম্পর্কে জেনেছি। আজ অষ্টশীল সম্পর্কে জানব। অষ্টশীল পঞ্চশীলের উচ্চতর স্তর। প্রতিদিন পঞ্চশীল পালন করা যায়। অষ্টশীলও প্রতিদিন পালন করা যায়। তবে, গৃহী বৌদ্ধরা সাধারণত পূর্ণিমা, অমাবস্যা এবং অষ্টমী তিথিতে অষ্টশীল পালন করে। বুদ্ধ ধর্মময় উন্নত জীবন গঠনের জন্য অষ্টশীলের প্রবর্তন করেছেন। অষ্টশীল পালনকারীকে উপবাসব্রত পালন করতে হয়। তাই অষ্টশীলকে উপোসথ শীলও বলা হয়। অষ্টশীল গ্রহণকারীকে উপোসথিক বলে। ‘উপোসথ’ শব্দটি উপবাস বা উপবাসক শব্দ হতে গৃহীত। কিন্তু বৌদ্ধমতে, উপোসথ অর্থ কেবল উপবাস করা নয়। উপোসথ গ্রহণকারীকে ধ্যান-সমাধি চর্চা করতে হয়। ধর্মালোচনা শ্রবণ করতে হয়। ধর্মীয় বিষয় অধ্যয়ন করতে হয়। কুশল ভাবনায় নিমগ্ন থাকতে হয়। লোভ-দ্বेष-মোহ ও তৃষ্ণা মুক্ত হয়ে ব্রহ্মচর্য পালন করতে হয়। ‘অষ্ট’ শব্দের অর্থ আট। আটটি শীল পালন করতে হয় বলে একে অষ্টশীল বলা হয়।

## পাঠ : ২

## অষ্টশীল গ্রহণের পূর্বে করণীয়

অষ্টশীল গ্রহণের পূর্বে মানসিক প্রস্তুতি নিতে হয়। ভোরে ঘুম থেকে উঠে প্রাতঃকৃত্য সম্পন্ন করে পরিষ্কার পোশাক পরিধান করতে হয়। পূজা ও দান সামগ্রী নিয়ে বিহারে যেতে হয়। বুদ্ধবেদিতে শ্রদ্ধাচিন্তে পূজা ও দান সামগ্রী সুন্দরভাবে সাজিয়ে রেখে ভিক্ষুর সামনে বসতে হয়।

## অষ্টশীল গ্রহণের নিয়মাবলি

বিহারে ভিক্ষুকে বন্দনা করে ভিক্ষুর নিকট ত্রিশরণসহ অষ্টশীল প্রার্থনা করতে হয়। ভিক্ষু অষ্টশীল প্রার্থনা অনুমোদন করে ত্রিশরণসহ অষ্টশীল প্রদান করেন। ভিক্ষুর নির্দেশনা মতো অষ্টশীল গ্রহণ করতে হয়। নিজ বাড়িতেও অষ্টশীল গ্রহণ করা যায়। সে ক্ষেত্রে বুদ্ধাসনের সামনে বসে নিজে নিজে অষ্টশীল প্রার্থনাসহ অষ্টশীল গ্রহণ করতে হয়। অষ্টশীল প্রার্থনাটি নিম্নরূপ।

**অনুশীলনমূলক কাজ**  
উপোসথ পালনকারীকে কী কী করতে হয়?

## পাঠ : ৩

## অষ্টশীল প্রার্থনা (পালি)

ওকাস অহং ভত্তে তিসরণেনসহ অট্টঞ্জাসমন্নাগতং উপোসথসীলং ধম্মং যাচামি, অনুন্নহং কড়া সীলং দেথ মে ভত্তে।  
দুতিয়শিপি ওকাস অহং ভত্তে তিসরণেনসহ অট্টঞ্জাসমন্নাগতং উপোসথসীলং ধম্মং যাচামি, অনুন্নহং কড়া সীলং দেথ মে ভত্তে।

ততিয়শিপি ওকাস অহং ভত্তে তিসরণেনসহ অট্টঞ্জাসমন্নাগতং উপোসথসীলং ধম্মং যাচামি, অনুন্নহং কড়া সীলং দেথ মে ভত্তে।

বাংলা অনুবাদ : ভত্তে, অবকাশ পূর্বক সম্মতি প্রদান করুন, আমি ত্রিশরণসহ অষ্টাঙ্গ সংযুক্ত উপোসথ শীল-ধর্ম প্রার্থনা করছি। ভত্তে, অনুগ্রহ করে আমাকে শীল প্রদান করুন।

দ্বিতীয়বার ভত্তে, অবকাশ পূর্বক সম্মতি প্রদান করুন, আমি ত্রিশরণসহ অষ্টাঙ্গ সংযুক্ত উপোসথ শীল-ধর্ম প্রার্থনা করছি। ভত্তে, অনুগ্রহ করে আমাকে শীল প্রদান করুন।

তৃতীয়বার ভত্তে, অবকাশ পূর্বক সম্মতি প্রদান করুন, আমি ত্রিশরণসহ অষ্টাঙ্গ সংযুক্ত উপোসথ শীল-ধর্ম প্রার্থনা করছি। ভত্তে, অনুগ্রহ করে আমাকে শীল প্রদান করুন।

ভিক্ষু : যমহং বদামি তং বদেথ (আমি যা বলছি তা বলুন)

শীল গ্রহণকারী : আম ভত্তে (হ্যাঁ প্রহু বলছি)

ভিক্ষু : নমোতসুস ভগবতো অরহতো সম্মাসম্বুদ্ধসুস (আমি অর্হৎ সম্যক সম্বুদ্ধকে বন্দনা করছি)।

শীল গ্রহণকারী : নমোতসুস ভগবতো অরহতো সম্মাসম্বুদ্ধসুস (তিনবার বলবেন)।

তারপর ভিক্ষু ত্রিশরণ প্রদান করে বলবেন : সরণাগমনং সম্পূনং (শরণ গ্রহণ সম্পূর্ণ হলো)।

শীল গ্রহণকারী : আম ভক্তে (হ্যাঁ ভক্তে)

তারপর ভিক্ষু অষ্টশীল প্রদান করবেন। শীল গ্রহণকারী তা মুখে মুখে বলবেন।

অষ্টশীল প্রার্থনা শেষ হলে উপস্থিত ভিক্ষু বলবেন, তিসরণেন সন্ধিং অটুষ্ঠা সমন্বাগতং উপোসথশীলং ধমং সাধুকং সুরকথিতং কড়া অল্পমাদেন সম্পাদেথ (ত্রিশরণসহ অষ্টাঙ্গ সমন্বিত উপোসথ শীলধর্ম উত্তমরূপে সযত্নে পালন কর)।

অষ্টশীল গ্রহণকারী বলবেন, আম ভক্তে (হ্যাঁ ভক্তে)

এরপর ভিক্ষু অষ্টশীল পালনকারী কিংবা উপোসথধারীদের মঞ্জল কামনা করে সূত্র পাঠ করবেন। সূত্র পাঠ শেষ হলে তাঁরা তিনবার সাধুবাদ দিবেন। তারপর অষ্টশীল গ্রহণকারী ভিক্ষুকে বন্দনা করে আহ্বার করতে যাবেন। দুপুর বারোটার মধ্যে আহ্বার সম্পন্ন করতে হবে। তারপর পানীয় ছাড়া কিছুই গ্রহণ করা যাবে না। অষ্টশীলের প্রতিটি শীল সযত্নে পালন করতে হবে।

**অনুশীলনমূলক কাজ**  
অষ্টশীল প্রার্থনাটি সম্বন্ধে আবৃত্তি কর।

পাঠ : ৪

**অষ্টশীল**

(পালি ও বাংলা)

**অষ্টশীল : পালি**

পাণাতিপাতা বেরমণী সিক্খাপদং সমাদিয়ামি।

অদিন্নাদানা বেরমণী সিক্খাপদং সমাদিয়ামি।

অব্রহ্মচারিয়া বেরমণী সিক্খাপদং সমাদিয়ামি।

মুসাবাদা বেরমণী সিক্খাপদং সমাদিয়ামি।

সুরা-মেরেথ-মজ্জ পমাদট্ঠানা বেরমণী সিক্খাপদং সমাদিয়ামি।

বিকালভোজনা বেরমণী সিক্খাপদং সমাদিয়ামি।

নচ্চ-গীত-বাদিত-বিসুকদস্‌সন-মালা-গম্‌-বিলেপন-ধারণমন্ডন-বিভূসনট্ঠানা বেরমণী সিক্খাপদং সমাদিয়ামি।

উচ্চসযনা-মহাসযনা বেরমণী সিক্খাপদং সমাদিয়ামি।

**অষ্টশীল : বাংলা**

আমি প্রাণিহত্যা থেকে বিরত থাকব, এ শিক্ষাপদ গ্রহণ করছি।

আমি অদস্ত বস্তু গ্রহণ থেকে বিরত থাকব, এ শিক্ষাপদ গ্রহণ করছি।

আমি অত্রম্ভাচর্য থেকে বিরত থাকব, এ শিক্ষাপদ গ্রহণ করছি।

আমি মিথ্যা বলা থেকে বিরত থাকব, এ শিক্ষাপদ গ্রহণ করছি।

আমি সুরা জাতীয় বা কোনো নেশাদ্রব্য গ্রহণ হতে বিরত থাকব, এ শিক্ষাপদ গ্রহণ করছি।

আমি বিকাল ভোজন থেকে বিরত থাকব, এ শিক্ষাপদ গ্রহণ করছি।

আমি নাচ-গান-বাদ্য উৎসব দর্শন, সুগন্ধিমুক্ত প্রসাধন দ্রব্য ধারণ মণ্ডন বিভূষণ থেকে বিরত থাকব, এ শিক্ষাপদ গ্রহণ করছি।

আমি উচ্চ শয্যা বা মহাশয্যা থেকে বিরত থাকব, এ শিক্ষাপদ গ্রহণ করছি।



ভিক্ষু হতে অষ্টশীল গ্রহণ করছে

অনুশীলনমূলক কাজ  
অষ্টশীল পালিতে বল (দলীয় কাজ)।

পাঠ : ৫

উপোসথ পালনকারীর করণীয়

সংসারে অবস্থান করে সব সময় অষ্টশীল পালন করা সম্ভব নয়। উপোসথ দিবসে অষ্টশীল গ্রহণকারীদের যথাসম্ভব বিহারে অবস্থান করে ধর্মশ্রবণ, ধর্মালোচনা, সূত্রপাঠ, ধ্যান-সাধনা, অধ্যয়ন প্রভৃতি করা উচিত। তবে একটা বিষয়

বলা দরকার যে, সব সময় ভিক্সু উপস্থিত নাও থাকতে পারেন। সেক্ষেত্রে অফশীল গ্রহণকারীগণ নিজেরা ধর্মালোচনা, সূত্রপাঠ, অধ্যয়ন এবং ধ্যান-সাধনায় মগ্ন থাকতে পারেন। শীলভঙ্গা হয় এমন স্থানে না যাওয়া উচিত। নিচে অফশীল পালনকারীদের কিছু করণীয় বিষয় তুলে ধরা হলো।

১. কারও অনিষ্ট কামনা করা কিংবা অনিষ্ট করা বা করানো থেকে বিরত থাকতে হবে।
২. কোনো প্রাণীকে পীড়া দেওয়া এবং পীড়াদানের কারণ হওয়া থেকে বিরত থাকতে হবে।
৩. কোনো প্রকার অন্যায় করা কিংবা অন্যায়ের কারণ হওয়া থেকে বিরত থাকতে হবে।
৪. গোড-বেশ-মোহ মুক্ত থাকতে হবে।
৫. মান-অভিমান ও ঈর্ষা থেকে মুক্ত থাকতে হবে।
৬. সর্ব প্রকার মিথ্যাচার থেকে বিরত থাকতে হবে।
৭. প্রমাদমূলক বিনোদন থেকে বিরত থাকতে হবে।
৮. ধর্মীয় আলোচনায় অংশগ্রহণ করতে হবে।
৯. একগ্রহটিতে ধর্মদেশনা শুনতে হবে।
১০. কায়মনোবাক্যে সৎযত্ন আচরণ করতে হবে।
১১. সকলের প্রতি মৈত্রীপরায়ণ হতে হবে।
১২. ভাবনা অনুশীলন করতে হবে।

### অনুশীলনমূলক কাজ

অফশীল গ্রহণকারীর করণীয় ও অকরণীয় বিষয়গুলো একটি ছকের মাধ্যমে উপস্থাপন কর।

## পাঠ : ৬

### অনৈতিক কাজের ক্ষতিকর দিকসমূহ

অফশীলের নির্দেশিত বিধি-বিধান মেনে চললে আদর্শ এবং নৈতিক জীবনযাপন করা যায়। অফশীল পালন না করলে মানুষ অনৈতিক কাজের দিকে ধাবিত হয়। এই অনৈতিক কাজের কারণে মানুষ সীমাহীন দুঃখ ও নরকযন্ত্রণা ভোগ করে। অনৈতিক কাজের কিছু ক্ষতিকর দিক নিচে তুলে ধরা হলো :

- ক. প্রাণিহত্যা একটি অনৈতিক কাজ। বৌদ্ধধর্মে প্রাণিহত্যা করা অনুচিত। হত্যা প্রবণতা মনের মৈত্রীভাব নষ্ট করে। মানুষকে ক্রুদ্ধ ও প্রতিশোধপরায়ণ করে তোলে। ফলে নানা রকম সামাজিক অপরাধ সংঘটিত হয়।
- খ. অদত্ত বস্তু গ্রহণ বা নিজের অধিকারে নেওয়া একটি অনৈতিক কাজ এবং সামাজিক অপরাধ। এর জন্য দণ্ডভোগ করতে হয়। পরকালেও শাস্তি পেতে হয়।
- গ. অনৈতিক কামাচার একটি সামাজিক অপরাধ। ব্রহ্মচর্য পালনকারীকে সকল প্রকার কামাচার থেকে বিরত থাকতে হয়। অনৈতিক কামাচারে শারীরিক ও মানসিক জটিল রোগে আক্রান্ত হয়। এ কারণে মুহূর্তও হতে পারে।
- ঘ. মিথ্যাকথা বলা নৈতিকতার পরিপন্থি। মিথ্যাবাদীকে কেউ বিশ্বাস করে না। মিথ্যাবাদী সমাজে মর্যাদা পায় না। সর্বত্র নিন্দিত হয়।

- ঙ. নেশাদ্রব্য গ্রহণ ধর্মীয় ও সামাজিকভাবে নিষিদ্ধ। নেশা স্বাস্থ্য নষ্ট ও মানসিক বিকারগ্রস্ত করে। নেশায় আসক্তির ফলে ধন-সম্পদ নষ্ট হয়। চরিত্র ও মানবিক মূল্যবোধের অধঃপতন হয়। নেশা সেবনকারীরা নানারকম অপরাধে লিপ্ত হয়। এরা নানারকম ব্যাধিতে আক্রান্ত হয়ে মৃত্যুবরণ করে।
- চ. দুপুর বারোটোর পর খাবার গ্রহণ করাকে বিকাল ভোজন বলা হয়। খাবারের প্রতি আসক্তি ও অপরিমিত আহার দান, শীল, ধ্যান-সমাধি ইত্যাদি ধর্মচর্চা ব্যাহত করে। ফলে নির্বাণের পথে পরিচালিত হওয়া যায় না।
- ছ. নাচ, গান, বাদ্য-বাজনা, সুশঙ্কি-প্রসাধন লেপন ইত্যাদিতে অনুরক্তভাবে মনের একাঘাতা নষ্ট করে। ধর্মচর্চা ব্যাহত হয়। ফলে দুঃখ থেকে মুক্তি লাভ সম্ভব হয় না।
- জ. বিলাসবহুল শয্যা শয়ন ও উপবেশন মানুষকে আরামপ্রিয় ও অলস করে তোলে। মানসিক ও চারিত্রিক দৃঢ়তা নষ্ট হয় বলে অলস ব্যক্তি কখনোই অতীষ্ট লক্ষ্যে পৌছতে পারে না।

## পাঠ : ৭

### অষ্টশীল পালনের সুফল

অষ্টশীল পালনের সুফল অনেক। অষ্টশীল পালনের সুফলসমূহ নিম্নরূপ :

অষ্টশীল পালনের ফলে

- ক. আচার-আচরণ সংযত হয়।
- খ. যশ-খ্যাতি ক্রমশ বৃদ্ধি পায়।
- গ. ধন-সম্পদ সুরক্ষিত থাকে।
- ঘ. সং কাজে উৎসাহ বৃদ্ধি পায়।
- ঙ. অভাবগ্রস্ত হয় না।
- চ. প্রিয়ভাজন হওয়া যায়।
- ছ. সংযম ও সহিষ্ণুতা বৃদ্ধি পায়।
- জ. মন থেকে হিংসা বিদ্বেষভাব দূর হয়।
- ঝ. নীরোগ ও দীর্ঘজীবী হয়।
- ঞ. অশেষ পুণ্য অর্জিত হয়।
- ট. নির্বাণের পথে অগ্রসর হওয়া যায়।

এখন আমরা উপোসথ পালনের সুফল সম্পর্কে একটি কাহিনী পড়ব। উপোসথ শীল পালনের সুফল বর্ণনা করতে গিয়ে বুধ তাঁর পূর্বজীবনের এ ঘটনাটি বলেন।

বোধিসত্ত্ব একবার বারানসিতে এক দমিত্র পরিবারে জন্মগ্রহণ করেন। তখন রাজগৃহ নগরীতে এক সং ধনী ব্যক্তি বাস করতেন। তিনি প্রচুর ধন-সম্পদের অধিকারী হলেও খুব দয়াবান ছিলেন। পরের দুঃখ-কষ্ট তাঁকে খুবই ব্যথিত করত।



তিনি পরের দুঃখ-কষ্ট দূর করার চেষ্টা করতেন। তা ছাড়া তাঁর পরিবারের সবাই শীল পালন করতেন। উপোসথ দিবসে উপোসথ পালন করতেন। এজন্য তাঁর পরিবার সকলের নিকট ‘শুচি পরিবার’ নামে পরিচিত ছিল।

বোধিসত্ত্ব তখন পরের কাজ করে জীবনধারণ করতেন। একদিন তিনি কাজের সন্ধ্যানে বের হয়ে সেই ধনী লোকটির বাড়িতে উপস্থিত হন। গৃহকর্তাকে যথাযথ সন্মান প্রদর্শন করে বললেন, আমি কাজের আশায় আপনার কাছে এসেছি। তখন গৃহকর্তা বললেন, আমার ঘরের দাস-দাসীসহ সকলেই শীল পালন করে। উপোসথ শীল রক্ষা করে। তুমিও যদি শীল রক্ষা করো তবে কাজ পাবে।

বোধিসত্ত্বের অন্তরে সুস্থ ছিল জন্ম-জন্মান্তরের পুণ্যফল। তাঁর অন্তরে ছিল শীলের প্রভাব। তিনি কি এ ধরনের শর্ত গ্রহণ না করে পারেন? শীল পালনের নাম শূনে তিনি মনে আনন্দ লাভ করলেন। তখন বোধিসত্ত্ব বললেন, প্রভু! আমি তাই করব।

তারপর বোধিসত্ত্ব এই ধনী লোকের বাড়িতে অত্যন্ত সততার সাথে কাজ করতে থাকেন। তাঁর একমাত্র চিন্তা ছিল প্রভুর মঞ্জল সাধন করা।

প্রতিদিনের মতো একদিন তিনি সকালে উঠে কাজে চলে যান। সেদিন ছিল উপোসথ দিবস। কিন্তু বোধিসত্ত্ব তা ভুলে গিয়েছিলেন। এদিকে গৃহকর্তা দাস-দাসীসহ সকলকে নিয়ে উপোসথ শীল গ্রহণ করেন। বিকালে তাঁরা নীরব স্থানে বসে শীলানুশুচি ভাবনা করছিলেন। সন্ধ্যায় বোধিসত্ত্ব কাজ করে বাড়িতে ফিরে এসে দেখেন কোথাও কেউ নেই। সমস্ত বাড়ি নিস্তম্ভ। এদিকে সারাদিন কাজ করতে গিয়ে তিনি কোনো আহার গ্রহণ করতে পারেননি। পেটে ক্ষুধা। একজন দাসী তাঁকে দেখতে পেয়ে খাবার নিয়ে এলো। খেতে বসে বোধিসত্ত্ব চিন্তা করলেন অন্যদিন কত লোক থাকে। আজ আমি ছাড়া আর কেউ নেই। এর কারণ জানতে চাইলে দাসীটি বলল, আজ উপোসথ দিবস। সকলে উপোসথ পালন করছেন। দাসীর মুখে এ ধরনের কথা শূনে তাঁর পেটের ক্ষুধা উধাও হয়ে গেল। তখন তিনি ভাবলেন, আজ আমিও উপোসথব্রত পালন করব। এই বলে তিনি আহার না করে উঠে গেলেন।

তারপর গৃহকর্তার নিকট গিয়ে বোধিসত্ত্ব বললেন, ‘প্রভু! আমার ভুল হয়ে গেছে। আজ উপোসথ তা আমি জানতাম না। তাই সকালে উপোসথ গ্রহণ করতে পারিনি। আমি এখন অষ্টশীলসহ উপোসথশীল গ্রহণ করতে চাই। প্রভু, আমি তা পারব কি?’ তখন গৃহকর্তা বললেন, অর্ধেক দিন পালন করলে ফলও অর্ধেক হবে। এ কথা শূনে বোধিসত্ত্ব অষ্টশীল গ্রহণ করে শীলানুশুচি ভাবনা করতে থাকেন। সারাদিন পরিশ্রম করেছেন। তাই বেশিক্ষণ তিনি ভাবনা করতে পারেননি। ক্লাস্ত হয়ে পড়লেন। তবু উপোসথ শীল পালনের সংকল্প করলেন।

রাত গভীর হলো। হঠাৎ করে তিনি পেটে বেদনা অনুভব করলেন। ক্রমে তাঁর বেদনা বাড়তে থাকে। সীমাহীন যন্ত্রণায় তিনি ছটফট করতে থাকেন। তা গৃহকর্তার কানে গেল। তিনি তাঁকে খাবার খেতে বললেন। কিন্তু বোধিসত্ত্ব কোনো খাবার গ্রহণ করলেন না। তিনি গৃহকর্তাকে বললেন, মৃত্যু হলেও আমি আহার গ্রহণ করব না।



বোধিসত্ত্ব আহার গ্রহণ না করে চলে যাচ্ছেন

ভোর বেলা বারানসিরাজ প্রাত-ভ্রমণে বের হলেন। ভ্রমণের একপর্যায়ে সেই ধনী ব্যক্তির বাড়ির সামনে এসে উপস্থিত হন। বোধিসত্ত্ব রাজাকে দেখে চিনতে পারলেন। এ সময় বোধিসত্ত্ব মুক্তশ্রায়। এ সময় রাজাকে দেখতে পেয়ে তাঁর অস্ত্রর আনন্দে ভরে গেল। তখন তিনি ভাবলেন, আমি যদি পরজন্মে রাজা হতে পারতাম! এ ধরনের চিন্তা করতে করতে তিনি মারা গেলেন। শীলবান ব্যক্তি মুক্ত্যর সময় যেরূপ ইচ্ছা পোষণ করেন, মুক্ত্যর পর সে ইচ্ছা পূরণ হয়। অশেষ পুণ্যফলে বোধিসত্ত্ব বারানসি রাজার পুত্র হয়ে জন্ম গ্রহণ করেন। তখন তাঁর নাম হয় উদয় কুমার। শীল পালনের ফলে বোধিসত্ত্ব রাজপুত্র হয়ে জনপ্রহর্য করেন।

### অনুশীলনমূলক কাজ

অষ্টশীল পালনে বর্ষিত সুফল ছাড়া অনুরূপ আর কী কী সুফল পাওয়া যায়, তার একটি তালিকা প্রস্তুত কর (দলীয় কাজ)।

## পাঠ : ৮

## অষ্টশীল পালনের প্রয়োজনীয়তা

জগত দুঃখময়। ডুফাই দুঃখের মূল কারণ। নিয়মিত অষ্টশীল পালন তৃষ্ণা দূরীভূত করতে সহায়তা করে। বুদ্ধ দুঃখমুক্তির উপায় স্বরূপ আর্থ অষ্টাঙ্গিক মার্গ অনুসরণের নির্দেশ দিয়েছেন। এগুলো হলো : সম্যক দৃষ্টি, সম্যক সংকল্প, সম্যক বাক্য, সম্যক কর্ম, সম্যক জীবিকা, সম্যক প্রচেষ্টা, সম্যক স্মৃতি ও সম্যক সমাধি। অষ্টশীল পালনের মাধ্যমে দুঃখ নিরোধের উপায় আর্থ অষ্টাঙ্গিক মার্গ অনুসরণ করা যায়। গৃহী জীবন সর্বদা জাগতিক চিন্তায় ব্যতিব্যস্ত। এখানে শীল, সমাধি, প্রজ্ঞা ও নির্বাণ সম্পর্কে ভাবনার সুযোগ সীমিত। এক্ষেত্রে অষ্টশীল গ্রহণকারী অন্তত একবেলার জন্য হলেও সাংসারিক কর্মকাণ্ড থেকে মুক্ত হয়ে আনুগাঠিক জীবনের স্বাদ লাভ করতে পারেন। এভাবে তিনি ক্রমান্বয়ে নির্বাণের পথে নিজেকে পরিচালিত করতে পারেন। আমাদের চারপাশে অনেক অকুশল কর্মকাণ্ড ঘটতে দেখা যায়। বিশেষ করে হত্যা, চুরি, ব্যভিচার এবং নেশা সেবন বর্তমান সমাজে এক বিরাট সমস্যা। নিয়মিত অষ্টশীল পালনে চিন্তা সংযত হয়। এভাবে আমরা আত্মসংযমের মাধ্যমে অকুশলকর্ম থেকে বিরত থাকতে পারি। ধর্মীয় ও নৈতিক জীবনযাপন করতে পারি। পারিবারিকভাবে অষ্টশীল পালনের অভ্যাস গড়ে তুললে সুখী পারিবারিক জীবন গঠন করা সম্ভব। এসব বিবেচনা করে বলা যায় অষ্টশীল পালনের প্রয়োজনীয়তা অপরিসীম।

## অনুশীলনমূলক কাজ

তুমি কি অষ্টশীল পালন প্রয়োজন মনে কর? উত্তরের সপক্ষে যুক্তি দাও।

## অনুশীলনী

## শূন্যস্থান পূরণ

১. গৃহী বৌদ্ধরা সাধারণত পূর্ণিমা, অমাবস্যা এবং অষ্টমী তিথিতে ..... পালন করে।
২. ভিক্ষুক বন্দনা করে ..... নিকট ত্রিশরণসহ অষ্টশীল প্রার্থনা করতে হয়।
৩. দুপুর ..... মধ্যে আহার সম্পন্ন করতে হবে।
৪. সকলের প্রতি ..... পরায়ণ হতে হবে।
৫. নিয়মিত অষ্টশীল পালন ----- দূরীভূত করতে সহায়তা করে।



৩। অষ্টশীল প্রার্থনা করা হয় -

- i. বৃষ্ণের বন্দনা ও প্রার্থনা করে
- ii. পূজা ও দানীয় সামগ্রী বৃষ্ণবেদিতে রেখে
- iii. ভিক্ষু বন্দনা করে ত্রিশরশসহ প্রার্থনা করে

নিচের কোনটি সঠিক ?

- |             |                |
|-------------|----------------|
| ক) i        | খ) ii          |
| গ) ii ও iii | ঘ) i, ii ও iii |

নিচের অনুচ্ছেদটি পড় এবং ৪ ও ৫ নম্বর প্রশ্নের উত্তর দাও -

প্রদীপ বাবুর পরিবারের সবাই মিলে বিশেষ তিথিতে শীল পালনে রত ছিলেন। ঐ দিনই হঠাৎ ঢাকা থেকে এক অতিথি বেড়াতে আসেন। সবাই শীল পালন নিয়ে রত থাকার কারণে অতিথিকে ঠিকমতো আপ্যায়ন করতে পারেননি। অতিথি বিষয়টা বুঝতে পেরে বিহারে গিয়ে শীল গ্রহণ করলেন এবং ধ্যানাবস্থায় গভীর রাতে পেটের যন্ত্রণায় কাতর হলেও কোনোভাবেই শীলভঙ্গ্য করলেন না।

৪। অনুচ্ছেদের ঘটনাটি কোন মানবের আচরণে পরিলক্ষিত হয় ?

- |                 |              |
|-----------------|--------------|
| ক) দাস-দাসীর    | খ) গৃহকর্তার |
| গ) বোম্বিসপ্তের | ঘ) ভিক্ষুর   |

৫। উক্ত শীল গ্রহণে অতিথি যে ভাবনায় রত ছিলেন -

- i. শীলানুশ্রুতি ভাবনা
- ii. বিদর্শন ভাবনা
- iii. সমর্থ ভাবনা

নিচের কোনটি সঠিক ?

- |           |                |
|-----------|----------------|
| ক) i      | খ) ii          |
| গ) i ও ii | ঘ) i, ii ও iii |

### সৃজনশীল প্রশ্ন

- ১। পুষ্পিতা বীসা জোরে ঘুম থেকে উঠে প্রাতঃকৃত্য সম্পন্ন করেন। তিনি পরিষ্কার পোশাক পরিধান করে বিহারে গিয়ে বুদ্ধবেদিতে পূজা ও দান সামগ্রী রেখে শীল গ্রহণ করেন। ভিক্ষুর উপদেশ মতো বুদ্ধের আসনের সামনে বসে প্রার্থনা করেন। তিনি দুপুরের খাবারের পর পানীয় ছাড়া কিছু আহার গ্রহণ করতেন না। এভাবে পুষ্পিতা বীসার লোভ, দ্বেষ, মোহ দূর হয় এবং মনে প্রশান্তি বিরাজ করে।
  - ক) গৃহীরা কোন শীল পালন করেন ?
  - খ) শীল পালন বৌদ্ধদের অপরিহার্য নিত্যকর্ম কেন ?
  - গ) পুষ্পিতা বীসা যে শীল পালন করেন, তা ব্যাখ্যা কর।
  - ঘ) উক্ত শীল পালনের দ্বারা পুষ্পিতা বীসার পারিবারিক জীবনে কোন আচরণের প্রতিফলন ঘটবে পাঠ্যপুস্তকের আলোকে মতামত দাও।
  
- ২। রাজু ও সাজু ঘনিষ্ঠ বন্ধু। রাজুর পরিবারের সবাই ধর্মীয় কার্যবলি পালনে সচেতন থাকেন। পক্ষান্তরে সাজুর পরিবার ধর্মের প্রতি তেমন আগ্রহী ছিল না। এতে সাজুর মনে অনুশোচনা বিরাজ করত। একপর্যায়ে সাজু একাকী সারাদিন অনাহারে থেকে ধর্মচর্চা পালন করে। অবশেষে ধর্মীয় স্মৃতি মনে নিয়ে সাজু মৃত্যুমুখে পতিত হয় এবং মৃত্যুর পর সে সদৃশি প্রাপ্ত হয়।
  - ক) অদিন্দাদানা শব্দের অর্থ কী ?
  - খ) শীল কীভাবে গ্রহণ করতে হয় ? ব্যাখ্যা কর।
  - গ) সাজুর আচরণে কোন কাহিনীর মিল খুঁজে পাওয়া যায় ? ব্যাখ্যা কর।
  - ঘ) রাজু ও সাজু কর্মের দ্বারা কী ফল লাভ করবে পাঠ্যপুস্তকের আলোকে বিশ্লেষণ কর।

## চতুর্থ অধ্যায় দান

‘দান’ একটি মহৎ গুণ। মানুষ যে সকল উত্তম ও কল্যাণকর কাজ করে, দান তার মধ্যে অন্যতম। বৌদ্ধধর্মে ‘দান’ অনন্য স্থান অধিকার করে আছে। দান, শীল ও ভাবনা- এ তিন প্রকার কুশল কর্মের মধ্যেই বৌদ্ধধর্ম প্রতিষ্ঠিত। পূর্ববর্তী শ্রেণিতে আমরা দান, দানের বৈশিষ্ট্য বা বিবেচ্য বিষয়, দানীয় বস্তু ও দানের সুফল সম্পর্কে জেনেছি। এ অধ্যায়ে আমরা বৌদ্ধধর্মীয় দান অনুষ্ঠান, দান কাহিনী ও দানানুষ্ঠানের গুরুত্ব সম্পর্কে পড়ব।

এ অধ্যায় শেষে আমরা -

- \* বৌদ্ধধর্মীয় বিভিন্ন দানানুষ্ঠানের বর্ণনা দিতে পারব।
- \* বিভিন্ন দান কাহিনী বর্ণনা করতে পারব।
- \* দানানুষ্ঠানের সামাজিক গুরুত্ব ব্যাখ্যা করতে পারব।

পাঠ : ১

### দানানুষ্ঠান পরিচিতি

বৌদ্ধরা বিভিন্ন ধর্মীয় দান অনুষ্ঠান পালন করেন। যেমন : সংঘদান, অষ্ট পরিষ্কার দান, কঠিন চীবরদান ইত্যাদি। এসব দান অনুষ্ঠানে মূলত ভিক্ষুসংঘকে দান করা হয়। অনুষ্ঠানে অনেক লোক সমবেত হয়ে দানকার্য সম্পাদন করে। লোভ-দ্বেষ-মোহ ক্ষয়, পুণ্য অর্জন এবং নির্বাণ লাভের উদ্দেশ্যে বৌদ্ধরা দান করে। পরলোকগত জ্ঞাতিদের সদৃগতি কামনায়ও দান অনুষ্ঠানের আয়োজন করা হয়।

উল্লেখিত দানানুষ্ঠানের মধ্যে সংঘদান ও অষ্টপরিষ্কার দান যেকোনো সময় করা যায়। এজন্যে নির্ধারিত কোনো দিন নেই। দাতা প্রয়োজন অনুসারে সাধ্যমতো যেকোনো সময়ে সংঘদান ও অষ্টপরিষ্কার দান করতে পারেন। কঠিন চীবরদান শুধুমাত্র প্রতিবছর বর্ষাবাস শেষে প্রবারণা পূর্ণিমার পরদিন হতে এক মাস পর্যন্ত প্রতিদিন বিভিন্ন বিহারে উদ্‌যাপিত হয়। এ অধ্যায়ে আমরা সংঘদান সম্পর্কে পাঠ করব।

অনুশীলনমূলক কাজ  
বৌদ্ধদের দানের উদ্দেশ্য কী?

## পাঠ : ২

## সংঘদান

বৌদ্ধদের ধর্মীয় অনুষ্ঠানসমূহের মধ্যে সংঘদান অন্যতম। ভিক্ষুসংঘকে উদ্দেশ্য করে যে দান প্রদান করা হয় তাকে সংঘদান বলা হয়। বৌদ্ধরা বিশ্বাস করে যে, একজন ভিক্ষুকে দান করার চেয়ে সংঘকে দান করা খুবই ফলদায়ক।



সংঘদান

'চূড়বর্ণ' নামক গ্রন্থে ভিক্ষুসংঘকে দান প্রদানের অন্যতম পুণ্যক্ষেত্র হিসেবে অভিহিত করা হয়েছে। যেকোনো সময় এ দানানুষ্ঠান আয়োজন করা যায়। ভিক্ষু, উপাসক, উপাসিকা যে কেউ একক বা সমবেতভাবে বিহারে বা নিজ গৃহে সংঘদান অনুষ্ঠান আয়োজন করতে পারেন। সাধারণত উপাসক-উপাসিকাগণ নিজস্বগৃহেই সংঘদান অনুষ্ঠানের আয়োজন করেন। বৌদ্ধরা যেকোনো শুভ কাজ আরম্ভ করার আগে সংঘদান অনুষ্ঠানের আয়োজন করে। যেমন : বিবাহ, নতুন ঘর তৈরি, ব্যবসা-বাণিজ্য শুরু, বিদেশ গমন, নবজাতকের অন্নপ্রাশন, প্রব্রজ্যা গ্রহণ প্রভৃতি শূভ কর্মের পূর্বে সংঘদান করা যায়। তবে পরিবারের কেউ মৃত্যুবরণ করলে অবশ্যই সংঘদান অনুষ্ঠানের আয়োজন করতে হয়। বৌদ্ধরা বিশ্বাস করে যে, সংঘদানের ফলে মৃত ব্যক্তি সদৃগতি প্রাপ্ত হন। সংঘদান করতে হলে কমপক্ষে পাঁচজন ভিক্ষুর উপস্থিতি



প্রয়োজন হয়। সংঘদান অনুষ্ঠানের পূর্বে ভিক্ষুসংঘকে নিমন্ত্রণ করতে হয়। সংঘদানে ভিক্ষুর সংখ্যা যত বেশি হয় তত বেশি ভালো।

সংঘদানে সাধারণত ভিক্ষুসংঘের নিত্যপ্রয়োজনীয় দ্রব্য দান করা হয়। নিত্যপ্রয়োজনীয় দ্রব্যসমূহ হলো : অন্ন, বস্ত্র, ঔষধ, সাবান, তেল, ছাতা, সূঁচ-সূতা ইত্যাদি। সাধারণত ভিক্ষুসংঘ আহার গ্রহণের পূর্বে এ দানকার্য সম্পাদন করা হয়। সংঘদানের সময় ভিক্ষুসংঘের আসনের সামনে দান সামগ্রী সুন্দরভাবে সাজিয়ে রাখা হয়। ভিক্ষুসংঘ পরিপাটিভাবে আসনে উপবেশন করলে দান অনুষ্ঠানের কার্যক্রম আরম্ভ করা হয়। দানকার্য পরিচালনা করার জন্য ভিক্ষুসংঘের মধ্য থেকে বয়োজ্যেষ্ঠ একজন ভিক্ষুকে সভাপতি নির্বাচন করা হয়। সভাপতির অনুমতিক্রমে অনুষ্ঠানের কার্যক্রম আরম্ভ করা হয়। প্রথমে ত্রিশরত্নসহ পঞ্চশীল প্রার্থনা করা হয়। তারপর উপস্থিত ভিক্ষুদের প্রধান বা তাঁর নির্দেশে অভিজ্ঞ একজন ভিক্ষু সংঘদান গাথা তিনবার আবৃত্তি করেন। গাথাটি নিম্নরূপ:

‘ইমং ভিক্ষং সপরিষ্কারং ভিক্ষু সংঘসু দেম, পুজেম’

বাংলা অনুবাদ : এই প্রয়োজনীয় খাদ্য-দ্রব্য ভিক্ষু সংঘকে দান দিয়ে পূজা করছি।

উপস্থিত সকলে গাথাটি সম্বরে তিনবার আবৃত্তি করেন। অতঃপর, ভিক্ষুসংঘ সম্বরে করণীয় মৈত্রী সূত্র, মঞ্জল সূত্র প্রভৃতি পাঠ করেন। তারপর, “ইদং মে ঐগাতীনং হোতু, সুখিতা হোতু ঐগাতবো...নিববাণস পচাযো হোতু” (এ পুণ্য আমার জ্ঞাতিগণের মজালের হেতু হোক, জ্ঞাতিগণ সুখী হোক ... নির্বাণ লাভের হেতু হোক) উৎসর্গ গাথাটি তিনবার আবৃত্তি করে সংঘদানের পুণ্যফল জ্ঞাতিগণের উদ্দেশ্যে দান করতে হয়। উৎসর্গ গাথাকে পুণ্যানুমোদন গাথাও বলা হয়। উৎসর্গ গাথা আবৃত্তিকালে দাতা পরিবারের একজন জল ঢেলে পুণ্যরাশি মৃত জ্ঞাতিসহ সকল প্রাণী ও দেবতাদের উদ্দেশ্যে দান করে। বুদ্ধ সংঘদানের ফল সম্পর্কে উচ্চ প্রশংসা করেছেন। তিনি বলেছেন, ‘যুগে যুগে পৃথিবী, সাগর, মেরু প্রভৃতি ক্ষয় হয়ে যায়। কিন্তু শত সহস্র কল্পেও সংঘদানের ফলে অর্জিত পুণ্যরাশি শেষ হয় না।’

### অনুশীলনমূলক কাজ

সংঘদান অনুষ্ঠানের দান সামগ্রীর একটি তালিকা তৈরি কর (দলীয় কাজ)।

পাঠ : ৩

দান কাহিনী

কাহিনী : এক

বৌদ্ধধর্মে দানের বহু কাহিনী প্রচলিত আছে। সিদ্ধার্থরূপে জন্মগ্রহণের আগে তিনি আরও ৫৪৯ বার জন্মগ্রহণ করেন। বুদ্ধ হতে গেলে দশ পারমী পূর্ণ করতে হয়। তারমধ্যে দান পারমীর স্থান প্রথম। জন্ম-জন্মান্তরে তিনি অসংখ্য দান করে দান পারমী পূর্ণ করেন। একবার বোধিসত্ত্ব শিবি রাজা রূপে জন্মগ্রহণ করেন। দাতা হিসেবে তাঁর খুব সুখ্যাতি

ছিল। দানশীলতা পরীক্ষা করার জন্য দেবরাজ ইন্দ্র অশ্ব ব্রাহ্মণের বেশ ধারণ করে এসে শিবী রাজাকে বললেন, 'মহারাজ! আপনার দানশীলতার কীর্তি সর্বত্র প্রসারিত। আমি অশ্ব। আপনার দুটি চোখ আছে। আমাকে আপনার একটি চোখ দান করুন।' অশ্বের প্রতি কল্পণাবশত রাজা চোখ দান করার সিদ্ধান্ত নেন। চোখ দানের কথা শুনে রাজার সকল খিয়পাত্র, নগরবাসী এবং অন্তঃপুরবাসী সমবেত হয়ে রাজাকে চোখ দান করতে বারবার নিষেধ করতে থাকেন। সকলের নিষেধ ও বাধা সত্ত্বেও রাজা অশ্ব ব্রাহ্মণকে তাঁর চোখ দান করার সিদ্ধান্তে সংকল্পবদ্ধ থাকেন। তিনি রাজবন্দ্য সীবককে ডেকে একটি চোখ তোলার নির্দেশ দিলেন। সীবক রাজাকে বললেন, 'চোখ দান বড় কঠিন কাজ। মহারাজ! পুনরায় বিবেচনা করুন।' রাজা তাঁর সিদ্ধান্তে অটল রইলেন এবং সীবককে ডান চোখ তোলার আদেশ দিলেন। সীবক চোখটি তুলে রাজার হাতে দিলেন। রাজা তা অশ্ব ব্রাহ্মণকে দান করলেন। অশ্ব ব্রাহ্মণ চোখটি নিজের অন্ধকোঠরে স্থাপন করলেন। তখন চোখটি নীল পদ্মের মতো শোভা পেতে লাগল। রাজা বাম চোখ দিয়ে ঐ দৃশ্য দেখে ভাবলেন, 'আহা! আমার চোখ দান সার্থক হলো।' তিনি পরম প্রীতি লাভ করলেন এবং অপর চোখটিও ব্রাহ্মণকে দান করলেন। কিছুদিন ধার্ম্যাদে অবস্থান করার পর তিনি ভাবলেন, যে অশ্ব তার রাজ্যের কী প্রয়োজন? অতঃপর তিনি অমাত্যদের হাতে রাজ্যভার অর্পণ করে শ্রামণ্যধর্ম পালনের জন্য উদ্যানে চলে গেলেন। একদিন উদ্যানে বসে তিনি নিজের দানের কথা ভাবতে লাগলেন। অমনি ইন্দ্রের আসন উন্মত্ত হলো। দেবরাজ ইন্দ্র এর কারণ বুঝতে পেরে মহারাজকে বর দিলেন। তখন তিনি পুনরায় দৃষ্টি ফিরে পেলেন। তখন রাজা বললেন :

অগ্নে দান করে কর ভোজন

ভোগ কর, যথা শক্তি করে আগে দান।

পাইবে প্রশংসা হেথা, সর্ব্বে পাবে স্থান।

**কাহিনী : দুই**

পৌত্তম বুদ্ধের সময়ে শ্রাবস্তী নগরে সুদত্ত নামে একজন শ্রেষ্ঠী ছিলেন। তিনি অত্যন্ত দানশীল ছিলেন। কোনো অনাথ, তিথারি তাঁর গৃহ থেকে খালি হাতে ফিরে যেতেন না। এজন্যে তিনি অনাথপিণ্ডিক নামে খ্যাত হন।

একসময় তিনি পাঁচশত শকট (পশু চালিত গাড়ি) নিয়ে রাজগৃহ নগরে এক শ্রেষ্ঠী-বন্ধুর কাছে বেড়াতে গেলেন। সেখানে তিনি জানতে পারলেন জগতে ভগবান বুদ্ধ আবির্ভূত হয়েছেন। এই সংবাদ শুনে তিনি বুদ্ধকে দেখার ইচ্ছা পোষণ করেন। বুদ্ধের ধর্মবাসী শুনে অনাথপিণ্ডিক শ্রোতাপত্তি ফল লাভ করেন। তিনি সশিষ্য বুদ্ধকে মহাদান দিলেন এবং শ্রাবস্তীতে যাবার জন্য নিমন্ত্রণ করলেন। রাজগৃহ হতে শ্রাবস্তী পর্য্যটাল্লিখ যোজন দূরে অবস্থিত। অনাথপিণ্ডিক শ্রাবস্তীতে ফেরার পথে প্রত্যেক যোজন অন্তর একটি করে বিহার নির্মাণ করান। আঠার কোটি স্বর্ণমুদ্রা ব্যয় করে জেতবন উদ্যান ক্রয় করেন। ঐ উদ্যানে আরও আঠার কোটি স্বর্ণমুদ্রা ব্যয় করে জেতবন বিহার নির্মাণ করেন। তিস্ফুসংঘসহ বুদ্ধকে তিন আসব্যাপী আপ্যায়ন ও সেবার জন্য আরও আঠার কোটি স্বর্ণমুদ্রা ব্যয় করেন। প্রতিদিন তাঁর বাড়িতে পাঁচশত তিস্ফুকু সেবা দানের ব্যবস্থা ছিল। এই সকল মহাদানের জন্য বুদ্ধ তাঁকে 'শ্রেষ্ঠ দায়ক' উপাধিতে ভূষিত করেছিলেন।

তিনি যখন দুরবস্থায় পতিত হয়েছিলেন তখনও দান বন্ধ করেন নি। বৃষ্ণ একদিন তাঁকে জিজ্ঞাসা করেছিলেন, 'হে গৃহপতি! তোমার দান কার্য চলছে কি?' তিনি উত্তরে বলেন যে, তিনি দান করছেন, তবে তা অতি নিকট দান। বৃষ্ণ বললেন, চিত্ত উৎকৃষ্ট হলে দান কখনো নিকট হয় না। দাতার চিত্তের উৎকৃষ্টতা এবং গ্রহিতার উৎকর্ষতা সব দানকেই উৎকৃষ্ট করে। দানশীলতার কারণে অনাথপিষ্টিক বৌদ্ধধর্মের ইতিহাসে অমর হয়ে আছেন। এখন ও মানুষ শ্রদ্ধাচিন্তে তাঁর দানের কথা স্মরণ করে। এই কাহিনী পাঠ করে আমরা বুঝতে পারি, দানে যশ খ্যাতি বৃষ্ণি পায় এবং দানের ক্ষেত্রে বিস্তার চেয়ে চিত্তের উদারতাই বেশি প্রয়োজন।

**কাহিনী : তিন**

একদা দাসী পূর্ণা প্রভুর গৃহে সারারাত গৃহকর্ম করার পর ভোরে খুব ক্লান্তি ও ক্ষুধা অনুভব করেছিল। তখন সে দু'খানা আখপোড়া রুটি নিয়ে কাছের পুকুর ঘাটে গিয়ে বসল। এমন সময় একজন বৌদ্ধ ভিক্ষু ভিক্ষাপাত্র হাতে এগিয়ে আসছিলেন। ভিক্ষারত বৌদ্ধ ভিক্ষুকে দেখে পূর্ণার চিত্ত প্রশ্রয় পূর্ণ হয়ে গেল। তখন তার মনে ভিক্ষুকে কিছু দান করার ইচ্ছা জন্মিত হলো। কিন্তু সে ছিল দরিদ্র, হাতের কাছে ঐ দুটি রুটি ছাড়া কিছুই ছিল না। পূর্ণা ভাবলেন, এ পোড়া রুটি কি ভিক্ষু গ্রহণ করবেন? এভাবে দ্বিধাশ্রম্ভভাবে তিনি ভিক্ষুর কাছে এগিয়ে গেলেন। ভিক্ষুকে শ্রদ্ধা চিন্তে বন্দনা করে তার দানের ইচ্ছা প্রকাশ করে বললেন, ভক্ত! আমার কাছে শুধু দু'খানা রুটি আছে। আমি এগুলো আপনাকে দান করতে চাই। ভক্ত! আপনি কি গ্রহণ করবেন? ভক্তে পূর্ণার দানের আশ্রয় বুঝতে পেরে রুটি গ্রহণে সম্মতি প্রদান করে ভিক্ষাপাত্র এগিয়ে দিলেন। পূর্ণা আনন্দপূর্ণ চিন্তে রুটি দু'খানা ভিক্ষুকে দান করলেন। এ দানের ফলে তিনি শ্রোতাপত্তি ফল অর্জন করেন। এ কাহিনী পড়েও আমরা জানতে পারি দানের ক্ষেত্রে বিস্তার চেয়ে চিত্ত সম্পদ অধিক গুরুত্বপূর্ণ।

### অনুশীলনমূলক কাজ

দানের ক্ষেত্রে বিস্তার নয়, চিত্ত সম্পদই অধিক গুরুত্বপূর্ণ- আলোচনা কর (দলীয় কাজ)।

**পাঠ : ৪**

**দানানুষ্ঠানের সামাজিক গুরুত্ব**

বৌদ্ধধর্মে দানের সামাজিক গুরুত্ব অপরিমিত। দান দেওয়া মানুষের একটি মহৎ গুণ। এই গুণটি বিকশিত করার ক্ষেত্রে দানানুষ্ঠান বিরাট ভূমিকা রাখে। দানানুষ্ঠানের মাধ্যমে দানের অভ্যাস গড়ে উঠে। অহংকার, কৃপণতা, লোভ-দ্বেষ-মোহ প্রভৃতি দূর হয়। চিত্তের উদারতা বাড়ে। পরোপকারী মনোভাব সৃষ্টি হয়। অন্যের বিপদে সাহায্যের হাত বাড়িয়ে দেওয়ার প্রেরণা সৃষ্টি হয়। দয়া, নিরস্বার্থপরতা, মৈত্রী, প্রেম প্রভৃতি মানবিক গুণের বিকাশ ঘটে। দান, শীল এবং ভাবনার অনুশীলন মানুষকে দুঃখ থেকে মুক্তি দেয়। দান পারমী পূর্ণ না করলে নির্বাণ পথে অগ্রসর হওয়া যায় না। তাই দশ পারমীর মধ্যে দান পারমীকে প্রথমে স্থান দেওয়া হয়েছে। দানানুষ্ঠান দান ও পারমী পূরণপূর্বক মানুষকে নির্বাণ পথে পরিচালিত হতে সাহায্য করে। দান কাহিনী পড়ে আমরা জেনেছি উদার চিন্তে এবং শীলে প্রতিষ্ঠিত হয়ে

দান করলে তা উৎকৃষ্ট দান হিসেবে বিবেচিত হয়। সং উপায়ে উপার্জিত অর্থ দান করলে অধিক ফল অর্জন হয়। বৌদ্ধধর্মে দাতা ও গ্রহীতা উভয়কে শীলবান হতে হয়। দানানুষ্ঠান শীলবান ও নীতিপরায়ণ হতে সাহায্য করে।

দানানুষ্ঠানে আত্মীয় স্বজন, বন্ধু-বান্ধব, প্রতিবেশী অংশ গ্রহণ করে। ফলে পারস্পরিক যোগাযোগ ও ভাব বিনিময় হয়। এতে সামাজিক বন্ধন দৃঢ় হয়। পরস্পরের মধ্যে সুসম্পর্ক সৃষ্টি হয়। পারস্পরিক ভাল বোঝাবুঝি, হিংসা-বিদ্বেষ দূর হয়। ফলে সমাজে শান্তি বিরাজ করে। দান দ্বারা সমাজে অনেক মহৎ কাজ করা যায়। যেমন : শিক্ষা ও ধর্মীয় প্রতিষ্ঠান, হাসপাতাল, অনাথালয় স্থাপন, রাস্তাঘাট, সেতু, জলাধার তৈরি ইত্যাদি। শরীরের অঙ্গ-প্রত্যঙ্গও রক্ত দান করা যায়। এ দানের ফলে অনেক মানুষ মৃত্যুর হাত থেকে রক্ষা পায়। দুষ্টিহীন ব্যক্তি দুষ্টি ফিরে পায়। ফলে বলা যায়, দানানুষ্ঠান নৈতিক ও মানবিক গুণাবলির বিকাশ সাধন করে সামাজিক উন্নয়নে গুরুত্বপূর্ণ ভূমিকা রাখে। এজন্যে সকলের দানানুষ্ঠানের আয়োজন এবং দানানুষ্ঠানে যোগদান করা উচিত।

### অনুশীলনমূলক কাজ

দানের দ্বারা তোমাদের এলাকায় কী কী ধর্মীয় ও সামাজিক প্রতিষ্ঠান গড়ে উঠেছে তার একটি তালিকা প্রস্তুত কর (দলীয় কাজ)।

### অনুশীলনী

#### সূন্যস্থান পূরণ

১. দান' শীল ও ভাবনা এই তিন প্রকার .....কর্মের মধ্যেই বৌদ্ধধর্ম প্রতিষ্ঠিত।
২. সংঘদান করতে হলে কমপক্ষে ..... ভিক্ষুর উপস্থিতির প্রয়োজন হয়।
৩. উৎসর্গ গাথাকে ..... গাথাও বলা হয়।
৪. একবার ..... শিবিরাজা রূপে জন্মগ্রহণ করেন।
৫. দান দেওয়ার মানুষের একটি মহৎ .....।

#### সংক্ষিপ্ত প্রশ্ন

১. বৌদ্ধরা কেন দান করে?
২. বৌদ্ধরা কোন কোন ধর্মীয় দান অনুষ্ঠান পালন করে?
৩. সংঘদানে কী কী দান করতে পার?

#### বর্ণনামূলক প্রশ্ন

১. কীভাবে সংঘদান করতে হয় বর্ণনা কর।

২. দাসী পূর্ণার শ্রোতাপত্তিফল অর্জনের কাহিনী আলোচনা কর।

৩. দান দ্বারা সমাজে অনেক মহৎ কাজ সাধিত হয়- ব্যাখ্যা কর।

### বহুনির্বাচনী প্রশ্ন

১। দশ পারমীর মধ্যে প্রথম পারমী কোনটি ?

- |          |            |
|----------|------------|
| ক) দান   | খ) শীল     |
| গ) ভাবনা | ঘ) প্রজ্ঞা |

২। দান দেওয়া হয় -

- i. লোভ-দেহ-মোহ ক্ষয় করার জন্য
- ii. নির্বাণ লাভের জন্য
- iii. অনৈতিক কাজ থেকে বিরত থাকার জন্য

নিচের কোনটি সঠিক ?

- |           |             |
|-----------|-------------|
| ক) i      | খ) ii       |
| গ) i ও ii | ঘ) ii ও iii |

নিচের অনুচ্ছেদটি পড় এবং ৩ ও ৪ নম্বর প্রশ্নের উত্তর দাও :

প্রসেনজিৎ চৌধুরী নতুন বাড়িতে প্রবেশ উপলক্ষে এক দানকর্মের আয়োজন করেন। প্রাজ্ঞ ভিক্ষু সংঘদানের বিভিন্ন দিক ও ফল নিয়ে আলোচনায় বলেন-এই দানকর্ম একটি উৎকৃষ্ট ও অধিকতর বেশি পুণ্য কর্ম। সকলের উচিত এরূপ দান দেওয়া।

৩। প্রসেনজিৎ চৌধুরীর দানকর্মটি কোন দানের অন্তর্ভুক্ত ?

- |                     |           |
|---------------------|-----------|
| ক) চাঁবর দান        | খ) সংঘদান |
| গ) অষ্টপরিষ্কার দান | ঘ) মহাদান |

৪। অনুচ্ছেদে বর্ণিত দানের ফলে প্রসেনজিৎ চৌধুরী লাভ করতে পারবেন -

- |                |               |
|----------------|---------------|
| ক) চিত্ত সুখ   | খ) কায় সুখ   |
| গ) নির্বাণ সুখ | ঘ) পারমী পূরণ |

### সৃজনশীল প্রশ্ন

- ১। চম্পা চাকমা ছেলের জন্ম দিন উপলক্ষে বাড়িতে আত্মীয় ও প্রতিবেশীদের নিমন্ত্রণ করলেন। উক্ত অনুষ্ঠানে তিনি গান বাজনারও ব্যবস্থা করলেন। এতে তার মা অসন্তুষ্ট হলেন। তার ইচ্ছা ছিল বিহার অধ্যক্ষের অনুমতিক্রমে ভিক্ষুসংঘকে উপযুক্ত দান দেবেন। তাই চম্পা মায়ের ইচ্ছা পূরণ করার জন্য সংঘকে চাঁবর, ভিক্ষাপাত্রসহ নানা দ্রব্য ও বিহার উন্নয়নের জন্য নগদ অর্থ দান করলেন।
  - ক) কত প্রকার কুশল কর্মের মধ্যে বৌদ্ধধর্ম প্রতিষ্ঠিত?
  - খ) দানের উদ্দেশ্য ব্যাখ্যা কর।
  - গ) চম্পা যে দান করলেন তা কোন দানের অন্তর্ভুক্ত? ব্যাখ্যা কর।
  - ঘ) চম্পা চাকমার প্রদত্ত দানের গুরুত্ব পাঠ্যপুস্তকের আলোকে বিশ্লেষণ কর।
  
- ২। অনিল চাকমা একজন ধনাঢ্য ব্যবসায়ী। তার গ্রামে এক যুবকের একটি কিডনী নষ্ট হয়ে গেলে তিনি (অনিল চাকমা) উক্ত যুবকের চিকিৎসার জন্য এক লক্ষ টাকা দান করেন। পক্ষান্তরে সুনিল চাকমা ধনী হলেও তিনি ঐ যুবককে নিজের একটি কিডনী দান করেন। সুনিল চাকমার কিডনী দানের ফলে যুবকটি মুহূর্তের হাত থেকে রক্ষা পেল।
  - ক) সংঘদানের জন্য কতজন ভিক্ষুর প্রয়োজন?
  - খ) ভিক্ষুসংঘকে দান দেওয়া হয় কেন?
  - গ) সুনিল চাকমার দানটি কোন দানের সাথে সাদৃশ্য রয়েছে – ব্যাখ্যা কর।
  - ঘ) অনিল চাকমা ও সুনিল চাকমার দানের ফলাফল পাঠ্যপুস্তকের আলোকে তুলনামূলক বিশ্লেষণ কর।

## পঞ্চম অধ্যায়

# সূত্র ও নীতিগাথা

‘নিখিকুন্ড সূত্র’ ত্রিপিটকের অন্তর্গত বুদ্ধকথা গ্রন্থে বর্ণিত আছে। প্রকৃত সম্পদ বলতে কী বোঝায় তা ব্যাখ্যা করতে গিয়ে পৌত্তম বুদ্ধ নিখিকুন্ড সূত্রটি দেশনা করেন। অপ্রমাদ বর্গ ত্রিপিটকের ধর্মপদ গ্রন্থে পাওয়া যায়। অপ্রমাদ বর্গে কীভাবে জগতে অপ্রমত্ত বা অবিচল থেকে সংকাজ করা যায় এবং চিত্তকে নিয়ন্ত্রণ করা যায় তা বর্ণিত আছে। নিখিকুন্ড সূত্র এবং অপ্রমাদ বর্গের গাথাগুলো মানুষের নৈতিক ও মানবিক গুণাবলির বিকাশ সাধন করে। এ অধ্যায়ের প্রথম অংশে আমরা নিখিকুন্ড সূত্র এবং দ্বিতীয় অংশে অপ্রমাদ বর্গ পড়ব।

এ অধ্যায় শেষে আমরা-

- \* নিখিকুন্ড সূত্রের পটভূমি বর্ণনা করতে পারব।
- \* প্রকৃত নিখিসমূহ কী উল্লেখ করতে পারব।
- \* সূত্রটির তাৎপর্য ব্যাখ্যা করতে পারব।
- \* অপ্রমাদের ব্যাখ্যা দিতে পারব।
- \* অপ্রমত্ত থাকার সুফল মূল্যায়ন করতে পারব।
- \* নিখিকুন্ড সূত্র ও অপ্রমাদ বর্গের তুলনামূলক আলোচনা করতে পারব।

পাঠ : ১

নিখিকুন্ড সূত্রের পটভূমি

বুদ্ধের সময়ে শ্রাবস্তীতে এক ধনাঢ্য শ্রেষ্ঠী বাস করতেন। একদিন তিনি ভিক্ষুসংঘসহ বুদ্ধকে পিণ্ডানে ব্যস্ত ছিলেন। সে সময় কোশল রাজ্যের রাজার অর্ঘ্যের প্রয়োজন হয়। তিনি শ্রেষ্ঠীকে নিয়ে যাবার জন্য দূত প্রেরণ করেন। যখন শ্রেষ্ঠী বুদ্ধ ও ভিক্ষুসংঘের সেবায় ব্যস্ত ছিলেন তখন দূত এসে তাঁকে রাজার আদেশ জ্ঞাপন করেন। তখন শ্রেষ্ঠী দূতকে বলেন, ‘এখন যাও, আমি ধন সম্বন্ধে ব্যস্ত আছি।’ শ্রেষ্ঠী এখানে ধন বলতে পুণ্যসম্পদকে বুঝিয়েছেন। অতঃপর ভগবান বুদ্ধ আহার সমাঙ্গ করে পুণ্যসম্পদকে যথার্থ নিধি হিসেবে প্রদর্শন করতে নিখিকুন্ড সূত্র দেশনা করেন। এ হলো নিখিকুন্ড সূত্রের পটভূমি।

অনুশীলনমূলক কাজ

বুদ্ধ নিখিকুন্ড সূত্র কেন দেশনা করেছিলেন? বর্ণনা কর।

পাঠ : ২

নিধিকুল্ল সূত্র (পালি ও বাংলা)

১। নিধিং নিধেতি পুরিসো গম্বীরে ওদকত্তিকে,

অথে কিঞ্চে সমুত্তরে অথায মে ভবিসসতি ।

বাংলা অনুবাদ : অর্থ কষ্ট উপস্থিত হলে 'এই অর্থ ভবিষ্যতে কাজে লাগবে' এরূপ ভেবে লোকে গভীর উদকম্পশী গর্তে ধন পুতে রাখে ।

২। রাজতো বা দুৰুত্তসু চোরতো পীলিতসুস বা,  
ইপসুস বা পমোচ্চায় দুব্ভিক্খে আপদাসু বা  
এতদখায় লোকস্মিং নিধি নাম নিধীয়তি ।

বাংলা অনুবাদ : রাজার দৌরাত্ম্য, চোরের উৎপীড়ন, ঋণ, দুর্ভিক্ষ ও আপদ থেকে মুক্তির জন্য লোকে ধন পুতে রাখে ।

৩। তাব সুনিহিতো সত্তো গম্বীরে ওদকত্তিকে,  
ন সবোবা সববদা এব তসুস ভং উপকল্পতি ।

বাংলা অনুবাদ : এভাবে গভীর উদকম্পশী গর্তে ভালোভাবে ধন পুতে রাখলেও তা সব সময় ধন সঞ্চয়িতার উপকারে আসে না ।

৪। নিধি বা ঠানা চবতি সঞ্চেগ্গাবা'সুস বিমুম্বহতি,  
নাগা বা অপনামেত্তি যচ্ছা বাপি হরন্তি ভং,

বাংলা অনুবাদ : ধন স্থানচ্যুত হয়, এর স্মৃতি চিহ্ন বিস্মৃত হয়ে যেতে পারে । নাগরা স্থানান্তর করতে পারে, অথবা যক্ষরা হরণ করতে পারে ।

৫। অগ্নিযা বাপি দাযাদা উদ্ধরন্তি অপসুসতো,  
যদা পুঞ্চেগ্গক্খো হোতি সববমেতং বিনসুসতি ।

বাংলা অনুবাদ : অগ্নির উত্তরাধিকারী (মালিকের) অজ্ঞাতসারে তুলে নিতে পারে, আবার (মালিকের) পুণ্যক্ষয় হলে সমস্ত ধন নষ্ট হয়ে যায় ।

৬। যসুস দানেন সীলেন সঞ্চেগ্গমেন দমেন চ,  
নিধি সুনিহিতো হোতি ইখিযা পুরিসসুস বা

বাংলা অনুবাদ : স্ত্রীলোক বা পুরুষের দান, শীল, সংযম ও দমনের (নিয়ন্ত্রণ) দ্বারা যে পুণ্যরূপ ধন উত্তমরূপে নিহিত হয়

৭। চেতিযম্বহি চ সঞ্চে বা পুঞ্জসে অতিথিসু বা,  
মাতরি পিতরি বাপি অথো জেট্ঠম্বহি ভাতরি



বাংলা অনুবাদ : যে ধন চৈতন্য নির্মাণ, ভিক্ষুসংঘ, পুদগল, অতিথি, মা, বাবা অথবা জ্যেষ্ঠ ভাতার সেবায় নিয়োজিত হয়।

৮। এসা নিধি সুনিহিতো অজেয়ো অনুগামিকো,  
পহায গমনীষেসু এতং আদায গচ্ছতি।

বাংলা অনুবাদ : সেই ধনই প্রকৃত সুনিহিত, অজেয় ও অনুগামী হয়, এই ধন নিয়েই মানুষ পরলোকে গমন করে।

৯। অসাধারণমঞ্জ্রেসং অচোরহরশো নিধি,  
কথিরাথ ধীরো পুঞ্জ্জানি যো নিধি আনুগামিকো।

বাংলা অনুবাদ : এই ধনে অন্যের অধিকার নেই, চোরও হরণ করতে পারে না। যে ধন মানুষের অনুগামী হয় পতিত ব্যক্তির তা সঞ্চয় করা উচিত।

১০। এস দেবমনুস্‌সানাং সববকামদদো নিধি,  
যং যদেবাভিপথেত্তি সববমেতেন লব্ভতি।

বাংলা অনুবাদ : এই ধন দেবতা ও মানুষের সকল কামনা পূর্ণ করে এবং যা যা প্রার্থনা করা হয় এর দ্বারা সেসব লাভ করা যায়।

১১। সুবল্লতা সুসসরতা সুসষ্ঠানসুবুপতা  
অধিপচ্চপরিবারো সববমেতেন লব্ভতি।

বাংলা অনুবাদ : সুন্দর বর্ণ, সুমিষ্ট স্বর, সুন্দর শরীর, সুবুপ , অধিপতি হওয়ার গুণ ও সুপরিবার - সবই এর দ্বারা লাভ করা যায়।

১২। পদেসরজ্জং ইসসরিযং চক্কবত্তিসুখম্পিযং,  
দেবরজ্জাম্পি দিবেবসু সববমেতেন লব্ভতি।

বাংলা অনুবাদ : প্রদেশের রাজত্ব, ঐশ্বর্য, রাজচক্রবর্তীর সুখ, দেবরাজের দিব্য সুখ সবই এর দ্বারা লাভ করা যায়।

১৩। মানুসিকা চ সম্পত্তি দেবলোকে চ যা রত্তি,  
যা চ নিববানসম্পত্তি সববমেতেন লব্ভতি।

বাংলা অনুবাদ : মনুষ্য লোকের সম্পত্তি, দেবলোকের আনন্দ ও পরম নির্বাণসম্পদ - সবই এর দ্বারা লাভ করা যায়।

১৪। মিত্তসম্পদং আগম্মং যোনিসো বে পযুজ্জতো,  
বিজ্জাবিমুক্তিবসীভাবো সববমেতেন লব্ভতি।

বাংলা অনুবাদ : মিত্র সম্পদ লাভ করে যিনি সজ্ঞানে যোগসাধনা করেন, তাঁর বিদ্যা, বিমুক্তি, সমোখি প্রভৃতি সবকিছু এর দ্বারা লাভ করা যায়।

১৫। পটিসম্বিদা বিমোক্ষা চ যা চ সাবকপারমী,  
পক্ষেকবোধি বুদ্ধভূমি সববমেতেন লব্ভতি।

বাংলা অনুবাদ : প্রতিসম্বিদা, বিমোক্ষ, শ্রাবকপারমী (বা অর্হত্ব), প্রত্যেক বুদ্ধত্ব, সম্যক সোধোি প্রভৃতি সবকিছু এর দ্বারা লাভ করা যায়।

১৬। এবং মহিষ্মিয়া এসা যদিদং পুঞ্জসম্পদা,  
তস্মা ধীরা পসংসত্তি পত্তিতা কতপুঞ্জসত্তি।

বাংলা অনুবাদ : এই পুণ্যসম্পদগুলো এমন মহাশিক্ষিসম্পন্ন যে এজন্য শিখরবুদ্ধি পত্তিতেরা এই পুণ্যসম্পদের প্রশংসা করে থাকেন।

শব্দার্থ : নিমিৎ - ধন; নিধেতি-পুঁতে রাখা; পুরিসো-পুরুষ; গম্ভীরে-গভীরে; ওদকত্তিকে- জলসীমা থেকে দূরে মাটির নিচে; (ওদক অর্থ জল), অথে কিচ্ছে-অর্থ কষ্টে; সমুঞ্জনে-সমুৎপন্ন হলে; অখায় মে ভবিসসতি - ভবিষ্যতে এ অর্থ আমার কাজে লাগবে; রাজতো বা দুরুত্তসস - রাজার দৌরাহ্ম্য হলে; চোরতো পীলিতসস বা - চোরের উৎপীড়ন হলে; ইহসস বা পমোক্ষায়-ঋণ উপস্থিত হলে; দুবভিক্ষে আপদাসু বা - দুর্ভিক্ষ ও আপদে; এতদখায় লোকসিং - এজন্য লোকে; নিধি নাম নিধীরতে - ধন পুঁতে রাখে; তাব সুনিহিতো সত্তো - এভাবে সুনিহিত রাখা সন্তোঃ; সকেবা - সকল; সববদা- সর্বদা; তসস-তার; উপকল্পতি -উপকারে; ঠানা-স্থান; চবতি-চ্যুত হওয়া; সঞ্ঞাবসুস - স্মৃতিচিহ্নের; বিমুহতি - বিস্মৃত হওয়া; নাগা বা অপনামেত্তি -নাগেরা অপসারণ করে; যক্খা - যক্ষরা; বাপি-অথবা; হরত্তি তং - তা হরণ করতে পারে; অঞ্জিয়া-অঞ্জিয়; দাযাদা- উত্তরাধিকারী; উজ্জত্তি-উদ্ধার করা, উত্তোলন করা; অপসুসতো -অজ্ঞাতসারে; যদা পুঞ্জসম্পদো - যখন পুণ্যক্ষয়; হোতি - হয়; সববমেতং - এসব কিছু; বিনসুসত্তি- বিনাশ হওয়া; যসুস - যেসব; দানেন - দানের দ্বারা; সীলেন - সীলের দ্বারা; সঞ্ঞামেন - সযেম দ্বারা; দমেন - নিয়ন্ত্রণ দ্বারা; ইথিযা - ক্রীণণ; পুরিসা - পুরুষগণ; চেত্তিমহিহ - চৈত্য; সত্তো - সংঘ; পুণপল - পুণ্ডল; অতিথিসু - অতিথি; অথ - অতঃপর; জেট্ঠমিহ - বড়; ভাতরি - ভাই; অজেযো - অজ্ঞেয়; অনুগামিকা - অনুগামী; পহায় - ভ্যাগ করে; গমনীযেসু - গমন করে; এতং আদায় - এগুলো লাভ করে; অসাধারণমঞ্ঞেসং-অন্যের অধিকার নেই। অচোরহরণো- চোরে হরণ করতে পারে না; কথিরাথ-করা উচিত; ধীরো-ধীর; পুঞ্জোগানি - পুণ্যসম্পদ; এস - এই; দেবমনুসুসানং - দেবতা ও মানুষ; সববকামদদো - সর্ব কামনা পূর্ণ করা; যদেবাভিপথেত্তি - যা যা প্রার্থনা করা হয়; লব্ভতি- লাভ করা যায়; সুবল্লতা - সুন্দর বর্ণ; সুসসরতা - সুমিষ্ট শব্দ; সুবুপতা - সুবুপ ; সুপট্টান - সুন্দর শরীর; অধিপচ্চ - আধিপত্য; পদেসরজ্জং - প্রদেশে রাজত্ব; ইসুরিয়ং - ঐর্ষ্ব; চক্কবত্তি - চক্রবর্তী; দেবরজ্জপ্পি - দেবরাজত্ব ও; দিববসু - দিব্য সুখ; মানুসিকা - মনুষ্যলোক; রত্তি - আনন্দ, সুখ; মিত্তসম্পদং - মিত্তসম্পদ; আগম্য - আগমন; যোনিসো -মনোযোগ; পমুঞ্জতো - যোগ-সাধন; বিজ্জা - বিদ্যা; বিমুত্তি - বিমুক্তি; বসীভাবো - বশ্যতা; পটিসম্বিদা - প্রতিসম্বিদা, সম্যকভাবে উপলব্ধি; বিমোক্ষা - বিমোক্ষ; সাবক - শ্রাবক; পক্ষেক বোধি - প্রত্যেক বুদ্ধত্ব; বুদ্ধভূমি - সম্যক সোধোি; মহিষ্মিয়া- মহাশিক্ষি; কতপুঞ্জসত্তং পসংসত্তি - কৃত পুণ্যের প্রশংসা করেন।

## পাঠ : ৩

## নিখিকুণ্ড সূত্রের তাৎপর্য

‘নিধি’ অর্থ ধন; আর ‘কুণ্ড’ অর্থ নির্জন স্থান। অতএব, নিখিকুণ্ড শব্দের অর্থ হচ্ছে নির্জন বা গোপন স্থানে ধন সঞ্চয় করে রাখা। সাধারণত ধন বলতে টাকা পয়সা, অলংকার, জমি, গাড়ি, বাড়ি প্রভৃতি বোঝায়। মানুষ ভবিষ্যতের সুখের আশায় এসব ধন সঞ্চয় করে। রাজার দৌরাত্ম্য, চোরের উৎপীড়ন, ঋণ, দুর্ভিক্ষ ও আপদ হতে মুক্তির নিমিত্ত মানুষ এসব ধন শ্রোথিত করে রাখে বা গোপন স্থানে সঞ্চেপ করে রাখে। কিন্তু এসব ধন চুরি, হিনতাই, আগুন, প্রাকৃতিক দুর্যোগ প্রভৃতি কারণে নষ্ট হতে পারে। অশ্রিয় উত্তরাধিকারীগণের হস্তগত হতে পারে। এসব ধন সব সময় অধিকারীর (মালিকের) উপকার সাধন করতে পারে না। পরলোকে গমন করে না। তা ছাড়া, এরূপ ধনের কারণে হিংসা-বিদ্বেষ-সোভ-মোহ সৃষ্টি হতে পারে। প্রাণহানি ঘটতে পারে। পারম্পরিক সুসম্পর্ক নষ্ট হতে পারে। এসব ধন সুরক্ষিত নয়। তাই সুস্থ এগুলোকে প্রকৃত ধন হিসেবে আখ্যায়িত করেননি। নিখিকুণ্ড সূত্রে সুস্থ প্রকৃত ধন সম্পর্কে সঠিক ধারণা প্রদান করেন। দান, শীল, ভাবনা এবং আত্মসংযম দ্বারা অর্জিত পুণ্যসম্পদই প্রকৃত ধন। চৈত, সংঘ, শীলবান ব্যক্তি, অতিথি, মাতা-পিতা, বয়োজ্যেষ্ঠদের সেবায় অর্জিত পুণ্যসম্পদই প্রকৃত ধন। এসব ধন স্বয়ং সুরক্ষিত। এই ধন-সম্পদ কেউ হরণ করতে পারে না, কখনো বিনষ্ট হয় না। প্রয়োজনে উপকারে আসে এবং সবখানে অনুগমন করে। অতএব পুণ্য সম্পদই প্রকৃত এবং সুরক্ষিত ধন।

## নিধি বা সম্পদ চার প্রকার :

ক. স্বভাব নিধি : জমি, সোনা, হীরা ও মূল্যবান রত্নরাজি, অর্থ, বস্ত্র, পানীয়, অন্ন বা এরূপ বিনিময়যোগ্য বা হস্তান্তরযোগ্য সম্পদ।

খ. জ্ঞান নিধি : দাস-দাসী, হাতি, গরু, ঘোড়া, গাধা, ছাগল, ভেড়া, কুকুর ইত্যাদি পশু।

গ. অজ্ঞা সম নিধি : কর্ম, শিল্প, বিদ্যা, শাস্ত্র জ্ঞান এরূপ যা কিছু শিখে অর্জন করতে হয় এবং শরীরের অজ্ঞা প্রত্যজ্ঞ।

ঘ. অনুগামী নিধি : দানময়, শীলময়, ভাবনাময়, ধর্ম শ্রবণময়, ধর্মদেশনাময় পুণ্য যা সবখানে সব সময় অনুগমন করে সুখ লাভের কারণ হয়।

নিখিকুণ্ড সূত্র পড়ে বোঝা যায়, ভোগসম্পদের চেয়ে পুণ্যসম্পদ অর্জন করাই শ্রেয়। সুতরাং নিখিকুণ্ড সূত্রের তাৎপর্য অপরিসীম।

## অনুশীলনমূলক কাজ

প্রকৃত নিধি বলতে কী বোঝ?

শ্রেষ্ঠীর উক্তিটি মূল্যায়ন কর।

## পাঠ : ৪

## অগ্রমাদ বর্গের পটভূমি

অগ্রমাদ বর্গে ১২টি গাথা আছে। বুদ্ধ গাথাগুলো বিভিন্ন স্থানে বিভিন্ন ব্যক্তিকে উদ্দেশ্য করে ভাষণ করেছিলেন। ফলে ধারণা করা যায় যে, অগ্রমাদ বর্গের গাথাগুলোর ভিন্ন ভিন্ন পটভূমি রয়েছে। এখন অগ্রমাদ বর্গের গাথাগুলোর পটভূমি সম্পর্কে জানব।

জানা যায়, বুদ্ধ অগ্রমাদ বর্গের ১ নং গাথা থেকে ৩ নং গাথা ভাষণ করেছিলেন কৌশাখীর অন্তর্গত ঘোষিতারামে অবস্থানকালে। সে সময় মহারাজা উদয়নের প্রধান মহিষী ছিলেন শ্যামাবতী। তিনি ছিলেন বুদ্ধভক্ত। তিনি প্রতিদিন বুদ্ধের ধর্ম শ্রবণের জন্য ঘোষিতারামে যেতেন। রাজার অপর রানি ছিলেন মাগন্ধিয়া। কিন্তু তিনি ছিলেন বুদ্ধ বিদেষী। তিনি রানি শ্যামাবতীর বুদ্ধভক্তি একবারেই সহ্য করতে পারতেন না। তাই তিনি রাজাকে রানি শ্যামাবতীর বিরুদ্ধে উত্তেজিত করার চেষ্টা করতেন। কিন্তু তাঁর সমস্ত চেষ্টা বিফল হলো। কোনো ক্ষতি করতে না পেরে অবশেষে রানি মাগন্ধিয়া রানি শ্যামাবতীর প্রাসাদে আগুন লাগালেন। পাঁচশ সহস্রীসহ রানি শ্যামাবতী আগুনে পুড়ে মারা গেলেন। যড়যন্ত্র প্রকাশ পেয়ে গেলে রাজা উদয়ন রানি মাগন্ধিয়াকে প্রাণদণ্ডের বিধান দিলেন। এ কাহিনী শুনে বুদ্ধ তাঁর শিষ্যদের উপদেশচ্ছলে প্রথম তিনটি গাথা ভাষণ করেছিলেন।

বুদ্ধবোধক নামে রাজগৃহে এক ধনী গৃহস্থ ছিলেন। পিতৃ-মাতৃহীন বুদ্ধবোধক অনেক সম্পত্তির অধিকারী ছিলেন। কিন্তু তিনি কখনো বিলাসিতা করতেন না। তিনি সংভাবে কঠিন পরিশ্রম করে জীবিকা নির্বাহ করতেন। এজন্য রাজা বিধিসার তাঁকে শ্রেষ্ঠা উপাধি দিয়ে পুরস্কৃত করেন এবং তাঁর কন্যার সঙ্গে বিবাহ দেন। একদিন রাজা বিধিসার কন্যা এবং জামাতাকে বুদ্ধের কাছে নিয়ে গেলেন এবং তাঁদের সব কথা খুলে বলেন। বুদ্ধ তা শুনে পরিশ্রমী আর উদ্যোগী ব্যক্তিদের প্রশংসা করে ৪নং গাথাটি ভাষণ করেন।

রাজগৃহের অধিবাসী মহাপম্বক ভিক্ষুব্রত গ্রহণ করার অঙ্গ সময়ের মধ্যেই অর্হত লাভ করেন। তখন তিনি তাঁর কনিষ্ঠ ভ্রাতা চুল্লপম্বককে ভিক্ষুব্রতে দীক্ষা প্রদান করেন এবং ভাবলেন সহজে তাঁরও মুক্তি লাভ হবে। চুল্লপম্বক কিছু মেধাবী ছিলেন না। দীর্ঘ চার মাস চেষ্টা করেও তিনি একটি গাথা মুখস্থ করতে পারেন নি। তাইয়ের বুদ্ধির জড়তায় ক্ষুব্ধ হয়ে মহাপম্বক তাঁকে ভিক্ষুসংঘ ছেড়ে চলে যেতে আদেশ দিলেন। ভাইয়ের নির্দেশে তিনি খুব ভোরে যখন বিহার ত্যাগ করে চলে যাচ্ছিলেন তখন বুদ্ধ তাঁকে দেখতে পেলেন। চলে যাবার কারণ শুনে বুদ্ধ তাঁকে একশুভ কাপড় দিয়ে বললেন, সূর্য উঠলে সূর্যের দিকে তাকিয়ে কাপড়টি নাড়বে। তিনি তা করতে লাগলেন। কিছুক্ষণের মধ্যে হাতের ঘাম লেগে কাপড়টি ময়লা হয়ে গেল। চোখের সামনে ক্ষণিকের মধ্যে কাপড়টির অবস্থার পরিবর্তন দেখে তিনি জীবনের অনিত্যতা উপলব্ধি করলেন। তারপর অগ্রমত্ত হয়ে সাধনায় অর্হতফল লাভ করেন। বুদ্ধ তাঁর প্রশংসা করে ৫ নং থেকে ৭ নং গাথা ভাষণ করেছিলেন।

বুদ্ধ যখন শ্রাবস্তীর জেতবনে অবস্থান করছিলেন তখন তাঁর প্রধান শিষ্যদের মধ্যে অন্যতম মহাকশ্যপ থের পিল্লী গৃহায় ধ্যানে মগ্ন ছিলেন। সে সময় তাঁর মানসপটে বুদ্ধের এই বাণী, ফুটে উঠল – জীবগণের উৎপত্তি আর বিনাশ দুর্ভেদ্য। মাতৃগর্ভে জন্মলাভ করার পর মাতা-পিতার অজ্ঞাতেই কত জীবের মৃত্যু ঘটছে তা একমাত্র সম্যক জ্ঞানসম্পন্ন ব্যক্তি জানেন। এ প্রশংসা বুদ্ধ ৮ নং গাথাটি ভাষণ করেছিলেন।

বুন্দের উপদেশ শুনে দুই ভিক্ষু ধ্যান সাধনার জন্য বনে গেলেন। তাঁদের মধ্যে একজন প্রমাদ এবং আলস্যের কারণে ধ্যান সাধনায় বেশি দূর অগ্রসর হতে পারলেন না। অন্যজন অপ্রমত্ত থেকে অবিচল নিষ্ঠার সঙ্গে ধ্যান সাধনা করতে লাগলেন এবং অর্হত লাভ করলেন। সাধনা শেষ হলে উভয়ে বুন্দের কাছে ফিরে এসে যাঁর যেমন ফল লাভ হয়েছে তা বললেন। তাঁদের কথা শুনে বুন্দ ৯ নং গাথাটি ভাষণ করেছিলেন।

বৈশালীর স্ট্রাপারশালায় একদিন বুন্দ মহালি লিচ্ছবীকে দেবরাজ ইন্দের পূর্ব জন্মকথা শোনাচ্ছিলেন। পূর্বের এক জন্মে ইন্দ্র তেত্রিশজন যুবক নিয়ে এক শেছাসেবক দল গড়েন। তাঁরা মাতা-পিতা ও গুরুজনের সেবা, নগরে ও গ্রামে আবর্জনা পরিষ্কার, সর্বসাধারণের জন্য রাস্তাঘাট নির্মাণ ইত্যাদি কল্যাণকর্মে রত থাকতেন। মৃত্যুর পর তাঁরা সকলে স্বর্গ লাভ করেন এবং ইন্দ্র দেবরাজ হন। এই কাহিনীর সূত্র ধরে বুন্দ ১০ নং গাথাটি ভাষণ করেছিলেন।

বুন্দ জেতবনে অবস্থানকালে এক ভিক্ষু তাঁর নিকট ধ্যান শিক্ষা করে বনে গিয়ে ধ্যান অভ্যাস করতে লাগলেন। কিছু অনেক চেষ্টায়ও ফল লাভ না হওয়ায় তিনি বুন্দের নিকট ফিরে যাচ্ছিলেন। পথে এক বিরাট দাবান্নি তাঁর গতিরোধ করল। তিনি দেখলেন ভীষণ আগুন তাঁর সমস্ত কিছুকে পুড়িয়ে ধবংস করতে দুর্বীর গতিতে এগিয়ে আসছে। এই দৃশ্য তাঁর মনে নতুন উৎসাহ ও ধেরণা এনে দিল। ঐ আগুনের মতোই তিনি সমস্ত বাধাবিঘ্নকে জয় করে সাধন পথে এগিয়ে যাবার সংকল্প করলেন। তাঁর সংকল্পের কথা জানতে পেরে বুন্দ ১১ নং গাথাটি ভাষণ করেছিলেন।

ভিক্ষু তিষ্য শ্রাবস্তীর কাছেই নিগম গ্রামে বাস করতেন। বাইরের জগতের সঙ্গে তাঁর কোনো সংস্রব ছিল না, বললেই হয়। নিজের কয়েকজন আত্মীয়-স্বজনের কাছে ভিক্ষা করে যা পেতেন তাতেই তাঁর প্রয়োজন মিটত। এর বেশি কিছুর আকাঙ্ক্ষা তাঁর ছিল না। তাই অনাথাপিড়িকের মতো শ্রেষ্ঠীদের মহাদান বা কোশলরাজ প্রসেনজিতের আরও বড় দান-উৎসবে তিষ্যকে কখনো দেখা যায়নি। এ নিয়ে লোকে তাঁকে নিন্দা করত এবং বলত তিষ্য শুধু তাঁর স্বজনদেরই ভালোবাসেন। বুন্দ তিষ্যের এই অল্পে তৃষ্টি আর লোভহীনতার কথা শুনে তাঁর অনেক প্রশংসা করে অপ্রমাদ বর্ণের ১২ নং গাথাটি ভাষণ করেছিলেন।

### অনুশীলনমূলক কাজ

অপ্রমাদ বর্ণের ১নং থেকে ৩ নং গাথা বুন্দ কাদের উদ্দেশ্যে ভাষণ করেছিলেন?

এবং কেন করেছিলেন বল।

৫ নং থেকে ৭ নং গাথার পটভূমি বর্ণনা কর।

### পাঠ : ৫

#### অপ্রমাদ বর্ণ (পালি ও বাংলা)

১. অপ্রমাদো অমতং পদং পমাদো মচ্ছুনো পদং

অপ্রমত্তা ন মীয়ত্তি যে পমত্তা যথা মতা।

বাংলা অনুবাদ : অপ্রমাদ অমৃতের পথ, প্রমাদ মৃত্যুর পথ। অপ্রমত্ত ব্যক্তির অমরত্ব লাভ করেন, কিন্তু যারা প্রমত্ত তারা বেঁচে থেকেও মৃতবৎ।

২. এতৎ বিসেসতো ঞ্জা অপ্রমাদমুহি পত্তিতা,  
অপ্রমাদে পমোদন্তি অরিযানং গোচরে রতা।

বাংলা অনুবাদ : এ সত্য বিশেষরূপে জেনে পণ্ডিতগণ অপ্রমত্ত হয়ে আর্ষদের (বা শ্রেষ্ঠদের) পথ অনুসরণ করে থাকেন এবং অপ্রমাদে প্রমোদিত হন।

৩. তে ঝাযিনো সাত্ততিকা নিচ্চং দলহ্ পরঙ্কমা,  
ফুসন্তি ধীরা নিববানং যোগক্খেমং অনুত্তরং।

বাংলা অনুবাদ : যারা ধ্যানপরায়ণ, সব সময় উদ্যোগী ও নিত্য দৃঢ় পরাক্রমশালী সেই ধীর ব্যক্তিগণ সর্বশ্রেষ্ঠ যোগক্ষেম নির্বাণ প্রত্যক্ষ করেন।

৪. উট্টানেনবতো সত্তিমতো সুচিকম্বসুস নিসম্বকারিনো,  
সঞ্জেত্তসুস চ ধম্ম জীবিণো অপ্রমত্তসুস যসোহত্তি বড্ঢত্তি।

বাংলা অনুবাদ : যিনি উৎসাহী, স্মৃতিমান ও সুবিবেচক, যিনি সংযত ইন্দ্রিয়, ধর্মপরায়ণ ও উদ্যমশীল তাঁর যশ ক্রমশই বাড়ে।

৫. উট্টানেন'প্রমাদেন সঞ্জেত্তমেন দমেন চ,  
দীপং কথিরাত্থ মেধাবী যং ওযো নাভিকীরতি।

বাংলা অনুবাদ : উদ্যোগ, অপ্রমাদ, সংযম এবং (ইন্দ্রিয়) দমন দ্বারা মেধাবী ব্যক্তি যে ধীপ রচনা করেন প্লাবণ তাকে ধবংস করতে পারে না।

৬. পমাদ মনুযুজন্তি বালা দুখেযিনো জ্ঞনা,  
অপ্রমাদম্ব মেধাবী ধনং সেট্টং'ব রক্খতি।

বাংলা অনুবাদ : অজ্ঞ ও দুর্মতি লোকেরা প্রমাদযুক্ত (অনবধান, আলস্যপরায়ণ) হয়। কিন্তু যিনি মেধাবী তিনি অপ্রমাদকে (অবধান, তৎপরতা) শ্রেষ্ঠ ধনের মতো রক্ষা করেন।

৭. মা পমাদং অনুযুঞ্জেথ, মা কামরতি সম্প্বৎ,  
অপ্পমত্তোহি ঝায়ত্তো প্লাত্তোতি বিপুলং সুখং।

বাংলা অনুবাদ : প্রমাদে অনুরক্ত হয়ো না, কামাসক্ত হয়ো না। অপ্রমত্তভাবে যিনি ধ্যান করেন তিনি বিপুল সুখ লাভ করেন।

৮. পমাদং অপ্পমাদেন যদানুদত্তি পত্তিতো,  
পঞ্জেত্তা পাসাদ মারুয্হ অসোকো সোকিনিং পজ্জং,

পবনতট্টোব ভূমট্টো ধীরো বালে অবেকখতি ।

বাংলা অনুবাদ : যখন পণ্ডিত ব্যক্তি অপ্রমাদ দ্বারা প্রমাদকে দূর করেন, তখন তিনি প্রজ্ঞারূপ প্রাসাদে আরোহণ করেন, নিজে শোকহীন হয়ে শোকমুক্ত লোকদের অবলোকন করেন, যেমন পর্বত শিবরক্ষা ধীর ব্যক্তি ভূমিতে স্থিত সব লোকদের দেখেন ।

৯. অল্পমতো পমন্তেসু সন্তেসু বহু জাগরো,  
অবলসসংব সীঘসসো হিত্বা য়াতি সুমেধসো ।

বাংলা অনুবাদ : বেগবান ঘোড়া যেমন দুর্বল ঘোড়াকে পিছনে ফেলে যায়, মেধাবী ব্যক্তিও তেমনি প্রমত্তদের মধ্যে অপ্রমত্ত এবং নিদ্রিতদের মধ্যে জাগ্রত থেকে ধর্মপথে এগিয়ে চলেন ।

১০. অল্পমাদেন মঘবা দেবানং সেট্টতং গতো,  
অল্পমাদং পসংসক্তি পমাদো গরহিতো সদা ।

বাংলা অনুবাদ : ইন্দ্র অপ্রমাদ অর্থাৎ কর্তব্যকর্মে অবিচল নিষ্ঠা দ্বারা দেবতাদের মধ্যে শ্রেষ্ঠ লাভ করেছেন । তাই পণ্ডিতগণ অপ্রমাদের প্রশংসা করেন । প্রমাদ সব সময় গর্হিত বা নিন্দনীয় ।

১১. অল্পমাদরতো ভিক্খু পমাদে ভয় দসুসি বা,  
সংগ্গেজজনং অনুং থ্লাং ডহং অগুণীব গচ্ছতি ।

বাংলা অনুবাদ : যে ভিক্ষু অপ্রমাদে রত বা প্রমাদে ভয়দর্শী, তিনি সুস্থ ও স্থূল ছোট বড় সমস্ত সংযোজনকে (বা বন্ধনকে) আগুনের মত দগ্ধ করতে করতে এগিয়ে যান ।

১২. অল্পমাদ রতো ভিক্খু পমাদে ভয় দসুসি বা,  
অভবেবা পরিহানায় নিববানস্বেব সন্তিকে ।

বাংলা অনুবাদ : যে ভিক্ষু অপ্রমাদে রত থেকে প্রমাদকে সম্বন্ধে পরিহার করেন, তিনি ধর্মের পথ থেকে ভ্রষ্ট হন না । তিনি নির্বাসনের কাছেই অবস্থান করেন ।

শব্দার্থ : অল্পমাদো - অপ্রমাদ; অমতপদং - অমৃতের পথ; পমাদো - প্রমাদ; মচুনো পদং - মুত্থুর পথ; যে পমত্তা - যারা প্রমত্ত; তে যথামতা - তারা মৃতের মতো; অল্পমত্তা ন মীয়ত্তি - অপ্রমত্ত ব্যক্তিগণ মরেন না; অল্পমাদমুহি - অপ্রমাদে; বিসেসতো ঐত্ত্বা -এর বিশেষত্ব জেনে; পণ্ডিতা অরিয়ানং গোচরে রতা - পণ্ডিতগণ আর্যদের আচরিত ধর্মে রত থাকেন; অল্পমাদে পমোদত্তি - অপ্রমাদে প্রমোদিত হন; দলহপরক্কমা - দৃঢ় পরাক্রম; তে ধীরা - সেই ধীর ব্যক্তিগণ; অনত্তং - সর্বশ্রেষ্ঠ; যোগক্খেমং নিববানং- যোগক্ষেম নির্বাণ; কুসুসনি - স্পর্শ করেন, লাভ করেন; উট্টানবতো-উত্থানশীল; সত্তিমতো- স্মৃতিমান; সুচিকম্মসুস- সুচিকর্মযুক্ত; নিসুসম্মকারিনো- বিশেষ বিবেচনা সহকারে কর্ম সম্পাদনকারী; সংগ্গেজতসুস - সংঘত; ধম্মজীবিনো -ধর্মপরায়ণ; অল্পমত্তসুস চ - এবং অপ্রমত্ত ব্যক্তিগণ;



বনো ভিভচতি - যশ বর্ধিত হয়; উট্টানেন - উত্থান, জাগরণ দ্বারা; অপ্পামদেন - অপ্রমাদ দ্বারা; সঙ্কেণমেন - সংযম দ্বারা; দমনে চ - এবং দমন দ্বারা; মেধাবী - মেধাবী; দীপং কবিরাথ - দীপ নির্মাণ করেন; যৎ - যাকে; গুঘো প্লাবন; ন অভিকীরতি - বিলম্ব করতে পারে না; দুম্মেখিনো জনা - অজ্ঞ ও দুর্বুদ্ধি লোকেরা; পমাদং অনুমুঞ্জেত্তি - প্রমাদে অনুরক্ত হয়; অল্পমাদঞ্চ মেধাবী ধনং সেট্টং - আর জ্ঞানী অপ্রমাদকে শ্রেষ্ঠ ধনের ন্যায়; রক্ষতি - রক্ষা করে; পমাদং মা অনুমুঞ্জেত্ত - প্রমাদে অনুরক্ত হবে না; কামরতিসহুং মা - কামরতি সঙ্কেপে আসক্ত হবে না; অপ্পমত্তং হি ঝায়ত্তো - অপ্রমত্তভাবে যিনি ধ্যান করেন; বিপুলং সুখং প্পপোতি - তিনি বিপুল সুখ লাভ করেন; যদা পত্তিতো - যখন পত্তিত ব্যক্তি; অল্পমাদেন পমাদং নুদতি - অপ্রমাদ দ্বারা প্রমাদকে দূর করেন; অসোকো - শোকহীন; পঞ্জেগাপাসাদমারুযং - প্রজ্ঞাবৃৎ প্রাসাদে আরোহণ করে; ভুম্মট্টে - ভূমিস্থিত; সোকিনিং বালে পজং (শোকসত্তত্ত মুর্খ প্রজ্ঞাদের; পববত্তট্টো'ব - পর্বতে অবস্থিত; ধীরো ইব - ধীর ব্যক্তির ন্যায়; অবেক্ষতি - অবলোকন করন; সুমেখসো - মেধাবী ব্যক্তি; পমত্তেসু অল্পমত্তো - প্রমত্তদের মধ্যে অপ্রমত্ত থেকে; সুত্তেসু বহুজাগরো - সুত্তদের মধ্যে সদা জাগ্রত থেকে; অবলসংযং হিত্তা - দুর্বল অথকে অতিক্রমকারী; সীঘস সো ইব - দ্রুতগামী অশ্বের ন্যায়; যতি - যান বা অশ্বসর হন; মধবা - ইন্দ্র; অল্পমাদেন - অপ্রমাদ দ্বারা; দেবানং - দেবতাদের মধ্যে; সেট্টতং গতো - শ্রেষ্ঠত্ব লাভ করেন; অল্পমাদং পসংসত্তি - অপ্রমাদকে প্রশংসা করেন; পমাদো সদা গরহিতো - প্রমাদ সর্বদা নিন্দনীয় বা গর্হিত; অল্পমাদরতো - অপ্রমাদপরায়ণ; পমাদে ভয়দসুপি বা - বা প্রমাদে ভয়দশী; তিক্কু - তিক্কু; অগুপি ইব - অগ্নির মত; অগুং গুলং সূক্ষ ও স্মূল; সঞ্জেগোজনং - সংযোজন, বন্ধন; গচ্ছতি - অশ্বসর হন; পরিহানায অভব্বো - ধর্মপথ পরিহার না করে; নিববানসুসেব সত্তিকে - নির্বাণের নিকটবর্তী হন।

## পাঠ : ৬

### অপ্রমাদ বর্ণের তাৎপর্য

'অপ্রমাদ' শব্দের অর্থ হচ্ছে উদ্যম, উৎসাহ, উত্থানশীলতা, পরাক্রম, জাগ্রতভাব, স্মৃতিমান, সংযমশীলতা ইত্যাদি। অপ্রমাদ বুদ্ধের সমস্ত শিক্ষার ভিত্তি ও মূলনীতি। নির্বাণ লাভের জন্য অপ্রমাদ অত্যাবশ্যক। 'ধর্মচক্র প্রবর্তন' সূত্রে অপ্রমাদকে জ্ঞান মার্গ লাভের সোপান বলে অভিহিত করা হয়েছে। মহাপরিনির্বাণ সূত্রে বর্ণিত বুদ্ধের অষ্টম উপদেশসমূহের সারকথাই হচ্ছে অপ্রমাদ। বুদ্ধ বলেছেন, 'যত প্রকার সবল প্রাণীর পদচিহ্ন আছে তার মধ্যে হাতির পদচিহ্ন সর্বাপেক্ষা বৃহৎ। এবুৎ কুশল কর্মের মধ্যে অপ্রমাদই সর্বাপেক্ষা গুরুত্বপূর্ণ।' অপ্রমাদ ব্যতীত স্মৃতির অনুশীলন সম্ভব নয়। অপ্রমাদ স্মৃতিকে জাগ্রত করে। যাঁরা স্মৃতিকে জাগ্রত রাখেন তাঁরা নির্বাণ লাভ করেন।

অপ্রমাদ বর্ণে অপ্রমত্ত এবং প্রমত্ত ব্যক্তির স্বরূপ সম্পর্কে বর্ণনা পাওয়া যায়। যিনি অবিচল থেকে নিষ্ঠার সঙ্কেপ সৎকাজ করেন তিনি অপ্রমত্ত ব্যক্তি। অপ্রমত্ত ব্যক্তি রাগ-দেহ-মোহ দ্বারা বশীভূত হন না। তিনি সর্বদা জাগ্রত থাকেন। ধর্মাচরণে তৎপর থাকেন। কর্তব্যকর্মে অবিচল থাকেন এবং সর্বদা কুশলকর্ম সম্পাদন করেন। তিনি সংযত, শান্ত, অচঞ্চল, ধীর এবং প্রজ্ঞাবান হন। তিনি জন্ম-মৃত্যুর শৃঙ্খল ছিন্ন করে নির্বাণ লাভ করতে সক্ষম হন। এজন্য তিনি মৃত্যুঞ্জয়ী। অপরাধিকে, প্রমত্ত ব্যক্তি অসংযত, অশিষ্ট এবং আলস্যপরায়ণ হন। সে রাগ-দেহ-মোহ দ্বারা বশীভূত হয়। সে হিংসা ও আক্রোশের বশে



অন্যের ক্ষতি করে। প্রমাদ তাকে মুহুর্যর দিকে ঠেলে দেয়। তার পক্ষে জন্ম-মুহুর্যর শুভল ছিন্ন করা সম্ভব নয়। সে নির্বাপন লাভ করতে পারেন না। প্রমত্ত ব্যক্তির অবর্ণ, অকীর্তি, দুর্নাম দৈনদিন বৃদ্ধি প্রাপ্ত হয়। এজন্য প্রমত্ত ব্যক্তি জীবিত থেকেও মৃতবৎ। বুদ্ধকণ প্রমাদকে সর্বদা নিন্দা করেন। অপ্রমাদকে সর্বদা প্রশংসা করেন।

অপ্রমাদ বর্ণের সঙ্গে একটি উল্লেখযোগ্য ঐতিহাসিক ঘটনা জড়িত আছে। কবিত আছে, নিরোধ্য শ্রমণের মুখে অপ্রমাদ বর্ণের গাথা শুনে সত্রাট অশোক বৌদ্ধধর্মের প্রতি আকৃষ্ট হয়েছিলেন এবং বৌদ্ধধর্ম গ্রহণ করেছিলেন। তাঁর পরামর্শে সত্রাট অশোক প্রতিদিন ষাট হাজার ভিক্ষুর নিত্য আহার ও পথের ব্যবস্থা করেছিলেন। বৌদ্ধধর্মের প্রচার প্রসারে তিনি গুরুত্বপূর্ণ ভূমিকা পালন করেছিলেন। তিনি বিভিন্ন দেশে বৌদ্ধধর্ম প্রচারের জন্য ধর্মদূত প্রেরণ করেছিলেন। তাঁর পৃষ্ঠপোষকতায় অসংখ্য বৌদ্ধ বিহার, স্তূপ, স্তম্ভ নির্মিত হয়েছিল। তিনি অনুশাসন আকারে বুদ্ধবাণী পর্বতগারে এবং স্তম্ভে লিখে রাখতেন। সত্রাট অশোকের অনুশাসনের মূলকথাও ছিল অপ্রমাদ। এতে বোঝা যায়, অপ্রমাদ বর্ণের গুরুত্ব অপরিমিত। অতএব সকলের অপ্রমাদপরায়ণ হওয়া উচিত।

### অনুশীলনমূলক কাজ

‘অপ্রমাদ’ শব্দের অর্থ কী?

অপ্রমাদ ও প্রমাদের মধ্যে পার্থক্যসমূহ চিহ্নিত কর (দলীয় কাজ)।

### পাঠ : ৭

‘নিখিকুন্ড সূত্র’ এবং ‘অপ্রমাদ বর্ণের’ তুলনামূলক আলোচনা

সূত্র ও নীতিগাথাসমূহ থেকে বুকের উপদেশ ও নৈতিক জীবন গঠনের নির্দেশনা পাওয়া যায়। এই অধ্যায়ে আমরা ত্রিপিটকের অন্যতম অংশে সত্রাটিকের ‘বুদ্ধকণাঠ’ ও ‘ধর্মপদ’ গ্রন্থ হতে সংকলিত ‘নিখিকুন্ড সূত্র’ এবং ‘অপ্রমাদ বর্ণ’ পাঠ করেছি। এই সূত্র ও নীতিগাথা দুটি তুলনামূলক আলোচনা করলে দেখা যায় উভয়ই আমাদের নৈতিক জীবন গঠনের নির্দেশনা দেয়। যেমন-বুদ্ধকণাঠ গ্রন্থে বর্ণিত ‘নিখিকুন্ড সূত্র’ প্রকৃত ধন-সম্পদ সম্পর্কে সত্যিক জ্ঞান অর্জনের শিক্ষা দেয়। এতে কুশলকর্মের দ্বারা অর্জিত পুণ্যরাশিকে প্রকৃত সম্পদ বলা হয়েছে। প্রকৃত সম্পদ বা পুণ্যরাশি দান, শীল, ভাবনা, আত্মসংযম দ্বারা অর্জন করতে হয়। সং কাজের মাধ্যমে পুণ্যফল অর্জিত হয়। সৎকাজ বা কুশলকর্ম সম্পাদনের জন্য সব সময়ই মনোবোণী ও অপ্রমত্ত হতে হয়।

ধর্মপদে বর্ণিত ‘অপ্রমাদ বর্ণ’ বুদ্ধ অপ্রমত্ত হয়ে কুশলকর্ম সম্পাদনের নির্দেশ দিয়েছেন। ধীর-স্থির, প্রজ্ঞাসম্পন্ন ব্যক্তির পক্ষেই কুশলকর্ম সম্পাদন সম্ভব। তিনিই কুশলকর্ম সম্পাদন করে প্রকৃত নিধি বা সম্পদ অর্জন করতে পারেন।

‘নিখিকুন্ড সূত্র’ পাঠ করে আমরা প্রকৃত সম্পদ কী তার ধারণা অর্জন করি। অপ্রমাদ বর্ণ পাঠ করে ঐ প্রকৃত সম্পদ বা পুণ্যরাশি কীভাবে অর্জন করা যায় তা জানতে পারি। প্রমত্ত ব্যক্তি কুশলকাজ করতে পারেনা। ফলে পুণ্যফলও লাভ করতে পারে না।

নিখিকুন্ড সূত্র ও অপ্রমাদ বর্ণ পাঠ করে আমরা নৈতিক জীবনযাপন বলতে কী বোঝায় এবং নৈতিক জীবন গঠন কীভাবে করতে পারি তার দিক নির্দেশনা পাই। নিখিকুন্ড সূত্রে বর্ণিত সকল কাজই নৈতিক জীবন গঠনের উপাদান আর অপ্রমাদ বর্ণে ঐ কাজগুলি সম্পাদন করতে যেহেতু আচরণ অনুশীলন করতে হয় অর্থাৎ রাগ, দ্বেষ, ঈর্ষা, লোভ ও মোহমুক্ত হয়ে সংযম চর্চা করতে বলা হয়েছে। এভাবেই অপ্রমত্ত হয়ে কুশলকাজ করার নির্দেশনা দেওয়া হয়েছে।

নিখিকুন্ড সূত্র ও অপ্রমাদ বর্ণের শিক্ষা জীবনে অনুসরণ করলে কুশলকর্ম সম্পাদনপূর্বক পুণ্যসম্পদ সঞ্চয় করা সম্ভব। এভাবেই বৌদ্ধধর্মের চূড়ান্ত লক্ষ্য নির্বাণ পথে অগ্রসর হওয়া যায়।

## অনুশীলনী

### খুল্যস্থান পূরণ

- শ্রেষ্ঠি এখানে ধন বলতে ----- বুঝিয়েছেন।
- ..... হলে সমস্ত ধন নষ্ট হয়ে যায়।
- পুণ্য সম্পদই প্রকৃত এবং ..... ধন।
- নিধি বা সম্পদ ..... প্রকার।
- অপ্রমাদ বর্ণে ..... টি গাথা আছে।
- মহা রাজা উদয়নের প্রধান মহিষী ছিলেন.....।

### মিলকরণ

বাম	ডান
১. পুণ্য সম্পদই প্রকৃত	প্রশংসা করেন
২. নিধি অর্থ	শ্রেয়
৩. ভোগসম্পদের চেয়ে পুণ্যসম্পদ অর্জনই	ধন
৪. অপ্রমাদকে সর্বদা	দুর্জয়ে
৫. জীবগণের উৎপত্তি আর বিনাশ	সম্পদ

## সংক্ষিপ্ত প্রশ্ন

১. নিখিকৃষ্ট সূত্রের শিক্ষা কী সংক্ষেপে লেখ ?
২. অনুগামী নিধি কী সংক্ষেপে বুঝিয়ে লেখ ?
৩. ভিক্ষু তিষ্য কে? তাঁর সম্পর্কে সংক্ষেপে বর্ণনা কর।

## বর্ণনামূলক প্রশ্ন

১. নিখিকৃষ্ট সূত্র অনুযায়ী প্রকৃত ধন কী আলোচনা কর।
২. অপ্রমাদ বর্ণের ৫ নং ও ৭ নং গাথার পটভূমি বর্ণনা কর।
৩. প্রমত্ত ব্যক্তির কী পরিণাম ভোগ করতে হয় ব্যাখ্যা কর।

## বহুনির্বাচনী প্রশ্ন

১. নিখিকৃষ্ট সূত্র ত্রিপিটকের কোন গ্রন্থে বর্ণিত ?
 

ক. মজ্জিম নিকায়	খ. সংস্কৃত নিকায়
গ. খুদ্দকপাঠ	ঘ. অজ্জুত্তর নিকায়
২. সূত্র পাঠ করার মাধ্যমে লাভ করা যায় -
  - i. পুণ্য সম্পদ
  - ii. ধন সম্পদ
  - iii. বিপদ থেকে পরিত্রাণ

## নিচের কোনটি সঠিক ?

- |           |                |
|-----------|----------------|
| ক. i      | খ. ii          |
| গ. i ও ii | ঘ. i, ii ও iii |

## নিচের উদ্দীপকটি পড় ও ৪ নম্বর প্রশ্নের উত্তর দাও -

মধুপুর বিহারের ভিক্ষুরা প্রায়ই ধ্যান সাধনার জন্য গভীর বনে অবস্থান করতেন। তাদের মধ্যে অনেকেই তৃষ্ণার কারণে সাধনা পূর্ণ করতে পারেননি। কিন্তু শীলভদ্র ভিক্ষু শীল অনুশীলন ও মনের তীব্র ইচ্ছায় ধ্যান সাধনা ঘারা ইন্দ্রিয়কে জয় করলেন।

## ৩. শীলভদ্র ভিক্ষুর ধ্যান সাধনায় সূত্র ও নীতিগাথার কোন দিকটি প্রতিফলিত হয়েছে ?

- |                 |              |
|-----------------|--------------|
| ক. প্রমত্ত ভাব  | খ. আলস্যভাব  |
| গ. অপ্রমত্ত ভাব | ঘ. নিষ্ঠাভাব |

## ৪. উক্ত কর্মের প্রভাবে শীলভদ্র কী লাভ করবেন ?

- |                   |              |
|-------------------|--------------|
| ক. শ্রোতাপত্তি ফল | খ. অনাগামীফল |
| গ. সকদাগামী ফল    | ঘ. অর্হত ফল  |

### সৃজনশীল প্রশ্ন

১. ঘটনা-১ মিতা ও শিল্পী মুৎসুদী দুই সহপাঠি। মিতা অত্যন্ত ধর্মাপরায়ণ ছিল। অপরদিকে শিল্পী মোটেও মিতার ধর্মপরায়ণতা সহ্য করতে পারত না। তাই মিতাকে সব সময় অত্যাচার নির্বাহিতন করত। এত সবে পরও সে শিল্পীকে কোনো কষ্ট দিত না। একদিন শিল্পী মিতার ওপর প্রতিশোধ নেওয়ার জন্য তাকে পুড়িয়ে মারল। এমন কাজের জন্য শিল্পীকে কঠিন শাস্তি দেওয়া হলো।

ঘটনা-২ ফুলতলী গ্রামের নিরুদম অরণ্যে বিকাশ চাকমা ধর্মকর্ম নিয়ে ব্যস্ত থাকতেন। বাইরের জগতের সঙ্গে তিনি যোগাযোগ রাখতেন না। তাঁর আত্মীয় স্বজনের সঙ্গে সুসম্পর্ক ছিল। তাঁরা সাহায্য সহযোগিতা করে তাঁর প্রয়োজন মেটাতে। তাঁর আচরণে এলাকাবাসী সন্তুষ্ট ছিল না।

ক. অপ্রমাদ বর্গে কতটি গাথার উল্লেখ আছে ?

খ. অপ্রমাদ বর্গের গাথাগুলোর মাধ্যমে কোন বিষয়ে জ্ঞান অর্জন করা যায়, ব্যাখ্যা কর।

গ. ঘটনা-১ অপ্রমাদ বর্গের কোন গাথার ইঙ্গিত বহন করে।

ঘ. ঘটনা-২ অপ্রমাদ বর্গের ১২ নম্বর গাথার প্রতিচ্ছবি তুমি কি বক্তব্যটির সাথে একমত মুক্তি দাও।

২. মনিকা চাকমা স্বামীর মৃত্যুর পর সন্তানদের উপযুক্ত শিক্ষা দিয়ে তিনি বিহারে ভিক্ষুদের সেবায় নিয়োজিত হন।

তিনি কোনো প্রকার শীল ভঙ্গ না করে পুণ্য সঞ্চয় করেন।

ক. নিধি কত প্রকার?

খ. অনুগামী নিধি কীভাবে লাভ করা যায়?

গ. মনিকা চাকমার সন্তানরা কীভাবে পুণ্য সঞ্চয় করতে সক্ষম হবে? নিধিক্রম সূত্রের আলোকে ব্যাখ্যা কর।

ঘ. মনিকা চাকমার ঘটনা নিধিক্রম সূত্রের প্রতিফলন- এর যথার্থতা ব্যাখ্যা কর।

## ষষ্ঠ অধ্যায়

# আৰ্য অষ্টাঙ্গিক মার্গ

জগৎ দুঃখময়। কঠোর তপস্যা কিংবা ভোগবিলাস দ্বারা দুঃখ থেকে মুক্তি লাভ সম্ভব নয়। বুদ্ধ দুঃখ নিরোধের উপায় হিসেবে আৰ্য অষ্টাঙ্গিক মার্গ দেশনা করেছেন। এটিকে মধ্যম পথ বলা হয়। ভৃক্ষাই দুঃখের কারণ। ভৃক্ষার কারণে মানুষ বার বার জন্মগ্রহণ করে জরা, ব্যাধি, মৃত্যু প্রভৃতি দুঃখ ভোগ করে থাকে। আৰ্য অষ্টাঙ্গিক মার্গ অনুশীলন দ্বারা ভৃক্ষা ক্ষয় করে নির্বাণ লাভ করা যায়। যিনি নির্বাণ লাভ করেন তিনি জন্মগ্রহণ করেন না। যিনি জন্মগ্রহণ করেন না তিনি জরা, ব্যাধি, মৃত্যু প্রভৃতি দুঃখ ভোগ করেন না। তাই সকলের দুঃখ নিরোধের উপায় আৰ্য অষ্টাঙ্গিক মার্গ অনুশীলন করা উচিত। এ অধ্যায়ে আমরা আৰ্য অষ্টাঙ্গিক মার্গ সম্পর্কে পড়ব।

এ অধ্যায় শেষে আমরা -

- \* আৰ্য অষ্টাঙ্গিক মার্গ বর্ণনা করতে পারব।
- \* দুঃখ নিরোধের উপায় ব্যাখ্যা করতে পারব।
- \* আৰ্য অষ্টাঙ্গিক মার্গ অনুশীলনের ধর্মীয় গুরুত্ব মূল্যায়ন করতে পারব।

পাঠ : ১

আৰ্য অষ্টাঙ্গিক মার্গ পরিচিতি

‘মার্গ’ শব্দের অর্থ পথ। আৰ্য অষ্টাঙ্গিক মার্গ বলতে বোঝায় বুদ্ধ নির্দেশিত আটটি সম্যক বা সঠিক পথ। এই আটটি সম্যক পথ হলো :

- (১) সম্যক দৃষ্টি
- (২) সম্যক সংকল্প
- (৩) সম্যক বাক্য
- (৪) সম্যক কর্ম
- (৫) সম্যক জীবিকা
- (৬) সম্যক স্মৃতি
- (৭) সম্যক ব্যায়াম
- (৮) সম্যক সমাধি।

আর্য অষ্টাঙ্গিক মার্গকে তিন ভাগে ভাগ করা যায়। যথা : শীল, চিত্ত, প্রজ্ঞা। সম্যক বাক্য, সম্যক কর্ম ও সম্যক জীবিকা শীলের অন্তর্গত। নৈতিক জীবন গঠনের জন্য এগুলো অনুশীলন করতে হয়। সম্যক স্মৃতি, সম্যক ব্যায়াম ও সম্যক সমাধি চিত্তের অন্তর্গত। চিত্তের উৎকর্ষ ও একাত্মতা সাধনের জন্য এগুলো অনুশীলন করতে হয়। সম্যক দৃষ্টি ও সম্যক সংকল্প প্রজ্ঞার অন্তর্গত। প্রজ্ঞা বা পরম জ্ঞান অর্জনের জন্য সম্যক দৃষ্টি ও সম্যক সংকল্পের অনুশীলন করতে হয়। পরবর্তী পাঠে আমরা এই আটটি পথ সম্পর্কে বিস্তারিত জানব।

### অনুশীলনমূলক কাজ

আটটি সম্যক পথের নাম বল।

পাঠ : ২

আর্য অষ্টাঙ্গিক মার্গের ব্যাখ্যা

**সম্যক দৃষ্টি :** সম্যক দৃষ্টির অর্থ হলো সত্য বা অজ্ঞাত দৃষ্টি, যথার্থ জ্ঞান এবং চারি আর্য সত্য সম্পর্কে সম্যক জ্ঞান বা উপলব্ধি। অবিদ্যার কারণে মানুষ জীব জগৎ সম্পর্কে মিথ্যা দৃষ্টি বা ভ্রান্ত ধারণা পোষণ করে তাতে আবদ্ধ থাকে। সূর্যের আলো যেমন অন্ধকার দূর করে তেমনি সম্যক দৃষ্টি মিথ্যাদৃষ্টি দূর করে। তৃষ্ণার কারণে মানুষ বার বার জন্মগ্রহণ করে। জন্ম থেকে মৃত্যু পর্যন্ত মানুষ নানাবিধ দুঃখ ভোগ করে। কিন্তু সম্যক দৃষ্টি না থাকায় আমরা দুঃখ সত্যকে চিনতে পারিনা। মিথ্যাদৃষ্টি দিয়ে জগৎকে দেখে পরিণামে আরও দুঃখ ভেঙে আনি। সম্যক দৃষ্টিসম্পন্ন ব্যক্তি কুশলকর্ম নির্ণয় করতে পারেন। তিনি সর্বদা কুশলকর্ম সম্পাদন করেন এবং অকুশলকর্ম হতে বিরত থাকেন। তিনি জানী। জগৎকে তিনি সঠিকভাবে উপলব্ধি করতে পারেন। ভ্রান্ত ধারণা ছাড়া তিনি বিভ্রান্ত হন না।

**সম্যক সংকল্প :** সম্যক সংকল্পের অর্থ হলো সঠিক বা উত্তম সংকল্প; সঠিক কাজ করার ইচ্ছা। সং জীবন যাপনের জন্য প্রতিজ্ঞাবদ্ধ হওয়াই সম্যক সংকল্প। এজন্য ভোগবিলাস, লোভ, হেচ, মোহ প্রভৃতি বর্জনের সংকল্প করতে হয়। অপরদিকে, মৈত্রী, কনুণা, পরোপকার প্রভৃতি কুশলকর্ম সম্পাদনের সংকল্প করতে হয়। এভাবে অকুশল বর্জন করে কুশলকর্ম সম্পাদনপূর্বক সত্যজ্ঞান অনুসারে জীবনযাপনের দৃঢ় ইচ্ছা বা সংকল্পই হচ্ছে সম্যক সংকল্প। পণ্ডিতগণ সর্বদা সম্যক সংকল্প গ্রহণ করে থাকেন।

**সম্যক বাক্য :** যথার্থ এবং গ্রহণযোগ্য বাক্যই হচ্ছে সম্যক বাক্য। মিথ্যা, কর্কশ, অসার, পরনিন্দা, সত্য গোপন, বাধা বাক্য বর্জন করে সংযত, সুমিষ্ট, সুভাষিত সার বাক্যই সম্যক বাক্য। যে বাক্য অপরকে দুঃখ দেয় তা সর্বতোভাবে বর্জন করা উচিত। সত্য, শূভ, প্রীতিপদ ও অর্থপূর্ণ বাক্য ব্যবহার করা উচিত। সম্যক বাক্য দ্বারা মধুর সম্পর্ক সৃষ্টি হয়।

**সম্যক কর্ম :** সঠিক এবং কুশলকর্মই হলো সম্যক কর্ম। যে কর্ম নিজেস্বরূপ ও অপরদের মঙ্গল সাধন করে, ক্ষতি সাধন করে না তাই সম্যক কর্ম। প্রাণিহত্যা, চুরি, ব্যভিচার, মিথ্যা ভাষণ, দেশদ্রব্য গ্রহণ প্রভৃতি অকুশলকর্ম বর্জন করে

নির্দোষ কর্ম সম্পাদন করাই সম্যক কর্ম। শিক্ষার্থীদের জন্য নিষ্ঠার সঙ্গে শিক্ষা অর্জনই সম্যক কর্ম। শিক্ষা অর্জনের মাধ্যমে সুশিক্ষিত হয়ে সং কাজ করাই সম্যক কর্ম। সততার সঙ্গে নিজ নিজ কর্তব্য পালন করাই সম্যক কর্ম।

**সম্যক জীবিকা :** নৈতিকভাবে জীবিকা নির্বাহ করাই হলো সম্যক জীবিকা। বৃশ্চ অত্র, বিষ, প্রাণী, মাংস এবং নেশাদ্রব্য এ পঞ্চ বাণিজ্য পরিত্যাগ করে সং বাণিজ্য ও কর্ম দ্বারা জীবিকা নির্বাহ করতে উপদেশ দিয়েছেন। মানুষ ও প্রাণী কুলের জন্য মজাণ ও সেবামূলক যে কোনো কাজই সম্যক জীবিকা।

**সম্যক ব্যায়াম :** সং উদ্যম বা প্রচেষ্টাকে সম্যক ব্যায়াম বলা হয়। সম্যক ব্যায়াম চারভাবে অনুশীলন করতে হয়। যথা : ১. উৎপন্ন অসৎকর্ম বিনাশের জন্য প্রচেষ্টা ; ২. অনুৎপন্ন অসৎকর্ম উৎপন্ন না হওয়ার প্রচেষ্টা ; ৩. অনুৎপন্ন সৎকর্ম উৎপন্নর প্রচেষ্টা এবং ৪. উৎপন্ন সৎকর্ম সংরক্ষণ ও বৃদ্ধির প্রচেষ্টা। সম্যক উদ্যম বা সং ইচ্ছা না থাকলে জগতে কোনো কাজই সফল হয় না। সং উদ্যম ছাড়া কল্যাণকর কাজ সংঘটিত হতে পারে না। আমাদের চিত্ত সদা চঞ্চল ও সর্বদা বিচরণশীল। অস্থির চিত্তকে সংযত রাখা এবং সঠিক পথে পরিচালিত করাই সম্যক ব্যায়াম।

**সম্যক স্মৃতি :** কুশলকর্মের চিন্তাই সম্যক স্মৃতি। দৈহিক ও মানসিক সকল অবস্থায় সচেতনভাবে পর্যবেক্ষণ করাই সম্যক স্মৃতি। সম্যক স্মৃতি কুশল চেতনাকে সর্বদা জাগ্রত রাখে। চিত্তকে নিয়ন্ত্রণ করে। কুশল ও অকুশল কর্মের পার্থক্য বুঝতে সহায়তা করে। অকুশলকর্ম বর্জন করে কুশলকর্ম করার চিন্তা করাই সম্যক স্মৃতি। স্মৃতিহীন মানুষ মাঝিবিহীন নৌকার মতো।

**সম্যক সমাধি :** চিত্তের একাত্মতা সাধনই সম্যক সমাধি। চঞ্চল চিত্তকে সংযত করার প্রচেষ্টাই হচ্ছে সমাধি। চিত্ত সংযত না হলে কোনো কাজ সঠিকভাবে সম্পাদন সম্ভব নয়। তাই সকলের সমাধি চর্চা করা উচিত।

### অনুশীলনমূলক কাজ

সম্যক দৃষ্টি বলতে কী বোঝ?

সম্যক জীবিকার ধারণা দাও।

পাঠ : ৩

### নৈতিক জীবন গঠনে আর্থ অষ্টাঙ্গিক মার্গ

আর্থ অষ্টাঙ্গিক মার্গ অনুশীলনের মাধ্যমে নৈতিক জীবন গঠন এবং দুঃখ হতে মুক্তি লাভ করা যায়। লোভ-হেষ্-মোহ সকল প্রকার অকুশল এবং অনৈতিক কর্মের মূল ভিত্তি। ভ্রাত্ত ধারণার কারণে মানুষের মধ্যে লোভ-হেষ্-মোহ উৎপন্ন হয়। ফলে কুশল-অকুশল কর্ম নির্ধারণ করতে না পেরে মানুষ অনৈতিক কর্মে লিপ্ত হয়। সম্যক দৃষ্টি ভ্রাত্ত ধারণা দূর করে অনৈতিক কর্ম সম্পাদন হতে বিরত রাখে এবং নৈতিক কর্ম সম্পাদনে উদ্বুদ্ধ করে। সম্যক সংকল্পের মাধ্যমে মানুষ সং জীবনধাপনে প্রতিশ্রুতিবান্ধ হয়। সম্যক বাক্য কর্কশ, মিথ্যা, পিশুন এবং অসার কথা বলা হতে যেমন বিরত রাখে, তেমনি সত্য, অর্ধপূর্ণ এবং সুভাষিত কথা বলতে উদ্বুদ্ধ করে। সম্যক কর্ম সকল প্রকার অকুশলকর্ম হতে বিরত

রাখে এবং কুশল কর্ম করতে উৎসাহিত করে। সম্যক জীবিকা অহিতকর জীবিকা পরিত্যাগ করে কুশলকর্ম অবলম্বনের দ্বারা সৎ জীবিকা নির্বাহ করতে প্রেরণা জোগায়। সম্যক ব্যায়াম উৎপন্ন অসৎকর্মের বিনাশ করে কুশলকর্ম উৎপাদন ও সম্পাদনে সচেষ্ট করে। অকুশল কর্ম অনুৎপাদন ও বর্জনের চেষ্টা করতে শিক্ষা দেয়। সম্যক স্মৃতি কুশল কর্ম সম্পাদনের চেতনাকে জগ্ধত রাখে। সম্যক সমাধি চিন্তকে সমাহিত ও সংযত করে কুশল ও নৈতিক কর্মে নিবিষ্ট রাখে। এ থেকে বোঝা যায় যে, আৰ্য অষ্টাঙ্গিক মার্গের প্রতিটি মার্গ মানুষকে নৈতিক জীবন গঠনে সহায়তা করে। অতএব, নৈতিক জীবন গঠনে সকলেরই আৰ্য অষ্টাঙ্গিক মার্গ অনুসরণ করা উচিত।

### অনুশীলনমূলক কাজ

আৰ্য অষ্টাঙ্গিক মার্গ নৈতিক জীবন গঠনে সঠিক দিক নির্দেশনা – যৌক্তিকতা নিরূপণ কর (দলীয় কাজ)।

## পাঠ : ৪

### আৰ্য অষ্টাঙ্গিক মার্গের ধর্মীয় গুরুত্ব

আৰ্য অষ্টাঙ্গিক মার্গ বৌদ্ধধর্মের অন্যতম মূলতত্ত্ব। তথাগত বুদ্ধ জগতের দুঃখ মুক্তির উপায় হিসেবে আৰ্য অষ্টাঙ্গিক মার্গ অনুশীলনের উপদেশ দিয়েছেন। দুঃখ মুক্তির উপায় অনুসন্ধান করতে গিয়ে তিনি উপলব্ধি করেন যে, কঠোর শারীরিক কষ্ট কিংবা ভোগবিলাসে নিমগ্ন থাকা কেনোটিই দুঃখ হতে মুক্তির উপায় হতে পারে না। আৰ্য অষ্টাঙ্গিক মার্গ এই দুইটি চরম পন্থাকে বর্জন করে। তাই আৰ্য অষ্টাঙ্গিক মার্গ বৌদ্ধধর্মে মধ্যমপন্থা হিসেবে পরিচিত। বুদ্ধ মধ্যমপন্থা অবলম্বন করেই অর্হত ফল লাভ করেছিলেন। এর মাধ্যমে তিনি তৃষ্ণার ক্ষয় সাধন করে জন্ম-মৃত্যুর শৃঙ্খল হতে মুক্ত হন এবং পরম সুখ নির্বাণ লাভ করতে সক্ষম হন। বৌদ্ধদের পরম লক্ষ্য হচ্ছে নির্বাণ। তৃষ্ণাই দুঃখের কারণ। তৃষ্ণার কারণে মানুষ বারবার জন্মগ্রহণ করে দুঃখ ভোগ করে। তৃষ্ণার ক্ষয় সাধন বা নির্বাণিত অবস্থাই নির্বাণ। নির্বাণপ্রাপ্ত ব্যক্তি পুনরায় জন্মগ্রহণ করেন না। ফলে তিনি জন্মজন্মিত দুঃখ ভোগ করেন না। আৰ্য অষ্টাঙ্গিক মার্গ হচ্ছে নির্বাণ লাভের উপায়। আৰ্য অষ্টাঙ্গিক মার্গ সঠিকভাবে অনুশীলন করলে বৌদ্ধদের পরম লক্ষ্য নির্বাণ লাভ সম্ভব। সংসার জীবনে আৰ্য অষ্টাঙ্গিক মার্গ অনুশীলনকারী ব্যক্তি যাবতীয় অকুশল কর্ম সম্পাদন থেকে বিরত থেকে ধর্মপথে পরিচালিত হন। সংসার ত্যাগী বৌদ্ধভিক্ষু শ্রমণরা আৰ্য অষ্টাঙ্গিক মার্গ অনুশীলনের মাধ্যমে অর্হত ফল লাভ করে নির্বাণে উপনীত হন। তাই আৰ্য অষ্টাঙ্গিক মার্গের ধর্মীয় গুরুত্ব অপরিসীম এবং বৌদ্ধ মতই আৰ্য অষ্টাঙ্গিক মার্গ অনুশীলন করা উচিত।

### অনুশীলনমূলক কাজ

বিতর্ক অনুষ্ঠান

বিষয় : ‘শুদ্ধমাত্র সংসার ত্যাগী সাধকের পক্ষেই আৰ্য অষ্টাঙ্গিক মার্গ অনুশীলন সম্ভব’।



## অনুশীলনী

### শূন্যস্থান পূরণ

১. 'মার্গ' শব্দের অর্থ..... ।
২. .... কারণে মানুষ বারবার জন্মগ্রহণ করে ।
৩. যিনি নির্বাণ লাভ করে তিনি ..... করেন না ।
৪. যথার্থ এবং গ্রহণযোগ্য বাক্যই হচ্ছে ..... ।
৫. .... কর্মের চিন্তাই সম্যক স্মৃতি ।

### মিলকরণ

বাম	ডান
১. আর্ঘ অষ্টাঙ্গিক মার্গকে বলা হয়	সম্যক বাক্য
২. যথার্থ এবং গ্রহণযোগ্য বাক্যই হচ্ছে	ভৃষ্ণা
৩. দুঃখের একমাত্র কারণ	মধ্যম পথ
৪. কুশল কর্মের চিন্তাই	আর্ঘ অষ্টাঙ্গিক মার্গ
৫. নির্বাণ লাভের উপায়	সম্যক স্মৃতি

### সংক্ষিপ্ত প্রশ্ন

১. আর্ঘ অষ্টাঙ্গিক মার্গকে মধ্যম পথ বলা হয় কেন?
২. সম্যক বাক্য কীভাবে বলা যায়?
৩. কয়েকটি কুশলকর্মের উদাহরণ দাও ।

### বর্ণনামূলক প্রশ্ন

১. আর্ঘ-অষ্টাঙ্গিক মার্গ বলতে কী বোঝ বর্ণনা কর ।
২. সম্যক জীবিকা ব্যাখ্যা কর ।
৩. 'বৃষ্ণ নির্দেশিত আটটি সঠিকপথ অনুসরণ করে দুঃখ থেকে মুক্তি লাভ করা যায়' - আলোচনা কর ।

## বহুনির্বাচনী প্রশ্ন

১. মার্গ শব্দের অর্থ কী ?

- |           |             |
|-----------|-------------|
| ক. লক্ষ্য | খ. উদ্দেশ্য |
| গ. ধ্যান  | ঘ. পথ       |
২. আর্ষ অষ্টাঙ্গিক মার্গ অনুশীলন করার অন্যতম কারণ কোনটি ?
- |                    |                    |
|--------------------|--------------------|
| ক. ধন সম্পদ অর্জন  | খ. বিলাস জীবন যাপন |
| গ. পার্থিব সুখ লাভ | ঘ. নৈতিক জীবন গঠন  |

নিচের উদ্দীপকটি পড় এবং ৩ ও ৪ নম্বর প্রশ্নের উত্তর দাও—

কৌশিক ধীর ও মিতভাষী হওয়ার কারণে সহপাঠীদের কাছ থেকে প্রায়ই বিভিন্ন কটুক্তি শুনতে হতো। তারপরেও সহপাঠীদের প্রতি সে মৈত্রীভাবে গোষণ করত। বিদ্যালয়ের সমাপনী পরীক্ষায় সে প্রথম স্থান লাভ করে এবং শৃঙ্খলার জন্য সে সেরা শিক্ষার্থী নির্বাচিত হয়।

৩. কৌশিকের আচরণে আর্ষ অষ্টাঙ্গিক মার্গের কোন পঞ্চটিকে নির্দেশ করে ?

- |                 |                 |
|-----------------|-----------------|
| ক. সম্যক দৃষ্টি | খ. সম্যক সংকল্প |
| গ. সম্যক কর্ম   | ঘ. সম্যক স্মৃতি |

৪. উক্ত কর্মের ফলে কৌশিক অর্জন করতে পারে –

- i. জ্ঞান মার্গ
- ii. কুশলকর্ম নির্ণয়
- iii. আস্ত ধারণা নিরসন।

নিচের কোনটি সঠিক ?

- |           |                |
|-----------|----------------|
| ক. i      | খ. ii          |
| গ. i ও ii | ঘ. i, ii ও iii |

### সৃজনশীল প্রশ্ন

১. সুমন ও বুমন দুই প্রতিবেশী। এদের মধ্যে পেশায় সুমন একজন সৎ ব্যবসায়ী এবং বুমন দরিদ্র কৃষক। সুমন কাজকর্মে মিথ্যার আশ্রয় নেয় এবং মানুষের সাথে প্রভারণা করে। এ ছাড়া বিভিন্ন ক্লাবে গিয়ে জুয়া খেলে ও নেশা জাতীয় দ্রব্য সেবন করে। পক্ষান্তরে বুমন কাজে ফাঁকি দেয় না, সত্বভাবে পরিশ্রম করে জীবিকা নির্বাহ করে। বুমনের আচরণে গ্রামের লোকজন তাকে খুব পছন্দ করে।

ক. আর্ঘ অষ্টাঙ্গিক মার্গ কত প্রকার ?

খ. সম্যক সমাধি বলতে কী বোঝ ?

গ. সুমনের আচরণে আর্ঘ অষ্টাঙ্গিক মার্গের কোন অঙ্গ লঙ্ঘিত হয়েছে ? ব্যাখ্যা কর।

ঘ. বুমনের কর্মটি আর্ঘ অষ্টাঙ্গিক মার্গের সম্যক জীবিকার প্রতিফলন—তুমি কি বস্তুব্যটির সঙ্গে একমত ? মতামত দাও।

২. রাহুল ভাবুক প্রকৃতির এক যুবক। তিনি সব সময় জীবের প্রতি সদয় থাকতেন এবং মন্দ কাজ ত্যাগ করে ভালো কাজ করার চিন্তা করতেন। কিন্তু সংসারের দুঃখ-কষ্ট অনুভব করতে গেলে একপর্যায়ে তিনি প্রব্রজ্যা গ্রহণ করলেন। কিছুদিন পর তিনি প্রচণ্ড দ্বারের কারণে মুত্থামস্রণা অনুভব করতে লাগলেন। শেষে ধ্যান-সাধনার মাধ্যমে সুস্থ হয়ে উঠলে তিনি দুঃখ মুক্তির পথ খুঁজে পেলেন।

ক. সম্যক কর্ম কী ?

খ. আর্ঘ অষ্টাঙ্গিক মার্গ অনুশীলনের প্রয়োজনীয়তা বুঝিয়ে লেখ।

গ. কোন মার্গ অবলম্বনের মাধ্যমে রাহুল অসীম লক্ষ্য অর্জন করতে পেরেছেন ? বর্ণনা কর।

ঘ. রাহুল প্রব্রজ্যা জীবন গ্রহণের মাধ্যমে কতটুকু সফল হয়েছিলেন? পাঠ্যপুস্তকের আলোকে ব্যাখ্যা কর।

## সপ্তম অধ্যায়

# ধর্মীয় আচার অনুষ্ঠান ও উৎসব

বৌদ্ধ সম্প্রদায় বিভিন্ন ধর্মীয় আচার অনুষ্ঠান পালন করে থাকে। প্রত্যেকটি অনুষ্ঠানের স্বতন্ত্র ইতিহাস ও পটভূমি রয়েছে। এসব আচার অনুষ্ঠান বৌদ্ধধর্মের ইতিহাস, ঐতিহ্য ও দর্শনের সাথে সম্পৃক্ত। ধর্মীয় ও সামাজিকভাবে এ অনুষ্ঠানগুলো পালন করা হয়। নানামুখী আয়োজনে কিছু কিছু আচার-অনুষ্ঠান উৎসবের রূপ ধারণ করে। এসব আচার-অনুষ্ঠানের মাধ্যমে ধর্মীয় অনুভূতি জাগ্রত হয়। ধর্মীয় মতবাদগুলো বুঝতে সহজ হয়। পারস্পরিক ভাব-বিনিময় হয়। সৌভ্রাতৃত্ববোধ সৃষ্টি হয়। নৈতিক ও মানবিক জীবন গঠিত হয়। আত্মসংযম এবং বিনয় হওয়া যায়। বর্ষাবাস, উপোসথ এবং কঠিন চীবরদান প্রভৃতি অনুষ্ঠান বৌদ্ধদের ধর্মীয় সংস্কৃতির অনন্য উৎস। এসব ধর্মীয় আচার-অনুষ্ঠান ভিক্ষু এবং গৃহী বৌদ্ধদের মধ্যে সম্পর্কের সেতুবন্ধন রচনা করে। এ অধ্যায়ে আমরা তিনটি ধর্মীয় আচার-অনুষ্ঠান ও উৎসব সম্পর্কে পড়ব।

এ অধ্যায় শেষে আমরা –

- \* পটভূমিসহ বর্ষাবাসব্রত ব্যাখ্যা করতে পারব।
- \* বর্ষাবাসব্রতকালীন ভিক্ষু ও গৃহীদের করণীয় বিষয় বর্ণনা করতে পারব।
- \* উপোসথের প্রকারভেদ ও উপোসথ পালনের নিয়মাবলি বর্ণনা করতে পারব।
- \* কঠিন চীবরদানের সুফল উল্লেখপূর্বক কঠিন চীবরদান সম্পর্কে ব্যাখ্যা করতে পারব।

পাঠ : ১

### বর্ষাবাসব্রত

বর্ষাবাস বৌদ্ধদের একটি গুরুত্বপূর্ণ ধর্মীয় আচার বা অনুষ্ঠান। ভগবান বুদ্ধ তাঁর সংঘ প্রতিষ্ঠার পর সূত্রভাবে সেই সংঘ পরিচালনার নিমিত্তে বিভিন্ন নিয়ম-কানুন প্রবর্তন করেন। বর্ষাবাস বুদ্ধ প্রবর্তিত বিধি-বিধানেরই অংশ। আঘাটী পূর্ণিমা থেকে আশ্বিনী পূর্ণিমা পর্যন্ত তিন মাস ভিক্ষুরা বর্ষাবাসব্রত পালন করেন। এ সময় তাঁরা বিহারে অবস্থান করে ধর্মালোচনা, ধর্মশ্রবণ, ধর্ম-বিনয় ও ধ্যান-সমাধি চর্চা এবং অধ্যয়ন করে সময় অতিবাহিত করার চেষ্টা করেন। বর্ষাকালে বিহারে বাস করে এই ব্রত বা অধিষ্ঠান পালন করা হয় বলে এটিকে বর্ষাবাসব্রত বলে। বর্ষাবাসব্রত পালনের মাধ্যমে ভিক্ষুদের জ্যেষ্ঠতা নির্ধারণ করা হয়।

### বর্ষাবাসব্রতের পটভূমি

ভিক্ষুসংঘ গঠন করার পর বুদ্ধ সর্বপ্রাণির কল্যাণের জন্য তাঁর ধর্মবাণী দিকে দিকে ছড়িয়ে দিতে ভিক্ষুদের নির্দেশ দেন। বুদ্ধের নির্দেশে ভিক্ষুগণ পায়ে হেঁটে পাহাড় পর্বত ডিঙিয়ে বিভিন্ন লোকালয়ে গিয়ে ধর্ম প্রচার ও দেশনা করতেন। কিন্তু বর্ষাকালে ভিক্ষুরা বিভিন্ন রকম অসুবিধা ভোগ করতেন। তাঁরা কর্মমাত্র পথে যাতায়াতের সময় প্রচুর

কষ্ট ভোগ করতেন। পোকা-মাকড় এবং সাপের দংশনে অনেকের প্রাণ সংহার হতো। ঝড়-বৃষ্টিতে ভেজার কারণে নানারকম রোগ হতো। ভেজা কাণড় পরে থাকতে হতো। কারণ তখনো দায়ক-দায়িকাদের নিকট থেকে চীবর গ্রহণের নিয়ম প্রচলন হয়নি। ফলে ভিক্ষুসংঘ নানারকম জটিল রোগে আক্রান্ত হতেন। তা ছাড়া বর্ষাকালে ভিক্ষুদের যাতায়াতে অনিচ্ছাকৃতভাবে অনেক সবুজ তৃণ এবং ক্ষুদ্র প্রাণী ভিক্ষুদের পদদলিত হতো। বৃষ্ণ রাজগৃহের বেণুবন বিহারে অবস্থানকালে এসব বিষয় জ্ঞাত হন। তখন তিনি বর্ষা ঋতুর তিন মাস অর্থাৎ আষাঢ় মাসের পূর্ণিমা তিথি থেকে আশ্বিন মাসের পূর্ণিমা তিথি পর্যন্ত বিহারে বসবাস করে ধর্মালোচনা, ধর্ম শ্রবণ, ধ্যান-সমাধি এবং বিদ্যাচর্চা করে অতিবাহিত করার জন্য ভিক্ষুদের নির্দেশ দেন। তখন থেকে বর্ষাবাস উদযাপন শুরু হয়। বর্ষাবাসব্রতকালে ভিক্ষুসংঘ কায়িক, বাচনিক এবং মানসিক পরিশুদ্ধিতা অর্জন করেন। তাই বর্ষাবাসব্রতকে আজ শুম্ভির অধিষ্ঠান বলা হয়।

বৃষ্ণ বলেছেন, যে স্থানে উপযুক্ত দায়ক-দায়িকা থাকেন এবং যে স্থান ধ্যান-সাধনার অন্তরায় নয় সেখানে ভিক্ষুদের বর্ষাবাসব্রত পালন করা উচিত। বৃষ্ণের সময়কালে প্রাচীন ভারতের উরুবোশা, রাজগৃহ, নালন্দা, পাটলিপুত্র, শ্রাবস্তী, সাকেত, পাবা প্রভৃতি বর্ষাবাসব্রতের জন্য উপযুক্ত স্থান ছিল।

### বর্ষাবাসব্রতের বিধান

তিন মাস যে কোনো একটা বিহারে অবস্থান করে ভিক্ষুদের এই বর্ষাবাসব্রত উদযাপন করতে হয়। তখন তাঁরা অধ্যয়ন, ধ্যান-সাধনা ও ধর্মচর্চা করে দিন অতিবাহিত করেন। কোনো জরুরি কাজে নিজ বিহার থেকে অন্য জায়গায় যেতে হলে সঙ্খ্যার আশেই বর্ষাবাস উদযাপনকারী ভিক্ষুকে নিজ বিহারে ফিরে আসতে হয়। তবে কিছু কারণে বর্ষাবাসের সময় নিজ বিহার ছাড়াও অন্যত্র রাত্রি যাপন করা যায়। কারণগুলো হলো :


১. অসুস্থ ভিক্ষু-ভিক্ষুণী, শ্রমণ এবং রুগ্ন দায়ক-দায়িকা দেখার জন্য।
২. বৃষ্ণশাসনের প্রতি বীতশ্রদ্ধ ভিক্ষু ও ভিক্ষুণীকে উপদেশ দেবার জন্য।
৩. কোনো উপাসক বা উপাসিকা সংঘের উদ্দেশ্যে বিহার নির্মাণ করলে তাতে সহযোগিতা ও উৎসর্গ অনুষ্ঠানে যোগদান করার জন্য।
৪. বর্ষাবাসব্রতধারী ভিক্ষু বা ভিক্ষুণী, শ্রমণ বা শ্রমণী অসুস্থ হলে চিকিৎসার জন্য।
৫. কোথাও মিথ্যাদৃষ্টি বা সন্দেহ উপস্থিত হলে বা কেউ মানসিক বিকারগ্রস্ত হলে তা দূর করার জন্য।
৬. পরিবাস কর্ম, আহবান কর্ম, প্রব্রজ্যা দান প্রভৃতি অনুষ্ঠানে অংশ গ্রহণের জন্য।

ওপরে বর্ণিত কারণে বর্ষাবাসব্রতের সময় বাইরে অবস্থান করা গেলেও এক সত্তাহার মধ্যে বর্ষাবাস পালনকারী ভিক্ষুকে বিহারে ফিরে আসতে হয়। তবে বন্য জন্তু, সাপ, চোর-ডাকাতের উপদ্রব, বিহারের দায়ক-দায়িকারা বিবাদগ্রস্ত এবং তর্কশ্রিয় হলে, আগুন, পানি, বন্যা, ঝড় প্রভৃতি কারণে বর্ষাবাসের স্থান ক্ষতিগ্রস্ত হলে বর্ষাবাসের স্থান পরিবর্তন করা যাবে। এতে ভিক্ষুদের বর্ষাবাসব্রত লঙ্ঘন হয় না।

**বর্ষাবাসব্রতে ভিক্ষুদের করণীয়**

বর্ষাবাস ভিক্ষুদের অবশ্য পালনীয় একটি কর্ম। এ সময় ভিক্ষুদের অনেক করণীয় কর্ম থাকে। তা নিম্নে তুলে ধরা হলো :

- ১। বর্ষাবাসব্রত পালনকালে ভিক্ষুদের শাস্ত্র অধ্যয়ন, ধ্যান-সমাধি চর্চা, ধর্মালোচনা এবং ধর্ম শ্রবণ করে বিশুদ্ধ জীবনযাপন করতে হয়।
- ২। বর্ষাবাসব্রতকালে প্রতি পূর্ণিমা, অমাবস্যা ও অষ্টমী তিথিতে ভিক্ষুদের গাতিমোক্খ আবৃত্তি করতে হয়।
- ৩। বর্ষাবাসব্রতকালে ভিক্ষুগণকে ছোট-বড় ভেদাভেদ তুলে নিজের দোষত্রুটি স্বীকার করতে হয়। এজন্য জ্ঞাত বা অজ্ঞাতভাবে কৃত দোষের জন্য তাঁরা পরস্পরের কাছে ক্ষমা প্রার্থনা করেন। কনিষ্ঠ ভিক্ষু বয়োজ্যেষ্ঠ ভিক্ষুর কাছে এবং বয়োজ্যেষ্ঠ ভিক্ষু কনিষ্ঠ ভিক্ষুর কাছে দোষের জন্য ক্ষমা প্রার্থনা করেন। ফলে অহংকার দূরীভূত হয়। পারস্পরিক সম্প্রীতি প্রতিষ্ঠিত হয়। ভক্তি, শ্রদ্ধা ও আন্তরিকতা বৃদ্ধি পায়।
- ৪। বিহারাশ্রম পরিষ্কার-পরিচ্ছন্ন রাখার অভ্যাস গড়ে তুলতে হয়।



বর্ষাবাসব্রতে সীমাসূত্রে ভিক্ষুগণ

**বর্ষাবাসব্রতে গৃহীদের করণীয়**

বর্ষাবাসব্রত ভিক্ষুদের পালনীয় কর্ম হলেও এ সময় গৃহীদেরও অনেক করণীয় রয়েছে। বর্ষাবাসব্রতধারী ভিক্ষুদের নিত্যপ্রয়োজনীয় দ্রব্য দান করা গৃহীদের কর্তব্য। ভিক্ষুদের নিত্য প্রয়োজনীয় জিনিসসুলোকে একত্রে চতুর্ভুতায় বালা

হয়। বর্ষাবাসব্রতের সময় গৃহীরা ভিক্ষুদের চতুর্ভুজ্য দান করেন। চতুর্ভুজ্য হলো: অন্ন, বস্ত্র (চীবর), বাসস্থান ও চিকিৎসা। গৃহীরা নিজ নিজ গ্রামের বিহারে বর্ষাবাস উদ্‌যাপনের জন্য ভিক্ষুদের আমন্ত্রণ জানান। ভিক্ষু সম্মতি জ্ঞাপন করলে নির্দিষ্ট তিথিতে বর্ষাবাসব্রত শুরু হয়।

বর্ষাবাসব্রতের সময় প্রতিটি পূর্ণিমা, অমাবস্যা ও অষ্টমী তিথিতে গৃহী বৌদ্ধরা বিহারে গিয়ে উপোসথ গ্রহণ করেন। ভিক্ষুদের কাছ থেকে ধর্মকথা শ্রবণ করেন। এ সময় ধর্মসভারও আয়োজন করা হয়। পণ্ডিত ভিক্ষু এবং পণ্ডিত ব্যক্তির ধর্মালোচনা করেন। গৃহীরা ধর্মসভায় যোগদান করে ধর্মালোচনা শ্রবণ করেন। ধ্যান-সমাধি চর্চা করেন। প্রাণী হত্যা হতে বিরত থাকার অভ্যাস গড়ে তোলেন। কুশলকর্ম সম্পাদন করেন। এভাবে গৃহীরা বর্ষাবাসব্রতের সময় ধর্মসম্বন্ধে জীবনযাপন করে পরিশুদ্ধি লাভ করেন।

### অনুশীলনমূলক কাজ

বর্ষাবাসব্রত কালে ভিক্ষুগণ কী কী কারণে অন্যত্র রাহি যাপন করতে পারেন তার একটি তালিকা প্রস্তুত কর (দলীয় কাজ)।  
কী কী কারণে বর্ষাবাসব্রতের স্থান পরিবর্তন করা যায়?  
বর্ষাবাসব্রতে গৃহীদের করণীয় বর্ণনা কর।

## পাঠ : ২

### উপোসথ

উপোসথ ভিক্ষু এবং গৃহী উভয়ের পালনীয় একটি ধর্মীয় অনুষ্ঠান। উপোসথের ধর্মীয় ও সামাজিক গুরুত্ব অপরিমীম। বৌদ্ধরা পূর্ণিমা, অমাবস্যা এবং অষ্টমী তিথিতে উপোসথ পালন করেন। ধর্মময় উৎকৃষ্ট জীবন গঠনের জন্য বুদ্ধ উপোসথের প্রবর্তন করেছিলেন। উপোসথ পালনে ধর্মানুভূতি জাগ্রত হয়। কায়-মন-বাক্য এবং পঞ্চ ইন্দ্রিয় সংযত হয়। তাই সকলের উপোসথ পালন করা উচিত।

### উপোসথের পটভূমি

একসময় বুদ্ধ রাজগৃহের গুহ্রকূট পর্বতে অবস্থান করছিলেন। সে সময় অন্যান্য তীর্থিক সম্প্রদায়ের পরিব্রাজকগণ চতুর্দশী, পঞ্চদশী এবং অষ্টমী তিথিতে সমবেত হয়ে ধর্মালোচনা করতেন। জনসাধারণ তাঁদের কাছে ধর্ম শ্রবণের জন্য উপস্থিত হতেন। তাঁদের প্রশ্ণা ও সৎকার করতেন। ফলে তীর্থিক পরিব্রাজকগণ জনগণকে তাঁদের পক্ষভুক্ত করে নিতেন। একদিন মগধরাজ বিধিসার নির্জনে ধ্যানাবিষ্ট থাকার সময় তাঁর মনে এরূপ চিন্তা উদ্ভিত হয় : 'এখন অন্যান্য তীর্থিক পরিব্রাজকগণ চতুর্দশী, পঞ্চদশী এবং অষ্টমী তিথিতে সমবেত হয়ে ধর্মালোচনা করছেন। জনসাধারণ ধর্ম শ্রবণের নিমিত্ত তাঁদের নিকট উপস্থিত হচ্ছেন। তাঁদের প্রশ্ণা ও সৎকার করছেন। ভিক্ষুগণও চতুর্দশী, পঞ্চদশী এবং অষ্টমী তিথিতে সমবেত হলে ভালো হয়।' এভাবে তিনি ভিক্ষুদের ধর্ম-বিনয় পালনের সময় জনসাধারণকে সম্পৃক্ত করার কথা ভাবলেন। অতঃপর তিনি বুদ্ধের নিকট উপস্থিত হয়ে অভিধানপূর্বক বুদ্ধকে বিষয়টি উপস্থাপন করেন।

বুদ্ধ মগধরাজ বিধিসারের আবেদন গভীরভাবে উপলক্ষি করেন এবং তাঁকে ধর্মদেশনা করেন। ধর্মবাহী শ্রবণ করে রাজা বিধিসার মৈত্রীচিন্তে প্রাসাদে গমন করেন। তারপর ভগবান বুদ্ধ ভিক্ষুসংঘকে আহ্বান করে চতুর্দশী, পঞ্চদশী এবং অষ্টমী তিথিতে সমবেত হয়ে উপোসাথ পালন, উপোসাথে ধর্মালোচনা ও পাতিমোক্খ আবৃত্তির নির্দেশ দেন। তখন থেকে উপোসাথের প্রচলন শুরু হয়। বুদ্ধ অত্যন্ত পরিমিত আহার করতেন। খাওয়া দাওয়ার ব্যাপারে তাঁর কখনো আতিশয্য ছিল না। তিনি ভিক্ষুসংঘকেও পরিমিত আহ্বারের উপদেশ দিতেন। সূত্রপিটকের মজ্জিম নিকায়ে ‘কীটাপিরি’ সূত্রে দেখা যায় – বুদ্ধ তাঁর শিষ্য-প্রশিষ্যদের উদ্দেশ্য করে বলছেন, ‘হে ভিক্ষুগণ! আমি রাতের আহার ছেড়ে দিয়েছি। তাতে আমার শরীরের অসুখ ও জড়তা কমে গেছে। শরীরের কর্ম শক্তি বেড়েছে। চিন্তে প্রশান্ত্যাব এসেছে। হে ভিক্ষুগণ! তোমরাও এভাবে চলবে। তোমরা যদি রাতের আহার ছেড়ে দাও তাহলে তোমাদের শরীরে রোগ সমস্যা কম হবে। শরীরের জড়তা কমে যাবে। সুখ থাকবে এবং তোমাদের চিন্তে স্থিরতা আসবে।’

সেই সময় থেকে ভিক্ষুদের মধ্যে এক বেলা আহার করার নিয়ম প্রবর্তন হয়। তা গ্রহণ করতে হয় মধ্যাহ্নের মধ্যে। দুপুর বারোটার আগে। বৌদ্ধ ভিক্ষুরা এ নিয়ম নিয়ত পালন করেন। ভিক্ষুদের অনুসরণ করে গৃহীরাও উপোসাথ তিথিতে এ নিয়ম অনুশীলন করেন। উপোসাথ দিনে গৃহীরা দুপুর বারোটার মধ্যে আহার শেষ করেন এবং পরদিন সূর্য উদয় না হওয়া পর্যন্ত খাদ্যদ্রব্য গ্রহণ করেন না।

### উপোসাথ ও উপবাসের মধ্যে পার্থক্য

‘উপোসাথ’ শব্দটি ‘উপবাস’ শব্দ থেকে উদ্ভূত। বৌদ্ধরা পূর্ণিমা, অমাবস্যা এবং অষ্টমী তিথির উপোসাথে উপবাসব্রত পালন করেন। প্রতিদিন তিনবেলা আহার মানুষের নিত্য নৈমিত্তিক অভ্যাস। মাঝে মাঝে উপবাস করে শরীরে খাদ্যদ্রব্যের উপযোগিতা অনুভব করা যায়। এ ছাড়া এর মাধ্যমে দহিত্র অজুস্ত মানুষের কষ্ট উপলক্ষি করা যায়। তাই অনেকের কাছে উপবাস উপোসাথের প্রধান অঙ্গ বলে বিবেচিত হয়।

উপোসাথব্রতে বৌদ্ধরা উপবাস পালন করলেও বৌদ্ধধর্মে উপোসাথ অর্থ কেবল উপবাস বা খাদ্য-দ্রব্য গ্রহণ হতে বিরত থাকা বোঝায় না। উপোসাথের সাথে ধর্মানুশীলন, শীল পালন, ধ্যান-সমাধি চর্চা ও সংযত জীবনযাপনের বিষয়টিও ঘনিষ্ঠভাবে জড়িত। উপোসাথ পালনকারীদের বিনয় বিধান অনুসারে কিছু নির্দিষ্ট কর্ম সম্পাদনে ব্রতী হতে হয়। কিন্তু কেবল উপবাসের ক্ষেত্রে এ বিধি পালনীয় নয়। যেমন, উপোসাথ দিবসে বিহারে ভিক্ষুগণ পাতিমোক্খ আবৃত্তি, ধর্ম-দেশনা, ধর্মালোচনা এবং ধ্যান-সমাধি চর্চা করে দিন অতিবাহিত করেন। গৃহী বৌদ্ধরা উপোসাথ দিবসে বিহারে গিয়ে নানারকম ধর্মীয় আচার-অনুষ্ঠান পালন করেন। সাধারণত গৃহী বৌদ্ধরা পঞ্চশীল পালন করেন। কিন্তু উপোসাথ দিবসে তাঁরা অষ্টশীল গ্রহণ করে উপবাস পালন করেন। যাঁরা উপোসাথ পালন করেন তাঁদের উপোসাথিক বলা হয়। উপোসাথিকরা ধর্ম শ্রবণ ও ধ্যান-সমাধি চর্চা করেন। সংযত জীবনযাপন করেন। অকুশল কর্ম হতে বিরত থাকেন। প্রশাস্তিগ্ভে দান প্রদান করেন। অতএব বৌদ্ধদের কাছে উপোসাথ শুধু উপবাস থাকা নয়। শীল পালনের ব্রত গ্রহণ করে



চিত্ত শূন্য করাই আসল লক্ষ্য। চিত্তকে শূন্য করতে পারলে তৃষ্ণাকে ক্ষয় করা সম্ভব। তৃষ্ণা ক্ষয় হলে লোভ-দ্বेष-মোহের উচ্ছেদ হয়। এতে দুঃখমুক্তি সম্ভব হয়। দুঃখ থেকে মুক্তি লাভ করাই মূলত বৌদ্ধদের জীবনের পরম লক্ষ্য। তাই উপোসাথ এবং সাধারণ উপবাসের মধ্যে যথেষ্ট পার্থক্য বিদ্যমান।



বৌদ্ধ বিহারে ভিক্ষু গৃহীদের ধর্মোপদেশ দান করছেন

### উপোসাথ পালনের নিয়মাবলী

উপোসাথ পালনকারী গৃহীদের অনেক নিয়ম-কানুন মেনে চলতে হয়। উপোসাথ গ্রহণেচ্ছুক উপাসক-উপাসিকাগণ উপোসাথ দিবসে খুব ভোরে ঘুম থেকে উঠবেন। প্রাতঃকৃত্যসহ স্নানাদি শেষ করে পরিষ্কার-পরিচ্ছন্ন পোশাক পরিধানপূর্বক পূজা ও দানের উপকরণ নিয়ে পবিত্র মনে বুদ্ধ, ধর্ম ও সংঘের গুণরাশি স্মরণ করতে করতে সংযতভাবে বিহারে যাত্রা সমীচীন। বিহারে পৌঁছে পূজা ও বন্দনার কাজ সম্পাদনের পর ভিক্ষুর কাছ থেকে উপোসাথ শীল গ্রহণ করবেন। কোনো কারণে বিহারে উপস্থিত হতে না পারলে গৃহে উপোসাথ শীল গ্রহণ করা যায়। উপোসাথ শীল গ্রহণের পর সুসংযতভাবে জপমালায়, ধর্মগ্রন্থে, ধর্মালোচনায় বা ধ্যানে চিত্তকে নিবিষ্ট রাখা কর্তব্য। লোভ, দ্বेष, মোহ, বিলাসিতা প্রভৃতি ত্যাগ করে প্রতিটি মুহূর্ত ধর্ম ও কুশল চিন্তা করে অভিবাহিত করা উচিত। চলাফেরায়, অবলোকনে এবং ভাষণে সংযতভাবে বজায় রাখতে হবে। প্রাণিহত্যা, চুরি বা অদত্ত বস্তু গ্রহণ, অত্রফার্চ আদরণ, মিথ্যা ভাষণ, নোশাব্দ্য গ্রহণ, বিকাল ভোজন, নৃত্য-গীত-বাদ্যে প্রমত্ততা দর্শন এবং অগঞ্জকার ও সুগন্ধ দ্রব্য ব্যবহার, উচ্চশয্যা ও মহাশয্যায় শয়ন প্রভৃতি হতে বিরত থাকতে হবে। সকল প্রাণীর প্রতি দয়াশীল আচরণ করতে হবে। অতঃপর উপোসাথিকের এরূপ অধিষ্ঠান করা উচিত।

‘আমি কারও অনিষ্ট কামনা করব না। কোনো প্রাণীকে কষ্ট দেব না। কষ্ট প্রদানের কারণও হব না। নিজেও অন্যচার, অত্যাচার করব না, এর কারণও হব না। পরের ধনে লোভ করব না। কারও লাভ-স্বকারের প্রতি ঈর্ষাপরায়ণ হব না, বরং সাধুবাদের সাথে তা অনুমোদন করব। কোনো প্রকার মিথ্যা বিবয়ের পরিকল্পনা করব না। গৃহকর্ম বিষয়ে আলোচনায় রত হব না। গৃহীজনোচিত আচার-আচরণ থেকে মুক্ত থাকব। শুধু ধর্মশ্রবণ, ধর্মালোচনা ও ধর্মচিন্তা করে দিন অতিবাহিত করব।’

### উপোসথের প্রকারভেদ

অনুসরণ রীতি ও সময় অনুসারে উপোসথ পাঁচ প্রকার। যথা : ১. প্রতিজ্ঞাগর উপোসথ, ২. গোপালক উপোসথ, ৩. নির্গ্ৰন্থ উপোসথ, ৪. আর্ষ উপোসথ এবং ৫. প্রতিহার্ঘ উপোসথ।

১. **প্রতিজ্ঞাগর উপোসথ** : সার্বক্ষণিক সজাগ থেকে অত্যন্ত সচেতন ও যত্নের সঙ্গে অর্ফশীল পালন করার নাম প্রতিজ্ঞাগর উপোসথ। উপোসথে উপোসথিককে রাতে ঘুমের সময় ছাড়া অন্য সময় প্রতিটি নিয়ম যথাযথভাবে পালন করতে হয়। এবূপ শীল গ্রহণকারীগণ উপোসথের দিন ছাড়া অন্যান্য দিনেও উপোসথ পালন করেন।
২. **গোপালক উপোসথ** : যে উপোসথ গ্রহণকারী ধর্মচিন্তা বাদ দিয়ে খাদ্য, ভোজ্য, অভাব অনটন বিষয়ে চিন্তা করে তাকে গোপালক উপোসথ গ্রহণকারী বলে। গল্প পরিচর্যাকারী রাখাল যেমন পত্নের গল্প নিয়ে সারাদিন ব্যস্ত থাকে, তেমনি এবূপ উপোসথ গ্রহণকারীগণও করণীয় কর্ম না করে অসার ও অপ্রয়োজনীয় বিষয়ে আলাপ করে সময় নষ্ট করে। এটি অত্যন্ত নিম্নস্তরের উপোসথ।
৩. **নির্গ্ৰন্থ উপোসথ** : নির্গ্ৰন্থ অর্থ গ্রন্থহীন অর্থাৎ নগ্ন। গৌতম বুদ্ধের সময় একরকম নগ্ন সন্ন্যাসী ছিলেন। তাঁরা যে উপোসথ গ্রহণ করতেন তাঁর নাম নির্গ্ৰন্থ উপোসথ। তাঁরা স্বাভাবিক খাবার গ্রহণ করতেন। প্রাণিহত্যা থেকে বিরত থাকলেও নিজেদের প্রয়োজনে তাঁরা প্রাণিহত্যা করতেন। এতে কোনো পাপ হয় না বলে তাঁরা অভিমত পোষণ করতেন। এবূপ আসক্তচিত্তে উপোসথ পালনকে নির্গ্ৰন্থ উপোসথ বলা হয়।
৪. **আর্ষ উপোসথ** : আর্ষ শব্দের অর্থ শ্রেষ্ঠ। এই উপোসথই শ্রেষ্ঠ উপোসথ। বুদ্ধ এই মহান উপোসথ ব্রতই প্রবর্তন করেছিলেন। বুদ্ধের শ্রাবকগণ এই উপোসথ পালন করতেন। আর্ষ উপোসথ গ্রহণকারীগণ উপোসথ গ্রহণ করে জাগতিক সুখ ভোগের চিন্তা ত্যাগ করেন। তাঁরা বুদ্ধানুস্মৃতি, ধর্মানুস্মৃতি, শীলানুস্মৃতি ও মেত্রী ভাবনায় রত থেকে উপোসথব্রত পালন করেন। সকলের আর্ষ উপোসথ গ্রহণ ও পালন করা উচিত। অর্থাৎ অকৃত্রিমভাবে সশ্রদ্ধচিত্তে সকল নিয়ম অনুসরণ করে উপোসথ পালনই আর্ষ উপোসথ।
৫. **প্রতিহার্ঘ উপোসথ** : বছরের কিছু সময় নির্দিষ্ট করে নিয়মিত উপোসথ পালনকে প্রতিহার্ঘ উপোসথ বলে। এবূপ উপোসথ বিভিন্ন রকম হয়। ১. আষাঢ়ী পূর্ণিমা থেকে আশ্বিনী পূর্ণিমা পর্যন্ত তিন মাস প্রতিদিন উপোসথ পালন করাকে বলে উৎকৃষ্ট প্রতিহার্ঘ উপোসথ। ২. আশ্বিনী পূর্ণিমা থেকে কার্তিকী পূর্ণিমা পর্যন্ত কিংবা ৩. আশ্বিনী

পূর্ণিমা থেকে পরবর্তী পনের দিনব্যাপী প্রতিদিন উপোসথ পালন করাকে হীন প্রতিহার্ঘ উপোসথ বলে। এই তিন উপোসথের যেকোনো এক রকম উপোসথ পালন করা খুব পুণ্যের। এগুলোকে প্রতিহার্ঘ উপোসথ বলে।



গৃহীরা উপোসথ গ্রহণ করে বিহারে বসে ধ্যান-সমাধি চর্চা করছেন।

### উপোসথ পালাদের সুফল

ত্রিপিটকের বহু স্থানে উপোসথব্রত পালনের সুফল বর্ণিত আছে। তাতে বলা হয়েছে, চন্দ্র-সূর্যের কিরণ পৃথিবীর অশ্কার দূরীভূত করে। এজন্য চন্দ্র-সূর্যকে প্রাণী জগতের জীবন বলা হয়। কিন্তু উপোসথ শীলের গুণের সঙ্গে তুলনা করলে চন্দ্র-সূর্যের গুণ অতি সামান্য। পৃথিবী ও সাগরের সমস্ত সম্পদ, হীরা ও মণিরত্ন অর্থাৎ উপোসথ শীলের তুলনায় তুচ্ছ। এমনকি দেবতাদের ঐশ্বর্যও এর কাছে নগণ্য। স্বর্গীয় আনন্দ উৎকৃষ্টতর হলেও ক্ষণস্থায়ী কিন্তু উপোসথ শীলের দ্বারা অর্জিত আনন্দ অবিনশ্বর ও চির শান্তিদায়ক। উপোসথ শীলের অনাবিল শক্তিময়ী দীপ্তি চন্দ্র, সূর্য, হীরা-মণি-মুক্তার উজ্জ্বল প্রভা, দেবতার দিব্যজ্যোতি সবকিছুকেই পরাভূত করে। ফলের সুগন্ধ বাতাসের অনুকূলে প্রবাহিত হলেও উপোসথ শীলের গুণ সৌরত বাতাসের অনুকূল-প্রতিকূল এবং চতুর্দিকে প্রবাহিত হয়।

একসময় তাবতিবস স্বর্গের রাজা দেবরাজ ইন্দ্র অন্যান্য দেবতাদের উদ্দেশ্য করে বলেছিলেন, 'হে দেবতাগণ! তোমরা যদি আমার মতো ইন্দ্র হতে ইচ্ছা কর তাহলে পূর্ণিমা, অষ্টমী ও অমাবস্যায় আট জন্মের উপোসথ শীল পালন কর।

আর এর চেয়েও যারা পুণ্যকামী তারা প্রতিজ্ঞাগর, প্রতিহার্য উপোসথ পালন কর। এভাবে তোমরা নিজেকে সম্যক পথে পরিচালিত কর।'

দেবরাজ ইন্দ্র আরও বলেছেন; 'যে গৃহী নিজের স্ত্রী-পুত্রের ভরণপোষণ করেন, যিনি পুণ্যবান ও শীলবান এবং মিনরুল্লের উপাসক, তাকে আমি নমস্কার করি, আমরা জানি দেবতারা উচ্চ মার্গের সত্ত্বা হলেও সম্পূর্ণ মুক্ত নন। তাঁদের মধ্যে রাগ, দ্বेष ও মোহ আছে। তবে তাঁরা দিব্য চোখে মানুষের পুণ্য ও অপুণ্য দেখতে পান। মানুষের মধ্যে যারা সৎভাবে জীবনযাপন করেন, বড়দের ভক্তি ও শ্রদ্ধা করেন, মাতাপিতার উপযুক্ত ভরণপোষণ করেন, উপযুক্ত সময়ে উপোসথ পালন করেন তাঁদের উন্নতিতে দেবতারা প্রশংসা করেন। স্বয়ং ইন্দ্র তাঁদের শ্রদ্ধা করেন।'

মহাকার্ত্ত্বিক বৃষ্ণ প্রবর্তিত মহামূল্যবান আট অঙ্কের উপোসথ শীল মহাফলদায়ী। তাই উপোসথ শীল আমাদের সঠিকভাবে পালন করা উচিত।

### অনুশীলনমূলক কাজ

গৃহী উপোসথিকের করণীয়সমূহ চিহ্নিত কর।  
উপোসথের প্রকারভেদ বর্ণনা কর।

## পাঠ : ৩

### কঠিন চীবর দান অনুষ্ঠান

দান অনুষ্ঠানসমূহের মধ্যে কঠিন চীবর দান অন্যতম। প্রতিটি বৌদ্ধ দেশে এ দান কার্য যথাযোগ্য মর্যাদা সহকারে সম্পাদিত হয়। বিবিধ ধর্মীয় অনুষ্ঠান হলেও আরোজনের ব্যাপকতায় এটি উৎসবের আকার ধারণ করে। তাই কঠিন চীবর দান অনুষ্ঠানকে দানোত্তম কঠিন চীবর দানোৎসব বলা হয়। বাংলাদেশের বৌদ্ধরা প্রতিবছর ভক্তি, শ্রদ্ধা ও নির্মল আনন্দে কঠিন চীবর দান অনুষ্ঠান উদ্‌যাপন করে।

### কঠিন চীবর দানের পটভূমি

একসময় ভগবান বুদ্ধ শ্রাবস্তীর জেতবনে শ্রেষ্ঠী অনাথপিণ্ডিক নির্মিত বিহারে বাস করছিলেন। সে সময় পাঠেয়বাসী ত্রিশজন ভিক্ষু বুদ্ধের সাথে সাক্ষাৎ করার মনস্থ করেন। তাঁরা সবাই ছিলেন ধূতাঙ্গধারী। ধূতাঙ্গ হলো কঠিন কৃষ্ণ সাধন। বর্ষাবাসপ্রত্য গ্রহণের আগে বুদ্ধকে দর্শন করার জন্য তাঁদের মনে বাসনা জন্মিত হয়। মনোবাসনা পূর্ণ করার জন্য তাঁরা পাঠেয় থেকে শ্রাবস্তী অভিমুখে যাত্রা করেন। অনেক দূর গিয়ে তাঁরা বুঝতে পারলেন, বর্ষাবাসের আগে শ্রাবস্তী পৌছার সম্ভাবনা নেই। তাই মাঝপথে সাক্ষেত নামক স্থানে তাঁরা বর্ষাবাসপ্রত্য আরম্ভ করেন। সেখানে তাঁরা যথারীতি তিন মাস বর্ষাবাসপ্রত্য সম্পন্ন করেন। তথাগড়ের সাক্ষাৎ লাভের জন্য তাঁরা খুব উদ্যমী ছিলেন। তাই প্রবারণার পরদিনই তাঁরা শ্রাবস্তীতে পৌছালেন। বর্ষা ঋতুর বৃষ্টির ধারা তখনও শেষ হয়নি। ভেজা চীবর গায়ে ভিক্ষুরা বুদ্ধের কাছে পৌছালেন। বন্দনা জ্ঞাপন করে বুদ্ধের পাশে সকলেই আসন গ্রহণ করেন। বুদ্ধ তাঁদের কুশল জিজ্ঞাসা করেন। তাঁরা উত্তরে বলেন, 'আমরা বর্ষাবাস আসন্ন দেখে সাক্ষেত নগরে অবস্থান করেছিলাম। অথচ সাক্ষেত থেকে শ্রাবস্তীর দূরত্ব মাত্র ছয় যোজন। তবুও আপনাদের দর্শনলাভে বঞ্চিত হয়েছি। খুবই উদ্বিগ্ন হয়ে বর্ষাবাসপ্রত্য আরম্ভ

কয়েকদিন। বর্ষাবাসব্রতের তিন মাস শেষ হলো। প্রবারণা সম্পন্ন করে ভেজা কাপড়ে কর্দমাক্ত পথ অতিক্রম করে এখানে এসেছি। খুব ক্লান্তবোধ করছি কিন্তু আপনার সান্নিধ্য পেয়ে এখন আনন্দবোধ করছি।

তখন বুধ এ প্রসঙ্গে ভিক্ষুদের আহ্বান করে ধর্ম-দেশনা করেন। অতঃপর তিনি ভিক্ষুদের নির্দেশ দিলেন, 'ভিক্ষুগণ! এখন থেকে তোমরা কঠিন চীবরে আবৃত হবে। বর্ষাবাসব্রত সমাপ্তকারী ভিক্ষুদের জন্য এটা পরম পুণ্যের কাজ।' তখন থেকে ভিক্ষুদের মধ্যে কঠিন চীবর পরিধান প্রথার সূচনা হয়।

### কঠিন চীবর দানের নিয়মাবলি

এখন আমরা কঠিন চীবর দানের নিয়মাবলি জানব। অন্যান্য দান বছরের যেকোনো সময় করা যায়। কিন্তু কঠিন চীবর দান বছরে একবার মাত্র করা হয়। তাও আবার একটি নির্দিষ্ট সময়ের মধ্যে। আশ্বিনী পূর্ণিমার পরদিন থেকে কার্তিকী পূর্ণিমার পূর্বদিন পর্যন্ত এই দান অনুষ্ঠান সম্পন্ন করতে হয়। একটি বিহারে একবার মাত্র কঠিন চীবর দান অনুষ্ঠান করা যায়। যে বিহারে ভিক্ষু বর্ষাবাসব্রত পালন করেন না সে বিহারে কঠিন চীবর দান উদযাপিত হয় না।

'কঠিন' ও 'চীবর' এই দুটি শব্দের পৃথক পুরুত্ব রয়েছে। এখানে চীবর হলো ভিক্ষুদের পরিধেয় কাপড়। ভিক্ষুসংঘ 'কম্বাচা' পাঠের মাধ্যমে ধর্মীয় রীতিতে চীবরকে কঠিন চীবরে পরিণত করেন। নির্দিষ্ট নীতিমালা অনুসরণ করে চীবরকে পরিশুদ্ধ করতে হয় বলে একে কঠিন চীবর বলা হয়। সেজন্য উপাসক-উপাসিকারা চীবর দান করলেও তা কঠিনে পরিণত হয় না। কম্বাচা পাঠ শেষে কঠিন চীবর বিহারাধ্যক্ষ ভিক্ষুকে প্রদান করা হয়। কঠিন চীবর লাভকারী ভিক্ষুকে কমপক্ষে ফাঙ্কনী পূর্ণিমা পর্যন্ত কঠিন চীবর নিজের পাশে রাখতে হয়। কোথাও গেলে কঠিন চীবর সঙ্গে নিতে হয়। কঠিন চীবর লাভকারী ভিক্ষু পাঁচটি পাপ থেকে রক্ষা পায় এবং পাঁচটি পুণ্যফল লাভ করেন বলে শাস্ত্রে উল্লেখ আছে। অন্যান্য দানে এরূপ দেখা যায় না। অন্যান্য দান হতে কঠিন চীবর দানের পদ্ধতিও ভিন্ন।

### কঠিন চীবর দানের পদ্ধতি

যে দিন কঠিন চীবরদান অনুষ্ঠানের আয়োজন করা হয় সেদিনের সূর্য উদয় থেকে পরদিন সূর্যোদয়ের পূর্ব সময় পর্যন্ত কঠিন চীবরদান দেওয়া যায়। এ সময়ের মধ্যে কাপড় বোনা, সেলাই, রং প্রভৃতি কাজ একই দিনে করতে পারলে ভালো। এ নিয়মে তৈরিকৃত চীবর দান করলে অধিকতর কায়িক, বাচনিক এবং মানসিক পুণ্য লাভ হয়। বাজার থেকে ক্রয় করা কাপড় সেলাই করেও দান দেওয়ার বিধান রয়েছে। তবে এরূপ দানের পূর্বে শীলানুশ্রুতি ও মৈত্রী ভাবনায় রত থাকা ভালো। কমপক্ষে পাঁচজন ভিক্ষুর উপস্থিতিতে এ দানকার্য সম্পন্ন করতে হয়।

কঠিন চীবরদান উপলক্ষে সর্বত্র বিশাল অনুষ্ঠানের আয়োজন করা হয়। নানা কর্মসূচিতে এ দানানুষ্ঠান উৎসবে রূপ নেয়। তবে এ অনুষ্ঠানে শ্রাস্থা, ভক্তি ও সংযম চর্চা অপরিহার্য। প্রথমে ত্রিশরণ গ্রহণ করে পঞ্চশীল নিতে হয়। তারপর ধর্ম দেশনা হয়। পরে নিচের পালি উৎসর্গ গাথাটি উচ্চারণ করে উপস্থিত ভিক্ষুসংঘকে চীবর দান করতে হয়।

ইমং কঠিন চীবরং ভিক্ষুসঙ্কস্ দেম, কঠিনং অথরিত্বং।

দুত্তিয়পি ইমং কঠিন চীবরং ভিক্ষুসঙ্কস্ দেম, কঠিনং অথরিত্বং।

তত্তিয়পি ইমং কঠিন চীবরং ভিক্ষুসঙ্কস্ দেম, কঠিনং অথরিত্বং।

### বাংলা অনুবাদ :

কঠিনরূপে (নিয়ম-নীতির ধারায়) অর্ধপূর্ণ পরিধেয় করার জন্য এ কঠিন চীবরখানি ভিক্ষুসংঘকে দান করছি।

দ্বিতীয়বারও কঠিনরূপে অর্ধপূর্ণ পরিধেয় করার জন্য এ কঠিন চীবরখানি ভিক্ষুসংঘকে দান করছি।

তৃতীয়বারও কঠিনরূপে অর্ধপূর্ণ পরিধেয় করার জন্য এ কঠিন চীবরখানি ভিক্ষুসংঘকে দান করছি।

বৌদ্ধধর্মীয় সকল বিষয়ে এভাবে একই কথা তিনবার উচ্চারণের বিধান রয়েছে। এতে মনের সংশয় দূর হয়।

করণীয় বিষয়ে একাঘাতা বাড়ে। অর্থাৎ দান কাজে শ্রদ্ধা ভক্তি ও মনঃসংযোগ সুদৃঢ় করার জন্য এক কথাকে তিনবার উচ্চারণ করতে হয়। উৎসর্গ গাথা পাঠ করার পর ভিক্ষুসংঘের হাতে কঠিন চীবরখানি ছুঁলে দিতে হয়।

ভিক্ষুসংঘ আবার সে চীবর বিনয়সম্মত ও অর্ধপূর্ণ করার জন্য সীমাঘরে নিয়ে যান। সেখানে ত্রিপিটক থেকে ‘কম্ববাচা’ পাঠ করে সংঘের অনুমোদনক্রমে বিহারস্থ উপযুক্ত ভিক্ষুকে দেওয়া হয়। তিনি কঠিন চীবরের পঞ্চফল লাভ করেন। তবে বিনয়ের নিয়ম অনুসারে বিহারের অন্যান্য ভিক্ষুকেও কঠিন চীবর অনুমোদন করতে হয়।



উপাসক-উপাসিকাগণ কঠিন চীবর দান করছেন



### আনুষ্ঠানিকতা

শ্রীলঙ্কা, মায়ানমার, থাইল্যান্ড, ভারত, বাংলাদেশ প্রভৃতি খেরবাদ বৌদ্ধধর্মের অনুসারীদের দেশে বিপুল উৎসাহ উদ্দীপনার মধ্যে কঠিন চীবর দান উদ্‌যাপন করা হয়। উৎসবের পূর্বা দিন বিহারকে অপরূপে সাজানো হয়। তোরণসজ্জিত করা হয়। প্রত্যেক গৃহে অতিথি আত্মীয়-স্বজনের সমাগম হয়। বিভিন্ন বিহার হতে ভিক্ষুসংঘের আগমন হয়। পুরো এলাকায় উৎসবের আমেজ সৃষ্টি হয়। এসময় বিহারের বাইরে নানা দ্রব্যের পসরা সাজিয়ে মেলা বসে। এ মেলাতে ধর্ম-বর্ণ-সম্প্রদায় নির্বিশেষে সকলেই যোগদান করে।

অনুষ্ঠানকে কেন্দ্র করে মর্যাদার সাথে জাতীয় ও ধর্মীয় পতাকা উত্তোলন করা হয়। বৌদ্ধ নরনারী ও শিশু-কিশোর যুবক সকলে নানারঙের পোশাক পরিধান করে নানারকম দানীয় দ্রব্য নিয়ে বিহারে আসে। এতে দূর-দুরান্ত থেকেও অনেক ধর্মপ্রাণ উপাসক-উপাসিকা যোগদান করেন। এ উপলক্ষে ধর্মসভা অনুষ্ঠিত হয়। দীর্ঘক্ষণ ধর্মালোচনা চলে। শেষে ধর্মীয় কীর্তন ও সাংস্কৃতিক অনুষ্ঠানের আয়োজন করা হয়। দিনব্যাপী নানা অনুষ্ঠানে বিহার প্রাঙ্গণ মুখরিত থাকে।

### কঠিন চীবর দানের সুফল

ভগবান বুদ্ধ পাঁচশ অর্ধ শিষ্যের উদ্দেশ্যে করে কঠিন চীবর দানের সুফল বর্ণনা করেছিলেন। স্থান ছিল হিমালয়ের অনবতন্ত-হ্রদ। সেখানে তিনি শিষ্যগণ পরিবৃত হয়ে উপবেশন করেন। মনে হয়েছিল যেন দেবসভা। প্রকৃষ্টিত পদ্মের উপর তাঁর আসন দেবলোকের সৌন্দর্যকে হার মানায়। তাঁর শিষ্যদের মধ্যে নাগিত স্ববির কঠিন চীবর দান করে জন্মজন্মান্তরে যে দানফল ভোগ করেছিলেন তা বর্ণনা করেন। নাগিত স্ববির কঠিন চীবর দানের সুফল সম্পর্কে বলেন-

১. ত্রিশ কল্প পূর্বে শিখী বৃক্ষের সময় আমি মনুষ্যলোকে জন্মগ্রহণ করেছিলাম। তখন আমি ভিক্ষুসংঘকে কঠিন চীবর দান করি। সেই দানের ফলে এযাবৎ আমি কোনো দুর্গতি ভোগ করিনি।
২. আমি আঠার কল্পকাল দেবলোকে দিব্যসুখ ভোগ করেছি। চৌত্রিশবার দেবরাজ ইন্দ্র হয়েছি।
৩. সহস্রবার দেবরাজ্যে ব্রহ্ম হয়ে জন্মগ্রহণ করেছি। ব্রহ্মলোক হতে চ্যুত হলে মনুষ্যলোকে উচ্চবংশে মহা-ধনীর্ গৃহে জন্মগ্রহণ করেছি।
৪. রাজচক্রবর্তী-সুখ ভোগ করেছি। যেখানে জন্মেছি সেখানেই সম্পদ লাভ করেছি। কোনোদিন অভাব-অনটন ভোগ করিনি।

নাগিত স্ববিরের পর বুদ্ধ কঠিন চীবর দানের সুফল বর্ণনা করেন, যা নিম্নে তুলে ধরা হলো :

১. কোনো দাতা অন্যান্য দানীয় বস্তু একশত বছর দান করলেও তার ফল একখানি কঠিন চীবর দানের হোল ভাগের একভাগও হয় না।

২. কোনো দাতা শতবর্ষ পর্যন্ত পাত্র-চীবরাদি ভিক্ষুদের ব্যবহার্য অষ্টপরিষ্কার দান করে, তার ফলও কঠিন চীবর দানের দ্বারা অর্জিত পুণ্যের ষোল ভাগের একভাগ হয় না।
৩. কোনো দায়ক সুমেরু পর্বততুল্য জুপ করে ভিক্ষুসংঘকে ত্রিচীবর দান করলেও তার ফল কঠিন চীবর দানের দ্বারা অর্জিত পুণ্যের ষোল ভাগের একভাগ হয় না।
৪. কোনো দাতা স্বর্ণ-রৌপ্য খচিত চুরাশি হাজার বিহার ভিক্ষুসংঘকে দান করলেও তার ফল কঠিন চীবর দানের দ্বারা অর্জিত পুণ্যের ষোল ভাগের একভাগ হয় না।
৫. সর্বজ্ঞবুদ্ধ, প্রত্যেকবুদ্ধ এবং বুদ্ধশিষ্যগণ সকলেই কঠিন চীবর দানের ফলেই অমৃতপদ লাভ করেছেন।
৬. কঠিন চীবর দানের ফলে সকল প্রকার ধনসম্পদ, সুকৃতি এবং স্বর্গ লাভ হয়।  
কঠিন চীবর দানের ফল জন্ম-জন্মান্তরে প্রবাহিত হয়। তাই শ্রম্শাচিন্তে জীবনে একবার হলেও কঠিন চীবর দান করা সকলের উচিত।

**অনুশীলনমূলক কাজ**  
কঠিন চীবর দানের পটভূমি বর্ণনা কর।  
কঠিন চীবর দানের বুদ্ধ বর্ণিত পাঁচটি সুফল লেখ।

## অনুশীলনী

### শূন্যস্থান পূরণ

১. বর্ষাবাস বুদ্ধ প্রবর্তিত ..... অংশ।
২. অনুসরণ রীতি ও সময় অনুসারে ..... পাঁচ প্রকার।
৩. ভিক্ষুদের নিত্যপ্রয়োজনীয় জিনিসগুলোকে একত্রে ..... বলা হয়।
৪. কঠিন চীবর লাভকারী ভিক্ষু .....পাপ থেকে রক্ষা পায়।
৫. কঠিন চীবর দানের ফলে সকল প্রকার ..... সুকৃতি এবং .....লাভ হয়।

### মিলকরণ

বাঁম	ডান
১. বর্ষাবাস বৌদ্ধদের একটি গুরুত্বপূর্ণ	পঞ্চশীল পালন করেন
২. বর্ষাবাসসত্রকে ভিক্ষুদের আত্মশুষ্টির	ভূষ্কার ক্ষয় হয়
৩. গৃহী বৌদ্ধরা	শ্রেষ্ঠ
৪. চিন্তকে শূন্য করতে পারলে	ধর্মীয় অনুষ্ঠান
৫. আর্ঘ্য শব্দের অর্থ	অধিষ্ঠান বলে



**সংক্ষিপ্ত প্রশ্ন**

১. বর্ষাবাসত্রত কোথায়, কত মাস পালন করতে হয়?
২. কোন কোন তিথিতে ভিক্ষুসংঘ পাতিমোক্খ আবৃত্তি করেন?
৩. 'উপোসথ' বলতে কী বোঝায়?

**বর্ণনামূলক প্রশ্ন**

১. বর্ষাবাসত্রত কখন, কেন পালন করা হয় লেখ।
২. কী উদ্দেশ্যে বুদ্ধ বর্ষাবাসত্রত পালনের বিধান দিয়েছিলেন বর্ণনা কর।
৩. বর্ষাবাসত্রতে ভিক্ষু ও গৃহীদের করণীয়সমূহ আলোচনা কর।
৪. উপবাস ও উপোসথের পার্থক্যসমূহ নির্দেশ কর।
৫. কঠিন চীবর দান কখন, কোথায় ও কীভাবে করা হয় বর্ণনা কর।

**বহুনির্বাচনী প্রশ্ন**

১. উপোসথ কারা পালন করতে পারেন ?
 

ক. ভিক্ষু	খ. গৃহী
গ. সন্ন্যাসী	ঘ. ভিক্ষু ও গৃহী
২. ভগবান বুদ্ধ কতজন ভিক্ষুকে কঠিন চীবর দানের ফল বর্ণনা করেন ?
 

ক. ৩০০	খ. ৪০০
গ. ৫০০	ঘ. ৬০০

নিচের উদ্দীপকটি পড় এবং ৩ ও ৪ নম্বর প্রশ্নের উত্তর দাও -

সমীর বড়ুয়া আষাঢ়ী পূর্ণিমা থেকে কার্তিকী পূর্ণিমা পর্যন্ত শীল পালন করেন। বিহারে অনুষ্ঠিতব্য দানোৎসবে তিনি চীবর দান করার সুযোগ পান।

৩. সমীর বড়ুয়া কোন অনুষ্ঠানে চীবর দান করলেন?
 

ক. সংঘদান	খ. অষ্টপরিষ্কার দান
গ. কঠিন চীবর দান	ঘ. পুণ্ণলিক দান।
৪. উক্ত দানের ফলে সমীর বড়ুয়া লাভ করতে পারে?
 

ক. স্বর্গসুখ	খ. ধনী পরিবারে জন্ম
গ. রাজচক্রবর্তী সুখ	ঘ. দিব্যসুখ।

### সৃজনশীল প্রশ্ন

১. বোধিমিত্র ভিক্ষু যুগ্মের বাণী প্রচারের জন্য গ্রীষ্মকালে বিভিন্ন এলাকায় সফর শুরু করেন। একপর্যায়ে বর্ষাবাদল শুরু হলে, তিনি ধর্মপাল বিহারে গিয়ে পৌঁছলেন। সেখানে নির্দিষ্ট সময়ের জন্য অবস্থান করে ধর্মীয় আলোচনা, ধ্যান-সাধনা ও বিদ্যাচর্চা করে সময় অতিবাহিত করতে থাকেন। কয়েকদিন যাওয়ার পর পাশের গ্রামের একটি বিহারের তাঁর গুরু ভক্ত গুরুতর অসুস্থ হয়ে পড়লে তাঁকে সেবাযত্ন করার জন্য বোধিমিত্র ভিক্ষু ধর্মপাল বিহার ত্যাগ করলেন এবং ভক্তকে নিয়ে হাসপাতালে গেলেন। চার দিন পর গুরু ভক্তে সুস্থ হয়ে উঠলে তিনি আবার ধর্মপাল বিহারে ফিরে এসে ধ্যান-সাধনায় নিয়োজিত হলেন। কিন্তু এভাবে বোধিমিত্র ভিক্ষুর বিহার ত্যাগ করাকে অনেকে পছন্দ করলেন না।
  - ক. কয় মাস ধরে বর্ষাবাস পালন করা হয় ?
  - খ. ভিক্ষুরা বর্ষাবাস পালন করেন কেন ?
  - গ. উদ্দীপকে বর্ণিত ঘটনাটি বৌদ্ধধর্মের কোন আচার অনুষ্ঠানের অন্তর্ভুক্ত ? ব্যাখ্যা কর।
  - ঘ. বোধিমিত্র ভিক্ষুর বিহার ত্যাগ করে হাসপাতালে রাতযাপন ঘটনাটি বর্ষাবাস ব্রত বিধানের লক্ষণ-বক্তব্যটির যথাযথতা বিশ্লেষণ কর।
২. সুমনা ও শ্রীতি চাকমা দুই বোন। বর্ষাবাসব্রতকালীন সময়ে তারা বিহারে গিয়ে উপোসধ গ্রহণ করে। সুমনা চাকমা ঐ সময়ে ভিক্ষুকে নিত্যপ্রয়োজনীয় দ্রব্য দান করে এবং সারাদিন বুদ্ধ, ধর্ম, শীলানুস্মৃতি ও মৈত্রী ভাবনায় রত থাকে। অপরদিকে শ্রীতি চাকমা উপোসধ গ্রহণ করলেও সুমনা চাকমার মতো ধ্যানচর্চা করে না। সে ধর্ম চিন্তা বাদ দিয়ে ভোগবিলাস ও পরিবারের বিভিন্ন সমস্যা নিয়ে চিন্তা করে।
  - ক. ভিক্ষুদের জ্যেষ্ঠতা কীভাবে নির্ধারণ করা হয়?
  - খ. বৌদ্ধধর্মে উপোসধের প্রয়োজনীয়তা ব্যাখ্যা কর।
  - গ. সুমনা চাকমার আচরণটি উপোসধের সাথে সংগতিপূর্ণ-উক্তিটির যথাযথতা নিরূপণ কর।
  - ঘ. শ্রীতি চাকমার আচরণটি গোপালক উপোসধের সঙ্গে সংগতিপূর্ণ-তুমি কি তার সঙ্গে একমত? মতামত দাও।

## অষ্টম অধ্যায় চরিতমালা

পৃথিবীতে অনেক জ্ঞানী ও গুণী মানুষের জন্ম হয়েছে। মানুষের কল্যাণে তাঁরা অনেক মহৎ কর্ম সম্পাদন করেছেন। কর্মগুণে তাঁরা পৃথিবীতে অমর হয়ে আছেন। তাঁদের জীবনী পাঠ করে মানুষ নৈতিক জীবনযাপন এবং কুশল ও মহৎ কর্ম সম্পাদনে উদ্বুদ্ধ হয়। বৌদ্ধ সাহিত্যে এবুপ অনেক ভিক্ষু, ভিক্ষুণী, শ্রেষ্ঠী এবং উপাসক-উপাসিকার উল্লেখ পাওয়া যায়, যারা কর্মগুণে বৌদ্ধ সাহিত্যের ইতিহাসে অমর হয়ে আছেন। ভিক্ষুদের খের বা স্ববিরণ বলা হয়। ভিক্ষুণীদের খেরী বলা হয়। এ অধ্যায়ে আমরা কয়েকজন বৌদ্ধ খের-খেরী এবং বিশিষ্ট বৌদ্ধ মনীষীদের জীবন চরিত পাঠ করব।

এ অধ্যায় শেষে আমরা –

- \* খের-খেরী ও বিশিষ্ট বৌদ্ধ মনীষীদের জীবন কাহিনী বর্ণনা করতে পারব।
- \* খের-খেরী ও বিশিষ্ট বৌদ্ধ মনীষীদের জীবন কাহিনীর ধর্মীয় ও সামাজিক গুরুত্ব বিশ্লেষণ করতে পারব।

পাঠ : ১

মহাকশ্যপ খের

মহাকশ্যপ ছিলেন বুদ্ধের প্রথম মহাশ্রাবক। বহু জনের পুণ্যফলে একসময়ে তিনি ব্রহ্মলোকে জন্মগ্রহণ করেন। পরে পৌত্তম বুদ্ধের সময়ে মগধ রাজ্যের অন্তর্গত মহাতীর্থ নামক এক ব্রাহ্মণ গ্রামে জন্মগ্রহণ করেন। তাঁর পিতার নাম ছিল কপিল ব্রাহ্মণ। তাঁর গৃহী নাম ছিল পিপ্পলী মানব। ক্রমে পিপ্পলী মানব বড় হন। বড় হয়ে বিয়ে করেন। তাঁর স্ত্রীর নাম ছিল ভদ্রা কপিলানি। তিনি ছিলেন মগধরাজ্যের সাগল নগরে কোশীয় পৌত্তীয় ব্রাহ্মণের কন্যা। তিনি খুবই সুন্দরী ছিলেন। জন্ম-জন্মান্তরের বন্ধনের প্রভাবে তাঁদের উভয়ের বিয়ে হয়। তাঁরা খুব ধার্মিক ছিলেন। সংসারধর্ম পালন করলেও তাঁরা ব্রহ্মচার্য জীবনযাপন করতেন। ব্রহ্মলোক থেকে যারা পৃথিবীতে জন্ম নেন সংসারধর্মে তাঁদের আসক্তি থাকে না। পিপ্পলী মানব ও ভদ্রা কপিলানিরও তাই হলো। পিতার মৃত্যুর পর পিপ্পলী মানব ও ভদ্রা কপিলানি বিপুল সম্পত্তির উত্তরাধিকারী হন। কিন্তু ধন-সম্পদের প্রতি তাঁদের কোনো আকর্ষণ ছিল না। পিপ্পলী মানব গৃহত্যাগের সংকল্প গ্রহণ করেন। তিনি সংকল্পের কথা স্ত্রী ভদ্রা কপিলানিকে জানান। স্বামীর সংকল্পের কথা শুনে ভদ্রা কপিলানিও গৃহত্যাগের সংকল্প করেন। সমস্ত সম্পত্তি দান করে তাঁরা গৃহত্যাগের প্রস্তুতি নেন। তখন স্বামী বললেন, আমাদের একসঙ্গে গৃহত্যাগ করা উচিত হবে না। লোকে ভাববে, গৃহত্যাগ করা সত্ত্বেও স্বামী- স্ত্রী এক সঙ্গে বাস করছে। এ রকম ভাবলে লোকের পাপ হবে। তখন কপিলানি বললেন, আপনার কথাই সত্য। আমরা একপথে যাব না। আপনি ডান দিকে যান, আমি বাম দিকে যাব। এই বলে তিনি স্বামীকে তিনবার প্রদক্ষিণ করে প্রণাম করেন এবং বাম দিকে যাত্রা করেন। পিপ্পলী মানব ডান দিকে যাত্রা করেন। ঠিক সেই মুহুর্তে পৃথিবীতে ভূমিকম্প এবং আকাশে ভয়ানক শব্দ হয়।

গৌতম বুদ্ধ তখন বেণুবনের মূলগন্ধ কুটিরে অবস্থান করছিলেন। বুদ্ধ দিব্যজ্ঞানে বুঝতে পারলেন, পরম ব্রহ্মচর্যধারী স্বামী-স্ত্রীর বিচ্ছেদ ও কঠিন ত্যাগের প্রকাশ এবং গুণপ্রভাবই হঠাৎ ভূমিকম্প ও উয়ানক শব্দ হওয়ার কারণ। তিনি আরও জানতে পারলেন তাঁরা উভয়েই বুদ্ধের উদ্দেশ্যে সংসার ত্যাগ করেছেন। তখন বুদ্ধ কাউকে কিছু না বলে কুটিরের বাইরে এলেন। হাঁটতে হাঁটতে অনেক দূরে রাজগৃহ ও নালন্দার মধ্যবর্তী এক বিরাট বটবৃক্ষমূলে এসে পদ্মাসনে বসলেন। তখন বটবৃক্ষের চারদিক দিব্যজ্যোতিতে আলোকিত হয়ে উঠল। পিপ্পলী মানব পথ চলতে চলতে সেখানে উপস্থিত হন। দূর থেকে বুদ্ধকে দেখেই ভক্তিতে তাঁর চিত্ত আশ্রুত হয়ে ওঠে। তিনি বুদ্ধের সামনে গিয়ে বন্দনা করে বললেন : ভক্ত ভগবান, আপনিই আমার শাস্তা, আমি আপনাই শিষ্য।

বুদ্ধ তখন পিপ্পলী মানবের গুণের প্রশংসা করলেন। তারপর তাঁকে ত্রিশরণ গ্রহণ দ্বারা উপসম্পদা প্রদান করেন। ভিক্ষু হওয়ার পর তাঁর নাম রাখা হয় মহাকশ্যপ। দীক্ষার পর মহাকশ্যপকে সজ্ঞো করে বুদ্ধ বেণুবনের পথে যাত্রা করেন। কিছুদূর আসার পর বুদ্ধ এক বৃক্ষের নিচে বসতে ইচ্ছা করলেন। মহাকশ্যপ তাড়াতাড়ি নিজের সজ্ঞাটি চীবর চার ভাঁজ করে বুদ্ধকে বসতে দিলেন। বুদ্ধ বললেন : কশ্যপ, তোমার সজ্ঞাটি চীবরখানা অতি মৃদু। মহাকশ্যপ ভাবলেন, শাস্তা যখন চীবরখানা মৃদু বলছেন, তাহলে তা পরিধান করতে তাঁর কোনো আপত্তি থাকবে না। এই কথা ভেবে কশ্যপ বললেন : ভক্ত, ভগবান, এই সজ্ঞাটি চীবর আপনি পরিধান করুন। বুদ্ধ সেটা গ্রহণ করেন এবং বিনিময়ে তাঁকে “বুদ্ধের নিজের পরনের” কাপড় প্রদান করেন। এভাবে তাঁদের মধ্যে চীবর বিনিময় হয়। কশ্যপের চীবর বুদ্ধ এবং বুদ্ধের চীবর কশ্যপ পরিধান করলেন।

দীক্ষা গ্রহণের আট দিন পর মহাকশ্যপ অর্হত্ব ফল লাভ করেন। গৌতম বুদ্ধ ভিক্ষুদের ডেকে মহাকশ্যপের অশেষ গুণের প্রশংসা করলেন। বুদ্ধের ধর্ম-দর্শনে তিনি অত্যন্ত পারদর্শী ছিলেন। তাঁর অশেষ গুণাশির কথা বিবেচনা করে ভিক্ষুগণ তাঁকে অম্মমহাশ্রাবক পদে অধিষ্ঠিত করেন। অন্যদিকে ভদ্রা কপিলানিও মহাজ্ঞাপতি সৌতমীর নিকট দীক্ষা গ্রহণ করেন।

গৌতম বুদ্ধের মহাপরিনির্বাণ লাভের পর তাঁর ধর্মবাণী সঙ্গ্রহের জন্য এক মহাসম্মেলন অনুষ্ঠিত হয়, যা প্রথম মহাসম্মেলন নামে অভিহিত। মহাকশ্যপ খের সেই সম্মেলনটিতে সর্বসম্মতিক্রমে সভাপতি নির্বাচিত হন। ধর্মবাণী সঙ্গ্রহের জন্য তিনি পাঁচশত অর্হৎ ভিক্ষু নির্বাচন করেন। তিনি সভাপতির আসন অলঙ্কৃত করে উপালিকে বিনয় এবং আনন্দকে ধর্ম সম্পর্কে প্রশ্ন জিজ্ঞাসা করেন। তাঁরা যথাযথ উত্তর প্রদান করেন। তাঁদের ব্যাখ্যাকৃত ধর্ম-বিনয় উপস্থিত ভিক্ষুসংঘ অনুমোদন করেন। এভাবে মহাকশ্যপ খেরর সভাপতিত্বে প্রথম মহাসম্মেলনটিতে বুদ্ধবাণী ধর্ম-বিনয় হিসেবে সংগৃহীত হয়।

মহাকশ্যপ বুদ্ধের শ্রেষ্ঠ শিষ্যদের অন্যতম ছিলেন। তিনি মহাজ্ঞানী এবং শীলবান ভিক্ষু ছিলেন। মহাপরিনির্বাণের পর মগ্ধরা বুদ্ধের দেহ শ্মশানে দাহ করতে অনেক চেষ্টা করেন। কিন্তু তাঁদের চেষ্টা একে একে ব্যর্থ হয়ে যায়। শেষে মহাকশ্যপ খের বুদ্ধের পায়ে মাথা ঠেকিয়ে বন্দনা করেন। তারপর বুদ্ধের চিতায় আপনা আপনি আগুন জ্বলে ওঠে। অর্হত্ব ফলে প্রতিষ্ঠিত হয়ে তিনি ভিক্ষুদের অনেক গুরুত্বপূর্ণ উপদেশ প্রদান করেন। কয়েকটি উপদেশ নিচে তুলে ধরা হলো।

- ১। ভিক্ষুগণ বহুপরিষদ পরিবেষ্টিত হয়ে বাস করবে না। কারণ পরিষদ পরিচালনায় চিত্ত বিকারমত্ত হয়। বহুজনের সম্মত একত্রতা নষ্ট করে। ফলে সমাধি দুর্লভ হয়। নানাজনের নানা হুচি পূর্ণ করা দুঃস্বপ্ন। এ কারণে পরিষদ পরিচালনায় বহুবিশ্ব দোষ জ্ঞান চক্ষু দেখে তা হতে বিরত থাকবে।
- ২। প্রব্রজিতরা কখনো পৌরহিত্যে আত্মনিয়োগ করবে না। কারণ পৌরহিত্য কাজে চিত্ত বিকারমত্ত হয়। ভিক্ষুগণ রস ও ভৃক্ষায় অনুরক্ত হয়। ফলে মার্গফল লাভ হতে বঞ্চিত হয়।
- ৩। ভিক্ষুগণ বহুকাষে যোগদান করবে না। পাপীমিত্র বর্জন করবে। বহুগত লাভ বৃদ্ধির চেষ্টা করবে না। রসভৃক্ষায় অভিভূত ভিক্ষু সীলবিশুদ্ধি পরিত্যাগ করে থাকে।
- ৪। যাঁদের লঙ্কা-ভঙ্গ সর্বদা বিদ্যমান থাকে তাঁদের ব্রহ্মচর্য গুণ শ্রীবৃদ্ধি প্রাপ্ত হয়। তাঁরা পুনরায় জন্মগ্রহণ করেন না।

### অনুশীলনমূলক প্রশ্ন

কারণ সভাপতিত্বে এবং কীভাবে বুদ্ধের ধর্মবানী সংগৃহীত হয়েছিল ?  
মহাকশ্যপ খের'র কয়েকটি উপদেশ লেখ।

পাঠ : ২

### উৎপলবর্ণা

ঋদ্ধি শব্দের অর্থ হচ্ছে ধ্যান-সাধনার প্রভাবে অসৌকিক ক্ষমতা অর্জন। গৌতম বুদ্ধের শিষ্য ও শিষ্যাদের মধ্যে অনেকে ঋদ্ধিশক্তির অধিকারী ছিলেন। তাঁদের মধ্যে খেরী উৎপলবর্ণা ছিলেন শ্রেষ্ঠ। তবে এই ঋদ্ধিশক্তি তিনি এক জন্মে লাভ করেননি। এজন্য তাঁকে বহু জন্মে সাধনা করতে হয়েছিল। জানা যায়, পদুমুত্তর বুদ্ধের সময় তিনি হসেবতী নগরের এক সম্ভ্রান্ত বংশে জন্মগ্রহণ করেন। শৈশব থেকেই তিনি ধর্মপরায়ণা ছিলেন। বড় হয়ে তিনি প্রায়ই পদুমুত্তর বুদ্ধের ধর্মদেশনা শুনতে বিহারে যেতেন। একদিন বিহারে গিয়ে দেখেন পদুমুত্তর বুদ্ধ একজন ভিক্ষুণীকে শ্রেষ্ঠ ঋদ্ধিমতীর স্থান দিয়েছেন। এটি দেখে তাঁর মনের মধ্যেও শ্রেষ্ঠ ঋদ্ধিমতী হওয়ার ইচ্ছা জাগে। তখন তিনি এক সম্ভ্রান্তব্যাপী পদুমুত্তর বুদ্ধ ও তাঁর শিষ্যদের তত্ত্বি সহকারে মহাপূজা দান করেন। পূজা শেষে তিনি পদুমুত্তর বুদ্ধকে বন্দনা করে শ্রেষ্ঠ ঋদ্ধিমতী হওয়ার ইচ্ছা পোষণ করেন। পদুমুত্তর বুদ্ধ তাঁর ইচ্ছা পূরণ হওয়ার জন্য আশীর্বাদ করেন।

অতঃপর বহু জন্মের পুণ্য সম্বল করে গৌতম বুদ্ধের সময় শ্রাবস্তীর এক শ্রেষ্ঠী পরিবারে তিনি জন্মগ্রহণ করেন। তখন তাঁর নাম রাখা হয় উৎপলবর্ণা। উৎপল শব্দের অর্থ নীল পদ্ম। তাঁর গায়ের রং ছিল নীল পদ্মের মতো। তাই এরূপ নামকরণ করা হয়েছিল। সুধু বৃশেই নয় গুণেও তিনি ছিলেন অদ্বিতীয়। আন্তে আন্তে উৎপলবর্ণা বড় হলেন। তাঁর বৃশ ও গুণের কথা চারিদিকে ছড়িয়ে পড়ল। তাঁর বৃশে-গুণে আকৃষ্ট হয়ে বিভিন্ন দেশ থেকে রাজা, মহারাজা ও শ্রেষ্ঠীগণ তাঁর পিতার নিকট বিয়ের প্রস্তাব পাঠান। শ্রেষ্ঠী বৃশতে পারলেন মহাবিপদ সন্নিকটে। এক রাজার সঙ্গে মেয়েকে দিয়ে দিলে অন্য রাজা অসম্মত ও রুদ্ধ হবেন। এতে শত্রুতা বাড়বে। রাজায় রাজায় যুদ্ধ হবে। অনেক মানুষের মৃত্যু হবে। এই বিপদ থেকে উদ্ধার পাওয়ার জন্য তিনি উপায় খুঁজতে থাকেন। অবশেষে উপায় স্বরূপ তিনি কন্যাকে বললেন,

মা, তুমি প্রব্রজ্যা গ্রহণ করতে পারবে কি? তাঁর ছিল অতীত জন্মের সঞ্চিত পুণ্যরাশি। খুশি হয়ে উৎপলবর্ণা পিতাকে প্রব্রজ্যা গ্রহণের সম্মতি প্রদান করেন। পিতাও খুশি হয়ে উৎপলবর্ণাকে ভিক্ষুণীদের কাছে নিয়ে গেলেন। ভিক্ষুণীরা তাঁকে প্রব্রজ্যা দান করলেন। প্রব্রজ্যা গ্রহণের অল্প দিনের মধ্যেই উৎপলবর্ণার ওপর উপোসথ কক্ষের কিছু কাজের ভার অর্পিত হলো। দায়িত্ব হিসেবে তিনি উপোসথ গৃহের বিভিন্ন কর্ম সম্পাদন করতেন। তিনি ধ্যানসাধনায় আত্ম নিয়োগ করেন। সাধনার বলে তিনি প্রথমে পূর্বজন্মের স্মৃতি, পরচিত্ত জ্ঞান, দিব্যচক্ষু, দিব্যশ্রুতি জ্ঞান ও ঋদ্ধিশক্তি লাভ করলেন। পরিশেষে অর্হতফল লাভ করলেন।

বুদ্ধ জেতবনে সংঘ সম্মেলনে কর্মের স্বীকৃতিস্বরূপ উৎপলবর্ণাকে ঋদ্ধিশক্তিতে সর্বশ্রেষ্ঠার আসন দান করেন। অর্হত ফল লাভ করে উৎপলবর্ণা সাধনা ও সিদ্ধির পরম সুখ চিন্তা করে কতগুলো গাথা আবৃত্তি করেন। গাথাগুলোর মধ্যে কয়েকটির বাংলা অনুবাদ নিচে দেওয়া হলো।

- ১। পূর্বজন্মের স্মৃতি আমার অধিকারে। পরচিত্ত জ্ঞান আমি অর্জন করেছি। দিব্যচক্ষু ও দিব্যশ্রুতি আমার অধিকারে।
- ২। আমি ঋদ্ধিপ্রাপ্ত। আমি আসবমুক্ত। আমি ষড় অভিজ্ঞতার পারদর্শিনী। বুদ্ধ শাসনে যুক্ত হওয়ার আমার ইচ্ছা পূর্ণ হয়েছে।
- ৩। চিত্ত আমার বশীভূত। আমি ঋদ্ধিপাদে প্রতিষ্ঠিত। ষড় অভিজ্ঞায় পারদর্শিনী। কাম, তৃষ্ণা ও ঋদ্ধসমুহ শূলের ন্যায় বিদ্ধ করে। ভোগের আনন্দ আমার কাছে তুচ্ছ। অজ্ঞানের অন্ধকার বিদূরিত করে আমি সর্ববিধ ভোগতৃষ্ণার বিনাশ সাধন করেছি।

### অনুশীলনমূলক কাজ

উৎপলবর্ণা প্রব্রজ্যা গ্রহণ না করলে কী সমস্যা সৃষ্টি হতে পারত লেখ।

পাঠ : ৩

আশ্রপালি

আশ্রপালির জন্ম হয়েছিল বৈশালীর রাজ্যাদ্যনের একটি বড় আম গাছের নিচে। উদ্যান রক্ষক তাঁকে লাগন পালন করেন। আম গাছের তলায় জন্ম বলে তাঁর নাম রাখা হয়েছিল আশ্রপালি। বয়স বাড়ার সঙ্গে সঙ্গে আশ্রপালি অপূর্ব সুন্দরী হয়ে ওঠে। তাঁর রূপ সৌন্দর্যে আশ-পাশের রাজপুত্রগণ মুগ্ধ ছিলেন। সকল রাজপুত্র যেভাবেই হোক তাঁকে বিয়ে করার সংকল্প করেন। কেউ কাউকে ছাড় দিতে রাজি ছিলেন না। তাঁকে বিয়ে করা রাজপুত্রদের মধ্যে মর্বাদার বিষয় হয়ে দেখা দিল। ফলে রাজপুত্রদের মধ্যে কলহের সূত্রপাত হলো। ক্রমে এই কলহ যুদ্ধের রূপ পরিগ্রহ করল। অবশেষে কলহের অবসান ঘটানোর জন্য আশ্রপালি কাউকেও বিয়ে না করার সিদ্ধান্ত গ্রহণ করেন। তিনি রাজনর্তিকর জীবন বেছে নিলেন। ফলে সকল রাজপুত্রের সঙ্গে তাঁর সুসম্পর্ক সৃষ্টি হলো।

আশ্রপালি ক্রমে রাজ-রাজাদের কাছ থেকে অনেক অর্থ-বিস্ত ও ভূ-সম্পত্তি লাভ করলেন। মধ্য বয়সে একদিন বুদ্ধের ধর্মদেশনা শূনে তিনি অনিত্যতা উপলক্ষি করলেন। বুঝতে পারলেন দেহ, রূপ, যৌবন সবই নশ্বর এবং ক্ষণস্থায়ী।

অতঃপর ধর্মদেশনা শোনার জন্য সশিষ্য বুদ্ধকে তিনি নিমন্ত্রণ করলেন। বুদ্ধ নিমন্ত্রণ গ্রহণ করে অশ্রপালির গৃহে উপস্থিত হন। অশ্রপালি বুদ্ধ ও তাঁর শিষ্যদের শ্রদ্ধাসহকারে খাদ্যদ্রব্য দিয়ে আপ্যায়ন করলেন। বুদ্ধ অশ্রপালির মধ্যে বিমুক্তির লক্ষণ দেখে তাঁকে ধর্মদেশনা করেন। বুদ্ধের ধর্ম শ্রবণ করে অশ্রপালি নিজের উদ্যানে বিহার নির্মাণ করে বুদ্ধ ও বুদ্ধশিষ্যদের দান করেন। এ সময় তিনি বুদ্ধের ধর্মনীতি অনুশীলনে ব্রতী হয়ে ভিক্ষুণী ধর্মে দীক্ষিত হন। দীক্ষিত হয়ে তিনি ধ্যান-সাধনায় মনোনিবেশ করেন। অনিত্যতাকে ধ্যানের বিষয় হিসেবে গ্রহণ করে তিনি ধ্যান সমাধির অনুশীলন শুরু করেন। ক্রমে তিনি অস্তদৃষ্টি লাভ করেন। ফলে তিনি অতীত জীবনের ঘটনাবলি দেখতে পেতেন।

অর্ন্তদৃষ্টি লাভ করে একদিন তিনি নিজের অতীত জীবনের ঘটনা অবলোকন করছিলেন। তিনি দেখলেন যে, জন্ম-জন্মান্তরে বিভিন্ন ভালো কাজের মাধ্যমে সঞ্চিত পুণ্যরাশির ফলে তিনি শিখী বুদ্ধের সময় জন্মগ্রহণ করে ভিক্ষুণী সংঘে প্রবেশ করতে সমর্থ হয়েছিলেন। তখন একদিন অন্যান্য ভিক্ষুণীদের সাথে তিনি চৈত্য পূজায় যোগদান করেন। পূজা শেষে চৈত্য প্রদক্ষিণের সময় তাঁর সামনে ছিলেন একজন বয়োজ্যেষ্ঠ অর্হৎ ভিক্ষুণী। সেই ভিক্ষুণী হঠাৎ চৈত্যের অঙ্গনে থুথু ফেলেন। এটি দেখে অশ্রপালি বয়োজ্যেষ্ঠ ভিক্ষুণীকে লক্ষ করে কটুক্তি করেন। এই কটুক্তি জনিত পাপের ফলে গৌতম বুদ্ধের সময় তাঁকে ঘরের বাইরে গাছের নিচে জন্মগ্রহণ করতে হয়েছে এবং তিনি সংসার জীবনযাপন করতে পারেন নি।

তিনি সর্ব বস্তুর অনিত্যতাকে ধ্যানের বিষয় হিসেবে গ্রহণ করে ধ্যানে রত হন। অর্হৎ ফল লাভ করে তিনি জন্ম-মৃত্যুর শৃঙ্খল ছিন্ন করেন এবং সকল প্রকার দুঃখ হতে মুক্তি লাভ করেন। মুক্তির নির্মল আনন্দে উদ্বেলিত হয়ে তিনি অনেকগুলো গাথা ভাষণ করেন। নিচে তাঁর ভাষিত গাথার সারমর্ম তুলে ধরা হলো :

‘একসময় আমার এই দেহ অপূর্ব সুন্দর ও শাব্যময় ছিল। জরাহস্ত হয়ে তা এখন প্রলেপ খসে পড়া ঘরের মতো জীর্ণ হয়ে পড়েছে। মূলত এ দেহ দুঃখের আলয়।’

অশ্রপালির জীবন পাঠে আমরা দেখতে পাই, কর্মের প্রায়চিত্ত সকলকেই ভোগ করতে হয়। কর্মের ফল ভোগ থেকে কেউ রেহাই পায় না। ভালো কাজের সুফল যেমন আছে তেমনি খারাপ কাজের শাস্তিও রয়েছে। তাই মানুষকে সব সময় ক্রোধ নিয়ন্ত্রণ করতে হয়। কাউকে কটু কথা বলা উচিত নয়। কর্মের পরিণাম চিন্তা করে সকলের অকুশল কর্ম হতে বিরত থাকা উচিত।

### অনুশীলনমূলক কাজ

দেহ, রূপ, যৌবন সবই নশ্বর এবং ক্ষণস্থায়ী – এ উক্তিটির যথার্থতা নির্ণয় কর।

পাঠ : ৪

### শ্রেষ্ঠী অনাখণ্ডিক

বুদ্ধের জীবিতকালে ভিক্ষু ছাড়াও অনেক গৃহী বুদ্ধের একনিষ্ঠ সেবক ছিলেন। তাঁদের মধ্যে অনাখণ্ডিক ছিলেন অগ্রগণ্য। সে সময়ে শ্রাবস্তীতে সুমন নামে এক শ্রেষ্ঠী বাস করতেন। সুদন্ত নামে তাঁর এক পুত্র ছিলেন। পিতার মৃত্যুর



পর সুদত্ত উত্তরাধিকার সূত্রে পিতার বিশাল ধনসম্পদের অধিকারী হন। এরকম ধনবানদের শ্রেষ্ঠী বলা হয়। সুদত্ত শ্রেষ্ঠী অত্যন্ত দানশীল ব্যক্তি ছিলেন। পরিব ও দুঃখীদের তিনি মুক্ত হস্তে দান করতেন। কোনো অসহায় মানুষ তাঁর বাড়ি থেকে শূন্য হাতে ফিরে যেত না। বিশেষত তিনি অনাথদের পিণ্ড দান করতেন। পিণ্ড হলো আহার বা খাদ্যদ্রব্য। অনাথদের অকাভরে পিণ্ড দান করতেন বলেই সকলের কাছে তিনি ‘অনাথপিণ্ডিক’ নামে পরিচিত হন।

এক সময় বুদ্ধ রাজগৃহের জেতবনে অবস্থান করছিলেন। সে সময় অনাথপিণ্ডিক ব্যবসার কাজে রাজগৃহে আসেন। সেখানে এক শ্রেষ্ঠী কশুর বাড়িতে তিনি অতিথি হন। আগেও অনাথপিণ্ডিক কয়েকবার কশুর বাড়িতে অতিথি হয়েছিলেন। তখন তিনি অনেক আদর যত্ন লাভ করেছিলেন। কিন্তু সেদিন তাঁকে আগের মতো সমাদর করতে কেউ এগিয়ে এলো না। তাঁর বশুও ছিলেন খুব ব্যস্ত। তিনি কশুর নিকট ব্যস্ততার কারণ জিজ্ঞাসা করেন। কশু তাঁকে বললেন, আমি বুদ্ধকে নিমন্ত্রণ করেছি। বুদ্ধ তাঁর শিষ্যসহ আমার বাড়িতে আসবেন। তাঁকে সেবা-যত্ন ও আপ্যায়ন করার জন্য আমরা সবাই ব্যস্ত।

বুদ্ধের আগমনের কথা শুনাই অনাথপিণ্ডিকের মন আনন্দে ভরে উঠল। তিনি আর কিছুই বললেন না। সে রাতে ভালো করে ঘুমতেও পারলেন না। খুব ভোরে উঠে তিনি জেতবনে বুদ্ধের কাছে গেলেন। বুদ্ধ তখন চংক্রমণ করছিলেন। শ্রেষ্ঠী বুদ্ধকে বন্দনা করে এক পাশে বসলেন। বুদ্ধ তাঁর মনের অবস্থা জেনে তাঁকে ধর্মদেশনা করলেন। বুদ্ধের ধর্মদেশনা শুনেনে অনাথপিণ্ডিক সেখানেই শ্রোতাপত্তি ফল লাভ করলেন। শ্রোতাপত্তি হল নির্বাণ লাভের প্রথম ধাপ। মনের একান্ত সাধনের মাধ্যমে এটি অর্জিত হয়। ফেরার সময় অনাথপিণ্ডিক বুদ্ধকে শ্রাবস্তীতে বর্ষাবাস যাপনের জন্য আমন্ত্রণ জানান। বুদ্ধ তাঁর আমন্ত্রণ গ্রহণ করেন।

অনাথপিণ্ডিক শ্রাবস্তীতে ফিরে গিয়ে ‘কী করলে বুদ্ধ খুশি হবেন’ এ বিষয়ে ভাবতে লাগলেন। শ্রাবস্তীতে রাজকুমার জেত-এর মনোরম একটি উদ্যান ছিল। তাঁকে অনেক অনুরোধ করে আঠার কোটি স্বর্ণমুদ্রা দিয়ে সেই উদ্যান ক্রয় করলেন। সেখানে নির্মাণ করলেন মনোরম মহাবিহার। এই বিহারের মাঝখানে বুদ্ধের জন্য নির্মিত হয় ‘মূলগম্পকুটি বিহার’। এর চারদিকে নির্মিত হয় আটজন স্ববিরের জন্য পৃথক ভবন। এ ছাড়া সেখানে নির্মিত হল চংক্রমণশালা, ভিক্ষুদের জন্য আশ্রম, দিঘি প্রভৃতি। রাজগৃহ থেকে শ্রাবস্তীর দূরত্ব প্রায় নব্বই মাইল। তিনি বুদ্ধের যাতায়াতের সুবিধার জন্য প্রতি দুই মাইল অন্তর মোট পয়তাল্লিশটি বিশ্রামাগার নির্মাণ করলেন। এসব নির্মাণে খরচ হয় আঠার কোটি স্বর্ণমুদ্রা।

তিন মাস ধরে চলে বিহারে দান অনুষ্ঠানের উৎসব। এ অনুষ্ঠানেও খরচ হয় আরও আঠার কোটি স্বর্ণমুদ্রা। রাজকুমার জেত-এর নাম অনুসারে এই জায়গার নাম রাখা হয় জেতবন। বিহারের নাম রাখা হয় ‘অনাথপিণ্ডিকের’ আরাধন। অনাথপিণ্ডিক অত্যন্ত বুদ্ধ উক্ত ছিলেন। প্রতিদিন তিনবেলা তিনি সেই বিহারে যেতেন। বুদ্ধকে পূজা বন্দনা করতেন। বুদ্ধের ধর্মদেশনা শুনতেন। অনাথপিণ্ডিকের বাড়িতে প্রতিদিন পাঁচশত ভিক্ষুর জন্য খাদ্য প্রস্তুত থাকত। বুদ্ধ উনিশবার অনাথপিণ্ডিকের আরাধনে বর্ষাবাস যাপন করেছিলেন। বৌদ্ধধর্মের প্রচার ও প্রসারে অনাথপিণ্ডিকের অবদান প্রশংসিতো স্মরণযোগ্য।

দান কর্মের স্বীকৃতি স্বরূপ অনাথপিণ্ডিক বৌদ্ধধর্মের ইতিহাসে অমর হয়ে আছেন। এখনও বিশ্ব বৌদ্ধ জনগোষ্ঠী প্রশংসার সঙ্গে তাঁকে স্মরণ করে। তাঁর প্রশংসা করে। তাঁর দান কর্মে উদ্বুদ্ধ হয়ে দান ও সেবায় ব্রতী হতে চেষ্টা করে। অনাথপিণ্ডিকের জীবনী পাঠে বোঝা যায় যে, দান মানুষকে মহৎ করে। দানের মাধ্যমে পুণ্য, যশ-খ্যাতি, প্রশংসা ও প্রশংসা লাভ হয়।

### অনুশীলনমূলক কাজ

তোমার এলাকায় ধনী ব্যক্তিদের দানে নির্মিত প্রতিষ্ঠান বা মঙ্গলজনক কর্মসমূহের একটি তালিকা প্রস্তুত কর।



## অনুশীলনী

### সূন্যস্থান পূরণ

১. মহাকশ্যপ ছিলেন বৃক্ষের প্রথম ..... ।
২. গৌতম বৃক্ষ তখন বেণুবনের ----- অবস্থান করছিলেন ।
৩. দীক্ষা গ্রহণের..... দিন পর মহাকশ্যপ খের অর্হত্ব ফল লাভ করেন ।
৪. খেরী উৎপলবর্ণা ভিক্ষুদীদের মধ্যে ঋদ্ধিশক্তিতে..... ছিলেন ।
৫. তাঁর গায়ের রং ছিল ----- মতো ।
৬. ভালো কাজের .....যেমন আছে তেমনি খারাপ কাজের .....ও রয়েছে ।
৭. দান কর্মের স্বীকৃতি স্বরূপ ----- বৌদ্ধধর্মের ইতিহাসে অমর হয়ে আছেন ।

### মিলকরণ

বাম	ডান
১. মহাকশ্যপ বৃক্ষের শ্রেষ্ঠ শিষ্যদের	অকুশল কর্ম বর্জন করতে হবে
২. প্রাচীনকালে ধনবানদের বলা হয়	অন্যতম ছিলেন
৩. খের-খেরীর মধ্যে ঋদ্ধিশক্তিতে শ্রেষ্ঠ ছিলেন	জেতবন
৪. কর্মের পরিণাম চিন্তা করে সকলকে	উৎপলবর্ণা
৫. জেত এর নাম অনুসারে স্থানটির নাম রাখা হয়	শ্রেষ্ঠী

### সংক্ষিপ্ত প্রশ্ন

১. পিপ্পলী মানবের গৃহত্যাগের মুহূর্তে কেন পৃথিবীতে ভূমিকম্প হয়েছিল ?
২. অশ্রুপালি নামকরণের কারণ কী?
৩. অনাথপিণ্ডিক কোথায় বিহার নির্মাণ করেছিলেন?

### বর্ণনামূলক প্রশ্ন

১. খের মহাকশ্যপের ত্যাগের কাহিনী বর্ণনা কর ।
২. উৎপলবর্ণা কীভাবে ঋদ্ধিশক্তিতে সর্বশ্রেষ্ঠার আসন লাভ করেছিলেন লেখ ।
৩. অশ্রুপালির জীবনী হতে কর্ম ও কর্মফল সম্পর্কে আমরা কী শিক্ষা পাই আলোচনা কর ।
৪. সুদন্ত শ্রেষ্ঠী কেন 'অনাথপিণ্ডিক' নামে পরিচিত হলেন তার বর্ণনা দাও ।

## বহুনির্বাচনী প্রশ্ন

১. বুদ্ধের প্রথম মহাশ্রাবকের নাম কী?
 

ক. সারিপুত্র	খ. সিবলী বুদ্ধ
গ. অনাথপিণ্ডিক	ঘ. মহাকশ্যপ
২. 'পিণ্ড' শব্দের অর্থ কী?
 

ক. বিশেষ পাত্র	খ. রাতের খাবার
গ. আহার বা খাদ্যদ্রব্য।	ঘ. সুঁচ-সূতা
৩. কপিল ব্রাহ্মণ ও জন্মা কপিলানি সংসার জীবন ত্যাগ করেছিলেন কেন?
 

ক. অতীতকালে ব্রহ্মলোক ছিলেন বলে	খ. উভয়ের মধ্যে মনোমালিন্য ছিল বলে
গ. সামাজিক বাধা ছিল বলে	ঘ. আত্মীয়-স্বজনের কুপ্ররোচনায়

নিচের উদ্দীপকটি পড় এবং ৪ ও ৫ নম্বর প্রশ্নের উত্তর দাও :

বস্তির এক নোয়া পরিবেশে সূচনার জন্ম। বড় হয়ে অপূর্ব সুন্দরী হওয়ার কারণে অনেক ধনীরা দুলালের নজরে পড়ে। তাদের কুদৃষ্টি থেকে রক্ষা পাওয়ার জন্য তিনি ভিক্ষুর ধর্মদেশনা শ্রবণ করে প্রব্রজ্যায় দীক্ষিত হন এবং ধ্যান-সাধনার মাধ্যমে ঋদ্ধিশক্তি লাভ করে।

৪. সূচনার মানসিক পরিবর্তনে উৎপলবর্ণার যে দিকটি লক্ষণীয় –
  - i. অনিত্যতা
  - ii. বিয়ুক্তি
  - iii. নম্বর

নিচের কোনটি সঠিক ?

- |           |             |
|-----------|-------------|
| ক. i      | খ. ii       |
| গ. i ও ii | ঘ. ii ও iii |
৫. উক্ত ধ্যান-সাধনার ফলে সূচনা কী অর্জন করতে পারে?
 

ক. সমাধি	খ. অন্তর্দৃষ্টি
গ. বহিঃদৃষ্টি	ঘ. শ্রোতাপত্তি

## সুজনশীল প্রশ্ন

১. সূচিমা ও অর্পনা দুই বোন। রূপে ও গুণে দুজনে অপূরণ্য। পড়াশুনার ফাঁকে ফাঁকে সূচিমা বুকের ধর্মদেশনা শুনতে বিহারে যেতেন এবং শ্রেষ্ঠ ভিক্ষুণী হওয়ার ইচ্ছা করতেন। পড়াশুনা শেষে তাদের পিতা সূচিমাকে বিয়ে দেওয়ার কথা বললে সে অস্বীকার প্রকাশ করে। কিন্তু সূচিয়ার রূপ ও গুণের কথা শুনে অনেক সম্ভ্রান্ত পরিবার থেকে তাঁর বিয়ের প্রস্তাব আসে। এ অবস্থায় বিয়ে হলে এলাকার সম্ভ্রান্ত ব্যক্তিবর্গের মধ্যে কলহ ও রক্তপাত ঘটবে বিধায় পিতা মেয়ের সম্মতিতে 'সূচিমাকে' প্রব্রজ্যা গ্রহণ করান। অন্যদিকে অর্পনাকে বিয়ে করা নিয়ে উক্ত এলাকায় যুবকদের মধ্যে প্রতিযোগিতা শুরু হয়। অর্পনা বিয়েতে রাজি না হয়ে বিভিন্ন সাংস্কৃতিক কর্মকাণ্ডে নিজেকে জড়িয়ে ফেলেন। একসময় বিহারে ধর্মচর্চায় অনুপ্রাণিত হলে, তাঁর মনে হয় দেহ, রূপ ও যৌবন সবই ক্ষণস্থায়ী ও একদিন ধ্বংস হয়ে যাবে।

ক. বুকের প্রথম মহাশ্রাবক কে ছিলেন ?

খ. প্রথম মহাসঙ্গীতি কেন অনুষ্ঠিত হয়েছিল ? ব্যাখ্যা কর।

গ. উদ্দীপকে বর্ণিত সূচিয়ার ঘটনাটি কোন খেীর জীবনের সঙ্গে মিল রয়েছে ? বর্ণনা কর।

ঘ. 'দেহ, রূপ, যৌবন' সবই ক্ষণস্থায়ী ও একদিন ধ্বংস হয়ে যাবে'-অর্পনার এই উক্তিটির সঙ্গে অম্রপালির জীবন কাহিনী কতটুকু সাদৃশ্যপূর্ণ ? বিশ্লেষণ কর।

২. বিধান ও নীলিমা উভয়ে ধার্মিক ছিলেন এবং তাঁদের গুণকীর্তন গ্রামের চতুর্দিকে ছড়িয়ে পড়ে। একসময় দুজনে বিবাহ বন্ধনে আবদ্ধ হলেও তাদের সংসার জীবনের চেয়ে ব্রহ্মচর্যের প্রতি বেশি অগ্রহ ছিল। একসময় তারা এক ধর্মীয় পথ প্রদর্শকের পদাঙ্ক অনুসরণ করতে গিয়ে তাঁদের বিবাহ বিচ্ছেদ হয়ে যায়। ঠিক সেই মুহূর্তেই প্রলয়ংকরী বিকট শব্দে পৃথিবী কেঁপে উঠল। এভাবে তাদের ধর্মযাত্রা সফল হয়।

ক. 'স্বর্জি' শব্দের অর্থ কী ?

খ. ভিক্ষুগণ মহাকশ্যপকে অগ্রমহাশ্রাবক পদে অধিষ্ঠিত করেন কেন ?

গ. উদ্দীপকের ঘটনাটি কোন খেীর - খেীর জীবনে সংঘটিত হয়েছিল ? ব্যাখ্যা কর।

ঘ. উদ্দীপকে বর্ণিত বিধান ও নীলিমা ইহ ও পরজন্মে কী লাভ করতে পারবে বলে তুমি মনে কর? পাঠ্যপুস্তকের আলোকে ব্যাখ্যা কর।

## নবম অধ্যায় জাতক

জাতক সুত্রপিটকের অন্তর্গত খুদ্‌কনিকায়ের একটি অনন্য গ্রন্থ। এই গ্রন্থে পৌত্তম বুদ্‌ধের অতীত জীবনের বিভিন্ন কাহিনী ও ঘটনা বর্ণিত আছে। জাতকের কাহিনীগুলো নৈতিক শিক্ষায় সমৃদ্ধ। জাতকগুলোতে প্রসঙ্গক্রমে প্রাচীন ভারতের রাজনীতি, অর্থনীতি, সমাজ, সংস্কৃতি, সাহিত্য, পুরাতত্ত্ব প্রভৃতি বিষয় আলোচিত হয়েছে। তাই জাতককে প্রাচীন ভারতের ইতিহাসের উৎস বা আখার হিসেবে গণ্য করা হয়। ভারতবর্ষের প্রাচীন ইতিহাস রচনায় জাতকের গুরুত্ব অপরিসীম। এশিয়া মহাদেশের সাহিত্যের বিকাশ সাধনেও জাতকের অসীম প্রভাব রয়েছে। এ অধ্যায়ে আমরা জাতকের উৎপত্তি, গঠনশৈলী এবং কয়েকটি জাতক পাঠ করব।

এ অধ্যায় শেষে আমরা -

- \* জাতকের উৎপত্তি এবং জাতকের গঠনশৈলী ব্যাখ্যা করতে পারব।
- \* জাতকের বিভিন্ন কাহিনী বর্ণনা করতে পারব।
- \* জাতক পাঠ করে প্রাচীন সমাজ ব্যবস্থা সম্পর্কে বর্ণনা করতে পারব।

পাঠ : ১

জাতকের উৎপত্তি ও গঠনশৈলী

বৌদ্‌ধর্ম অনুসারে এক জন্মের কর্মফলে কেউ বুদ্‌ধ হতে পারেন না। বোধিসত্ত্ব নানারূপে নানা কালে জন্মগ্রহণ করে দান, শীল, পারমী ইত্যাদি পালনপূর্বক চরিত্রের উৎকর্ষ সাধন করেছিলেন। প্রত্যেকটি জন্মে তিনি হিতকর কর্ম সম্পাদন করেন এবং নিজেই ক্রমাগত উচ্চ থেকে উচ্চতর পর্যায়ে উন্নীত করেছিলেন। বোধিসত্ত্ব পাঁচশ পঞ্চাশতম জন্মে বোধিজ্ঞান লাভ করে বুদ্‌ধ হন।

বুদ্‌ধত্ব লাভ করে তিনি অতীত জন্মসমূহের ঘটনাবলি দেখার সহায়ক জ্ঞানচক্ষু লাভ করেন। তিনি পূর্বজন্মের সব ঘটনা চোখের সামনে দেখতে পেতেন। বুদ্‌ধত্ব লাভের পর তিনি এই অলৌকিক ক্ষমতা প্রাপ্ত হন। তিনি শিষ্যদের ধর্মদেশনা করার সময় কথা প্রসঙ্গক্রমে তাঁর অতীত জীবনের বিভিন্ন কাহিনী ও ঘটনাবলি বলতেন। শিষ্যরা মনোযোগ সহকারে কাহিনীগুলো শুনতেন এবং স্মৃতিতে ধারণ করে রাখতেন। পরবর্তীকালে সঞ্জীতির মাধ্যমে এগুলো সংকলিত হয়। এই কাহিনীগুলোই জাতক নামে পরিচিত।

সাধারণ অর্থে ‘জাতক’ শব্দের অর্থ ‘যে জন্মগ্রহণ করেছে’। কিন্তু বৌদ্‌ধধর্মে জাতক শব্দটি বিশেষ অর্থে ব্যবহার করা হয়েছে। বৌদ্‌ধ সাহিত্যে পৌত্তম বুদ্‌ধের অতীত জীবনের কাহিনীগুলো জাতক নামে অভিহিত। জাতকের সব কাহিনীই উপদেশমূলক। মানুষকে কুশলকর্ম সম্পাদনে উদ্বুদ্ধ করাই জাতকের উদ্দেশ্য। অতএব বলা যায়, পৌত্তম বুদ্‌ধের বোধিসত্ত্বকালীন জন্মকাহিনী থেকে মানুষকে নৈতিক শিক্ষায় উদ্বুদ্ধ করার নিমিত্তে জাতকের উৎপত্তি হয়।

জাতকের গঠনশৈলী বিশ্লেষণ করলে দেখা যায়, প্রত্যেকটি জাতক প্রাধানত তিনটি অংশে বিভক্ত : ক. প্রত্যাগম্বনকল্প, খ. অতীত বন্ধু বা মূল আখ্যান এবং গ. সমবধান।

প্রতুৎপন্নবন্ধু : জাতকের প্রথম অংশের নাম প্রতুৎপন্নবন্ধু। একে বর্তমান কথাও বলা হয়। এই অংশে বুদ্ধ কার উদ্দেশ্যে, কী উপলক্ষে কাহিনীটি বলেছিলেন তার বর্ণনা রয়েছে। এই অংশটিকে জাতকের উপক্রমিকা বা ভূমিকাও বলা হয়।

অতীতবন্ধু : জাতকের দ্বিতীয় অংশ হলো অতীতবন্ধু। এই অংশে ভগবান বুদ্ধের অতীত জন্মবৃত্তান্ত এবং সে সময়কার বিভিন্ন ঘটনাবলি বর্ণিত আছে। এই অংশটিই প্রকৃত জাতক কাহিনী। তাই একে মূল আখ্যায়িকাও বলা হয়।

সমবধান : জাতকের তৃতীয় অংশের নাম সমবধান। জাতক কাহিনীতে বর্ণিত পাত্র এবং পৌত্তম বুদ্ধ যে অভিন্ন তা প্রদর্শন করাই এই অংশের উদ্দেশ্য। এই অংশকে সমাধানও বলা হয়।

### অনুশীলনমূলক কাজ

জাতক শব্দের অর্থ কী?

জাতক বলতে কী বোঝ?

## পাঠ : ২

### জাতক পাঠের প্রয়োজনীয়তা

পৌত্তম বুদ্ধ জাতকের কাহিনীর মাধ্যমে ধর্মের গভীর মর্মবাণী সাবলীল ভাষায় বর্ণনা করেছেন। এজন্য জাতক শুধুমাত্র কাহিনী নয়, এগুলো ভগবান বুদ্ধের উপদেশও। প্রতিটি জাতকে তিনি একেকটি নৈতিক শিক্ষণীয় বিষয় ভুলে ধরেছেন। তাই জাতক পাঠ করে নৈতিক শিক্ষা লাভ করা যায়।

জাতক প্রাচীন ইতিহাসের এক অফুরন্ত ভান্ডার। জাতকে বুদ্ধের সমকালীন সমাজ ব্যবস্থা, শিক্ষা-সাহিত্য-সংস্কৃতি, ব্যবসা-বাণিজ্য, রাজনীতি, ধর্ম-দর্শন, পুরাতত্ত্ব, ইতিহাস প্রভৃতি সম্পর্কে প্রচুর তথ্য পাওয়া যায়। তাই প্রাচীন ভারতের ইতিহাস জানার জন্য জাতক পাঠের গুরুত্ব অপরিণীম।

বৌদ্ধের কর্মফল বিশ্বাস করে। জাতকে কর্মফল সম্পর্কে প্রচুর দৃষ্টান্ত পাওয়া যায়। জাতক পাঠ করে সং ও অসং কর্মের পরিণতি সম্পর্কে জানা যায়। ফলে মানুষ অসং কর্ম বর্জন এবং সং কর্ম করতে উৎসাহী হয়। জাতক পাঠে কুসংস্কার দূর হয়। নক্ষত্র জাতকে কুসংস্কারের ফলে গ্রামবাসীরা দূরবন্ধ্যার সম্মুখীন হয়েছিল। জাতকে কুশলকর্মের দ্বারা কুশল ফল এবং অকুশলকর্মের দ্বারা অকুশল ফল লাভের কাহিনী বর্ণিত হয়েছে। ‘কালকর্ণী জাতক’ থেকে আমরা বিপদের দিনে কন্ডুকে কীভাবে সাহায্য করতে হয় তা শিক্ষা লাভ করতে পারি। বোধিসত্ত্বের অবর্তমানে তার বাল্যকন্ডু কালকর্ণী ডাকাডালের হাত থেকে বোধিসত্ত্বের সমস্ত সম্পত্তি রক্ষা করেছিলেন।

জাতকের কাহিনীগুলোতে সদাচরণ, জীবে দয়া, সংযম, দানের মহিমা, নৈতিক জীবনের উৎকর্ষ সাধন ও উপকারিতা প্রভৃতি বিষয়ে হিতোপদেশ রয়েছে। এগুলো বুশ্বের জন্ম-জন্মান্তরের পারমী পূরণের কথা। এসব গুণাবলি নৈতিক ও আদর্শ জীবন গঠনে সহায়ক। বশু-বাম্শ্বব কেউ বিপথগামী হলে তাকে জাতকের শিক্ষার মাধ্যমে সংপথে ফিরিয়ে আনা যায়। তাই সুস্থ পারিবারিক ও সমাজজীবন গঠন এবং ব্যক্তি জীবনের উৎকর্ষ সাধনের জন্য জাতকের গল্পগুলো পড়া উচিত।

এখানে কয়েকটি জাতকের কাহিনী বর্ণনা করা হলো।

**অনুশীলনীমূলক কাজ**  
জাতক পাঠ করে কী শিক্ষা লাভ করতে পারি?

### পাঠ : ৩

#### বানরেন্দ্র জাতক

বারানসিরাজ ব্রহ্মদত্তের সময়ে বোধিসত্ত্ব একবার বানররূপে জন্মগ্রহণ করেছিলেন। পূর্ণ বয়সে তিনি ছিলেন অসাধারণ শক্তির অধিকারী। তিনি একাকী এক নদীর তীরে বিচরণ করতেন। নদীর অপর পারে ছিল একটি আম-কাঁঠালের দ্বীপ। বোধিসত্ত্ব যে নদীর তীরে থাকতেন সে নদীর মাঝখানে একটি শৈল পর্বত ছিল। বোধিসত্ত্ব প্রতিদিন নদী তীর থেকে এক লাফে সেই পর্বতের ওপর এবং সেখান থেকে এক লাফে দ্বীপে গিয়ে পড়তেন। সেই দ্বীপে তিনি পেটভরে আম-কাঁঠাল খেয়ে সন্ধ্যার সময় ঠিক একই ভাবে নদী পার হয়ে ফিরে আসতেন।

ঐ নদীতে বাস করত সত্বীক এক কুমির। বোধিসত্ত্বকে প্রতিদিন নদী পারাপার হতে দেখে কুমিরের অন্তঃসত্ত্বা জীর তাঁর স্বপ্নিঙ খাওয়ার সাধ হলো। সে তার সাধের কথা কুমিরকে জানাল। জীর সাধ পূরণের উদ্দেশ্যে কুমির সন্ধ্যার সময় বোধিসত্ত্বকে ধরার জন্য পর্বতের ওপর উঠে বসে থাকল।


বোধিসত্ত্ব প্রতিদিন সন্ধ্যার সময় ফেরার আগে নদীর জল কতদূর বাড়ল, শৈল কতদূর জেগে থাকল তা মনোযোগ সহকারে দেখে নিতেন। সেদিন সারাদিন বিচরণপূর্বক সন্ধ্যাকালে পর্বতের দিকে তাকিয়ে তিনি বিস্মিত হলেন। তিনি লক্ষ করলেন, নদীর জল বাড়েনি কমেওনি, অথচ পর্বতের উপরিভাগ উঁচু হয়ে আছে। তাঁর মনে সন্দেহ হলো। নিশ্চয় তাঁকে ধরার জন্য কুমির পর্বতের ওপর উঠে বসে আছে। তিনি বিষয়টি নিশ্চিত হওয়ার লক্ষ্যে চিৎকার করে পর্বতকে ডাকতে থাকলেন, ‘ওহে পর্বত’। কোনো উত্তর না পেয়ে আবার ডাকলেন। এতেও কোনো সাড়া না পেয়ে তিনি বললেন, ‘ভাই পর্বত ! আজ কোনো উত্তর দিচ্ছ না কেন?’

কুমির ভাবল, এই পর্বত নিশ্চয় প্রতিদিন বানরের ডাকে সাড়া দিয়ে থাকে। আজ আমি পর্বতের পরিবর্তে সাড়া দিই। তখন সে উত্তরে বলল, ‘কে, বানরেন্দ্র নাকি?’

বোধিসত্ত্ব জিজ্ঞেস করলেন, ‘তুমি কে?’ সে উত্তর দিল, আমি কুমির।

-তুমি পর্বতের ওপর বসে আছ কেন?

-আমার অন্তঃসত্ত্বা স্ত্রীর তোমার কলিজা খাওয়ার সাধ হয়েছে। তাই তোমাকে ধরতে বলে আছি।  
-কুমির ভাই, আমি তোমাকে ধরা দিচ্ছি। তুমি হাঁ কর, আমি তোমার মুখের ভিতর লাকিয়ে পড়ছি। তখন  
তুমি আমার ধরতে পারবে।



কুমির ও বানর

কুমির যখন মুখ হাঁ করে তখন তার দুচোখ দিয়ে কিছুই দেখতে পায় না। বোধিসত্ত্ব যে কৌশলে নিজের জীবন রক্ষা করতে চেষ্টা করছিলেন কুমির তা বুঝতে পারেনি। সে বোধিসত্ত্বের কথামতো মুখ হাঁ করে চোখ বন্ধ করে রইলো। এই অবস্থায় বোধিসত্ত্ব এক লাফে তার মাথার ওপর এবং আরেক লাফে খুব দ্রুতগতিতে নদীর ওপারে পৌঁছে গেলেন। কুমির এই কাণ্ড দেখে অবাক হয়ে বানরের উদ্দেশ্যে বললো, ‘বানরেন্দ্র, চারটি গুণ থাকলে সব শত্রু জয় করা যায়। সে চারটি গুণ হলো - সভ্য, ধৈর্য, ভ্যাগ আর বিচক্ষণতা। তোমার মধ্যে এই চারটি গুণই আছে। তোমাকে নমস্কার!’

এভাবে বানরবৃন্দী বোধিসত্ত্বের প্রশংসা করে কুমির চলে গেল।

উপদেশ : ধৈর্য ও বুদ্ধি দিয়ে বিপদের মোকাবিলা করতে হয়।

#### অনুশীলনমূলক কাজ

বানর কেমন করে এপার থেকে ওপারে যেত?

বানর কীভাবে কুমিরের হাত থেকে রক্ষা পেল?

বুদ্ধি দিয়ে তোমরা কোনো বিপদ থেকে রক্ষা পেয়ে থাকলে তা বর্ণনা কর (দশীয় কাজ)।



## পাঠ : ৪

### দেবধর্ম জাতক

পুরাকালে বারানসি রাজ্যে ব্রহ্মদত্ত নামে এক রাজা ছিলেন। সে সময় বোধিসত্ত্ব রাজকুমাররূপে জন্মগ্রহণ করেন। তাঁর নাম হলো মহিসাস কুমার। তাঁর জন্মের দুই-তিন বছর পর এক ছোট ভাই জন্ম গ্রহণ করে। তাঁর নাম হলো চন্দ্রকুমার। চন্দ্রকুমার একটু বড় হলে রানি পরলোক গমন করেন। রাজা ব্রহ্মদত্ত তখন পুনর্বার বিবাহ করেন। কিছুদিন পর ছোট রানির এক ছেলে হলো। সেই ছেলের নাম হলো সূর্যকুমার। রাজা তখন খুব খুশি হয়ে রানিকে বর চাইতে বললেন। রানি তখন কোনো বর নিলেন না। তিনি বললেন, মহারাজ, এখন থাক, পরে আমি এই বর চেয়ে দেব।

সূর্যকুমার বড় হলো। রানি তখন রাজাকে বললেন, সূর্যকুমারের জন্মের সময় আপনি আমাকে একটি বর দিতে চেয়েছিলেন। এখন সেই বর আমাকে দিন। আমার ছেলেকে রাজা করে দিন। ব্রহ্মদত্ত বললেন, আমার বড় দুই ছেলে আগুনের মতো ভেজখী। আমি তাদের রেখে ছোট কুমারকে রাজা করতে পারি না। রানি রাজার কথা শান্ত হলেন না। তিনি দিনরাত রাজাকে এই নিয়ে বিরক্ত করতে লাগলেন। রাজাও এতে চিন্তিত হয়ে পড়লেন। তিনি আশঙ্কা করলেন, রানির চক্রান্তে বড় দুই কুমারের ক্ষতি হতে পারে।

এই ভেবে রাজা বড় দুই কুমারকে ডেকে বললেন, ছেলেরা আমার, তোমাদের ছোট ভাইয়ের জন্মের সময় ছোট রানিকে আমি একটি বর চাইতে বলেছিলাম। বর স্বরূপ এখন তিনি সূর্যকুমারকে রাজা করতে চান। কিন্তু সে রাজা হোক আমি তা চাই না। আমি আশঙ্কা করছি এজন্য ছোট রানি তোমাদের ক্ষতি করতে পারে। তোমরা এখন বনে গিয়ে আশ্রয় নাও। আমার মৃত্যুর পর নিয়ম অনুযায়ী বড় ছেলে রাজত্ব পাবে। তখন তোমরা সেই অনুযায়ী ব্যবস্থা নিও। এই বলে তিনি বড় দুই ছেলেকে বিদায় দিলেন।

দুই কুমার পিতার আদেশে রাজপ্রাসাদ থেকে বেরিয়ে পড়ল। প্রাসাদের বাইরে তখন সূর্যকুমার খেলছিল। দুই ভাইয়ের মুখ থেকে বনে যাওয়ার কথা শুনে সেও ভাইদের সঙ্গে চলল। চলতে চলতে তিন ভাই হিমালয় পর্বতে পৌঁছল। সেখানে বোধিসত্ত্ব এক গাছের তলায় বসে সূর্যকুমারকে বললেন, ওই সরোবরে গিয়ে স্নান করে এসো। জল খেয়ে এসো। আসার সময় পদ্মপাতায় করে আমাদের জন্য জল নিয়ে এসো।

সেই সরোবরে এক জলরাক্ষস বাস করত। জলরাক্ষস সরোবরটি পেয়েছিল এক কুবেরের কাছ থেকে। সরোবরটি দেওয়ার সময় কুবের তাকে বলেছিলেন, দেবধর্ম জ্ঞানহীন কোনো লোক যদি এই সরোবরে নামে একমাত্র তাকেই তুমি খেতে পারবে। কিন্তু জলে না নামলে তাকে তুমি খেতে পারবে না। সূর্যকুমার এসব কিছুই জানত না। সে জলে নামতেই জলরাক্ষস তাকে ধরে বলল, দেবধর্ম কাকে বলে জান? সূর্যকুমার বলল, জানি, লোকে সূর্য ও চাঁদকে দেবতা বলে।



রাক্ষস বলল, মিথ্যে কথা। তুমি দেবধর্ম কী জানো না - এই কথা বলে সে সূর্যকুমারকে টেনে নিজের ঘরে নিয়ে বেঁধে রাখল।



তিন রাজকুমার বনের দিকে যাচ্ছে

সূর্যকুমার ক্ষিরে আসতে দেখি করছে দেখে বোধিসত্ত্ব চন্দ্রকুমারকে ছোট ভাইয়ের মতো পাঠালেন। জলরাক্ষস চন্দ্রকুমারকেও প্রশ্ন করল, দেবধর্ম কী? চন্দ্রকুমার যে উত্তর দিল, জলরাক্ষস তাতে সন্তুষ্ট হতে পারল না। ভাই চন্দ্রকুমারকেও নিজের ঘরে নিয়ে বেঁধে রাখল।

চন্দ্রকুমার ক্ষিরে আসছে না দেখে বোধিসত্ত্ব বুঝলেন দুই ভাই কোনো বিপদে পড়েছে। তাঁর সন্দেহ হলো নিশ্চয় ওই সরোবরে কোনো জলরাক্ষস আছে। সঙ্গে সঙ্গে তিনি তীর, ধনুক ও তরবারি নিয়ে সরোবরের কূলে রাক্ষসের জন্য অপেক্ষা করতে লাগলেন। রাক্ষস দেখল, বোধিসত্ত্ব জলে নামছেন না। তখন সে বনবাসী মানুষ সেজে বোধিসত্ত্বের সামনে এসে বলল, 'ভাই, আপনি ব্রাহ্মণ। সামনে চমৎকার সরোবর। ওখানে নেমে স্নান করুন। জলপান করুন। তাতে আপনার ক্লান্তি কেটে যাবে।'

বোধিসত্ত্ব জলরাক্ষসকে চিনতে পারলেন। জলরাক্ষসও উপায় না দেখে বোধিসত্ত্বের কাছে সব কথা স্বীকার করল। তখন বোধিসত্ত্ব বললেন, দেবধর্ম কী তা আমি জানি। তুমি আমার কাছ থেকে তা কী জানতে চাও?

রাক্ষস বলল, হ্যাঁ চাই।

তখন বোধিসত্ত্ব বললেন, 'এখন আমি খুব ক্লান্ত। আগে ক্লান্তি দূর করি। তারপর বলব।' তখন রাক্ষস তাঁকে স্নান করতে দিল। খাদ্য ও পানীয় দিল। বসার জন্য বিচিত্র আসন সাজিয়ে তাতে বসতে দিল। বোধিসত্ত্ব সেই আসনে বসলেন। রাক্ষস তাঁর পায়ের কাছে বসল। তখন বোধিসত্ত্ব বললেন, 'শান্ত, সত্যপরায়ণ ও নির্মল অন্তরে যিনি ধর্মকাজ করেন তিনি দেবধর্ম পরায়ণ। মনে পাপ জাগলে যিনি নিজে লজ্জা পান তিনি দেবধর্ম পরায়ণ।'

এই ব্যাখ্যা শুনে রাক্ষস সজ্জ্বল হয়ে বলল, আপনি পণ্ডিত। আমি আপনার কথায় সজ্জ্বল হলাম। আমি আপনাকে শ্রদ্ধা জানাচ্ছি। আপনার একজন ভাইকে ফিরিয়ে দিচ্ছি। বলুন, কাকে আনব? বোধিসত্ত্ব বললেন, আমার ছোট ভাইকে।

রাক্ষস বলল, আপনি দেবধর্ম জানেন। অথচ সেই অনুসারে কাজ করছেন না। মেজ ভাইয়ের বদলে ছোট ভাইকে চাইছেন কেন?

বোধিসত্ত্ব উত্তর দিলেন, আমি দেবধর্ম জানি এবং সেই অনুসারে কাজও করি। সবচেয়ে ছোট ভাইটি আমার সং ভাই। ওর জন্ম আমরা বনবাসী হয়েছি। আমার বিমাতা ওকে রাজা করতে চেয়েছিলেন। কিন্তু পিতা তাতে রাজি হননি। আমাদের ছোট ভাইটিও সব শুনে আমাদের সঙ্গে বনবাসী হয়েছে। আমাদের ফেলে সে একদিনও রাজপুরীতে ফেরার কথা ভাবেনি। এখন ফিরে গিয়ে আমি যদি বলি তাকে রাক্ষস খেয়েছে তা কেউ বিশ্বাস করবে না। এজন্য আমি তাকে চাইছি।

রাক্ষস খুশি হয়ে দুই ভাইকে ফিরিয়ে দিল। তখন বোধিসত্ত্ব রাক্ষসকে বললেন, তুমি অতীত জন্মে পাপ করেছিলে বলে রাক্ষস হয়েছ। এতেও তোমার শিক্ষা হয়নি। এ জন্মেও তুমি পাপ করছ। এর ফলে তুমি মৃত্যুর পর নরকে থাকবে। কষ্ট পাবে। সুতরাং এখন থেকে সংকর্ম কর, সংপথে চলে এসো। তাহলে তুমি মুক্তি পাবে।

এভাবে জলরাক্ষসকে সং পথে এনে বোধিসত্ত্ব বনে বাস করতে লাগলেন। তারপর একদিন পিতার মৃত্যুর খবর পেয়ে রাজ্যে ফিরে গেলেন। তিনি বারানসির রাজা হলেন। চন্দ্রকুমারকে করলেন উপরাজ। সূর্যকুমারকে দিলেন সেনাপতির পদ। রাক্ষসের জন্ম সুন্দর ঘর ও সুখের ব্যবস্থা করলেন। এভাবে রাজধর্ম পালন করে তিনি পরলোক গমন করলেন। পুণ্যবলে মৃত্যুর পর তিনি স্বর্গ লাভ করলেন।

**উপদেশ :** ধর্মপথে চললে জন্ম অনিবার্য।

### অনুশীলনমূলক কাজ

রাজা কেন রানিকে বর দিতে চেয়েছিলেন?

বোধিসত্ত্ব রাক্ষসকে সংপথে আনার জন্য কী বলেছিলেন?

**পাঠ : ৫**

**পদ্ম জাতক**

পুরাকালে বারানসিরাজ ব্রহ্মদত্তের রাজত্বকালে বোধিসত্ত্ব এক শ্রেষ্ঠীপুত্ররূপে জন্মগ্রহণ করেন। তখন নগরের অভ্যন্তরে একটি সরোবরে পদ্ম ফুটত। এক ব্যক্তি ঐ সরোবরের রক্ষণাবেক্ষণ করত। তার নাকটি কাটা ছিল।

একদিন বারানসিতে একটা উৎসবের সংবাদ প্রচারিত হলো। বোম্বিসত্ৰসহ তিনজন শ্রেষ্ঠীপুত্র পঙ্কর মালা গলায় দিয়ে ঐ উৎসবে যাবেন বলে মনস্থির করলেন। তাঁরা পঙ্কর লোভে সরোবরে গিয়ে হাজির হলেন।

পঙ্করক্ষক তখন সরোবর থেকে পদ্ম তুলছিল। তাঁরা তিনজনে পঙ্করক্ষকের প্রশংসা শুরু করলেন।

প্রথম শ্রেষ্ঠীপুত্র বললেন, 'চুল, দাড়ি যতবার কাটা হয় দুদিন পরে তা আবার আশের মতো বৃদ্ধি পায়। তাই পঙ্করক্ষক! তোমার খণ্ডিত নাকটিও চুল, দাড়ির মতো বৃদ্ধি পেতে পেতে একসময় পূর্ণাঙ্গ হয়ে যাবে। দয়া করে আমাকে কয়েকটি পদ্ম দাও না ভাই'। একথা শুনে পঙ্করক্ষক অত্যন্ত ক্রুদ্ধ হলো। সে তাঁকে কোনো পদ্ম দিল না।

দ্বিতীয় শ্রেষ্ঠীপুত্র বললেন, "শরৎকালে ক্ষেতে বীজ বুনসে সেই বীজ থেকে যেভাবে অঙ্কুর বের হয়, ঠিক সেভাবে তোমার খণ্ডিত নাকটিও একসময় পরিপূর্ণতা প্রাপ্ত হবে। তাই পঙ্করক্ষক! আমাকে কয়েকটি পদ্ম দাও না"। একথা শুনেও পঙ্করক্ষক অত্যন্ত ক্রুদ্ধ হলো এবং তাঁকেও কোনো পদ্ম দিল না।

বোম্বিসত্ৰবৃন্দী তৃতীয় শ্রেষ্ঠীপুত্র বললেন, 'এগুলো সব মূর্খের প্রলাপ। ওরা পঙ্কর লোভে মিথ্যা তোষামোদ করছে। কাটা নাক কখনো নতুন করে গজাবে না বা বৃদ্ধি পাবে না। তোমাকে আমি সত্য কথাটাই বললাম। তাই পঙ্করক্ষক আমাকে গোটা কতক পদ্ম দাও'।

তৃতীয় শ্রেষ্ঠীপুত্রের কথা শুনে পঙ্করসরোবরের রক্ষক খুশি হয়ে বলল, 'এ দুজন মিথ্যাকথা বলেছে, মিথ্যা তোষামোদ করেছে। তুমি প্রকৃত সত্য কথাই বলেছ। অতএব পদ্ম তোমারই পাওয়া উচিত'।

পঙ্করক্ষক তৃতীয় শ্রেষ্ঠীপুত্রকে একটা বড় পদ্মমালা দিয়ে পুরস্কৃত করলেন।



পঙ্করক্ষক পদ্ম তুলছেন

উপদেশ : চাইকিরিতায় কল কখনো ভালো হয় না।

### অনুশীলনমূলক কাজ

পন্থরক্ষক তৃতীয় শ্রেণীপুত্রকে পন্থ দিয়েছিলেন কেন?  
জাতকের গল্পটি পাঠ করে কী শিক্ষা পেলে? বর্ণনা কর।


### পাঠ : ৬

#### লট্টকিক জাতক

পুরাকালে বোধিসত্ত্ব হস্তীকুলে জন্মগ্রহণ করে আশি হাজার হাতির অধিপতি হয়েছিলেন। সে সময় এক লট্টকিক পাখি হাতিদের বিচরণের স্থানে ডিম পেড়েছিল। সেই ডিম ফুটে একসময় ছানা বের হলো।

ছানাগুলোর তখনও পাখা গজায়নি, সেজন্য তারা উড়তে পারত না। এমন সময় বোধিসত্ত্ব দলবলসহ সেই পথে এসে উপস্থিত হলেন। তখন মা লট্টকিক পাখি তার ছানাদের জীবন বাঁচাবার চিন্তায় অস্থির হয়ে পড়ল। সে ভাবল, হাতির পায়ের তলে পড়ে এই বুঝি তার ছানাদের প্রাণ যায়।

কাজেই সে তার ছানাদের প্রাণ বাঁচাবার জন্য হস্তীরূপী বোধিসত্ত্বের সামনে গিয়ে দাঁড়াল। সে তার পাখা দুটি জোড় করে তার ছানাদের প্রাণরক্ষার জন্য বোধিসত্ত্বের কাছে মিনতি জানাল। বলল, হে হস্তীরাজ, আপনার বয়স ষাট বছর, আপনি যশস্বী, পর্বতের ওপরের সমতল ভূমিতে বিচরণ করেন। আমার দুটি পাখা জোড় করে আপনাকে বন্দনা করছি। আমার দুর্বল ছানাগুলোকে মারবেন না। বোধিসত্ত্ব বললেন, 'হে লট্টকিক পাখির মা! তুমি ভয় পেও না। আমি তোমার ছানাদের রক্ষা করব' – এই বলে তিনি ছানাগুলোকে পায়ের ফাঁকে আগলে রাখলেন। একে একে আশি হাজার হাতি চলে গেলে তিনি সরে দাঁড়ালেন। তারপর সেখান থেকে যাওয়ার সময় লট্টকিক পাখির মাকে বললেন, আমাদের পিছনে একটি দলছাড়া হাতি আছে। সে একা। সে আমাদের কথা শোনে না, আমার আদেশও মানে না। কাজেই তুমি তার কাছে তোমার বাচ্চাদের বাঁচাবার জন্য প্রার্থনা করো। লট্টকিক পাখি বোধিসত্ত্বকে ধন্যবাদ দিয়ে বিদায় জানাল। তারপর সেই দলছাড়া হাতিটি এলো। মা লট্টকিক পাখি দুটি পাখা জোড় করে তার বাচ্চাদের জীবন রক্ষা করার জন্য বিনীত প্রার্থনা জানাল। বলল, হে একাচারী অরণ্যবাসী, যশস্বী হস্তীরাজ, আপনার বয়স ষাট বছর, পর্বতের ওপরে সমতল ভূমিতে আপনি বিচরণ করেন। আমার দুটি পাখা জোড় করে আপনাকে বন্দনা জানাচ্ছি। আমার দুর্বল ছানাগুলোকে আপনি মারবেন না। তখন সেই একাচারী হাতি বলল, লট্টকিক পাখি, আমি তোমার বাচ্চাগুলো পায়ে পিষে মারব। তুমি দুর্বল, তুমি আমার কী করতে পারবে? তোমার মতো শত শত লট্টকিক পাখিকে আমার এই বাঁ পা দিয়ে শেষ করে দিতে পারি – এই বলে সে বাচ্চাগুলোকে পায়ে দলে পিষে চিৎকার করতে করতে চলে গেল।



বোমিসম্বরপী হস্তীরাজ লটুকিক ছানাদের রক্ষা করছে

মা লটুকিক গাছের শাখায় বসে বলল, যে হস্তীরাজ, তুমি আজ চিবকার করতে করতে যাচ্ছে যাও। কয়দিন পরে আমি তোমার কী করতে পারি তা বুঝবে। শরীরের শক্তি থেকে ডানের বল যে শ্রেষ্ঠ তা তুমি জানো না। আমি তোমাকে উচিত শিক্ষা দেব।

তারপর লটুকিক পাখি এক কাকের সঙ্গে বন্ধুত্ব করল। কাক তার বন্ধুকে খুশি হয়ে বলল, কক্ষু! আমি তোমার কী উপকার করতে পারি? লটুকিক পাখি বলল, কক্ষু! তোমার সন্থু ঠোঁট দিয়ে একদিন ঐ একাচারী হাতির চোখ তুলে নিতে পারবে? কাক লটুকিক পাখির দুঃখের কাহিনী শুলে বলল, আচ্ছা।

তারপর লটুকিক এক নীল মাছির সঙ্গে বন্ধুত্ব করল। নীল মাছিও কাকের মতো লটুকিক পাখির দুঃখের কথা শুলে খুব কষ্ট পেল। লটুকিক পাখি বলল, ভাই, কাক যখন হাতির চোখ তুলে নেবে, তুমি তখন সেখানে ডিম পাড়বে। এই আমার অনুরোধ। এতে নীল মাছি রাজি হলো। তারপর লটুকিক এক ব্যাঙের কাছে পেল। তার সঙ্গে বন্ধুত্ব করল। ব্যাঙও লটুকিক পাখির সব কথা শুনল। তখন লটুকিক বলল, ভাই ব্যাঙ! একাচারী হাতি চোখের যন্ত্রণায় ছটফট করতে করতে পানি খাওয়ার জন্য এদিক সেদিক ছোট্টাছুটি করবে। তখন তুমি পাহাড়ের ওপর গিয়ে শব্দ করবে। হাতিটি তখন পাহাড়ে উঠবে। হাতিটি পাহাড়ে উঠলে তুমি নিচে নেমে শব্দ করবে। তখন হাতিটি পাহাড় থেকে নিচে নামতে চেষ্টা করবে। আর নিচে নামার সময় পা ফসকে গিরিখাতে পড়ে মরবে। এটুকু আমি তোমার কাছে চাই। ব্যাঙ তাতে রাজি হলো।

তারপর কাক হাতির চোখ দুটি তুলে নিল। নীল মাছি তাতে ডিম পাড়ল। হাতি চোখের যন্ত্রণায় অস্থির হয়ে পানির খোঁজে ছোট্টাছুটি শুরু করল। ব্যাঙ পাহাড়ের ওপর গিয়ে ডাকতে শুরু করল। অনেক কষ্টে হাতি পাহাড়ের ওপর উঠল। তখন ব্যাঙ পাহাড়ের নিচে খাড়া গিরিখাতে গিয়ে ডাকতে শুরু করল। হাতিও সেখানে ছুটল কিন্তু ওপর থেকে নিচে নামার সময় অন্ধ একাচারী হাতি গিরিখাতে পড়ে প্রাণ হারাল।

এভাবে ঠটুকিক পাখি বুদ্ধি দ্বারা বিশাল হাতিকে পরাজিত করে।

সেই একাচারী হাতি ছিল সেবদত্ত।

উপদেশ : দেহবলের চেয়ে জ্ঞানবল বড়।

পাঠ : ৭

**মিত্রামিত্র জাতক**

পুরাকালে বারানসিতে ব্রহ্মদত্ত রাজত্ব করতেন। সে সময় বোধিসত্ত্ব এক ব্রাহ্মণকুলে জন্মগ্রহণ করেন। ক্রমে তাঁর বয়স বাড়ল। যৌবনে পদার্পন করলে মাতাপিতা তাঁকে সংসারে আবদ্ধ করতে চাইলেন। কিন্তু তাঁর বিবাহী মন আকৃষ্ট হলো না। তিনি ঋষি প্রব্রজ্যা গ্রহণ করলেন। সাধনা করে তিনি পূর্বস্মৃতিজ্ঞান ও ধ্যানমার্গ ফল লাভ করলেন।

তাঁর অনেক শিষ্য ছিল। তিনি তাদের নিয়ে হিমবত্ত প্রদেশে ধ্যান সাধনা করে জীবনযাপন করতেন। তাঁর শিষ্যদের একজন মাতৃহীন এক হস্তীশাবক লালন পালন করত। গুরু তাকে হাতির বাচ্চা না পোষার জন্য বারবার নিষেধ করেছিলেন। কারণ হিংস্র প্রাণীকে বিশ্বাস করতে নেই। সুযোগ পেলেই তারা ছেঁবেল মারে।

হস্তীশাবক ক্রমে বড় হলো। খাদ্য আহরণে বনে বনে ঘুরে বেড়াত। সম্প্রায় ফিরে আসত। একদিন ক্লান্ত হয়ে সে পালককে হত্যা করে বনে পালিয়ে গেল। সেই যে গেল আর ফিরে এলো না।

অন্য ঋষিরা হস্তীশাবক পালকের মৃতদেহ দাহ করে বোধিসত্ত্বের নিকট উপস্থিত হন। উপস্থিত হয়ে জিজ্ঞাসা করলেন, ‘গুরু! মিত্রভাব ও শত্রুভাব নির্ণয় করার উপায় কী?’

বোধিসত্ত্ব উত্তরে বললেন, ‘যে দেখা করতে এসে হাসে না। অভিনন্দনের সাড়া দেয় না। মুখ ফিরিয়ে রাখে। বলে এক, করে অন্য। এরূপ ব্যক্তিই শত্রুভাবাপন্ন।’

আর যে উপকার করে। মঙ্গল কামনা করে। মিষ্টিভাষী হয়। দুর্দিনে সাহায্য করে। সে সুমিত্র নামে কথিত। যিনি অমিত্রের উক্ত দোষণগুলো এবং মিত্রের গুণগুলো দেখে শূনে কাজ করেন তিনিই বুদ্ধিমান।

বোধিসত্ত্ব এরূপে মিত্র ও অমিত্রের স্বভাব সম্পর্কে ব্যাখ্যা করলেন। শিষ্যদের সত্যপথে চলতে উদ্বুদ্ধ করলেন।

উপদেশ : মিত্র-অমিত্র নির্বাচনই বুদ্ধিমানের কাজ।

**অনুশীলনমূলক কাজ**

মিত্র এবং অমিত্র কীভাবে চেনা যায় দেখ (দলীয় কাজ)।



## অনুশীলনী

### শূন্যস্থান পূরণ

১. বৌদ্ধধর্ম অনুসারে এক জনের ..... কেউ বুধ হতে পারেন না।
২. প্রত্যেক জাতকের ..... অংশ আছে।
৩. কুমির যখন মুখ হাঁ করে তখন তার ..... কিছুই দেখতে পায় না।
৪. সেই সরোবরে এক ..... থাকত।
৫. হস্তীশাবক ক্রমে ..... হলো।

### সংক্ষিপ্ত প্রশ্ন

১. কততম জন্মে বোধিসত্ত্ব বোধিজ্ঞান লাভ করে বুধ হন?
২. বানরেন্দ্র জাতকে কুমিরের অন্তঃসত্ত্বা স্ত্রীর সাধ কী ছিল?
৩. মহিৎসাস কুমাররা কয় ভাই ছিলেন? তাদের নাম কী ছিল?
৪. মিত্রামিত্র জাতকে বৃষ্টিমান কে?

### বর্ণনামূলক প্রশ্ন

১. বৌদ্ধধর্মে জাতক পাঠের প্রয়োজনীয়তা সম্পর্কে যা জান লিখ।
২. পদ্ম জাতক কাহিনীর মূল শিক্ষা কী? আলোচনা কর।
৩. 'মিত্রামিত্র জাতক' অবলম্বনে মিত্র ও শত্রুর প্রকৃতি ব্যাখ্যা কর।

### বহুনির্বাচনি প্রশ্ন

১. জাতকের কয়টি অংশ ?

- |        |        |
|--------|--------|
| ক. ২টি | খ. ৩টি |
| গ. ৪টি | ঘ. ৫টি |

২. সত্য, ধৈর্য, ত্যাগ আর বিচক্ষণতা কোন জাতকের মর্মকথা ?

- |                    |                     |
|--------------------|---------------------|
| ক. দেবধর্ম জাতক    | খ. মিত্রামিত্র জাতক |
| গ. বানরেন্দ্র জাতক | ঘ. লট্টকিক জাতক     |

নিচের উদ্দীপকটি পড় ৩ ও ৪ নম্বর প্রশ্নের উত্তর দাও :

বিনোদ চাকমা এক অত্যাচারী শাসকের বেতনহুক্ত কর্মচারী। উক্ত শাসক গ্রামে যেকোনো ধরনের অপরাধী লোকদের ধরে এনে কঠিন শাস্তি ও অনাহারে রাখার আদেশ দিতেন। কিন্তু বিনোদ চাকমা সত্য ও ন্যায়-পরায়ণ ছিলেন। তাই শাসকের অশোচরে কম শাস্তি দিয়ে আহারের ব্যবস্থা করতেন। এভাবে কর্মজীবন শেষ করে সজ্ঞানে মৃত্যুবরণ করেন।

৩. বিনোদ চাকমা জাতকের দৃষ্টিতে কোন ধরনের লোক ছিলেন ?
- |                         |                    |
|-------------------------|--------------------|
| ক. দেবধর্ম পরায়ণ       | খ. রাজ ধর্ম পরায়ণ |
| গ. ব্রাহ্মণ ধর্ম পরায়ণ | ঘ. লোক ধর্ম পরায়ণ |
৪. উক্ত বৈশিষ্ট্যের দ্বারা বিনোদ চাকমা লাভ করতে পারেন -
- স্বর্গকুল
  - ব্রহ্মকুল
  - দেবকুল

নিচের কোনটি সঠিক ?

- |           |                |
|-----------|----------------|
| ক. i      | খ. ii          |
| গ. i ও ii | ঘ. i, ii ও iii |

সুজননীল প্রশ্ন

- ১। একদা এক বনে এক যক্ষ বাস করত। সে বিভিন্ন রূপ ধরে মানুষের বুকের পরীক্ষা করত। একদিন সে বনবাসী মানুষ সেজে বোধিসত্ত্বের সামনে এসে বলল, ‘ভাই, আপনি দুর্বল ও ক্রান্ত। সামনে পরিষ্কার টলমলে জলাশয়। ইচ্ছে করলে এই জলাশয়ে নিজেকে ধৌত করে আপনি ক্রান্তি দূর করতে পারেন।’ বনবাসীর ঢালাকি বৃথতে পেরে বোধিসত্ত্ব তার অনুরোধ প্রত্যাখ্যান করলেন।
- ক. জাতক প্রধানত কয়টি অংশে বিভক্ত ?
- খ. জাতক পাঠের অন্যতম প্রয়োজনীয়তা বর্ণনা কর।
- গ. উদ্দীপকের কাহিনী কোন জাতকের সাথে মিল রয়েছে ? ব্যাখ্যা কর।
- ঘ. উদ্দীপকে বর্ণিত ঘটনার মর্মার্থ পাঠ্যপুস্তকের আলোকে বিশ্লেষণ কর।



## ২. ঘটনা : ১

এক চোখ টেরা বৃন্দা মহিলা পাকা আমের ঝুড়ি নিয়ে বাগানের ধারে বসে ছিল। রীমা, সীমা এবং ঝুমা চাকমারা ঐ পথে যাওয়ার সময় উক্ত বৃন্দার সাথে দেখা হলো। বৃন্দার আমের ঝুড়ি দেখে তাদের আম খাওয়ার লোভ হলো। রীমা ও সীমা বৃন্দার চোখের সৌন্দর্য বিভিন্নভাবে বর্ণনা করল। কিন্তু বৃন্দা রাগান্বিত হয়ে দুজনকে কোনো আম দিল না। ঝুমা বৃন্দার টেরা চোখ সম্পর্কে কর্মফলের আসল কথা বুঝিয়ে বললে বৃন্দা খুশি হয় এবং ঝুমাকে আম প্রদান করে।

## ঘটনা : ২

জয়ন্ত চাকমা একটি সাপ পুণে বড় করল। সে সাপটিকে বাঁশের চোঙার ভেতর রেখে দুই-একদিনের জন্য বাড়ির বাইরে যায়। বাড়ি ফিরে সাপটিকে খাওয়াতে গেলে সাপটির ছোবলে জয়ন্ত চাকমার মুহূর্ত ঘটবে।

ক. দেবধর্ম জাতকে বোখিসঙ্কের নাম কী ছিল ?

খ. তিন রাজপুত্র রাজপ্রাসাদ থেকে কেন বেরিয়ে পড়ল? বর্ণনা কর।

গ. ঘটনা-২ এর সাথে কোন জাতকের মিল রয়েছে ? ব্যাখ্যা কর।

ঘ. 'চাটুকীরিতার ফল কখনো ভালো হয় না'-পদ্য জাতকের উপদেশ বাণীটি ঘটনা-১ এর সঙ্গে কতটুকু সামঞ্জস্যপূর্ণ-ব্যাখ্যা কর।

## দশম অধ্যায়

# বৌদ্ধ ঐতিহ্য ও দর্শনীয় স্থান

বুদ্ধ, বুদ্ধের শিষ্য-প্রশিষ্য, উপাসক-উপাসিকা, রাজ্যব্যবস্থা এবং পণ্ডিত ভিক্ষুদের স্মৃতিবিজড়িত অনেক স্থান, বিহার এবং চৈত্য আছে। যেগুলো বৌদ্ধ ঐতিহ্য এবং দর্শনীয় স্থান হিসেবে পরিচিত। পৃথিবীর বিভিন্ন স্থানে এসব ঐতিহ্য এবং দর্শনীয় স্থানসমূহ ছড়িয়ে আছে। তারমধ্যে অনেকগুলোই ভারতে অবস্থিত। এ অধ্যায়ে আমরা নালন্দা, রাজগৃহ, শ্রাবস্তী, তক্ষশীলা প্রভৃতি বৌদ্ধ ঐতিহ্য ও দর্শনীয় স্থান সম্পর্কে পড়ব।

এ অধ্যায় শেষে আমরা -

- \* ঐতিহাসিক বৌদ্ধ তীর্থ ও দর্শনীয় স্থানসমূহের বর্ণনা দিতে পারব।
- \* বৌদ্ধ ঐতিহ্য ও স্থানসমূহ সংরক্ষণের প্রয়োজনীয়তা ব্যাখ্যা করতে পারব।
- \* বৌদ্ধ ঐতিহ্য ও দর্শনীয় স্থানসমূহের ধর্মীয় গুরুত্ব বিশ্লেষণ করতে পারব।

পাঠ : ১

### ঐতিহাসিক বৌদ্ধ তীর্থ ও দর্শনীয় স্থানের পরিচিতি

সিদ্ধার্থ গৌতম ছয় বছর কঠোর সাধনা করে পঁয়ত্রিশ বছর বয়সে বুদ্ধত্ব লাভ করেন। বুদ্ধত্ব লাভ করে তিনি সর্বপ্রাণীর দুঃখমুক্তি ও কল্যাণের জন্য সুদীর্ঘ পঁয়তাল্লিশ বছর ধর্ম প্রচার করেন। ধর্ম প্রচারের জন্য তিনি অনেক স্থানে গমন করেন। তাঁর নির্দেশে তাঁর শিষ্য-প্রশিষ্যরাও নানা স্থানে বুদ্ধবাসী ছড়িয়ে দেন। বুদ্ধ এবং তাঁর শিষ্য-প্রশিষ্যদের স্মৃতিবিজড়িত স্থানকে কেন্দ্র করে গড়ে উঠেছে বিহার, চৈত্য, সংঘারাম, স্তম্ভ, স্তূপ, বিশ্ববিদ্যালয় ইত্যাদি। কালক্রমে তাঁদের স্মৃতিবিজড়িত এসব স্থান বৌদ্ধ ঐতিহ্য ও দর্শনীয় স্থানের মর্যাদা লাভ করে। বৌদ্ধদের নিকট এসব স্থান তীর্থস্থান হিসেবে শ্রদ্ধা লাভ করে। তীর্থস্থান ভ্রমণে পুণ্য হয়। তাই বৌদ্ধরা শ্রদ্ধা নিবেদনের জন্য এসব স্থান ভ্রমণ করেন। ভারত, পাকিস্তান, আফগানিস্তান এবং বাংলাদেশে এরূপ অনেক বৌদ্ধ ঐতিহ্য ও দর্শনীয় স্থান আছে। ভারতে অবস্থিত বৌদ্ধ ঐতিহ্য ও দর্শনীয় স্থান সমূহের মধ্যে উল্লেখযোগ্য হলো : লুম্বিনী, বুদ্ধগয়া, সারণাথ, কুশিনারা, রাজগৃহ, শ্রাবস্তী, বৈশালী, নালন্দা, বিক্রমশীলা, কপিলাবস্তু , সাঁচীস্থূপ, অজন্তা, ইলোরা, উদয়গিরি, রত্নগিরি ইত্যাদি। পাকিস্তানে অবস্থিত স্থানসমূহের মধ্যে অন্যতম হলো: পুণ্ড্রপুত্র (পেশোয়ার) ও তক্ষশীলা। আফগানিস্তানে অবস্থিত স্থানসমূহের মধ্যে উল্লেখযোগ্য হলো : গান্ধার ও বামিয়ান। বাংলাদেশে অবস্থিত দর্শনীয় স্থানসমূহের মধ্যে উল্লেখযোগ্য হলো : ময়নামতির শালবন বিহার, আনন্দবিহার, ত্রিপুর মুড়া বিহার, কোটিলা মুড়া বিহার, রূপবান মুড়া বিহার, পাহাড়পুরের সোমপুর বিহার, ভাসু বিহার, হলুদ বিহার, মহাস্থানগড় ইত্যাদি।

ওপরে বর্ণিত স্থানগুলোর অনেক স্থানে বুদ্ধ এবং তাঁর শিষ্য-প্রশিষ্যগণ বসবাস করতেন। ধ্যান-সমাধি করতেন। বর্ষাবাস যাপন করতেন। ধর্মোপদেশ দান করতেন। ধর্ম-দর্শন চর্চা করতেন। তাঁদের ধর্মদেশনা শুনে অনেক লোক লোভ-ধেম-মোহ ক্ষয় করে দুঃখ হতে মুক্তি লাভ করেছেন। নির্বাণ সুখ উপভোগ করেছেন। আবার অনেক স্থানে বুদ্ধ

বা তাঁর প্রধান শিষ্যগণ গমন করেননি। কিছু বুদ্ধের ধর্ম-দর্শন চর্চার কেন্দ্র হিসেবে সেগুলোও প্রসিদ্ধি লাভ করে। তাই এসব স্থানের ধর্মীয় গুরুত্ব অপরিসীম।

এসব স্থান পরিভ্রমণ করলে বুদ্ধের জীবন ও কর্ম সম্পর্কে জানা যায়। ভৌগোলিক ও ঐতিহাসিক জ্ঞান বৃদ্ধি পায়। মনে ধর্মীয় ভাব জাগ্রত হয়। ধর্মীয় ও নৈতিক জীবনযাপনে উৎসাহ সৃষ্টি হয়। জনহিতকর এবং কুশলকর্ম সম্পাদনে মন উদ্বুদ্ধ হয়। ধর্মচর্চায় প্রেরণা শাভ করা যায়। মন পবিত্র হয়। কলুষমুক্ত হয়। তৃষ্ণা, শোভ-দেহ-মোহ প্রভৃতি ক্ষয় হয়। ঐতিহ্যের প্রতি অনুরাগ বাড়ে। দেশপ্রেম সৃষ্টি হয়। তাই তীর্থ ও দর্শনীয় স্থানসমূহ দর্শনের প্রয়োজনীয়তা অপরিসীম।

পরবর্তী পাঠে আমরা চারটি বৌদ্ধ ঐতিহ্য ও দর্শনীয় স্থান সম্পর্কে জানব।

### অনুশীলনমূলক কাজ

দেশ অনুযায়ী বৌদ্ধ দর্শনীয় স্থানগুলোর একটি তালিকা প্রস্তুত কর (দলীয় কাজ)।

## পাঠ : ২

### নালন্দা

নালন্দা ভারতের বিহার রাজ্যের পটনা জেলার অন্তর্গত ছিল। বর্তমানে নালন্দা একটি স্বতন্ত্র জেলা। পৌত্তম বুদ্ধ অনেকবার নালন্দায় এসেছিলেন। তিনি এখানে শ্রেষ্ঠীপুত্র পাবারিকের আম বাগানে অবস্থানকালে তাঁর শিষ্যদের ধর্ম দেশনা করেছেন। এখানে অনেক ধনী ব্যক্তি বসবাস করতেন। কয়েকজন ধার্মিক ও ধনী ব্যক্তি অসম্মতি ক্রয় করে বুদ্ধকে দান করেন। নালন্দা ছিল একটি উন্নত ও সমৃদ্ধিশালী মহানগরী।

নালন্দা নামের উৎপত্তি নিয়ে অনেক ব্যাখ্যা পাওয়া যায়। তার মধ্যে দুটি ব্যাখ্যা প্রধান। একটি হলো, অতীতকালে এখানে বোধিসত্ত্ব নামে এক ব্যক্তি রাজত্ব করতেন। তিনি কখনো কাউকে 'নঅলন্দা' অর্থাৎ 'আমি দেব না' একথা বলতে পারতেন না। সে কারণে এ স্থানের নাম হয় নালন্দা। আরেকটি ব্যাখ্যা হলো, স্থানীয় এক আম বাগানের মধ্যস্থলে একটি পুকুর ছিল। সেখানে নালন্দা নামক এক নাগরাজ বাস করতেন। তার নাম অনুসারে এ জায়গার নাম হয় নালন্দা।

জানা যায় পৌত্তম বুদ্ধের অশ্রাবক সারিপুত্রের জন্ম হয়েছিল এই নালন্দায়। পরবর্তীকালে সম্রাট অশোক অশ্রাবকের স্মরণে এখানে একটি সুবৃহৎ সৎধারাম নির্মাণ করেছিলেন। সেটি নালন্দা মহাবিহার নামে খ্যাত হয়। খ্রিস্টীয় দ্বিতীয় শতকে বিখ্যাত বৌদ্ধ পণ্ডিত ও দার্শনিক নাগার্জুন নালন্দা মহাবিহারের অধ্যক্ষ ছিলেন। বিহারটিকে কেন্দ্র করে পরবর্তীকালে গড়ে উঠে নালন্দা বিশ্ববিদ্যালয়। অনুমান করা হয়, খ্রিস্টীয় পঞ্চম শতকের পর নালন্দা বিশ্ববিদ্যালয় প্রতীতা লাভ করে। এখানে বিশ্ববিদ্যালয় প্রতিষ্ঠার পূর্বে ছোট ছোট বিহার, চৈত্য, স্তূপ ইত্যাদি নির্মিত হয়েছিল। পরবর্তীকালে এসব স্থাপনার সমন্বয়ে রাজকীয় পৃষ্ঠপোষকতায় গড়ে উঠেছিল জগৎ বিখ্যাত নালন্দা বিশ্ববিদ্যালয়।



নালন্দা বিশ্ববিদ্যালয়ের ধ্বংসস্থল

ইতিহাস পাঠে জানা যায়, কনৌজের রাজা হর্ষবর্ধন ব্যয়ভার নির্বাহের জন্য এখানকার গ্রামের সমুদয় কয় নালন্দা বিশ্ববিদ্যালয়কে দান করেছিলেন। চীনা পরিব্রাজক হিউয়েন সাঙ খ্রিস্টীয় ষষ্ঠ শতাব্দীতে নালন্দায় আসেন। তিনি এই বিশ্ববিদ্যালয়ে সপ্তম শতকের প্রথমার্ধ পর্যন্ত অবস্থান করেন এবং জ্ঞানার্জনের জন্য অধিকাংশ সময় ব্যয় করেন। বাংলার কৃত্তী সত্তান মহাপণ্ডিত ভিক্ষু শীলভদ্র তখন এই বিশ্ববিদ্যালয়ের অধ্যক্ষ ছিলেন। বাংলার শাস্ত্ররক্ষিত ও অতীশ দীপঙ্করও একসময় এই বিশ্ববিদ্যালয়ের অধ্যক্ষ ছিলেন। বৌদ্ধধর্ম-দর্শন চর্চার প্রাণকেন্দ্র ছিল নালন্দা বিশ্ববিদ্যালয়।

ঐতিহাসিকদের বর্ণনা অনুসারে এখানে 'ধর্মগঞ্জ' নামে একটি বিরাট পাঠাগার ছিল। পাঠাগারে ছিল মূল্যবান অনেক পাণ্ডুলিপি ও গ্রন্থ। বাংলার পাল রাজাদের আমলে নালন্দার খ্যাতি বিশ্বব্যাপী ছড়িয়ে পড়ে। তাঁরা বিহারের ব্যয় ও শিক্ষা কেন্দ্রের সমৃদ্ধির উদ্দেশ্যে বহু অর্থ ও জমি দান করেন। রাজা ধর্মপাল সবচেয়ে বেশি পৃষ্ঠপোষকতা করেন। তখনকার দিনে নালন্দা বিশ্ববিদ্যালয়ের ছাত্র হওয়া গৌরবের বিষয় ছিল। এ বিদ্যালয়ের পাঠক্রমের উল্লেখযোগ্য বিষয় ছিল বৌদ্ধ, বৈদিক ও ব্রাহ্মণ্য বিষয়ক সাহিত্য, দর্শন, অলঙ্কার শাস্ত্র, ব্যাকরণ শাস্ত্র, জ্যোতিষ শাস্ত্র, যুক্তিবিদ্যা প্রভৃতি। এ ছাড়া সাধারণ জ্ঞানের নানা বিষয়ও ছিল। এ পাঠক্রমের অনুসারী ছাত্ররা নিয়মানুবর্তীতা, শিষ্টাচার, গভীর পাণ্ডিত্য ও আদর্শগত চরিত্রের অধিকারী ছিলেন। তাঁরা দেশ বিদেশে যথেষ্ট সুনাম ও প্রশংসা অর্জন করেছিলেন।

নালন্দা বিশ্ববিদ্যালয়ের সেই অবয়ব আর নেই। সব কিছু আজ ধ্বংসস্থলে পরিণত হয়েছে। বর্তমানে সে ধ্বংসাবশেষের নিদর্শনগুলো সংরক্ষিত আছে। ভারতের বিহার রাজ্যের সরকার বৌদ্ধশাস্ত্র অধ্যয়ন ও গবেষণার জন্য বর্তমানে 'নব

নালন্দা বিশ্ববিদ্যালয়' নামে একটি বিশ্ববিদ্যালয় স্থাপন করেছে। নালন্দা বিশ্ববিদ্যালয়ের রূপরেখা অনুসরণ করে এটি নির্মিত হয়েছে।

### অনুশীলনমূলক কাজ

নালন্দা কোথায় অবস্থিত? নালন্দা নামের উৎপত্তি ব্যাখ্যা কর।  
নালন্দা বিশ্ববিদ্যালয়ের কয়েকজন উল্লেখযোগ্য অধ্যক্ষের নাম লেখ।

## পাঠ : ৩

### রাজগৃহ

রাজগৃহ ভারতের বিহার রাজ্যের পটনা জেলায় অবস্থিত। এটি ছিল মগধ রাজ্যের রাজধানী। প্রাচীনকালে এটি বসুমতী, কুশাঙ্গপুর, গিরিবল্লী ইত্যাদি নামে পরিচিত ছিল। বর্তমানে এটি রাজগীর নামে খ্যাত। চারদিকে পাহাড়বেষ্টিত স্থানটি দেখতে অতি মনোরম।

সৌতম বুদ্ধ রাজগৃহে ধর্মপ্রচার করতে এসেছিলেন। তখন মগধ রাজ্যের রাজা ছিলেন বিম্বিসার। বুদ্ধের ধর্মদেশনা শ্রবণ করে রাজা বিম্বিসার বৌদ্ধধর্মে দীক্ষিত হন। রাজা বিম্বিসার এবং তাঁর পুত্র অজাতশত্রুর সময়কালে এ অঞ্চলে বৌদ্ধধর্ম যথেষ্ট প্রভাব ও প্রতিপত্তি লাভ করেছিল।

রাজা বিম্বিসার বুদ্ধ ও তাঁর শিষ্যদের বসবাসের জন্য 'বেলুবনারাম' বা সংক্ষেপে বেণুবন বিহার দান করেন। এটি বৌদ্ধধর্মের ইতিহাসে প্রথম বিহার দান। বুদ্ধ এ বিহারে অবস্থানকালে সারিপুত্র ও মৌদগল্যানয়ন সংঘে যোগদান করেছিলেন। রাজা বিম্বিসারের অনুরোধে বুদ্ধ এখানে বৌদ্ধ ধর্মাবলম্বীদের প্রথম উপোসথ পালনের অনুমতি প্রদান করেন। ভগবান বুদ্ধ বেণুবন বিহারে সাত বর্ষাবাস অতিবাহিত করেন। রাজগৃহে ছিল জীবকের বিশাল আম বাগান। জীবক ছিলেন চিকিৎসক এবং বুদ্ধের পরম ভক্ত। জীবক তাঁর আম বাগানটি বুদ্ধ ও তাঁর শিষ্যদের দান করেন। এই আমবাগানে যে বিহারটি গড়ে ওঠে তার নাম ছিল 'জীবকারাম বিহার'। বিহারে অবস্থানকালে বুদ্ধ রাজা অজাতশত্রুকে উদ্দেশ্য করে 'শ্রামণ্যফল সূত্র' দেশনা করেন।

এখানে ছোট-বড় বেশ কয়েকটি গৃহ আছে। তার মধ্যে 'সপ্তপর্ণী' গৃহ অন্যতম। বুদ্ধের মহাপরিনির্বাণ প্রাপ্তির তিন মাস পর মহাকরুণ্য স্ববির রাজা অজাতশত্রুর পৃষ্ঠপোষকতায় সপ্তপর্ণী গৃহায় প্রথম বৌদ্ধ সজ্জীতির অধিবেশন আহ্বান করেন। এ সজ্জীতিতে উপালি স্ববির 'বিনয়' এবং আনন্দ স্ববির 'ধর্ম' ব্যাখ্যা করেন।



#### সত্তপর্নী গৃহ

প্রথম সঙ্গীতি অনুষ্ঠানের পর মৌর্য সম্রাট অশোক এখানে একটি 'স্তম্ভ' প্রতিষ্ঠা করেন। স্তম্ভের শীর্ষে ছিল হস্তীর প্রস্তর ভাস্কর্য। অশোক এখানে একটি জুপও নির্মাণ করেন বলে জানা যায়।

রাজগৃহ ভগবান বুদ্ধের জীবনের অন্যতম স্মৃতিবিজড়িত স্থান। তাই রাজগৃহ বৌদ্ধদের কাছে অতি পবিত্র তীর্থস্থি।

#### অনুশীলনমূলক কাজ

রাজগৃহ কোথায় অবস্থিত এবং কী কী নামে পরিচিত ছিল?

প্রথম সঙ্গীতি কোথায় অনুষ্ঠিত হয়েছিল?

পাঠ : ৪

#### শ্রাবস্তী

শ্রাবস্তী প্রাচীন কোশল রাজ্যের রাজধানী ছিল। বুদ্ধের সময়কালে কোশল রাজ্যের রাজা ছিলেন প্রসেনজিৎ। তিনি বুদ্ধের পরম ভক্ত ছিলেন। বৌদ্ধধর্মের প্রচার-প্রসারে তাঁর অনেক অবদান রয়েছে। তিনি রাজাকারাম বিহার নির্মাণ করে বুদ্ধকে দান করেছিলেন। রাজা প্রসেনজিৎ বিহারটি যানি মল্লিকাসেবীর অনুপ্রোখে নির্মাণ করেছিলেন। এটি 'মল্লিকারাম' নামেও পরিচিত ছিল। শ্রাবস্তীর বর্তমান নাম সাহেত-সাহেত। এটি বর্তমানে উত্তর ভারতের গোড়া জেলায় অবস্থিত।

প্রাচীনকালে শ্রাবস্তী উত্তর ভারতের সর্বশ্রেষ্ঠ জনপদ এবং বাবসা বাণিজ্যের অন্যতম প্রাণকেন্দ্র ছিল। এখানে অনেক শ্রেষ্ঠী (ধনী ব্যক্তি) বাস করতেন। শ্রেষ্ঠী দুদত্ত বুদ্ধের সময়কালে শ্রাবস্তীর শ্রেষ্ঠ ধনী ছিলেন। তিনি বুদ্ধকে গভীরভাবে প্রাণী করতেন। বুদ্ধের বসবাসের জন্য তিনি শ্রাবস্তীতে বিখ্যাত জেতবন বিহার নির্মাণ করেন। জেতবন বিহার



নির্মাণের জন্য জায়গাটি মনোনীত করেছিলেন বুদ্ধের অগ্রশ্রাবক সারিপুত্র। এটি ছিল জেত রাজকুমারের উদ্যান। এটি বিক্রয় করতে রাজি না হলে বুদ্ধভক্ত শ্রেষ্ঠী সুদত্ত জমির আয়তনের সমপরিমাণ স্বর্ণমুদ্রা ছড়িয়ে দিয়ে স্থানটি ক্রয় করেন এবং সেখানে জেতবন বিহার নির্মাণ করেন। এ বিহারে ভিক্ষুদের বসবাসের জন্য শয়ন কক্ষ, প্রার্থনা কক্ষ, রান্নাঘর, স্নানঘর, শৌচাগার, পুকুর, কূপ ও অন্যান্য ব্যবস্থা নির্মাণ করা হয়েছিল। জেত রাজকুমার বিহারের তোরণ নির্মাণ করে দেন। পরবর্তীকালে তোরণের পাশে সন্ন্যাসী অশোক উঁচু স্তম্ভ নির্মাণ করেন। শ্রেষ্ঠী সুদত্ত ছিলেন দানবীর। সম্রাট ভারতবর্ষে তাঁর দানকার্যের সুখ্যাতি ছড়িয়ে পড়েছিল। তিনি অন্যের পিণ্ড দাতা ছিলেন বলে ‘অনাথপিণ্ডিক’ নামে খ্যাত হন। জেতবন বিহারের চারদিকে প্রচুর গাছপালা ছিল। পরিবেশ ছিল ধ্যান সাধনার অনুকূল। তাই বুদ্ধ এই বিহার খুব পছন্দ করতেন। তিনি এখানে উনিশ বর্ষাবাস পালন করেন। দস্যু অজুলিমালকে বুদ্ধ জেতবন বিহারে দীক্ষা দান করেছিলেন।

কালের গর্ভে জেতবন বিহারটি হারিয়ে যায়। পঞ্চম শতকের প্রথম দিকে পরিব্রাজক ফা-হিয়েন যখন শ্রাবস্তীতে এসেছিলেন তখন তিনি ধবসেপ্রায় বিহারটি দেখতে পান। সপ্তম শতকের দিকে পরিব্রাজক হিউয়েন সাঙ শ্রাবস্তীতে এসেছিলেন। তখন তিনি বিহারের ধবসেপ্রায় ভিত্তিভূমি ছাড়া কিছুই দেখেননি। ভারত সরকার ১৯৯১ সালে এ স্থানে খননকার্য পরিচালনা করে অনেক প্রত্নতাত্ত্বিক নিদর্শন উদ্ধার করেন।



### শ্রাবস্তী

মিগার মাতা বিশাখা শ্রাবস্তীতে ‘পূর্বরাম বিহার’ নির্মাণ করে বুদ্ধকে দান করেছিলেন। এ বিহারটি ছিল দ্বিতল বিশিষ্ট। বুদ্ধ শ্রাবস্তীতে বসবাস করে অনেক ধর্মোপদেশ দান করেছেন। তিনি এখানে অনেক গুরুত্বপূর্ণ সূত্র দেশনা করেছেন যা ত্রিপিটকে পাওয়া যায়। শ্রাবস্তীতে বুদ্ধের সবচেয়ে বেশি অনুসারী ছিলেন। শ্রাবস্তীতে বুদ্ধের জীবন ও কর্মের অনেক স্মৃতি বিজড়িত আছে। তাই এ স্থান বৌদ্ধদের কাছে অতি পবিত্র তীর্থ ও দর্শনীয় স্থান।

### অনুশীলনমূলক কাজ

শ্রাবস্তীতে বিখ্যাত বিহারগুলোর নাম উল্লেখসহ সেগুলো কে কে নির্মাণ করেছিলেন বর্ণনা কর।

## পাঠ : ৫

## তক্ষশীলা

তক্ষশীলা পাকিস্তানের রাওয়ালপিন্ডি শহরের উত্তর-পশ্চিম সীমান্ত অঞ্চলে অবস্থিত। এটি ছিল গান্ধার রাজ্যের রাজধানী। খ্রিষ্টপূর্ব তৃতীয় শতকে রাজকুমার অশোক পিতা সম্রাট বিন্দুসারের প্রতিনিধি হয়ে তক্ষশীলা শাসন করতেন। এখানে তিনি অনেক সংঘারাম নির্মাণ করেছিলেন। তাঁর সময়ে এখানে অনেক স্থূপ ও স্তম্ভও নির্মাণ করা হয়েছিল।

তক্ষশীলা ছিল তখন জ্ঞান ও বিজ্ঞান চর্চার অন্যতম প্রাণকেন্দ্র। অনেক জাতক কাহিনীতে শিক্ষার অন্যতম প্রধান কেন্দ্র হিসেবে তক্ষশীলার উল্লেখ পাওয়া যায়। বৌদ্ধযুগে তক্ষশীলায় একটি বিশ্ববিদ্যালয় ছিল। কোশলরাজ প্রসেনজিৎ, গিচ্ছবি প্রধান মহালি, মগুরাজপুরে বকুল এই বিশ্ববিদ্যালয়ের ছাত্র ছিলেন। আরও জানা যায়, অবন্তীর ধর্মপাল, অজুলিমালা, চিকিৎসক জীবক, কাশীভরদ্বাজ এবং যশোদত্তের মতো বিশিষ্ট ব্যক্তিগণ তক্ষশীলা বিশ্ববিদ্যালয়ের ছাত্র ছিলেন।



তক্ষশীলা

দেশ বিদেশ থেকে বহু শিক্ষার্থী এই বিশ্ববিদ্যালয়ে অধ্যয়নের জন্য আসতেন। এখানে ত্রিবেদসহ অষ্টাদশ বিদ্যা শিক্ষা দেওয়া হতো। এ অষ্টাদশ বিদ্যার মধ্যে ধনুর্বিদ্যা ও ভেষজবিদ্যা ছিল অন্যতম। খ্রিষ্টীয় সপ্তম শতকে চীনা পরিব্রাজক হিউয়েন সাঙ যখন তক্ষশীলায় আসেন তখন এর চতুর্দিকের পরিধি ছিল প্রায় চারশ মাইল। তিনি এখানে অনেকগুলো



সংঘারাম দেখতে পেয়েছিলেন। তখন সেগুলোর প্রায়ই ছিল জনশূন্য ও ধ্বংসপ্রাপ্ত। তবে কিছু সংঘারামে তিনি অল্পসংখ্যক মহামানী বৌদ্ধ ভিক্ষু দেখতে পান। হুন জাতির আক্রমণে এ নগরটি ধ্বংসপ্রাপ্ত হয়।

খনকাজের ফলে এখানে বৌদ্ধমুণ্ডের বহু স্তূপ ও বিহারের নিদর্শন পাওয়া গেছে। প্রাচীনকালের অনেক মুদ্রাও পাওয়া গেছে। পাকিস্তান সরকার এগুলো সংরক্ষণের ব্যবস্থা গ্রহণ করেছে।

**অনুশীলনমূলক কাজ**  
তরুশীলা কোথায় অবস্থিত এবং কেন বিখ্যাত ছিল?

পাঠ : ৬

**দর্শনীয় স্থান সংরক্ষণের উপায়**

দর্শনীয় স্থানসমূহ দেশের অতীত পৌরবের স্বাক্ষর বহন করে। এগুলো বহির্বিশ্বে দেশের ভাবমূর্তি উজ্জ্বল করে। এ ছাড়া এগুলোর মাধ্যমে রাষ্ট্রীয় রাজস্বও আয় হয়। তাই এগুলো মহামূল্যবান রাষ্ট্রীয় সম্পদ। ঐতিহাসিক ও দর্শনীয় স্থানসমূহ সংরক্ষণ করার দায়িত্ব সকলের। নানা কারণে এসব স্থানের ক্ষতি হতে পারে। তার মধ্যে উল্লেখযোগ্য হলো : প্রাকৃতিক দুর্যোগ, চোর বা ডাকাতে কর্তৃক নৃশন, সাম্প্রদায়িক দাঙ্গা, দর্শনার্থীর উচ্ছৃঙ্খল আচরণ, পশু-পাখির মল ত্যাগ এবং কীটপতঙ্গের আক্রমণ প্রভৃতি। এসব বিষয়ে সতর্কতা অবলম্বন করা উচিত এবং প্রতিরোধ ব্যবস্থা গড়ে তোলা আবশ্যিক। বিশেষ করে পরিষ্কার-পরিচ্ছন্নতা, নিয়মিত যত্ন নেওয়া, সীমানা প্রাচীর দিয়ে ঘিরে রাখা, পশু-পাখির প্রবেশ রোধ, দর্শনীয় স্থানের নিয়ম-নীতি মেনে চলা, পবিত্রতা রক্ষা করা, মমত্ববোধ এবং ভক্তি-শ্রদ্ধা প্রদর্শনই পারে ঐতিহ্য ও দর্শনীয় স্থানসমূহকে ধ্বংসের হাত থেকে রক্ষা করতে। এভাবে এসব গুরুত্বপূর্ণ স্থান সংরক্ষণের প্রতি সকলের যত্নশীল হওয়া উচিত।

**অনুশীলনমূলক কাজ**  
কী কী কারণে দর্শনীয় স্থান ধ্বংস হতে পারে?  
দর্শনীয় স্থান সংরক্ষণের উপায়গুলো কী?

## অনুশীলনী

**শূন্যস্থান পূরণ**

১. তীর্থস্থান ভ্রমণে ..... হয়।
২. এসব স্থান পরিভ্রমণ করলে বুকের জীবন ও ..... সম্পর্কে জানা যায়।
৩. বৌদ্ধ ধর্ম-দর্শন চর্চার ..... নালন্দা বিশ্ববিদ্যালয়।
৪. রাজগৃহে ছিল জীবকের বিশাল .....
৫. সপ্তম শতকের দিকে পরিব্রাজক ..... শ্রাবস্তীতে এসেছিলেন।

## মিলকরণ

বাম	ডান
১. দর্শনীয় স্থানসমূহ দেশের অতীত পৌরবের	রাজধানী ছিল
২. উপালি স্ববির 'বিনয়' এবং আনন্দ স্ববির	মহানগরী
৩. শ্রাবস্তী প্রাচীন কোশল রাজ্যের	স্বাক্ষর বহন করে
৪. তক্ষশীলা ছিল তখন জ্ঞান ও বিজ্ঞান চর্চার	'ধর্ম' ব্যাখ্যা করেন
৫. নালন্দা ছিল একটি উন্নত ও সমৃদ্ধশালী	প্রাণকেন্দ্র

## সংক্ষিপ্ত প্রশ্ন

১. দর্শনীয় স্থান দর্শনে কী লাভ হয়?
২. নালন্দা বিশ্ববিদ্যালয়ের পাঠ্যক্রমে উল্লেখযোগ্য বিষয় কী কী ছিল?
৩. শ্রেষ্ঠী সুদন্ত কেন অনাথপিডিক নামে খ্যাত হন?
৪. তক্ষশীলা বিশ্ববিদ্যালয়ের কয়েকজন উল্লেখযোগ্য শিক্ষার্থীর নাম লিখ।

## বর্ণনামূলক প্রশ্ন

১. বৌদ্ধধর্মে তীর্থস্থান সমূহের ধর্মীয় গুরুত্ব বর্ণনা কর।
২. বৌদ্ধধর্মের প্রচার ও প্রসারে রাজা বিম্বিসারের ভূমিকা ব্যাখ্যা কর।
৩. নালন্দা নামের উৎপত্তি কীভাবে হয় তা বর্ণনা কর।

## বহুনির্বাচনী প্রশ্ন

১. পৌত্তম বুদ্ধ কত বছর ধর্ম প্রচার করেছিলেন?
 

ক. ৩৫ বছর	খ. ৪৫ বছর
গ. ৫০ বছর	ঘ. ৬৫ বছর
২. তীর্থস্থান ভ্রমণের মাধ্যমে –
  - i. বিনোদনে আত্মহ বৃষ্টি পায়
  - ii. ধর্মীয় ও নৈতিক জীবন গঠন করা যায়
  - iii. ভৌগোলিক ও ঐতিহাসিক জ্ঞান অর্জিত হয়

নিচের কোনটি সঠিক ?

- ক. i  
খ. i ও ii  
গ. ii ও iii  
ঘ. i, ii ও iii

নিচের উদ্দীপকটি পড় ও ৩ ও ৪ নম্বর প্রশ্নের উত্তর দাও :

দীপ্ত তাঁর বাবার সাথে একসময় একটি প্রসিদ্ধ তীর্থস্থানে বেড়াতে যান। সেখানে তার বাবা দীপ্তকে প্রাচীন স্থল কলেজের ভগ্নাবশেষ দেখান এবং বিখ্যাত জ্ঞানী-গুণী ছাত্র-শিক্ষক সম্পর্কে বিস্তারিত বর্ণনা করেন। তিনি আরও বলেন, কোনো এক সময় 'হুন' জাতির আক্রমণে এ নগরটি ধ্বংসপ্রাপ্ত হয়।

৩. উদ্দীপকে বর্ণিত তীর্থস্থানটি কোনটির ইঙ্গিত বহন করে ?

- ক. রাজগৃহ  
খ. তক্ষশীলা  
গ. শ্রাবস্তী  
ঘ. সারনাথ

৪. উক্ত তীর্থস্থান ভ্রমণের মাধ্যমে দীপ্তের শিক্ষণীয় দিক হচ্ছে -

- i. প্রাচীন ইতিহাস অনুসন্ধান করা  
ii. প্রাচীন জ্ঞান-চর্চা সম্পর্কে অবহিত হওয়া  
iii. বৌদ্ধ শিল্পকলা সম্পর্কে জ্ঞান লাভ করা।

নিচের কোনটি সঠিক ?

- ক. i  
খ. i ও ii  
গ. ii ও iii  
ঘ. i, ii ও iii

সৃজনশীল প্রশ্ন

১। ধীতমের ছুটিমের প্রীতম তার দাদুর সঙ্গে একটি প্রসিদ্ধ তীর্থস্থান দেখতে যায়। তাঁরা তীর্থস্থানের ভিতরে একটি বাগান দেখতে পান। ভিক্ষুদের বসবাসের জন্য শয়নকক্ষ, স্নানঘর, প্রার্থনা কক্ষ ইত্যাদিও নজরে পড়ে। এ ছাড়া আরও দেখতে পান সম্রাট অশোকের একটি উঁচু স্তম্ভ। উক্ত বিহারের সাময়িক পরিবেশ ছিল ধর্মীয় ধ্যান-ধারণার অনুকূলে। তা সত্ত্বেও তীর্থস্থানটি ধ্বংসপ্রায় দেখে ধীতমের মনে অনুশোচনা হয়। এতে ধীতমের দাদু বলেন এসব তীর্থস্থান রাষ্ট্রীয়সম্পদ এবং এগুলোর সংরক্ষণের দায়িত্ব সকলের।

ক. সম্রাট অশোক নির্মিত স্তম্ভের মধ্যে শীর্ষ স্তম্ভ কোনটি ?

খ. তীর্থস্থান ভ্রমণে পুণ্য হয় কথাটি ব্যাখ্যা কর ?

গ. ধীতমের বর্ণনার মধ্যে কোন তীর্থস্থানের চিত্র স্কুটে উঠেছে ? ব্যাখ্যা কর।

- ঘ. প্রীতমের দাদু কেন তীর্থস্থানগুলোর সংরক্ষণের প্রয়োজনীয়তা অনুভব করেছিলেন ? পাঠ্যপুস্তকের আলোকে মূল্যায়ন কর।
- ২। শিক্ষক অমল বড়ুয়া কয়েকজন শিক্ষার্থীকে নিয়ে ভারতে শিক্ষা সফরে গেলেন। তাঁরা প্রথমে এমন একটি প্রাচীন বিশ্ববিদ্যালয় দর্শন করলেন যাতে বুদ্ধ, বৈদিক ও ব্রাহ্মণ্য বিষয়ক সাহিত্য, দর্শন, ব্যাকরণ শাস্ত্র প্রভৃতি বিষয়ে শিক্ষাদান করা হতো। এমনকি পাঠ্যক্রম অনুসারে এখানকার শিক্ষার্থীরা নিয়মানুবর্তীতা, শিষ্টাচার ও পাণ্ডিত্য অর্জন করে দেশে-বিদেশে প্রচুর সুনাম অর্জন করেছিলেন। দ্বিতীয় দিনে তারা প্রথম সজ্জীতি অনুষ্ঠানের স্থানটি দর্শন করেন এবং কী কারণে সজ্জীতি হয়েছে তা জানতে পারলেন।
- ক. তক্ষশীলা কোন রাজ্যের রাজধানী?
- খ. শ্রেষ্ঠী সুদন্তকে 'অনাথপিণ্ডিক' নামে ডাকা হয় কেন ?
- গ. শিক্ষার্থীদের প্রথম দিনের দর্শনীয় স্থান কোনটি ? পাঠ্যপুস্তকের আলোকে ব্যাখ্যা কর।
- ঘ. শিক্ষার্থীদের দ্বিতীয় দিনের দর্শনীয় স্থানটি রাজগৃহের পরিচয় বহন করে—ব্যাখ্যা কর।

## একাদশ অধ্যায়

# বৌদ্ধধর্মে রাজন্যবর্গের অবদান: সম্রাট অশোক

অশোক ভারতবর্ষের বিখ্যাত সম্রাট ছিলেন। তিনি প্রায় সমগ্র ভারতবর্ষ আনুমানিক খ্রিস্টপূর্ব ২৬৮ অব্দ থেকে ২৩২ অব্দ পর্যন্ত শাসন করেন। তিনি অত্যন্ত শক্তিশালী সম্রাট ছিলেন। ভারতবর্ষ এবং বহির্বিশ্বে তাঁর অপরিসীমা প্রভাব ছিল। তাঁর রাজ্যসীমা-পশ্চিম দিকে পাকিস্তান ও আফগানিস্তান পর্যন্ত, পূর্ব দিকে বাংলাদেশ ও আসাম এবং উত্তর-দক্ষিণ দিকে কেরালা ও অন্ধ্র প্রদেশ পর্যন্ত বিস্তৃত ছিল। তিনি কলিঙ্গ রাজ্যও জয় করেন। তাঁর রাজধানী ছিল মগধ। মগধ বর্তমানে ভারতের বিহার রাজ্যে অবস্থিত। কলিঙ্গযুদ্ধের বিতীথিকা দেখে তিনি বৌদ্ধধর্ম গ্রহণ করেন। বৌদ্ধধর্মের প্রচার-প্রসারে তিনি অপরিসীমা অবদান রাখেন। অহিংসা, ভালোবাসা, সত্য, ন্যায় ও সহিষ্ণুতা ছিল তাঁর আদর্শ। শান্তিকামী এবং ধার্মিক রাজা হিসেবে তাঁর খুবই সুখ্যাতি ছিল। ধর্ম ও ন্যায়ের সঙ্গে তিনি রাজ্য শাসন করতেন। জনহিতৈষী শাসন ব্যবস্থার জন্য তিনি বিশ্বের ইতিহাসে শ্রেষ্ঠ নৃপতি হিসেবে অমর হয়ে আছেন। এ অধ্যায়ে আমরা সম্রাট অশোক সম্পর্কে পড়ব।

এ অধ্যায় শেষে আমরা –

- \* সম্রাট অশোকের পরিচয় বর্ণনা করতে পারব।
- \* বৌদ্ধধর্মের প্রচার প্রসারে সম্রাট অশোকের কৃতিত্ব মূল্যায়ন করতে পারব।
- \* সম্রাট অশোকের আদর্শ ব্যাখ্যা করতে পারব।

পাঠ : ১

## সম্রাট অশোক

অশোক ভারতের মৌর্যবংশে জন্মগ্রহণ করেন। রাজা বিন্দুসার ছিলেন তাঁর পিতা। মৌর্যবংশের প্রতিষ্ঠাতা চন্দ্রগুপ্ত ছিলেন তাঁর পিতামহ। তাঁর মাতার নাম নিয়ে বিতর্ক রয়েছে। অশোকাবদান গ্রন্থ মতে, তাঁর মাতার নাম সুভদ্রাঙ্গী। নিব্যাবদান গ্রন্থ মতে জনশদকন্যাপী। অশোক নামকরণের একটি সুন্দর কাহিনী প্রচলিত আছে। কথিত আছে, ষড়যন্ত্র করে অশোকের মাতাকে পিতা বিন্দুসারের কাছ হতে দূরে সরিয়ে রাখা হয়েছিল। ফলে তাঁদের মধ্যে সম্পর্কের অবনতি ঘটে। এতে অশোকের মাতা খুবই কষ্ট ভোগ করেন। তাঁদের মধ্যে পুনরায় সুসম্পর্ক সৃষ্টি হয় এবং রানি এক পুত্রসন্তান জন্মান দেন। খুশি হয়ে তখন তিনি বলেন, এখন আমি শোকহীন, এজন্য পুত্রের নাম রাখা হয় অশোক। অশোকের অনেক সং ভাই ছিল।

অশোক ছিলেন খুবই বুদ্ধিমান এবং সাহসী। কথিত আছে, তিনি একটি বাঘকে কাঠের আঘাতে হত্যা করেছিলেন। ছোটবেলায় তাঁকে যুদ্ধবিদ্যা শেখানো হয়। অল্পদিনের মধ্যে তিনি যুদ্ধবিদ্যায় পারদর্শীতা অর্জন করেন। দুসোহনী কাজ করতে তিনি খুবই পছন্দ করতেন। তিনি ভয়ংকর এবং নির্দয় যোদ্ধা হিসেবে পরিচিত ছিলেন। তাই তাঁকে

অবতীতে দাঁড়া নিরসনের জন্য প্রেরণ করা হয়েছিল। রাজা অমাত্যদের বিদ্রোহ দমনের জন্য উজ্জয়িনীতে তাঁকে শাসনকর্তা হিসেবে নিয়োজিত করা হয়। তিনি সেখানে শৌর্য বীরের পরিচয় দিয়ে বিদ্রোহ দমন করেন।

পিতা বিন্দুসারের মৃত্যুর পর সম্রাট অশোক সিংহাসনে আরোহণ করেন। কথিত আছে যে, তিনি সিংহাসনে আরোহণের জন্য ৯৯ জন ভ্রাতাকে হত্যা করেন। প্রথম দিকে সম্রাট অশোক বদমেজাজি এবং নিষ্ঠুর প্রকৃতির রাজা ছিলেন। তিনি প্রজাদের খুব নির্ধাতন করতেন। সিংহাসনে আরোহণ করার পর থেকে তিনি রাজ্য বিস্তারের নেশায় মত্ত থাকতেন। তিনি বিত্তীষিকাময় এক যুদ্ধে কলিঙ্গ জয় করেন। কলিঙ্গ ভারতের উড়িষ্যা রাজ্যে অবস্থিত। কথিত আছে, কলিঙ্গ যুদ্ধে দেড়লক্ষ লোককে বন্দী করা হয়েছিল। এক লক্ষ লোককে হত্যা করা হয়েছিল এবং অসংখ্য লোক আহত হয়েছিল। এরূপ নিষ্ঠুর প্রকৃতির স্বভাবের জন্য তিনি 'চণ্ডাশোক' নামে পরিচিত ছিলেন। তখন তিনি তীর্থিক সন্ন্যাসীদের ভক্ত ছিলেন।

### অনুশীলনমূলক কাজ

'অশোক' নাম কেন রাখা হয়েছিল?

সম্রাট অশোক কীভাবে সিংহাসনে আরোহণ করেন?

সম্রাট অশোকের স্বভাব কেমন ছিল বর্ণনা কর।

## পাঠ : ২

### কলিঙ্গ বিজয় ও বৌদ্ধধর্ম গ্রহণ

কলিঙ্গ যুদ্ধে জয়ী হলেও সম্রাট অশোক সুখী হলেন না। রাজ্য জয়ের বিনিময়ে দেখলেন রক্তপাতা এবং মৃত্যুর বিত্তীষিকা। কলিঙ্গ যুদ্ধের ধ্বংসযজ্ঞ দেখে তিনি দারুণভাবে মর্মহত হন। অনুতাপ আর অনুশোচনায় ভীষণভাবে বিপর্যস্ত হয়ে পড়েন। দুঃখ ভারাক্রান্ত হৃদয়ে তিনি চিন্তা করতে লাগলেন : আমি কী করেছি? এটি জয় নাকি পরাজয়? একি ন্যায় নাকি অন্যায়? একি বীরত্ব নাকি চরম পরাজয়? নিরপরাধ শিশু এবং নারীদের হত্যা করা কি বীরের কাজ? অন্য রাজ্য ধ্বংস করে কি নিজ রাজ্যের সমৃদ্ধি করা যায়? কেউ স্বামী, কেউ পিতা, কেউ সন্তান হারিয়ে হাাহকার করছে - এসব মৃত্যু ও ধ্বংসযজ্ঞ কি জয় নাকি পরাজয়?

একদিন তিনি রাজপ্রাসাদের সিংহদ্বারে দাঁড়িয়ে এরূপ চিন্তা করছিলেন এবং পাটলিপুত্রের শোভা দেখছিলেন। মনে ছিল অশান্তি ও ভাববেগ। এমন সময় সৌম্য, শান্ত ও সংযত সাত বছরের এক শ্রমণ ধীর গতিতে রাজ্য অঙ্গন দিয়ে যাচ্ছিলেন। তাঁকে দেখামাত্রই সম্রাট অশোকের মনে শ্রম্ভা জেগে উঠে। তাঁর নাম নিম্নোক্ত শ্রমণ। তিনি ছিলেন বিন্দুসারের প্রথম পুত্র যুবরাজ সুমের সন্তান। অর্থাৎ সম্রাট অশোকের ভ্রাতৃপুত্র। সম্রাট অশোক নিম্নোক্ত শ্রমণকে ডেকে আনবার জন্য এক অমাত্যকে পাঠালেন। শ্রমণ ভিক্ষা পাত্র নিয়ে ধীর গতিতে প্রাসাদে এলেন এবং নিজেই বুকের অনুসারী হিসেবে পরিচয় দিলেন। সম্রাট অশোক তাঁর মুখে বুকের অমৃতময় ধর্মবানী শুনতে চাইলেন।

নিম্নোক্ত শ্রমণ ধর্মপদ গ্রন্থের 'অপ্রমাদ বর্গের' একটি গাথা সম্রাট অশোককে ব্যাখ্যা করে শোনান। গাথাটির মর্মকথা হলো : 'অপ্রমাদ অমৃত লাভের পথ, আর প্রমাদ মৃত্যুর পথ। অপ্রমত্ত ব্যক্তির অমরত্ব লাভ করেন, কিন্তু যারা প্রমত্ত তারা বেঁচে থেকেও মৃতবৎ। এই সত্য বিশেষরূপে জেনে যারা অপ্রমত্ত হয়ে আর্থদের পথ অনুসরণ করেন, সেই ধ্যাননিষ্ঠ, সতত উদ্যোগী, দৃঢ়পরাক্রমশীল, বিজ্ঞ ব্যক্তিগণ পরম শান্তিরূপ নির্বাণ লাভ করেন।' বুকের এই ধর্মবানী

শোনা মাত্রই সম্রাট অশোকের হৃদয় প্রশান্তিতে ভরে উঠল। এ গাথার মাধ্যমে তিনি বুদ্ধের ধর্মের মর্মবাণী উপলব্ধি করেন। অতঃপর তিনি নিঃশোধ শ্রমণের কাছেই বৌদ্ধধর্মে দীক্ষা নেন। পরিণত হন বৌদ্ধ উপাসকে। সেদিন থেকেই তাঁর রাজ্য জয়ের পরিবর্তে মানুষের অন্তর জয় করার বাসনা হয়। দিগ্বিজয়ের প্রবল তৃষ্ণা মন থেকে মুছে ফেলেন। রাজ্য জয়ের পরিবর্তে ধর্মবিজয়কে তিনি সাধনা হিসেবে গ্রহণ করেন। প্রজাদের কল্যাণে সর্বদা নিবেদিত থাকতেন। সকলের প্রতি দয়াশীল আচরণ করতেন। সর্বপ্রাণির প্রতি ছিল তাঁর অপরিসীম মমত্ববোধ। তিনি অহিংসা, সত্য, ন্যায়পরায়ণতা, দান, সেবা প্রভৃতি আদর্শকে রাষ্ট্রনীতিতে গ্রহণ করে রাজ্য শাসন করতেন। বৌদ্ধধর্ম গ্রহণ করার পর তিনি 'চন্ডাশোক' থেকে 'ধর্মশোকে' পরিণত হন। তিনি 'দেবনাম শ্রিয়দর্শী' উপাধি লাভ করেন। দেবতাদের শ্রিয় ছিলেন এবং সকলকে ব্লেহ-মমতার সৃষ্টিতে দেখতেন বলে তিনি এব্রূপ উপাধি লাভ করেন।

### অনুশীলনমূলক কাজ

সম্রাট অশোক কার নিকট এবং কেন বৌদ্ধধর্ম গ্রহণ করেছিলেন?

চন্ডাশোক কে ছিলেন? তাঁকে কেন চন্ডাশোক বলা হতো এবং তিনি কীভাবে চন্ডাশোক থেকে ধর্মশোকে পরিণত হলেন।

## পাঠ : ৩


### বৌদ্ধ ধর্ম প্রচার-প্রসারে সম্রাট অশোকের অবদান

বৌদ্ধধর্মের প্রচার-প্রসারে সম্রাট অশোকের অবদান সর্বজন স্বীকৃত। ধর্ম প্রচারক হিসেবে তাঁর খ্যাতি পৃথিবীব্যাপী ছড়িয়ে পড়েছিল। তিনি মৌর্য সম্রাটগণের চিরাচরিত প্রমোদ ভ্রমণ বন্ধ করে দেন। তার পরিবর্তে সর্বপ্রাণীর কল্যাণ কামনায় তিনি বুদ্ধের বাণী প্রচার ও তীর্থ ভ্রমণের জন্য ধর্মযাত্রার ব্যবস্থা করেন। ধর্ম প্রচারের জন্য 'ধর্মমহামাত্র' নামে এক বিশেষ শ্রেণির রাজকর্মচারি নিযুক্ত করেন। তাঁরা নগরে প্রান্তরে সর্বত্র ধর্মনীতি প্রচার করতেন। তিনি প্রজাদের ধর্মশিক্ষার জন্য স্থানে স্থানে, পর্বতগায়ে, প্রস্তর স্তম্ভে ধর্মবাণীসমূহ খোদিত করান। নিজেও বুদ্ধের স্মৃতিবিজড়িত স্থানগুলো দর্শনে যেতেন। কবিত আছে, সম্রাট অশোক বুদ্ধের স্মৃতিবিজড়িত স্থানসমূহ স্মরণীয় করে রাখার জন্য চুরাশি হাজার বিহার, ঠেত, স্তূপ ও স্তম্ভ নির্মাণ করান। বিহারের জন্য ভূমি দান করেন।

সম্রাট অশোকের সময়ে বৌদ্ধধর্মের পৃষ্ঠপোষকতা এবং ভিক্ষু শ্রমণের লাভ-স্বকার বৃদ্ধি পায়। তখন অন্যান্য সম্প্রদায়ের তীর্থিক সন্ন্যাসীগণ ভিক্ষুর ছদ্মবেশ ধারণ করে সংঘে প্রবেশ করে সুযোগ-সুবিধা লাভ করতে থাকেন। তাঁরা বৌদ্ধ বিনয় বিধান মানতেন না। ধর্মীয় আচার-অনুষ্ঠান পালন করতেন না। সর্বদা ভোগবিলাসে মত্ত থাকতেন। নিজেদের মতবাদ বুদ্ধবাণী হিসেবে প্রচার করতেন। তাঁদের দাপটে ধর্মপ্রাণ ভিক্ষুগণ কোণঠাসা হয়ে পড়েন। ফলে সংঘে অরাজকতা দেখা দেয়। বিশৃঙ্খলা সৃষ্টি হয়। ধর্মপ্রাণ ভিক্ষুগণ অবিনয়ী ছদ্মবেশধারী ভিক্ষুদের সঙ্গে ধর্মীয় আচার-অনুষ্ঠান পালন করতে অস্বীকৃতি জ্ঞাপন করেন। এ কারণে পাটলীপুত্রে দীর্ঘদিন উপোসথ বন্ধ ছিল। সম্রাট অশোক এ খবর শুনে খুবই অসন্তুষ্ট হন। তিনি ভিক্ষুদের উপোসথ পালন করানোর জন্য অমাত্যকে নির্দেশ দেন। বিনয়ী ভিক্ষুগণ অবিনয়ী ভিক্ষুদের সঙ্গে উপোসথ পালন করতে অস্বীকৃতি জানালে অমাত্য বহু বিনয়ী ভিক্ষুর



প্রাণসংহার করেন। এ খবর শুনে সম্রাট অশোক খুবই মর্মান্বিত হন। মূর্খ অমাত্যের হত্যাজনিত পাশের জন্য তিনি ভিক্ষুসংঘের নিকট ক্ষমা প্রার্থনা করেন। তিনি মোগগলীপুত্র তিষ্য খের'র নিকট প্রকৃত বুদ্ধ মতবাদ জ্ঞাত হয়ে অবিনয়ী ছন্দবেশধারী ভিক্ষুদের সংঘ হতে বহিষ্কার করেন। সংঘ পুনরায় বিশুদ্ধ হয়। সংঘে পুনরায় শান্তি ফিরে আসে। তারপর বিনয়ী ভিক্ষুগণ একত্রিত হয়ে উপোসাথ পালন করেন। অতঃপর পুনরায় বুদ্ধের ধর্মবাণী সংগ্রহের জন্য পাটলীপুত্রের অশোকারামে তৃতীয় সম্রাটের আহ্বান করেন। এ সম্রাটের মোগগলীপুত্র তিষ্য খের'র নেতৃত্বে বুদ্ধবাণী সংগৃহীত হয়। মোগগলীপুত্র তিষ্য খের'র ভিন্নমতাবাদীদের মতবাদ খণ্ডনের নিমিত্তে এই সম্রাটের 'কথাবধু' নামক একটি গ্রন্থ রচনা করেন। বুদ্ধবাণীর সার প্রতিকলিত হওয়ায় গ্রন্থটি ত্রিপিটকের অন্তর্ভুক্ত করা হয়। তৃতীয় সম্রাটের পর সম্রাট অশোক বৌদ্ধধর্মের প্রচার-প্রসারের জন্য কাশ্মীর, গান্ধার, মহিষমন্ডল, বনবাস, অপরাভ, মহারাষ্ট্র, যোন, হিমবন্ত প্রদেশ, সুবর্ণভূমি এবং লঙ্কাদ্বীপ বা শ্রীলঙ্কায় ধর্মদূত প্রেরণ করেন। তিনি নিজের পুত্র মহেন্দ্রকে ভিক্ষু এবং কন্যা সংঘমিত্রাকে ভিক্ষুণী ধর্মে দীক্ষা দান করেন এবং শ্রীলঙ্কায় ধর্ম প্রচারের জন্য প্রেরণ করেন। তাঁদের মাধ্যমে শ্রীলঙ্কায় বৌদ্ধধর্ম প্রচার-প্রসার লাভ করে। সম্রাট অশোক শ্রীলঙ্কায় পবিত্র মহাবোধির শাখাও প্রেরণ করেন। এভাবে সম্রাট অশোকের অক্লান্ত প্রচেষ্টা ও পৃষ্ঠপোষকতায় বৌদ্ধধর্ম ভারতের সীমারেখা অতিক্রম করে বহির্বিধে ছড়িয়ে পড়েছিল।



অশোক স্তম্ভ

সম্রাট অশোক নিজে যেমন ধর্মপ্রাণ ছিলেন তেমনি প্রজাদেরও ধর্মপ্রাণ হতে নির্দেশ দিতেন। তিনি প্রজাদের ধর্মবোধ জাগ্রত করতে সমগ্র রাজ্যের পর্বত গায়ে, স্তম্ভে এবং শিলালিপিতে বুদ্ধবাণী লিখে রাখতেন। ধর্মবাণী প্রচারের মাধ্যমে



তিনি মানুষের নৈতিক উৎকর্ষ সাধন করতে চেয়েছিলেন। তাঁর অনুশাসনে উল্লেখ আছে: ‘ধর্ম প্রচার অতি শ্রেষ্ঠ কর্ম। দুঃশীলের পক্ষে ধর্মদান ও ধর্মাচরণ অসম্ভব। ধর্মাচরণের শ্রেষ্ঠত্ব ও বৃদ্ধি কাম্য। এ লক্ষ্য প্রসারিত হোক।’

সম্রাট অশোক ছিলেন আদর্শ নরপতি ও মহৎ প্রাণের মানুষ। তিনি নিজের সুখভোগ ত্যাগ করেছিলেন। প্রজাদের কল্যাণ সাধনই ছিল তাঁর ব্রত। অসাধারণ কর্মবীর, শাসনপটু, ধার্মিক ও মানব হিতৈষী নরপতি সম্রাট অশোক ছত্রিশ বছর রাজত্ব করে খ্রিষ্টপূর্ব ২৩২ অব্দে মৃত্যুবরণ করেন। বৌদ্ধধর্মের শ্রেষ্ঠ পৃষ্ঠপোষক এবং দানবীর হিসেবে তিনি বিশ্বের ইতিহাসে অমর হয়ে আছেন।

### অনুশীলনমূলক কাজ

সংঘ কীভাবে বিশুদ্ধ হয়েছিল?

সম্রাট অশোক যেসব রাজ্যে ধর্মপ্রচারক প্রেরণ করেছিলেন তার একটি তালিকা প্রস্তুত কর।

## পাঠ : ৪

### পরধর্মের প্রতি সহনশীলতা

সম্রাট অশোক মহৎ প্রাণের অধিকারী ছিলেন। তাঁর সৃজনশীল প্রতিভা, দয়াপরায়ণতা ও উদারতার কারণে তিনি শ্রেষ্ঠত্বের আসন লাভ করেন। তিনি অত্যন্ত পরমত সহিষ্ণু ছিলেন। তিনি শূন্য বৌদ্ধধর্মের প্রতি প্রশংসাসম্পন্ন ছিলেন না, অন্যান্য ধর্ম ও সম্প্রদায়ের প্রতিও ছিল তাঁর প্রগাঢ় প্রশংসা ও সহানুভূতি। তিনি ব্রাহ্মণ, জৈন ও আজীবকদেরও প্রশংসা এবং পৃষ্ঠপোষকতা করতেন। তাঁদের দান দিতেন। তিনি নৈতিক আচরণের নীতিসমূহকে সকল ধর্মের সার বলে মনে করতেন। এসব নীতিকে তিনি ভারতবর্ষের সর্বজনীন নীতি হিসেবে সকলের পালনীয় মনে করতেন। তাঁর প্রচারিত নীতিগুলোর মধ্যে উল্লেখযোগ্য ছিল: পিতা-মাতা ও গুরুজনের প্রতি অনুগত থাকবে, জীবিত প্রাণীদের প্রতি দয়া ও সহানুভূতি প্রদর্শন করতে হবে, সত্য কথা বলতে হবে। নৈতিক ধর্ম হিসেবে এগুলো মানুষকে অনুসরণ করতে হবে। সে যুগে বিভিন্ন ধর্মমতের অনুসারীরা নিজ ধর্মকে শ্রেষ্ঠ ধর্ম মনে করতেন। ফলে তাঁদের মধ্যে বিদ্বেষভাব চরম আকার ধারণ করেছিল। সম্রাট অশোক পরমত সহিষ্ণুতার নীতি অনুসরণ করে বিভিন্ন সম্প্রদায় ও ধর্মানুসারীদের মধ্যে ঐক্য প্রতিষ্ঠা করেছিলেন। তিনি পরমত সহিষ্ণুতা এবং ভিন্ন ভিন্ন সম্প্রদায়ের মধ্যে মৈত্রীময় সম্পর্ক সৃষ্টি করে সমগ্র ভারতবর্ষে শান্তি প্রতিষ্ঠা করতে চেয়েছিলেন। তিনি বলতেন, পরধর্মের প্রতি প্রশংসীল থাকবে। পরধর্মের সমালোচনা করবে না।

সম্রাট অশোকের কল্যাণে ভারতবর্ষে সেদিন ধর্মীয় সম্প্রদায়সমূহের মধ্যে মিলনের যে ধারা সৃষ্টি হয়েছিল তা আজও সকল ধর্মসম্প্রদায়ের মধ্যে পারস্পরিক সহাবস্থান অক্ষুণ্ণ রাখতে উদ্বুদ্ধ করে।

সম্রাট অশোক বিখ্যাত ও বিচক্ষণ রাজনীতিবিদ ছিলেন। তিনি শাসনতন্ত্রে বৌদ্ধধর্মকে ব্যবহার করে বিশ্বজয় করেছিলেন। তাঁর রাষ্ট্রনীতি, সমাজনীতি ও ধর্মনীতি সত্যিকার অর্থে মানব কল্যাণে নিবেদিত ছিল। তিনি কেবল মানুষের কল্যাণ সাধনেই ব্যস্ত ছিলেন না, সকল প্রাণী ও প্রকৃতির কল্যাণের জন্যও গ্রহণ করেছিলেন নানা উদ্যোগ। পরিবেশ সুরক্ষায় এবং ওয়ুনের প্রয়োজনে তিনি তাঁর রাজ্যের সর্বত্র গাছ লাগানোর ব্যবস্থা করেছিলেন। তাঁর রাজ্যে প্রয়োজনীয় গাছ না থাকলে তিনি অন্য রাষ্ট্র থেকে এনে রোপণের ব্যবস্থা করতেন। জাতি-ধর্ম-বর্ণনির্ভেদে

জনসাধারণের পিপাসা নিবারণের জন্য আট ক্রোশ অস্ত্র তিনি কূপ খনন করেছিলেন। সর্বজনীন কল্যাণ ও মঙ্গল সাধনাই ছিল তাঁর মূল উদ্দেশ্য।

### অনুশীলনমূলক কাজ

পরধর্মের প্রতি স্মৃতি অশোকের মনোভাব কেমন ছিল?

### অনুশীলনী

#### শূন্যস্থান পূরণ

১. বিন্দুসারের মৃত্যুর পর তাঁর পুত্র ..... সিংহাসনে আরোহণ করেন।
২. রাজ্যজয়ের বিনিময়ে ..... এবং .....।
৩. স্মৃতি অশোক ..... শ্রমণের দেখলেন ..... দীক্ষা নেন।
৪. স্মৃতি অশোক শাসনতন্ত্রে ..... ব্যবহার করে বিশ্বজয় করেছিলেন।

#### মিলকরণ

বাম	ডান
১. কলিঙ্গযুদ্ধের বিভীষিকা দেখে তিনি	ধর্মশোক নামে খ্যাত হন
২. মৌর্য বংশের প্রতিষ্ঠাতা ছিলেন	অনুষ্ঠিত হয়
৩. বৌদ্ধধর্ম গ্রহণ করার পর চন্ডাশোক	শাখাও ধ্বংস করেন
৪. পাটলীপুত্রের অশোকারামে তৃতীয় সঞ্জীতি	বৌদ্ধধর্ম গ্রহণ করেন
৫. স্মৃতি অশোক শ্রীলঙ্কায় পবিত্র মহাবোধির	চন্দ্রগুপ্ত

#### সংক্ষিপ্ত প্রশ্ন

১. যুবরাজ অশোক কীভাবে পৌর্য বীমের পরিচয় দিয়েছিলেন?
২. ধর্মমহামাত্র নামের এক বিশেষ শ্রেণির রাজকর্মচারী কী কাজ করতেন?
৩. স্মৃতি অশোক কীভাবে বিভিন্ন সম্প্রদায় ও ধর্মানুসারীদের মধ্যে ঐক্য প্রতিষ্ঠা করেছিলেন?

**বর্ণনামূলক প্রশ্ন**

১. সম্রাট অশোকের কলিঙ্গ বিজয় ও বৌদ্ধধর্ম গ্রহণের কাহিনী বর্ণনা কর।
২. বৌদ্ধধর্ম প্রচার প্রসারে সম্রাট অশোক কী কী ব্যবস্থা গ্রহণ করেছিলেন লেখ।
৩. অন্যান্য ধর্মের প্রতি সম্রাট অশোকের মনোভাব কী ছিল বর্ণনা কর।

**বহুনির্বাচনি প্রশ্ন**

**১. সম্রাট অশোকের পিতার নাম কী?**

- |                |              |
|----------------|--------------|
| ক. চন্দ্রগুপ্ত | খ. বিন্দুসার |
| গ. গোপালচন্দ্র | ঘ. বিম্বিসার |

**২. সম্রাট অশোক কত হাজার চৈত্য বা স্তম্ভ নির্মাণ করেন ?**

- |           |           |
|-----------|-----------|
| ক. ৮০,০০০ | খ. ৮১,০০০ |
| গ. ৮২,০০০ | ঘ. ৮৪,০০০ |

**৩. নিম্নোক্ত শ্রমণ সম্রাট অশোকের কে হন ?**

- |                |                 |
|----------------|-----------------|
| ক. ভ্রাতৃসুত্র | খ. কনিষ্ঠ পুত্র |
| গ. শিষ্য       | ঘ. ভ্রাতা       |

**নিচের উদ্দীপকটি পড় এবং ৪ ও ৫ নম্বর প্রশ্নের উত্তর দাও**

রাজা ধর্মপাল ধর্মবিষেধী ছিলেন না। তিনি সকল ধর্মের ও মতের অনুসারীদের নিয়ে একটি অসাম্প্রদায়িক রাষ্ট্র প্রতিষ্ঠা করেন।

**৪. রাজা ধর্মপালের সাথে নিচের কোন শাসকের মিল পাওয়া যায় ?**

- |                   |                  |
|-------------------|------------------|
| ক. রাজা বিম্বিসার | খ. সম্রাট কণিষ্ক |
| গ. সম্রাট অশোক    | ঘ. রাজা মহাকশ্যপ |

**৫. উক্ত শাসকের ধর্মীয় মতের সঙ্গে রাজা ধর্মপালের অসাম্প্রদায়িক রাষ্ট্র প্রতিষ্ঠার পিছনে নিহিত ছিল-**

- i. সাম্রাজ্যের সুদৃঢ়তা প্রতিষ্ঠা
- ii. সকল ধর্মানুসারীর মধ্যে শান্তি-শৃঙ্খলা ফিরিয়ে আনা
- iii. প্রচুর ধর্মীয় আচার অনুষ্ঠান করা।

**নিচের কোনটি সঠিক ?**

- |            |                |
|------------|----------------|
| ক. i ও ii  | খ. ii ও iii    |
| গ. i ও iii | ঘ. i, ii ও iii |

### সৃজনশীল প্রশ্ন

১. রাজা জনবম এক সাহসী ও নির্দয় শাসক ছিলেন। তিনি নিজের কর্তৃত্ব বজায় রাখতে এবং নতুন রাজ্য জয় করতে গিয়ে সেখানে অসংখ্য মানুষকে হত্যা করেন। অবসরে তিনি যখন সেই হত্যাকাণ্ডের কথা ভাবতে লাগলেন ঠিক তখনই এক সন্ন্যাসীকে দেখে তার সাথে কথা বললেন। সন্ন্যাসীর কথা শুনে রাজার মধ্যে ধর্মের প্রতি অনুরাগ সৃষ্টি হলো। অতঃপর ধর্মীয় বাণী প্রচারের জন্য তিনি রাজ্যের সর্বত্র উক্ত বাণী লিখে প্রজাদের মধ্যে ধর্ম চেতনা উৎপন্ন করলেন। এর পর থেকে রাজা জনবম রাজ্য জয়ের চেয়ে ধর্ম প্রচারের প্রতি বেশি মনোযোগী হলেন এবং মনে করলেন রাজ্য জয়ের চেয়ে ধর্ম প্রচার অতি শ্রেষ্ঠ কর্ম।

ক. মগধ বর্তমানে ভারতের কোন রাজ্যে অবস্থিত ?

খ. 'অপ্রমাদ অমৃত লাভের পথ আর প্রমাদ মৃত্যুর পথ' ব্যাখ্যা কর।

গ. উদ্দীপকে বর্ণিত রাজা জনবমের কর্মকাণ্ডে বৌদ্ধধর্মের কোন রাজার সঙ্গে মিল রয়েছে ? ব্যাখ্যা কর।

ঘ. 'রাজ্য জয়ের চেয়ে ধর্ম প্রচার অতি শ্রেষ্ঠ কর্ম'—রাজা জনবমের বক্তব্যটির সঙ্গে তুমি কী একমত ? পাঠ্যপুস্তকের আলোকে ব্যাখ্যা কর।

২. বিনয় বড়ুয়া নিজ অর্থ ব্যয়ে অনাথ-অসহায়দের ভরণ-পোষণ ও ধর্ম শিক্ষার জন্য একটি আশ্রম প্রতিষ্ঠা করেন। বিনামূল্যে ও বিনা পরিশ্রমে আহাৰ এবং অন্যান্য সকল সুযোগ-সুবিধা ভোগ করার জন্য অনেক ভক্ত ব্যক্তি পরিচয় পোষন করে আশ্রমে যোগ দিলেন। একপর্যায়ে ভক্ত ব্যক্তির অনাথ-অসহায়দের ওপর নির্মম নির্ধাতন চালাতেন। এতে আশ্রমে চরম বিশৃঙ্খলা দেখা দিলে বিনয় বাবু প্রকৃত সভ্য নির্ণয় করে ভক্তদের বের করে দেন। কলে আশ্রমটি ধ্বংসের হাত থেকে রক্ষা পেল।

ক. সশ্রুটি অশোক কার কাছে বৌদ্ধধর্মে দীক্ষিত হন ?

খ. সশ্রুটি অশোক 'চন্ডাশোক' থেকে 'ধর্মাশোকে' কীভাবে পরিণত হলেন ?

গ. বিনয় বড়ুয়ার কাজের সাথে সশ্রুটি অশোকের কোন ঘটনার সঙ্গে সাদৃশ্য রয়েছে—ব্যাখ্যা কর।

ঘ. আশ্রম রক্ষায় বিনয় বড়ুয়ার কাজটি সশ্রুটি অশোকের কার্যাবলির প্রতিচ্ছবি-উক্তিটির যথার্থতা বিশ্লেষণ কর।

সমাপ্ত